

203.7

4-30

1927  
1836  

---

1691



2004



203.7

4-30

# ԿԱՐԳ


ԹԱՂՄԱՆ ԿԱՐԳԱԻՈՐԱՑ

ԱՅՄԻՆՔՆ

ՀԱՅՐԱՊԵՏԱՑ, ԵՊԻՍԿՈՊՈՍԱՑ

ԵՒ ԻՆՀԱՆՆԱՅԻՑ

ՀԵՏԵՒՄԸՄԲ ՕՐԻՆԱԿԻՆ ՏՊԱԳՐԵԼՈՑ  
'Ւ ՍՈՒՐԲ ԱԹՈՒՆ ԷՋՄԻԱԾԻՆ



'Ւ ՀԱՅՐԱՊԵՏՈՒԹԵԱՆ ԱՍՏՈՒԱԾԱՊԱՍԻՒՍՏԻՆ ՏԵԱՌՆ ՏԵԱՌՆ ՅՈՎՀԱՆՆՈՒՍԻՒՍՏԻՆ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՒՍՏԻՆ

'Ւ ԴԻՏԱՊԵՏՈՒԹԵԱՆ ՏԵԱՌՆ ՅՈՎՀԱՆՆՈՒՍԻՒՍՏԻՆ ԱՌԱՋՆՈՐԴԻՆ ՍՐԲՈՑ ԱՄԵՆԱՓՐԿՉԻ ՎԱՆԱՅՆ ՀՈՒՂԱՅՈՒՍՏԻՆ



'Ւ ԿԵԼԿԵԹԱ

'Ւ ՄԱՐԴԱՍԻՐԱԿԱՆ ՃԵՄԱՐԱՆԻ

1836.



ԱՐՁԱՆ ԻՄՆ

ԵՐԱՆՏԱԳԱՐՏ ՄԻՐՈՅ

ԵՒ ՄԵԾԻ ԵԱՐԳՈՒԹԵԱՆ

ԵՐԵՔԵՐԱՆԵԱՆ ԱՍՏՈՒԱԾԱՐԵԱԼ ԿԱ-

ԹՈՂԻԿՈՍԻՆ ԱՄԵՆԱՅՆ ՀԱՅՈՅ

ՏԵԱՌՆ ՏԵԱՌՆ ԵՓՐԵՄԱՅ

'Ի ԼԱՆՋՍ ՔՐԻՍՏՈՍԻ ՀԱՆԳՈՒՅԵԼՈՅ

ԱՌ 'Ի ՅԻՇԱՏԱԿ

ՆՈՒՐԻ ՏՅԻ ՄԱՐԳԱՐ ՏՅԻ ԿԱՐԱՊԵՏԵԱՆ

*Handwritten notes:*  
Մատենադարան  
Կ. Պոլս.  
1870

1957

1957

1957

5047-uh

1957

1957

1957

1957

1957



3538-71

Ա Ձ Դ

՚Ի լրումն և յամբողջութիւն տպագրութեան  
Մաշտոցաց կարևոր դատեցաք յաւելլուլ յայնս  
և զամբողջ Կարգ Քահանայաթաղին՝ զտպագ-  
րեալն ՚ի սուրբ աթոռն Էջմիածին, յամի  
տեառն 1775 երկասիրութեամբ երանաշնորհ  
Տեառն Տեառն Սիմէօնի՝ բազմերախտ Կաթու-  
ղիկոսին ամենայն Հայոց, Թէպէտև ոչ կամեցաք  
միանգամայն բաժանել զյետինս զայս յառաջնոց  
անտի, այլ նոր թղթահամարս սկսանելով՝  
բարեօք համարեցաք որիշ և ուրոյն պահել  
զայս իբրև հատոր երկրորդ, ՚ի դիւրութի կիրա-  
ռուք սրբազան Քահանայից՝ թողլով ՚ի կամս  
իւրաքանչիւրոցն կազմել զայնս ՚ի մի կամ յեր-  
կուս հատորս, Յառաջին տպագրութե Կարգի

Քահանայաթաղին չարարութ ինչ փախուռնիս  
 այլ զսողմսան, զշարականս և զքարոզս և եթ՝  
 որ անդ կիսատ եղեալ կային՝ մեք աստ ամբողջ  
 եղաք յառաւել գիւրու թիւն սրբանուէր  
 Քահանայից և բարեպաշտ ընթ երցողաց: Արդ՝  
 զմարդկօրէն վրիպակս տպագրու թե՛ աղաչեմք  
 մերուսն տկարու թեան վերաբերելով անտես  
 առնել սիրով հոգւոյն: իսկ զբարիսն ընծայ-  
 ել Աստուծոյ՝ պարգևողին ամենայն բարեաց,  
 սրում փառք յաւիտեանս, ամէն:

Ի կուէնու, 'ե 22 } Մէշո թղթաբար և ունչնորէր  
 Սեղաթեմէրէ, 1836: } պրոպ. ուղղութեայ

ՏԻՐ ՄԱՐԳԱՐ ՏԻՐ ԿԱՐԱՊԵՏԵԱՆ:



Հայաստանի Հանրապետություն 1910  
Մայիս 30, 1910

Ընդունված է Կարգադրության մասին  
Կարգադրություն  
Հայաստանի Հանրապետության  
Կարգադրության մասին

### Կ Ա Ր Գ

## ԹԱՂՄԱՆ ԿԱՐԳԱԿԱՌԱՅ.

### Այսինքն՝

Հայրապետաց, Եպիսկոպոսաց և Քահանայից:



Կանոն յորժամ Հայրապետ՝ Եպիսկոպոս՝ աւետի Առաջնորդ  
կամ Քահանայ կողմից մահաւումք, զայս կարգադրու-  
մեան որոշեն լուսնման և պարանաց և այլ կանոնեալ պայմանաւոր  
կարգոցն: Երբեան նախ՝ ուր զհանգիտան պարտապէն՝ Կա-  
հանայր ժողովրդութիւն հանդերձ: Եւ առեն սողմոս քնն  
ողբոցոյն՝ կորուստ:

Չգործս ձեռաց մերոց ուղիւ արա՝ ի մեզ տէր  
և զգործս ձեռաց մերոց յաջողեան մեզ:

Տէր ապաւէն եղեր մեր յազգէ մինչև յազգ  
մինչև լերինք հաստատեալ էին և մինչև  
ստեղծեալ էիր զերկիր և զամենայն տիե-  
զերս:

Յաւիտենից մինչև յաւիտեանս դու ես, մի՛  
դարձուցաներ զմարդ 'ի տառապանս, և տա-  
ցեր՝ դարձարձք առ իս որդիք մարդկան :

Հաղար ամ՝ յաչս տեառն որպէս օր երեկի զի  
էանց, որպէս սա՛հ մի գիշերոյ, և ամք նոցա  
անարգութեամբ եղիցին :

Ընդ առաւօտս որպէս դալարի բուսցին, ընդ  
առաւօտս որպէս դալարի զուարճացին և  
ծաղկեցին, ընդ երեկոյս թարշամեցին՝  
չորացին և անկցին :

Նուաղեցաք մեք 'ի բարկութենէ քումմէ, և  
'ի սրտմտութենէ քումմէ խռովեցաք :

Եդեր զմեղս մեր առաջի քո, և զկեանս մեր 'ի  
լոյս երեսաց քոց :

Ամենայն առուրք մեր նուաղեցան, և 'ի բար-  
կութենէ քումմէ խռովեցաք :

Ժամանակ ամաց մերոց անդադար որպէս սարդի,  
և թիւ առուրց ամաց մերոց 'ի նոսա եօթա-  
նասուն ամ :

Ապա թէ առաւել ևս՝ ութսուն ամ, և որ  
ինչ աւելի է քան զայն՝ ցաւօք և հեծուք :

Եկն 'ի վերայ մեր հեծութիւն՝ և խրատեցաք,  
իսկ արդ՝ ո՞ր գիտացէ զզօրութիւն բարկու-  
թեան քո, և կամ յա՛հէ քումմէ զսրտմը-  
տութիւն քո համարեցի :

Այսպէս ցոյց ինձ զաջ քո, և որ խոնարհ են  
սրտիւք զիմաստութիւնս քո :



Դործ տէր՝ մինչև յերբ, միտիթարեանց՝ ի ծառայս քո :

Լցաք առաւօտու ողորմութեամբ քով, ցնծացաք և ուրախ եղաք զամենայն աւուրս կենաց մերոց :

Ուրախ եղաք փոխանակ աւուրցն, յորս խոնարհ արարեր զմեզ, և ամացն՝ յորս տեսաք զչարս չարանս :

Հայեան տէր՝ ի ծառայս քոյ և ՚ի գործս ձեռաց քոց, և առաջնորդեան որդւոց նոցա, եղիցի լոյս տեառն աստուծոյ՝ ի վերայ մեր :

Զգործս ձեռաց մերոց՝ ուղիղ արա՛ ի մեզ տէր, և զգործս ձեռաց մերոց յաջողեան մեզ :

Ընկերցոսածս յաստից : Գլխ. Ը. 1 :



ՄԱՍՏՈՒԹԻՒՄՆ ՇԻՆԵԱՑ

Իւր տուն, և կանգնեաց սիւնս եօթն, եզեն զզենլիս իւր, և խառնեաց ՚ի խառնարանս զգինի իւր, և պատրաստեաց զսեղան իւր, եւ առաքեաց զծառայս իւր՝ կոչել բարձր քարողութեամբ ՚ի խառնելիս իւր, եւ ասէ՝ որ դքիցէ անդգամ՝ եկեսցէ առիս, և ցպակասամիտսն ասէ : Եկոյք՝ կերոյք ՚ի հացէ իմմէ՝ և արբէք զգինի իմ, զոր խառնեցի ձեզ, թողէք զանդգամութիւն, և կեցղիք, խնդրեցէք զիմաստութիւն, զի ասրեսղիք, և ուղղեցէք գիտու-

Թեամբ զհանձար, և ուղիղ Կանապարհաբ  
իմացարիւք զխրատ:

Ընկերցոս՝ յԱնիայ յորդորէն: Գլ. Բ. 4:

Այսպէս ասէ տէր, այր ուրուք ՚ի ձէնջ տե-  
սեալ իցէ զտունս զայս ՚ի փառաւորութեան  
իւրում իբրև զառաջինն, և արդ տեսնէք  
զգա, որպէս զոչինչ առաջի ձեր: Արդ զօրացիր  
գու զօրաբարէլ, ասէ տէր, և զօրացիր յետու  
յովսեդեկեանց քահանայ մեծ, և զօրացի  
ամենայն ժողովուրդ երկրիդ, ասէ տէր, և  
գործեցէք՝ զի ես ընդ ձեզ եմ, ասէ տէր ամե-  
նակալ:

Պօղոսի տոտելոյն յեկրոյեցոց Եղբոյն է Ընկերցոս՝  
Գլ. Գ. 1:

Ուստի Եղբարք սուրբք՝ երկնաւոր կոչմանն բա-  
ժանորդք՝ նայեցարիւք ընդ առաքեալն և ընդ  
քահանայապետն խոստովանութեան մերոյ՝ ընդ  
յիսուս քրիստոս: Որ հաւատարիմ է արարչին  
իւրոյ՝ որպէս և մովսէս ամենայնի տան նորա:  
Ձի առաւել ևս փառաց քան զմովսէս արժանի  
եղև, որչափ առաւել պատիւ ունիցի քան  
զտունն տանն առնելի: Ձի ամենայն տուն կազ-  
մի, յուճմէ կազմի, իսկ որ զամենայն արարչ  
աստուած է:

Աւելուեալ : Սուրբ Կորնէլիոս : Արի տէր 'ի հանգիստ  
քո՝ դու և տաղանակ կտակի սրբութեան քոյ :  
Ալէլուիա : Օրթի : Խաղաղութիւն ամեն :

Աւետարանն որ ըստ զուհոսն : Ժ. 5 :

Տէրն մեր յիսուս քրիստոս :

Իբրև եկն 'ի տեղին : հայեցաւ 'ի վեր և ասէ  
ցնա . զսփէ՛ փութան : էջայտի . զի այսօր 'ի տան  
քու՛մ արժան է ինձ ագանիլ : Փութացաւ և էջ  
և ընկալաւ զնա ուրախութիւն : Իբրև տեսին ամօքն՝  
տրտնջէին և ասէին : թէ առ առն մեղսւորի  
եմուտ լուծանել : Եկն եկաց զսփէսն՝ և ասէ  
ցտէր . տէր՝ ահա զկէս ընչից իմոց տաց աղքատաց  
և եթէ զոք զրկեցի : հատուցից չորեքիկն :  
Եւ ասէ ցնա յիսուս : այսօր եղև փրկութիւն  
տանս այսփի . քանզի և տա որդի աբրահամու  
էր : Զի եկն որդի մարդոյ ինդրել և կեցուցանել  
զկորուսեալն :

Քարոզէ սուրբաբան :

Վասն 'ի վերուստ խաղաղութեան և փրկու-  
թեան անձանց մերոց : զտէր աղաչեսցուք :

Վասն լսելի լինելոյ տեառն աստուծոյ ձայնի  
աղաչանաց մերոց : զտէր աղաչեսցուք :

Վասն քաւիչ և ներօղ լինելոյ աստուծոյ 'ի վր  
մեղաց մերոց՝ զտէր աղաչեսցուք :

Վասն թողլոյ մեզ զամենայն յանցանս մեր, ըզ-  
կամայ և զակամայ, զտէր աղաչեսցուք:

Վասն զի մի՛ ընդ խոտանս գտանիցիմք յաւուրն  
պատասխանատուութեան, զտէր աղաչեսցուք:

Վասն հոգւոցն հանգուցելոց, Եւ ևս միաբանս  
Ձանձինս մեր: Ողորմեաց մեզ:

Եւ Կահանայն առէ զաղօթս:

**Թ**առք քեզ թագաւոր թագաւորաց, յոյս  
և ակնկալութիւն ամենայն ծագաց երկ-  
րի: 'ի քեզ յուսով յուսացաք, որ փոխանակ  
ապականացու կենացս, զանապական և զանվախ-  
ձան կեանսն շնորհեցեր մեզ, և փոխանակ  
տխրալից աշխարհիս՝ պարգևեցեր զվերինն ե-  
րուսաղէմ զզուարձալից ուրախութիւնսն: Այս  
աղաչեմք զքեզ տէր՝ օրհնեա՛ զտեղի բնակու-  
թեան ծառայիս քս, զոր շնորհեցեր տաճար  
հանգստեան, հանգո՛ ընդ սուրբս քս՝ շնորհօք  
և մարգասիրութեամբ տեառնդ մերոյ և փրկչիդ  
յիսուսի քրիստոսի, որում վայելէ փառք  
իշխանութիւն և պատիւ այժմ և:

Եւ առէն. Աստուած անեղ, Էփռան, Երէ՛ 'ի գնել  
քեմին: Հոգւոցն հանգ՛: Վասն հանգ՛: Քրիս-  
տոս որդի, Հայր մեր՛:

Եւ սպա առեալ Կահանայն զերէին՝ և շրջիչ զտեղին խա-  
լանման, և սպա Գործել ծաղովորդեանն զխորանի Բրածին,  
վեց ի կ' իմ Եօթն, և զերչայնութիւն ըստ լուրոյ մարմնոյն:



Իսպառ էրեայցնն առ զախճանեալն : Նախ իտէացնն ըզպատանն ամենայն պարագայեանն՝ որպէս ՚ի վարդէ քրեթէ : Եւ ՚ի պարաստելնն, այս իարգ իսպարի մինչև վճարեացնն :

Նախ ասէն :



Օրհնեալ հոգիդ սուրբ աստուած Քշմա՞ :  
 Ողորմեան ինձ աստուած ըստ մեծի ող՞ :  
 Օրհնեմք զիչ ոչ ասէ : Յնամ ժամու աղաչանք իմ :  
 Եւ ևս խաղաղութեան : Օրհնութիւն և՞ :  
 Եւ սնունդի : ՚ի ներդրութեան կանոնն : Եւ ասէն վեց  
 գոհչայն և յասէն գոհչայն : Եւ ևս խաղաղութե՞ :  
 Օրհնութիւն և փառք՞ :

Եւ ասէն իննանգլուխ Բիւս, սոգմա. ճիւղ :

Օրհնեան անձն իմ զտէր : օրհնեցից զտէր ՚ի  
 կեանս իմ, սաղմոս ասացից աստուծոյ իմոյ՝  
 մինչև եմ ես :

Մի յուսայք յիշխանս՝ և մի՛ յորդիս մարդկանս,  
 զի ոչ գոյ փրկութիւնն ՚ի նոսա :

Ելցէ հոգի ՚ի նոցանէ՝ և դարձցին անգրէն ՚ի  
 հող, և յայնմ աւուր կորիցին ամենայն խոր-  
 հուրդք նոցա :

Երանի ազգի՛ որոյ տէր աստուած յակոբայ  
 օգնական է նորա, և յոյս նորա՛ ՚ի տէր աստ-  
 ուած է :

Որ արար զերկինս և զերկիր, զծով և զամե-  
 նայն որ է ՚ի նոսա :

Ո՛ր պահէ զՃշմարտութիւն յաւիտեանս և առնէ  
իրաւունս զրկելոց :

Տայ հաց քաղցելոց և արձակէ զկապեալս տէր :  
Տէր բանայ զաչս կուրաց և կանգնէ զգլխրեալս  
տէր :

Տէր սիրէ զարդարս և տէր պահէ զսմբուխսս :  
Ղորբս և զայրիս ընդունի տէր : և զճանա-  
պարհս ամբարշտաց կորուսանէ :

Թագաւորեացէ տէր յաւիտեան աստուած քո  
սիօն : յազգէ մինչև յազգ :

### ԱՊ 3-յնիւ :

Օրհնեցից զքեզ գոհութեամբ ՚ի կեանս իմ :  
սաղմոս ասացից քեզ քրիստոս թագաւոր : յաղ-  
թական նոր երգով օրհնութեամբ : երեց՝ կրճե՞ն :

### Սողմո . Բիւ . Ճիւլ :

Օրհնեցէք զտէր՝ զի բարի է սաղմոս և աստու-  
ծոյ մերում քաղցր եղիցի օրհնութիւն :

Շինէ զերուսաղէմ տէր : և զցրուեալսն իս-  
րայէլի ժողովէ :

Բժշկէ զբեկեալ սիրտս և պատէ զամենայն  
վէրս նոցա :

Ո՛ր թուէ զբազմութիւն աստեղաց և զամենե-  
սեան զնոսս յանուանէ կոչէ :



Եւ օրհնեան զաստուած քո սիան :

Ջի զօրացոյց զնիգս դրանց քոց : և օրհնեաց  
զօրդիս քո 'ի քեզ :

Եւ եդ զսահմանս քո 'ի խաղաղութիւնս : պա-  
րարտութեամբ ցորենոյ լցոյց զքեզ :

Առաքէ զբան իւր յերկիր : վաղվաղ ընթանան  
պատգամք նորա :

Դնէ զծիւն որպէս զասր : և զմէգ որպէս վոշի  
ցանեաց :

Արկանէ զսառն որպէս պատառս : առաջի ցրտոյ  
նորա ո՞ր կարէ կալ :

Առաքէ զբան իւր' և հալէ զնոսա : շնչեացեն  
հողմք և գնացեն շուրք :

Պատմէ զբան իւր յակօբայ : զարդարութիւն  
և զիրաւունս իսրայէլի :

Ո՛չ այսպէս արար ամենայն ազգաց տէր : և զգա-  
տաստանս իւր ոչ յայանեաց նոցա :

Փռռո՛ր հօր և սրբոյ և՛ : Այծ՛մ և ճշո՛ր և՛ :

Չոյնիս :

Ջքեզ քրիստոս գովէ եկեղեցի փրկեալ քո  
սուրբ : ցնծալով տեսանէ զքեզ զփրկողդ ե-  
կեալ հայրական իշխանութեամբ 'ի պսակել  
զսուրբս քո : Երե՞ր իրէնէ՞ :



Ե- 117:

Եւ ևս խաղաղութեան զտէր աղաչեցուք,  
Օրհնութիւն և փառք:

Աղօրտ՝ ամբակումայ մորգորէին . 3 :

Տէր զլուր քո լուայ, և երկեայ, տէր նայեցայ  
'ի գործս քո՝ և զարհուրեցայ:

'ի մէջ երկուց կենդանեացն ծանիցիս դու, 'ի  
մերձենալ ամացն յայտնեցիս, և 'ի հասանել  
ժամանակին երևեցիս:

'ի խռովիլ անձին իմոյ՝ 'ի ժամանակի բարկու-  
թեան՝ զողորմութիւն յիշեցես:

Աստուած՝ 'ի հարաւոյ եկեցցէ, և սուրբն՝ 'ի  
փառան լեռնէ:

Յայտնեցեն երկինք զվայելչութիւն փառաց  
նորա, և օրհնութեամբ նորա լլան տիեզերք:  
Ճառագայթք որդէս՝ 'ի լուսոյ հասան՝ 'ի նմա-  
նէ, և եղջիւրք՝ 'ի ձեռին նորա գտան, և անդ  
հաստատեցաւ զօրութիւն փառաց նորա:

Յերեսաց նորա ելցեն հարուածք, և զհետ  
շաւղաց նորա երթիցեն մեծամեծք՝ 'ի թռչնոց:  
Եկաց՝ և ջախեաց զերկիր, հայեցաւ և դիտեաց  
զհեթանոսս:

Լերինք հալեցին, և անտառք վառնեցին,  
Ճանապարհք՝ որք՝ 'ի սկզբանէն էին, կուրաս-  
ցին, և 'ի նմանէ գողացի ամենայն երկիր:

Տեսի զբանակս քուշացւոց, խռովեցան բնա-  
կիչք վրանացն մադիամու :

Մի թէ՛ ի վերայ գետոց բարկացի՞ս դու տէր,  
կամ սրտմտութիւն քո՞ ի վերայ գետոց, կամ  
բարկութիւն քո՞ ի վերայ ծովու :

Ելեր դու՞ ի կառս քո, հեծելութիւնդ քո  
փրկութիւն եղև յելանելն քո :

Ջարթեաւ ալեղն քո, զնետս կազարճից քոց  
արբուցեր, զգետս ցրուեցեր, զերկիր դողա-  
ցուցեր ՚ի սաստկութենէ անձրևի, որք ան-  
ցանեն ընդ տա :

Անդունդք աղաղակեցին մեծապէս, լոյս փայլման  
արեգականն արգելաւ, և ծագումն լուսնին  
դադարեցաւ :

Որպէս ՚ի նշոյլս սլաքաց քոց գնացես, և որ-  
պէս ՚ի լոյս փայլատակման որոյ քոյ :

Բարկութեամբ զարթիցես ՚ի վերայ երկրի, և  
դողութեամբ կացես զհեթանոսս :

Երևեցար ՚ի փրկութիւն ժողովրդեան քոյ, ՚ի  
փրկել զընտրեալս քո :

Նետածիգ եղեր ՚ի գլուխս մարդկան ամբար-  
տաւանից, և մինչև յանդունդս ծովու ընկղմե-  
ցան :

Խնդրեցեր զվրէժ զօրութեամբ քով՝ ՚ի զօ-  
րագլխացն մեղաւորաց, որք յուսցեալ էին  
յանդգնութիս իւրեանց, զի կերին զաղբաան  
՚ի գաղտնիս :

Առաքեցեր 'ի վերայ ծովու զերիվարս քո, և  
խուովեցան յաղթ շուրք անգնդոց: ●

Կացի ես՝ և վերան աղիք իմ՝ 'ի ձայնէ բերանոյ  
իմոյ, եմուտ դողումն յոսկերս իմ, և ես յանձն  
իմ խուովեցայ:

Ջայս պահեսցես յաւուր նեղութեան, ածել  
'ի վերայ ազգի ամենայնի՝ որք մարան չին ընդ  
ժողովրդեան քում:

Թողենի ոչ տացէ զպտուղ իւր, և յայգևոջ բեր  
մի՛ գտցի, ձիթենիք սնասցին, և երկիր մի՛  
բուսուցէ զգալարի:

Պակասեցին հօտք 'ի խարակաց, և եղինք մի՛  
գտցին առ մտերս:

Ես՝ 'ի տէր յուսացայ, ցնծացայց և ուրախ եղէց  
յատուած փրկիչ իմ:

Տէր տէր ետ ինձ զըօրութիւն, և կացոյց զօտս  
իմ՝ 'ի հաստատութեան, 'ի վերայ պարանոցի  
թշնամւոյն կացոյց զիս, և հանգոյց զիս երազ  
երազ:

Ձ Ե՛ի տէն զարեան. դ կ:

Լուայ ցոքան չերի տնօրէնութեան քո զլուր •  
քանդի յերկնից խնարհեալ մարմնացար 'ի սր՝  
կուսէն, և խաչեցար ընդ աւազակսն, և վար-  
հօւրեալ հիացայ ընդ քո ընդ անհատ մարդա-  
սիրութիւնդ: Ձ Ե՛ի շխանաբար զյարութիւնդ:

գուշակեաց մեզ մարգարէն • ասէ ելեր դու 'ի  
կաս քո • հեծելու թիւնդ քո քրիստոս փր-  
կու թիւն եղև յելանելդ քո • Երևեցար 'ի փր-  
կել զարարածս 'ի մահուանէ և դժոխք հիա-  
ցեալ սասանեցան 'ի յահէ ամենազօր փառաց  
քոց •

## Աղոյշարարութեան :

\*Քրիստոս աստուած՝ յոյս ապաշխարողաց • Հնոր-  
հեան զթողու թիւն բազում յանցանաց իմոց •  
Առ քեզ բազմագու թ ապաւինեալ կարգամք •  
մի՛ մերժեր զմեզ յողորմութենէ քումմէ • Որ-  
պէս զաւազակն աղաղակեմ առ քեզ • յիշեան  
և զիս տէր 'ի քում յարքայութեանդ •

Ձմեղս իմ խոստովան լինիմ առ քեզ քրիստոս •  
որ միայնդ ես բազմագու թ • թողութեամբ ո-  
ղորմեան ինձ աստուած • Դու տէր՝ որ ճշմար-  
տութեանց ես սիրող և քննեո զծածուկս  
գաղտնեաց սրտի իմոյ • ողորմեան ինձ աստուած •  
Տուր ինձ ցնծութիւն փրկութեան և հոգևով  
տէրութեանդ քո հաստատեան զիս • և ողորմեան  
ինձ աստուած •

Ալիք յանցանաց զիս ալէկոծեն • և մեղք իմ  
բազում զիս յանդիմանեն • Արդ զի՞նչ արարից  
մեղուցեալ անձամբս • որ չեմ ապրելոց յահագին  
հրոյն • Մեղայ քեզ քրիստոս՝ որդի աստուծոյ •



շնորհեան զթողութի բազում յանցանաց իմոց :  
**Տէր՝** որ 'ի մեշ լերինն աղբերացուցեր զշուրն  
 'ի վիմէն : **Տէր՝** 'ի սրտէ իմմէ հանն ինձ արտա-  
 սուս ապաշխարութե : **Ձի** կեցից և ապաշխա-  
 րութեամբ ապրեցայց 'ի հանդերձեալ քոց  
 դատաստանաց :

**Մեղուցեալ** անձամբ կարդամ առ քեզ հոյր  
 երկնաւոր : օգնեան ինձ 'ի նեղութեանս : որ  
 մեղօքս եմ մեռեալ : օգնեան ինձ : **Վիրաւորեցայ**  
 ես յաներևոյթ թշնամոյն : բժիշկ հիւանդաց  
 բժշկեան զիմ զհիւանդութիւնս : որ մեղօքս  
 եմ մեռեալ : օգնեան ինձ : **Մողորեցայ** ես որպէս  
 զոչխար կորուսեալ : ինդրօղ զերկրոց՝ ինդ-  
 րեան զիս զմոլորեալս : որ մեղօքս եմ մեռեալ :  
 օգնեան ինձ :

**Մեղայ քեզ տէր քաւեան զիս** : և ողորմեան ինձ  
 աստուած :

**Ոչխար** եմ բանաւոր հօտի քո և առ քեզ ապա-  
 ւինիմ հովիւ բարի : ինդրեան զիս զմոլորեալս :  
 և ողորմեան ինձ աստուած : 'ի ծովու մեղաց  
 ալէկոծեալ եմ : և առ քեզ աղաղակեմ նաւա-  
 պետ բարի : վրկեան զիս 'ի վտանգէս և ողորմեան  
 ինձ աստուած :

**Ջարհուրեալ** գողացաւ ամենամեղ անձն իմ  
 յահեղ քոց դատաստանցդ յաններելի ամնջա-  
 նացն : **Քանզի** կամաւ մերձեցայ 'ի մեղս մեծա-  
 մեծս : արդ կայ և միայ ինձ աններելի սրտու-

Հասն : Արդ անկեալ աղաչեմ փրկիչ և բարե-  
բաղ՝ ինայեան յիս 'ի մեղուցեալս , և ողորմեաց  
ինձ բազմամեղիս :

Ամենակալ քաւեան զմեղս իմ , զի աստուած ես  
ապաշխարողաց : Եւ զհոգիդ սուրբ մի՛ հաներ  
յինէն : զի աստուած ես ապաշխարողաց : Եւ  
փրկեան զիս յահագին հրոյն , զի աստուած ես  
ապաշխարողաց :

Հոգիսդ Ե :

Ես ասացի տէր ողորմեան հոգւոյ իմոյ բազմա-  
մեղի , որ բնակեալդ ես 'ի յերկինս և յանմար-  
մնոց փառաբանիս , յիս մարդասիրեան բազմա-  
գութ փրկիչ , և փարատեցն զցաւս անձիւր իմոյ :  
Պակասեցայ յազգատոհմէ , լքեալ թողի  
զկեանս աշխարհի , և մարմին ունայնութեան  
դարձաւ 'ի հող , ուստի ստեղծաւ , յիս մարդա՞ն  
Յաւուր յայնմիկ մատնեցայ 'ի ձեռս ասեղ հրա-  
պարակին , և առ քեզ ապաւինիմ ստեղծող  
բնաւից տէր բոլորից , յիս մար՞ն : Հայեցայ 'ի  
բարձունս առ քեզ կարող յամենայնի , ընկանլ  
զիս յարկս արդարոց ամրածածուկ աջովդ քո :  
Յիս մարդա՞ն : Ահա 'ի խաղաղութիւն դարձայ 'ի  
հող , յարմէ ստեղծայ , նորոգող խարտարապետ  
պարզեատու ողորմութեան , յիս մարդա՞ն : Այլ  
կենդանիքս օրհնեմք զքեզ , քրիստոս թագաւոր

յաւխտենից, որ փառօք փառաւորիս 'ի յերկ-  
նայնոց և յերկրայնոցս, յիս մարդա՞:

Առդուածածնի:


'Ի քեզ եմք ապաւինեալ՝ քրիստոսի մայր աս-  
տուծոյ մերոյ: Որ քան զերկինս բարձրագոյն  
մարիամ, պարծանք եկեղեցւոյ՝ քրիստոսի մայր  
այ մերոյ: Որ քան զարեգակն պայծառագոյն  
մարիամ, մի՛ դագարիր բարեխօսել վասն մեր  
քրիստոսի մայր աստուծոյ մերոյ:

Խոյ:

Սուրբ զհաչ քո շնորհեցեր զէն եկեղեցւոյ  
քում, սրբոյ, որով դատապարտեալ պարտեցաւ  
Թշնամին: Սովաւ պահպանեան զժողովուրդս  
քո քրիստոս, որով երկրպագեմք քեզ ընդ հօր  
և հօգւոյն: Փոռ հօր: 'Ի քեզ ապաւինիմք  
քրիստոս, որ գալոցդ ես խաչիւ, որպէս զի  
փրկեացես զմեզ յայնմ աւուր ահեղ ատենին:  
Այժմ և Քրիստոս: Ընդ սուրբս քո դատեան, և ընդ  
արդարսն պօսկեան, 'ի տեղի անկելոց հրեշտա-  
կոց զննչեցեալսն մեր կարգաւորեան, որ ողոր-  
մածդ ես յամենայնի:

Եւ ուրիշ ուրիշ + որդէ:

Ոյն ատենեւոյ մեզ զշնորհս և զողորմու-



9538-71

Թիւն 'ի բարերար տեառնէ մերմէ : զտէր աղա՛ :  
 Վասն փրկելոյ զմեզ 'ի զրպարտութենէ մարգ-  
 կան և յորոգայթից սատանայի : զտէր աղա՛ :  
 Վասն ամենայն անձանց քրիստոնէից : և տանց  
 հաւատացելոց : զտէր աղաչեսցուք :

Վասն որք 'ի լերինս : յայլս և 'ի փապարս բնա-  
 կեալ են սք հարքն մեր : զտէր աղաչեսցուք :  
 Վասն որք սաղմոսիւք և օրհնութեամբ կատա-  
 րեն զամենայն ժամանակս կենաց իւրեանց : զտէր  
 աղաչեսցուք :

Վասն հոգւոցն հանգուցելոց՝ որք : Եւ ևս միա-  
 բան վասն Ռշմարիտ : Չանձինս մեր և զմի՛ :  
 Ողորմեաց մեզ տէր :

Եւ ուէ Կոհոնայն զԱղբն :

Գոհանամք զքէն տէր աստուած մեր : որ զար-  
 թուցեր զմեզ 'ի հանգստենէ քնոյ շնորհիւ ս-  
 զորմութեան քո : Ջարթո՛ զմիտս մեր արգա-  
 րութեամբ առ քեզ տէր աստուած մեր : զե-  
 տեսցեն աչք մեր զփրկութիւն քո : Եկեսցէ և  
 բնակեսցի առ մեզ աստուածութիւն քո : և  
 ողորմութիւն քո հովանի և պահապան լիցի 'ի  
 վերայ պաշտօնէից քոց : Եւ զմեզ զծառայքս  
 քո արժանի արա՛ 'ի տուէ և 'ի գիշերի և յամ-  
 ժամու միշտ խորհիլ 'ի սէր պատուիրանաց քոց :  
 Եւ գոհանալով փառաւորել զհայր և զոր՛ :



Խաղաղութիւն մենեցոան: Աստուծոյ երկերդ փեայոս:

Ահնդանարար զօրու թիւն և աղբիւր անմահու  
 թեան դու ես քրիստոս աստուած փրկիչ մեր,  
 որ շնորհեցեր մեզ 'ի մէջ գիշերի յառնել և  
 խոստովան լինիլ առ քեզ վասն իրաւանց և  
 արդարու թեան քոյ: Եւ այժմ աղաչեմք զքեզ  
 տէր աստուած մեր, արա՛ զմեզ արթունս և  
 պատրաստս 'ի ժամ առաւօտու ընդ սուրբս քո:  
 Եւ ընդ նոսին գոհանալով փառաւորեսցուք ըզ-  
 քեզ ընդ հօր և ընդ հօգւոյդ որբոյ, այժմ և՛,  
 Հողոցն հանգ՛: Վասն հանգ՛: Քրիստոս որդի,  
 Հայր մեր որ՛:

Եւ սպա լուսացեն քահանայք 'ի ծածուկ փեղաղ. և ըն-  
 իշօնոր է՛ իշօնորք լուսացեն. և ինն թ' մերձեցի:  
 Եւ 'ի լուսանի, իտարի ոյս իտրք: Հարուսն. Կ՛՛:

Ահրաձգօղն երկնից մշտն շէնաւոր հօր որդին,  
 ներգործեալ իմովս 'ի վեր քան զհրաշս,  
 ծառայի առեալ զկերպ անկողոպտելի Թճուրն,  
 Բանին մաքրեցելոցն ջրով զոտս լուսնայր, զի  
 զխնարհու թիւն 'ի նոսա տպաւորեցի, երբօր-  
 դու թեանն դու օթեան: Բաշխէ զմարմին իւր  
 և զարիւն նոր ուխտ անուանեալ, և յիշատակ  
 կամաւոր մահուանն, մերձեցելոցս 'ի նա սրբ-  
 բու թեամբ:

Աղբիւր լուսոյ և ճառագայթ անշիջանելի  
 լոյս, որ լուանալ յանձն առեր զոտս աշակեր-  
 տացն, մաքրեան 'ի մէնջ զմէզ խաւարին խոր-  
 հրոյ' և լուսաւորեան զմեզ, Որ մարմնով և  
 արեամբ քո ցուցեր զթողութիւն մեղաց, որ  
 միշտ պատարագիս 'ի մեզ անծախապէս, մաք-  
 րեան 'ի մէնջ, Որ քաւիչ զայս նոր ուխտ ցուցեր  
 յետ առաջնոյ քոյ' մահացելոցս 'ի ճաշակմանե  
 նախահոգին, մաքրեան 'ի մէնջ:

Եւ որո՞ւ Սողոմոն զէջոյն: Յօդեան յիս մշտկաւ:  
 Ողորմեան ինձ անձ, Բնիկ ցոյն քունն, Յօդեան յէն՝

Ընկերութ յեղէկէկէ մարգրէէ: ԼՂ. 25:

Այսպէս ասէ ադմնայի տէր, Եւ ցանեցից 'ի  
 վերայ ձեր ջուր սուրբ, և սրբեցիք յամենայն  
 սղծութեանց ձերոց, և յամենայն կռոց ձերոց  
 սրբեցից զձեզ, Եւ տաց ձեզ զսիրտ նոր, և  
 զհօգի նոր նորոգեցից 'ի ձեզ, և հանից զսիրտ  
 քարեղէն 'ի մարմնոց ձերոց, և տաց ձեզ զսիրտ  
 մարմնեղէն, Եւ զօգի իմ տաց ձեզ, և արարից  
 զի յարգարութիս իմ զնայցէք, և զիրաւունս  
 իմ պահիցէք, և առնիցէք զնս, Եւ բնակիցիք  
 յերկրին՝ զոր ետու հարցն ձերոց, և եղիցիք  
 ինձ 'ի թողովուրդ, և ես եղէց ձեզ յստ-  
 ուած:

Պօղոսի առաքելւոյն յեբրայեցւոց լեզուոյն է ընկ' : Ժ . 19 :

Ունիմք այսուհետեւ եղբարք՝ զհամարձակութի  
 'ի մուտս սրբութեանցն արեամբն յիսուսի :  
 Որ նորոգեաց մեզ զճանապարհ նորոգ և կենդա-  
 նի 'ի ձեռն վարագուրին . այսինքն է՝ մարմնոյ  
 իւրոյ : Եւ քահանայ մեծ 'ի վերայ տանս աս-  
 տուծոյ : Մատիցուք ճշմարիտ սրտիւ , լրութի  
 հաւատոց , լուսեալ զսիրտս 'ի խղճէ չարեաց .  
 և մկրտեալ զմարմինս 'ի ջուր սրբութեան :  
 Պինտ կալցուք զխոստովանութի անշարժ յու-  
 տոյն : զի հաւատարիմ է որ խոստացաւն : Եւ  
 զգուշացարուք միմեանց յորդորմամբ սիրոյ և  
 գործոց բարեաց : Եւ մի՛ թողցուք զժողովս մի-  
 մեանց . որպէս և սովոր են ոմանք : Այլ միտի-  
 թարեցուք և այնչափ ևս առաւել՝ որչափ  
 տեսանիցէք զօրն մերձեալ :

Եւ յեւ լուսեմանն պատեցեն այսոս օրինակաւ : Ափոս-  
 ցանէն պարեգոտ պիտուի . և ոնչբովորաբն 'ի ներքոյ . և  
 Եր 'ի յարսն . և գօտի ընդ մեջն . և հնչուաչ պիտուի 'ի  
 գլուխն . և գոնէն զառնին . և գիւտն պիտուի զարջն . և  
 զը մին 'ի վեր . և գիր շնեն 'ի ճեռեն . այնինքն՝ յուեգո-  
 բանէն մէկ րոտն սիլիքն . մէկ րոտն վերջն . և գոտր զո-  
 րորունս խոանէ զիցեն : Եւ ելեւ ի օնառոց իցե՝ եւր  
 զգեոտոնն պարտ է զնէլ :

Եւ ողոտ տէն սողմոս : Ճլն :

Ալէլուիա . ալէլուիա :



ահանայք քո զգեցցին զարդարութիւնս  
և սուրբք քո ցնծալով ցնծացեն :

Յիշեան տէր զգաւ ի թ . և զամենայն հեղու թի  
նորա :

Որպէս երգուաւ տեառն : և ուխտս եգ աստու-  
ծոյ յակորայ :

Թէ ոչ մտից' ի յարկս տան իմոյ : թէ ելից յան-  
կողինս մահաց իմոց :

Թէ տաց քուն աչսց իմոց . կամ նինչ ար-  
տեանաց իմոց . կամ հանգիստ իրանաց իմոց .  
մինչև գտից զտեղի յարկի տեառն աստուծոյ  
յակորայ :

Ահա լուսք զնմանէ յեփրաթայ . և գտաք զնա  
' ի դաշտս մայրեաց :

Մացուք ' ի յարկս նորա . և երկիրայագցուք ' ի  
տեղոջ ուր կացեալ են ոտք նորա :

Արի տէր ' ի հանգիստ քո . դու և տապանակ  
կտակի սրբութեան քո :

Քահանայք քո զգեցցին զարդարութիւնս . և  
սուրբք քո ցնծալով ցնծացեն :

Վասն դաւ թի սիրելոյ քո' մի' դարձուցաներ  
զերեսս քո յօծելոյ քումմէ :

Երգուաւ տէր դաւ թի ճշմարտութեամբ և ոչ



ստեաց նմա՝ 'ի սլաղայ որսլայնի նորանստու-  
ցանել յաթոռ նորա :

Թէ պահեցեն որդիք քս զօրէնս իմ և զվկայ-  
ութիւնս իմ : զոր սուտցից նոցա :

Որդիք նոցա նստցին յաւիտեանս յաւիտենից  
յաթոռ քս :

Հաճեցաւ տէր ընդ սիսն և ընտրեաց բնակիլ  
'ի նմա : ասէ այս է հանգիստ իմ յաւի-  
տեանս յաւիտենից : 'ի սմա բնակեցայց : զէ  
հաճեցայ ընդ սա :

Ջայրիս սորա օրհնելով օրհնեցից և զաղքատս  
սորա լցուցից հացիւ :

Երկանց սորա զգեցուցից փրկութի և սուրբք  
սորա ցնծալով ցնծացեն :

Անդ ծագեցից եղլիւր 'ի դաւիթ : պատրաստ  
արարից զճրագ օծելոյ իմոյ :

Թշնամեաց սորա զգեցուցից զամօթ : սլլ 'ի  
վերայ նորա ծաղկեցի սրբութիւնս իմ :

Փռռ+ հօր և" : Այծճ և ղըր և" :

Եւ զի նի սսէն շարուն զգեաստարեւոյն : դձ :



որ հուրդ խորին անհաս անակիղբն : որ  
զարգարեցեր զվերին պետութիսն : 'ի յա-  
ռադատ անմատոյց լուտոյն : գերապանծ փառօք  
զդասս հրեղինաց : Անճառա հրաշ զօրուք ստեղ-  
ծեր զադամ պատկեր տիրական և նազելի

փառօք զգեատաւորեցեր, 'ի դրախան ազենի  
 տեղի բերկրանաց, Չարչարանօք քոյ սուրբ  
 միածնիդ նորոգեցան արարածք ամենայն, և  
 վերստին մարդն անմահացաւ, զարգարեալ 'ի  
 զգեստ անկողոպտելի, Անձրեածին բաժակ  
 հրահոսան, որ հեղար յառաքեալն 'ի սուրբ  
 վերնատանն, հեղ և 'ի մեզ հոգիդ սուրբ աստ-  
 ուած՝ ընդ պատմուճանին զքո զիմաստութի, .  
 Տան քում վայելէ սրբութիւն, որ զգեցար  
 զվայելչութիւն, սրբութիւն փառաց ընդ մեջ  
 քո ածեալ, պատեան զմէջս մեր ճշմարտու-  
 թեամբ, Որ զարարչագործ բազուկս քո տարա-  
 ծեցեր ընդդէմ աստեղաց, հաստատեան զբա-  
 ղուկս մեր կարողութեամբ, համբարձմամբ  
 ձեռաց առ քեզ միջնորդիլ, Իլուսմամբ թագ  
 'ի գլուխ պատեցես զմիտս և զգայարանս՝ խա-  
 չանիչ ուրարամբ ըստ ահարօջիւ, ծաղկեալ  
 ոսկեթել 'ի զարդ խորանի, Բամից բոլորից  
 տիրապէս աստուած պետական, նափորտապատ  
 սիրով զմեզ զգեստաւորեցեր, քում սուրբ  
 խորհրդոյդ լինիլ սպասաւոր, Թագաւոր երկ-  
 նաւոր, զեկեղեցի քո անշարժ պահեան, և  
 զերկրպագուս անուանդ քում պահեան 'ի խա-  
 ղաղութեան:

Ալէլուիա, ալէլուիա,

Դատ արա ինձ տէր՝ զի ես յամբծութեան

խնամ գնացի. 'ի տէր յուսացայ՝ զի մի՛ եղէց  
 հիւանդ. Փորձեան զիս տէր և քննեան զիս,  
 փորձեան զերիկամուննս իմ և զսիրտ իմ.

Ալէլուիա. Օրթիւ. Խաղաղութիւն ամե՛ն.

Աւետարանն որ ըստ յովհաննոս. Ժգ. 3:

Տէրն մեր յիսուս քրիստոս.



Խտաց զի զամենայն ինչ ետ հայր 'ի ձեռս  
 նորա. Եւ թէ յաստուծոյ ել՝ և առ ԾԾ  
 երթայ. Յառնէ յընթրեաց անտի, և դնէ ըզ-  
 հանդերձսն, և առեալ զղենջակ մի՛ տիածաւ.  
 Եւ ապա առեալ զջուր՝ էարկ 'ի կնիք. և սկսաւ  
 լուանալ զոտս աշակերտացն. և սրբէր զեն-  
 ջակաւն՝ զոր տիածեալն էր. Գայ առ սիմոն  
 պետրոս. և նա ասէ ցնա. տէր՝ դու զիմ զոտս  
 լուանաս. Պատասխանի ետ նմա յիսուս և ասէ.  
 զոր ինչ ետս գործեմ, դու այժմ ոչ գիտես.  
 Բայց յապայ գիտաս ջիր. Ասէ ցնա պետրոս.  
 ոչ լուացես զոտս իմ յաւիտեան. պատասխանի  
 ետ նմա յիսուս. եթէ ոչ լուացից զքեզ՝ ոչ  
 ունիս ընդիս մասն. Ասէ ցնա թիմոն պետրոս.  
 Տէր՝ մի՛ միայն զոտս իմ, այլև զձեռս՝ և զգլուխս.  
 Ասէ ցնա յիսուս. լուացելոյն չէ՛ ինչ պիտոյ՝  
 բայց զի զոտսն լուանայցէ, քանզի ամենեկին  
 սուրբ է, և դուք սուրբ էք, այլ ոչ ամենեքին.

Եւ սարկաւ զն զարդէ :

Սասն 'ի գիշերի և 'ի տունջեան և յամենայն  
 ժամու խօսիլ մեզ զբան տեառն : զտէր աղա՛ :  
 Վասն չանկանելոյ մեզ 'ի փորձութիւն՝ որում  
 ոչ կարեմք հանդուրժել՝ զտէր աղա չեսցուք :  
 Վասն անբիծ և անդատասպարտ կալ մեզ առաջի  
 ահեղ ատենին քրիստոսի : զտէր աղա չեսցուք :  
 Վասն առաջնորդելոյ մեզ 'ի նաւահանգիստն  
 կենաց անվախձանից : զտէր աղա չեսցուք :  
 Վասն արժանի լինելոյ մեզ վերին կոչմանն և  
 երկնից արքայութեանն : զտէր աղա չեսցուք :  
 Վասն հոգւոցն : Եւ ևս միաբան : Ջանձինս :  
 Ողորմաց :

Եւ սէր սահման զարդին :

Տէր մեր և փրկիչ յիսուս քրիստոս : որ 'ի ժա-  
 մանակի փրկագործ տնօրէնութեան քոյ 'ի  
 սբ վերնատանն անճսուելի խոնարհութեամբ  
 առեալ զչուր քոյով ամենասուրբ ձեռօքդ՝ ար-  
 կեր 'ի կոնք և լուացեր զոտս աշակերտացդ՝  
 մաքրելով զնոսա յամենայն հաղթից և յարատոյ  
 մեզաց : և զարդարեցեր զնոսա պատրաստութբ  
 աւետարանին խաղաղութեան : գնալ 'ի յեր-  
 կիր ուղիդ : Արդ՝ և մեք ծառայքս քո ժողովեալք  
 առ հանգուցեալ "յ" "ն" ծառայս քո՝ կատա-  
 բեմք զնոյն մաքրարար խորհուրդն քո : Վասն



որոյ աղաչեմք զքեզ մարդասէր տի: առաքեան  
 'ի մեզ և 'ի ջուրս յայս զնոյն մաքրարար շնորհս  
 քո՝ և օրհնեան և սրբեան զսա: որով լուացեալ  
 զմարմին տրա՝ սրբեսցի յամենայն արատոյ մե-  
 ղաց և 'ի խաբէութեանց աշխարհիս: և ապու-  
 ցեալ ոտիւք սպարաստութեամբ աւետարանիդ  
 խաղաղութեան՝ եկեսցէ առ քեզ Քշմարիտ  
 սրտիւ: լուութեամբ հաւատոց: և լուացեալ  
 զմիտս իւր յամենայն խղճէ չարեաց: և մոցէ  
 'ի յառագատտ երկնաւոր փեսայիդ ընդ սրբոց  
 քոց առաքելոց: Ընդ որում և մեք գոհութիւ  
 փառաւորեսցուք զքեզ ընդ հօր և ընդ սրբոյ  
 հոգւոյդ: այժմ և միշտ և՛:

Մ. Է. Ե. Ի. Կ. Գ. Բ. Ծ. Կարծոյց զսուգ իմ յուրախութիւնս  
 եզերծ յինէն զքուրծ: և ինձ զգեցոյց զուրա-  
 խութիւնս:

Ալէ լուիա: Օրթի: Խաղաղութիւնս:

Անփորանս որ ըստ յովհաննոս: Իա. 18:

Տէրն մեր յիսուս քրիստոս ասէ:



Մէն ամէն ասեմ քեզ: զի մինչ մանուկն  
 էիր: անձամբ անձին գօտի ածէիր՝ և  
 երթայիր: յո՛ և կամէիր: և յորժամ ծերասցիս:  
 ձեռս 'ի վեր կալցիս: և այլք ածցեն քեզ  
 գօտի: և տարցին ուր ո՛չ կամիցիս: Զայս ասաց

Նշանակեալ թէ որով մահու փառաւոր առ-  
նիցէ զաստուած :

Եւ ոգո ժողովելուն երկու քան. եւ հէ քան երգ :  
Հոգւոցն հանգու : և Հայր մեր :

Եւ ոգո ամբողջօրէն՝ զնելով ոնդրէն՝ ի մահիճն, որ զա-  
մանեցան. զերեւոյ յարեւելս՝ և զաշուն յերջինս : և զոտ  
զոգոնէիցն պար ոտեալ զվախճանելուք՝ ոտոցն ողմար :  
Երկինք պատմին, զչուննն՝ ի վառ աստ :

Եւ ոգո ունն կանոնագլուխ զմահու Իտոբայն :



ատեան տէր զայնոսիկ՝ որք դատեն զիս :  
ալէլուիս :

Մարտիր ընդ այնոսիկ, որք մարտնչին ընդիս :  
ալէլուիս :

Ան զգէն և զաստար քո, և արի յօգնել ինձ :  
հան զսուր քո ընդդէմ հալած չաց իմոց :  
արգէլ զնոս, և ասան դու ցանձն իմ, թէ  
փրկու թիւն քո ես եմ : ալէլուիս :

Ամաչեացեն և յամօթ լիցին՝ ոյք խնդրէին զանձն  
իմ, գարձցին յետս և ամաչեացեն, ոյք խոր-  
հէին ինձ չար, ալէլուիս :

Եղիցին նոքա որպէս փոշի առաջի հողմոյ, և  
հրեշտակ տեառն ներլեացէ զնս, ալէլուիս :

Եղիցին ճանապարհք նոցա՝ ի խաւար և ի

դայթակղու թիւն • և հրեշտակ աստուծոյ  
հալածեցէ զնոսա • ալէլուիա •

Ի նանիր թագուցին ինձ որոգայթ յասպակա-  
նու թեան իւրեանց • և ՚ի նանիր նախասե-  
ցին զանձն իմ • ալէլուիա •

Տէր յերկինս է ողորմութիւն քո • ճշմարտու-  
թիւն քո մինչև յամպս • ալէլուիան • ալէլու •

Արդարութիւն քո որպէս լերինք աստուած •  
իրաւունք քո որպէս խորք բազումք • զմար-  
դիկ և զանասուն կեցուցանես դու տէր • ա-  
լէլուիան • ալէլուիա •

Որպէս զի բազում արարեր զողորմութիւն քո  
աստուած • այլ որդիք մարդկան ՚ի հովանի  
թևոց քոց յուսացին • ալէլուիա • ալէլուիա •

Արբեցցին նոքա ՚ի պարարտութենէ տան քո •  
և զուղիս փափկութեան քո տացես ըմպել  
նոցա • ալէլուիան • ալէլուիան •

Ի քէն է տր աղբիւր կենաց • և լուսով երեսաց  
քոց տեսանեմք զլոյս • ալէլուիան • ալէլուիան •

Ծագեան զողորմութիւնս քո ոյք ճանաչեն ըզ-  
քեզ • զարդարութիւնս քո ոյք ուղիղ են  
սրտիւք • ալէլուիան • ալէլուիան •

Մի եկեցեն ՚ի վերայ մեր ոտք ամբարտաւա-  
նից • և ձեռք մեղաւորաց մի գողացուցեն  
զմեզ • ալէլուիան • ալէլուիան •

Անդ անկցին ամենեքեան՝ ոյք գործ են զանօրէ-

Նութիւն • մերժեցցին և այլ մի՛ կարացեն  
 հաստատիլ • ալէլուիա՛, ալէլուիա՛ •

Փառք հօր և սրբւոյ և հոգւոյն սրբոյ • այժմ  
 և միշտ և յաւիտեանս յաւիտենից • ամէն •  
 Ալէլուիա՛ • ալէլուիա՛ •

Եւ սուրբիս սուրբն սուրբէ՛ :

Եւ ևս խաղաղութեան զտէր աղաչեցուք • ըն-  
 կանլ կեցո՛ւ և ողորմեան • սուրբիս սուրբն Օրհնութիւն և  
 փառք հօր՛ :

Եւ սուրբիս սուրբն շարական • աճ •

Որ ստեղծմամբ ըստ պատկերի քո՛ւ • Դէլ շարիսն  
 Աստուծո՛ւն • և Դէլ խաչի • քառս հօր և՛ :

Եւ սուրբիս սուրբն սուրբէ՛ :

Վասն խոստովանող հոգւոյս՝ որ հրաժարեաց ՚ի  
 մէնջ, զտէր աղաչեցուք • Վասն քաւութեան  
 և թողութեան մեղաց սորա և մեր ամենեցուն, զտէր  
 աղաչեցուք • Վասն առաջնորդելոյ սմա  
 հրեշտակին խաղաղութեան յօթեանս սրբոց, զտէր  
 աղաչեցուք • Վասն պարգևելոյ սմա մասն  
 և բաժին ընդ ժառանգորդս արքայութեան  
 երկնից, զտէր • Վասն ընդունելոյ զաղաչանս  
 միաբան ժողովելոցս՝ որք խնդրեն ՚ի տեառնէ  
 զթողութիւն մեղաց սորա, զտէր • Վասն հոգ-



ւոցն հանգուցելոց՝ որք Քշմարիտ և ուղիւ հա-  
ւատով՝ ի քրիստոս ննջեցին, զտի՛ աղաչեացուք՝  
Եւ ևս միաբան՝, Ջանձինս մեր՝, Աղօրմեանց մեզ՝:

Եւ ասէ քահանայ՝ զաղօլս:

Տէր մեր և աստուած՝ յոյս ամենեցուն, որ  
նստիս յաթուս քերովբէականս՝ և երկրպագիս  
՛ի սրբոց հրեշտակապետաց, և ընդունիս զա-  
ղաչսնս մարդկան, և գթաս ՛ի հոգիս ննջեցե-  
լոցն ՛ի հաւատացեալս ամենասրբոյ երրորդու-  
թեանդ, և զքահանայս՝ զոր ընտրեցեր ՛ի սպա-  
սաւորութիւն սրբոյ եկեղեցւոյ ՛ի հաճոյս քո  
պաշտել զքեզ, և դարձեալ անգրէն կոչեցեր  
դաւառ քեզ, ուստի ստեղծեր զսա, ըստ բանի  
քում զոր ասացեր, հող էիր և ՛ի հող դարձցիս:  
Եւ այժմ՝ ի ձեռն կոչման քո տէր՝ զհանգիստ  
քո շնորհեան սմա, և զամ մեզս սորա՝ զոր դոր-  
ծեալ իցէ, զկամայ և զակամայ՝ թող սմա, և  
զհոգի սորա խաղսղուք ընկնլ յերկն ից արքայ-  
ութիդ ՛ի խորանս արդարոց, Եւ զմեզ արժա-  
նաւորս արա դոհանալով փառաւորել զհայր և  
զորդի և զսուրբ հոգիդ, այժմ և միշտ և՛:

Խաղաղութեան ասեմեցուն: Այ երկերդագեացոս:

Սուրբ ես Տէր Աստուած մեր՝ որ բնակեալդ  
ես ՛ի յերկինս և բարեբանիս երեքսրբեան

օրհներգութեամբ, և քաղցրութեամբ քով  
 խնամես զարարածս քո, զոր ընտրեցեր քեզ  
 յամենայն ազգաց ժողովուրդ սք՝ փառաւորել  
 զանուն քո սուրբ, և խոստացար տալ մեզ  
 զանանց բարութեանց հանգիստն: Ընկնլ և  
 օրհներան և դատաւորեան զհոգի ծառայիս այսո-  
 րիկ ընդ ամենայն սուրբս քո, որք յաւիտենից  
 հաճոյ եղեն քեզ՝ ՚ի խոստացեալ հանգստեան  
 քում: Եւ զամենայն յանցանս սորա՝ զոր յան-  
 ցեալ իցէ առաջի քո, ներեան և թող սմա, և  
 ողորմութեամբդ քով ազատեան զհոգի սորա  
 յանմաքուր գործոց և ՚ի կապանաց մեղաց, և  
 հանգն ՚ի դատս սրբաց քոց, Եւ զմեզ արժանի  
 արան փառաւորել զհայր և զորդի և զսուրբ  
 հոգիդ, այժմ և միշտ և՛:

Հոգւոցն հանգու՛: Եւ ևս խաղաղութեան 3  
 Վասն հանգուցեալ՛: Քրիստոս որդի՛:

Եւ որեւորեմքեն զբնն տեւով:

Ալէլուիա, ալէլուիա, ալէլուիա, Օրհներցի և  
 պահպանեցի դի հանգուցեալ տէր այս ունե-  
 դի ոչորոսի, զոր որդեպիս, իմ Գործոցիս: այս նշա-  
 նաւ սք խաչիս և սք աւետարանաւս և աւուրս  
 շնորհիւ, անուամբ հօր և որդւոյ և հոգւոյն  
 սրբոյ, այժմ և միշտ և յաւի՛: Երեսն իբնեան:  
 Օրհնութիւն և փառք հօր և՛, Հայր մեր որո




Եւ սպառնայ խնայել կոտորել: Ըտրտրան անկ: Արարիչ անձ:  
 Ըտրտրանի եւ խոյի, եւ խոտոյ: Ստղճոս. ԼԸ:

ԱՆՏ՝ չսխալ եղեր զաւուրս իմ. և կար զօրու-  
 թեան իմոյ՝ որպէս ոչ ինչ է առաջի իմ.  
 սակայն ամենեին ընդունայն է ամենայն մարդ-  
 մտեղի:

Ասացի թէ՛ սահեցից զճանապարհս իմ, զի մի՛  
 մեղայց լեզուաւ իմով: Զէ՛ ին՝ է լմն սոս:

Ընկեցաւ ի ծննդոց: իւ. 7:

 Եւ այս երևանք աւուրց կենացն արբաճա-  
 մու, զօրսեկաց՝ հարիւր և եօթ անասուն և  
 չինգ ամ: Եւ սահասեալ արբաճամու մուաւ  
 ՚ի բաւոք ծերութեան՝ ալևորեալ և լի ա-  
 լուրբք. և յաւերաւ առ ժողովուրդ իւր: Եւ  
 թաղեցին զնա իտաճակ և իամայել որդիք նորա  
 յայրի անդ ՚ի կրկնում. յագարակին եփօնի  
 որդւոյ սաճառայ քետացւոյ. որ է՝ յանդիման  
 մամբրէի: Ագարակն և այլն՝ զոր ստացաւ ար-  
 բաճամ յորդուցն քետայ. անդ թաղեցին զար-  
 բաճամ և զսառայ զկին նորա: Եւ եղև յետ  
 մահուանն արբաճամու: օրհնեաց սասուած  
 զիտաճակ առ շնորի տեսլեանն: Անդ թաղեցին  
 զիտաճակ, և զուրբեկայ զկին նորա. անդ թա-  
 ղեցին զլիւոյ: Եւ դագարեաց յակոբ ՚ի սատ-  
 ու իրելոյ որդուցն իւրոց, և առեալ զուսն իւր

անդրէն՝ ի մահի՞ն իւր պակասեցաւ . և յաւերաւ  
 առ Ժողովուրդ իւր . Եւ անկեալ յովսէփ ՚ի  
 վերայ երեսաց Տօր իւրոյ ելաց զնա . և համբու-  
 րեաց զնա . Եւ հրաման ետ յովսէփ ծառայից  
 իւրոց դիազարդաց , պատել զհայրն . Եւ պա-  
 տեցին դիապատիկքն զխորայէլ . և տարան զնա  
 որդիքն իւր յերկիրն քանանացւոց և թաղեցին  
 յայրին կրկնում . Եւ խօսեցաւ յովսէփ ընդ  
 եղբարս իւր՝ և ասէ . ես ասաւսիկ մեռանիմ .  
 այցելու թեամբ այց արացէ՛ ձեզ աստուած ,  
 և հանցէ՛ զձեզ յերկրէս յայսմանէ՛ , յերկիր՝  
 զոր երգուաւ աստուած տալ հարցն մերոց՝ ար-  
 բահամու , իսահակայ և յակոբայ . Եւ երգմե-  
 ցոյց յովսէփ զորդիան իսրայիլի և ասէ . յայցե-  
 լու թեանն յորում առնիցէ՛ ձեզ աստուած ,  
 հանջիք և զիմ սակերս աստի ընդ ձեզ , Եւ վախ-  
 ճանեցաւ յովսէփ ամաց հարիւր և տասանց . և  
 թաղեցին զնա . և եղին զնա ՚ի տապանի յե-  
 դիպտոս :

Ընկերքու-ժոյս-սկ-ց : Ժ 2 :

Բերան խոնարհաց խօսի զիմաստու թիւն . Կա-  
 տարելու թիւն ուղղոց առաջնորդեցէ՛ նոցա . և  
 դայ թագղու թիւն արհամարհողաց աւերեցէ՛  
 զնոսա . Ոչինչ օգնեցեան ինչք յաւուր բարկու-  
 թեան , այլ արդարու թի՛ փրկէ՛ ՚ի մահուանէ՛ :

Մեռաւ արդարն, և եթող զղլուսն յոյժ, յանդուգն՝ և ոտնհարութեամբ լինի կորուստ ամբարշտաց: Արդարութիւն անարատի ուղղէ զճանապարհս, և յամբարշտութիւնս արկանէ անիրաւութիւն: Արդարութիւն արանց ուղղոց փրկէ զնոսա, անմտութեամբ կորն չին անօրէնք, 'Ի վախճանիլ առն արդարոյ ոչ կորն չի յոյս, բայց պարծանք ամբարշտաց կորն չին: Արդարն յորսողաց փրծանի, և փոխանակ նորա մատնի ամբարիշտն: 'Ի բերանս ամբարշտաց՝ սրոգայթ քաղաքակցաց, իմաստութի արդարոց յաշողեալ է:

Ընկերչութեան յետոյն յարգութե. կա 6:

Բայց դուք քահանայք տեառն կոչելըք՝ և պաշտօնեայք աստուծոյ մերոյ անուանիչըք, զգօրութիս աղգաց կերիչըք, և մեծութեամբ նոցա սքանչելի լինիչըք: Փոխանակ ամօթոյն ձերոյ կրկին ուրախութիւն, և փոխանակ առնարգանաց ձերոց ցնծութիւն, և ապա զերկիրն յերկրորդում ժառանգեցեն, և ուրախութի յաւիտենից՝ ի վերայ գլխոց նոցա: Ջի ես եմ տէր՝ որ սիրեմ զարդարութիւն, և ատեմ ըզյափշտակութիւնս յանիրաւութենէ, և տաց զվաստակս նոցա արդարոց, և ուխտ յաւիտենից ընդ նոսա: Եւ ծանկնի՝ ի մեջ աղգաց զաւակ

նոցա, և ծնունդք նոցա 'ի մէջ ժողովրդոց: Ամենեքերան որք տեսանիցեն՝ ճանաչիցեն զնոսա և ասիցեն՝ Թէ սոքա են զաւակք օրհնեալք յաստուծոյ: և ուրախութեամբ ուրախ եղիցին 'ի տէր:

Պիեթրոսի առոտելոյն 'ի հովն-դեկեոյց երկրորդ լեզուոյն է ընկեր: առածո. ա. 10:

Այն որոյ եղբայրք՝ առաւել փութասցիք, զե բարեացն գործովք հաստատուն զձեր կոչումն և զընտրութիւնն պահիցէք, զայս արարեալ ոչ երբէք յանցանիցէք: Զի այսպէս առատապէս շնորհեսցի ձեզ մուտ 'ի յաւիտենական արքայութիւն տեառն մերոյ և փրկչի յիսուսի քրիստոսի: Որով պատրաստիցիմ միշտ ձեզ յիշեցուցանել վասն սոցին առաւել ևս գիտակացն՝ և հաստատելոցն եկեալ հասեալ ճշմարտութիւնն: Քանզի իրաւունս համարիմ մինչ դեռ եմ 'ի մարմնի աստ: զարթուցանել զձեզ յիշատակօք: Գիտեմ Թէ վաղվաղակի է լինելոց մերկանալ յինէն մարմնոյս, որպէս և Տէր մեր Յիսուս Քրիստոս եցոյց ինձ: Եւ փութամ ճեպիմ միշտ զձեզ յորգորել, զի և յետ իմոյ ելանելոյ յաշխարհէո առնիցէք զյիշատակս այսոցիկ: Անկե՛տ. Որպէս սիրելիք են յարկք քո տէր զօրութեանց, ցանկայ և փափայի անձն իմ 'ի գաւիթս քոյ:



ԱԼԷԼուիա • Օրթի • Խաղաղութիւն •

Ատեոսբանն որ ըսք յովհաննու • Ժգ • 31 •

Տէրն մեր յիսուս քրիստոս ասէ •



Սժմ փառաւորեցաւ որդի մարդոյ • և Խծ փառաւորեցաւ 'ի նմա • Ձի եթէ Խծ փառաւորեցաւ 'ի նմա • և Խծ փառաւորեցէ զնա յանձն իւր • և վաղվաղակի փառաւորեցէ զնա • Որդեակք իմ • փոքր ինչ ժամանակ ընդ ձեզ եմ • ինդրիցէք զիս • և սիլ ասացի ցհրէայսն • Թէ ուր եսն երթամ • դուք ոչ կարէք գալ • և արդ ձեզ ասեմ • Պատուիրան նոր տամ ձեզ • զի սիրիցէք զմիմեանս • որպէս սիրեցի ես զձեզ • զի և դուք սիրեսցիք զմիմեանս • Յոյսմ գիտասցին ամենեքեան • եթէ իմ աշակերտք էք • եթէ սիրիցէք զմիմեանս • Ասէ ցնա սիման պետրոս • տէր՝ յով երթաս • պատասխանի ետ Յիսուս • ուր եսն երթամ • դու ոչ կարես սյժմ գալ զկնի իմ • բայց յապայ եկեսցես զկնի իմ •

Ասէ ցնա պետրոս • տէր՝ ընդէ՛ր ոչ կարիցեմ գալ այժմ զկնի քո • արդէն զանձն իմ իօկ եդից 'ի վերայ քոյ • Պատասխանի ետ յիսուս • զա՛նձն քո դիցես 'ի վերայ իմ • ամէն ամէն ասեմ քեզ • չև իցէ հաւու իօսեալ • մինչ դու երիցս ուրասցիս զիս • Մի խռովեցին սիրտք ձեր • այլ հաւատացէք յաստուած • և յիս հաւատացէք • 'ի




տան հօր իմոյ օթեզանք բազում են, ապա թէ  
 ոչ ասացեալ էր իմ ձեզ, թէ երթամ, և  
 պատրաստեմ ձեզ տեղի, Եւ եթէ երթամ,  
 և պատրաստեմ ձեզ տեղի, դարձեալ գամ, և  
 առնում զձեզ առիս, զի ուր եսն իցեմ, և  
 դուք ընդիս իցէք, Եւ ուր երթամն գիտիցէք,  
 և զճանապարհն գիտիցէք, Ասէ ցնա թովմաս,  
 տէր՝ ոչ գիտեմք, յո՞ երթաս, և զիա՞րդ զճա-  
 նապարհն կարասցուք գիտել, Ասէ ցնա Յիսուս,  
 ես եմ ճանապարհ, և ճշմարտութի և կեանք,  
 ոչ ոք գայ առ հայր՝ եթէ ոչ ինև, Եթէ զիս  
 գիտէիք՝ ապա և զհայրն իմ գիտէիք, և այ-  
 սուհետև գիտասջիք զնա:

Եւ արիւտսն արդէ:

- Յ) ան՝ ի վերուստ խտրազուծեան և փրկու-  
 թեան անձանց մերոց, զտէր աղաչեսցուք:
- Վ) ան՝ լսելի լինելոյ տեառն աստուծոյ՝ ձայնի  
 աղաչանաց մերոց, զտէր աղաչեսցուք:
- Վ) ան՝ քաւիչ և ներող լինելոյ աստուծոյ՝ ի  
 վերայ մեղաց մերոց, զտէր աղաչեսցուք:
- Վ) ան՝ թողլոյ մեզ զամենայն յանցանս մեր, ըզ-  
 կամայ և զակամայ, զտէր աղաչեսցուք:
- Վ) ան՝ զի մի չ խոտանան գտանիցիմք յաւուրն  
 պատասխանատուութե, զտէր աղաչեսցուք:
- Վ) ան՝ հօգւոցն, Եւ ևս միաբան, Ջանձինս  
 մեր, Ռդրմեանց:

Եւ ոսկէ գահ-նայն շտղօթն:



յաւիտենական, անսկիզբն՝ անեղձ  
 անխմանալի՝ անհասանելի խոր-  
 հուրդ: Հայր բարեխնամող և ծնող միածնի  
 որդւոյ, և բղխող հողւոյդ սրբոյ, որ ՚ի քէն  
 ելնէ և ընու զամենայն արարածս: Դու տէր՝  
 կարող զօրութեամբ քով առեալ հող յերկրէ՝  
 արարեր զմարդն և բնակեցուցեր զնա յանցաւ  
 և յանաշխատ և յանախտ կեանս անմազս՝ աստ-  
 ուածագործ տնկոցն վայելչութեան, և պատ-  
 ուիրանադրութեամբ քով զգեցուցեր զնա  
 անամօթ փառք ՚ի դրախտին փափկութեան: Սակայն  
 չարին խանդացեալ ընդ միծութիւնս  
 պատուոյ նորա՝ զոր ՚ի քու մէջ բարեխարութէ՛դ  
 ընկալեալ էր՝ և պատրեալ զնա յաղագս ան-  
 հասիցն ցանկութեանց, որ և վիւրն զտեղի փա-  
 ռաց ոչ պահեաց, կամակոր եղեալ յերեսաց  
 քոց տէր: Իսկ յանցանելն նորա զպատուիրանաւ  
 քով՝ հանեալ եղեր զնա արտաքոյ դրախտին  
 փափկութեան, զգեցուցանելով նմա զմաշկեղէնս  
 հանդերձն՝ զտխրալի և զախտաւոր մարմինս, և  
 սահմանեցեր հողադարձիլ հողոյն ՚ի հող: Եւ  
 ոչ այնու անտես արարեր, այլ առաքեցեր զմի-  
 ածին որդիդ քո, որ եկեալ մարմնացաւ ՚ի  
 սուրբ և յանարատ կուսէն մարիամայ, զգեցեալ  
 զհնացեալ մարմին ծառայութեան մերոյ՝ զոք

ծառայէաքն մահու մեղաց տարագրութեամբ  
 'ի ձեռն կնոջն դաւաճանութեան : ալատեցոյց  
 ատուածութեամբ իւրով 'ի ձեռն կենարար  
 խաչին իւրոյ և անապական թաղմանն : Ջի  
 զոր վանն անսուտ բանի քոյ հարկիւ պարտ  
 էաք մեռանիլ : եբարձ սքանչելագործ յարու-  
 թեամբն իւրով : և լուսաւորեաց զազգս որդւոց  
 մարդկան 'ի նոյն նմանութիւն պատկերի քոյ :  
 որով ստեղծ եր զնախնին մեր զհայր : և ծանոյց  
 մեզ զանունն քո՝ որով արժանաւորեցաք կոչել  
 զքեզ հայր : Ասան զի նստելով ք աջմէ քումմէ  
 մարմնովն զոր 'ի մէնջն էառ : և մեզ խոստացաւ  
 յարութիւն կենաց 'ի միւսանգամ գալտեանն  
 իւրոյ 'ի դատաստան յաւուրն յետնում : և պար-  
 գեեաց մեզ ժամագրութիւն գործոց բարեաց  
 զանցաւոր կեանս՝ որով մարթոսոք գտանել  
 զերկիրն կենդանեաց 'ի ձեռն վարդապետու-  
 թեան սրբոց առաքելոց իւրոց : որովք եբարձ  
 զգիւամոլ կռապաշտութիւն յաշխարհէ : Եւ  
 այժմ տէր բարերար և բազումողորմ՝ ընկնլ  
 զհոգի ծառայիս քոյ : որ ելից զժամանակ պան-  
 դրիստութեան նշգեհոնութեան իւրոյ 'ի վերայ  
 երկրի : և ընկալաւ զլուծումն յերկրաւոր աշ-  
 խատութեցս : և յաշխարհեծ պատրողական  
 խաբէութեցս : և դատաւորեան զսա ընդ սուրբս  
 քո յարքայութեան քում : ուստի մերժեալ  
 են ցաւք և տրտմութիւնք և հեծութիւնք :

միշտ յարազուարճ բերկրանօք պայծառացեալ տեսլեամբ աստուածային փառաց քոց, ուր ուրախանան ամենայն ընտրեալք քո: Ընդ նոսին դասաւորեան տէր զհոգի հանգուցելոյս մերոյ, զի և մեք սովաւ հանդերձ փառաւորեցուք ըզքեզ հայր՝ հանդերձ որդւովդ և հոգւովդ սրբով: Այժմ և միշտ և յաւի՛:

Խոզոզուիւիւն Թեմեցոան: Այ երէւրդոգեցոս:

Հայր մեր որ յերկինս և յերկրի, և յամենայնի սուրբ եղիցի անուն քո՝ ի վերայ մեր, եղիցին կամք քո որպէս յերկինս և յերկրի, և փառաւորեցի անուն քո յաւիտեան: Որ պատրաստեցեր մեզ հանգիստ յերկրաւոր աշխատութեցս՝ յանցաւ և յանաշխատ ՚ի կեանսդ, որ ՚ի ձեռն միածնի որդւոյ քո սպաներ զմահ, և լուսաւորեցեր զմեզ ՚ի կեանս և յանեղծութիւն: Որ փրկեցեր զսուրբս քո յիշխանութէ խաւարի, և փոխեցեր յարքայութիւն որդւոյ քոյ սիրելւոյ տեառն մերոյ և փրկչին՝ յիսուսի քրիստոսի: Ընկնլ մարդասէր տէր աղաչեմք զքեզ՝ և ըզհոգի սորա ընդ սուրբս քո՝ ի հանգստեանդ արդարօց, և թուեան ՚ի համարս սրբօց քոց՝ ի ձեռն փրկութեան միածնի քոյ՝ և նորդութիւն հոգւոյդ սրբոյ, որովք փառաւորիս հայր ամենակալ, այժմ և՛:



Աստուածածնէն էրէն աստուած. և զի աստուած էրք: Հոգ-  
ւոց: Հայր մեր:

Եւ զնէն 'ի դոճակն. և բռանան աստուածայի և հանէն 'ի  
դոճակն. և ի ստորի այս իտրք աստուածային: Հարսէան. Էջ.  
Որ կոչեցեր: Աստուածածնէն. և խաչէ:

Ստորոս. Ճէ:

Տէր ողորմութիւն քո յաւիտեան. զգործս  
ձեռաց քոց մի' անտես առներ:

Խոստովան եղէց քեզ տէր բողոքով որաիւ  
իմով. առաջի հրեշտակաց սաղմոս ստացից  
քեզ:

Ձի լուար զբանս բերանոյ իմոյ. երկիրպագից  
'ի տաճար սուրբ քո. և խոստովան եղէց  
անուան քում վասն ողորմութեան և ճրշ-  
մարտութեան քոյ:

Մեծ արարեր յամենայնի զանուն սուրբ քո.  
յորում առուր կարգամ առ քեզ, վաղվա-  
ղակի լուր ինձ. և բազում արասցես զօրու-  
թիւնս յանձն իմ:

Անէք զստուած 'ի Բռոց. ի. 23:



Լ խօսեցաւ տէր ընդ մովսէսի և ընդ ահա-  
րոֆէի 'ի հովր լերինն. 'ի սահմանս երկ-  
րին եղովմայեցւոց և ասէ: Յաւե լոյի ահարոֆէ



առ ժողովուրդ իւր, զի մի՛ մտցէք յերկիրն զոր  
 ետու որդւոցն իսրայելի, քանզի բարկացուցիք  
 զիս՝ ի վերայ շուրցն բամբասանաց: Ա՛ռ զա-  
 հարովն և զերկապար զորդի նորա, և հան զնոսա  
 ՚ի հովր լեառն յանդիման ամենայն ժողովու-  
 ղեանն: Եւ մերկացո՛ յահարովնէ զպատմուճանս  
 նորա, և զգեցուցես եղիսզարու որդւոյ նորա,  
 և ահարովն յաւելեալ մեռցի անդ: Եւ արար  
 մովսէս որպէս և հրամայեաց նմա տէր, և եհան  
 զնոսա ՚ի հովր լեառն առաջի ամենայն ժողովու-  
 ղեանն: Եւ մերկացոյց յահարովնէ զհանդերձս  
 նորա, և զգեցոյց եղիսզարու որդւոյ նր: Եւ մե-  
 ռաւ ահարովն ՚ի գլուխ լերինն, և իջին մովսէս  
 և եղիսզար ՚ի լեռնէ անտի: Եւ ետես ամենայն  
 ժողովուրդն թէ վախճանեցաւ ահարովն, և  
 լացին զահարովն զերեսուն օր ամենայն տունն  
 իսրայելի: Եւ վախճանեցաւ մովսէս ծառայ աս-  
 տուծոյ յերկրին մովաբու ըստ բանին տեառն:  
 Եւ թաղեցին զնա ՚ի գայի մերձ ՚ի տունս  
 փեզովրայ, և ոչ ոք գիտաց զգերեզման նորա  
 մինչև ցայսօր: Եւ մովսէս էր ամաց հարիւր և  
 քսանից ՚ի վախճանին իւրում, և ոչ վատեցին  
 աչք նորա, և ոչ խորշամեցան ծնօտք նորա:  
 Եւ լացին որդիքն իսրայելի զմովսէս յաբովթ  
 մովաբու առ յորդանանու յանդիման երիքով  
 աւուրս երեսուն, և կատարեցան աւուրք սգոյ  
 լալեացն մովսէսի: Եւ յետու որդի նաւեայ լաւ

Տողում իմաստութեան՝ զի եդ մովսէս զձեռն  
 իւր՝ ի վերայ նորա, և հնազանդեցան նմա  
 որդիքն իսրայիլի, և արարին որպէս պատ-  
 ու իրեաց աստուած մովսէսի: Եւ ոչ ևս եկաց  
 մարգարէ իսրայիլի իբլ և զմովսէս այր, զոր ծա-  
 նեաւ տէր դէմ յանդիման, Ամենայն նշանօք  
 և արուեստիւք՝ զոր առաքեաց աստուած առ-  
 նել յերկրին եդիպտացւոց՝ ՚ի փոքրածն և ՚ի  
 ծառայս նորա, և յամենայն երկիր նորա զնշանս  
 մեծամեծս: Ջձեռն հզօր, և զբազուկ բարձր՝  
 զոր արար մովսէս առաջի ամ որդւոցն իսրայիլի:

Ընկերցուածս յառուից: Իմաստ՝: դ. 7:

Իսկ արդարն եթէ հացի ՚ի վախճանիլ՝ ՚ի  
 հանգստեան եղիցի: Զի ծերութիւն պատ-  
 ուական՝ ոչ բազմաժամանակեայն է, և ոչ որ  
 թուով ամացն չափիցի՝ այլ ակիք իմաստութի  
 մարդոյ էն: Եւ հասակ ծերութեան կեանք  
 սնարատք: Զի հաճոյ եղեալ աստուծոյ՝ սի-  
 բեցաւ, և կենդանւոյն ՚ի միջոյ մեղաւորաց փո-  
 իեցաւ: Յափշտակեցաւ՝ զի մի՛ չարութիւն ինչ  
 շրջիցէ զիմաստութիւն իւր, կամ նենգութիւն  
 պարտիցէ զանձն նորա: Զի ջարութիւն ան-  
 զգամութեան շլացուցանէ զբարիս, և յածուսն  
 ցանկութեան իուռնապէ զմիտս անմեղս: Աստա-  
 բեալ ՚ի սակաւուն՝ ելից զժամանակս երկայնս:

Ձի ցանկալի էր տեառն անձն նորա : վասն  
 այնորիկ տաղնապեցաւ 'ի միջոյ չարեաց : Իսկ  
 ժողովուրդք տեսին և ոչ իմացան և ոչ եղին 'ի  
 մտի գայտոյիսի ինչ : Եթէ իրաւունք աստուծոյ  
 'ի վերայ սրբոց իւրոց : և այցելու թի 'ի վերայ  
 ընտրելոց նորա : Դատապարտէ արդար հանգու-  
 ցեալ զամբարիշտս կենդանիս' և մանկու թիւն  
 վաղվադակի վախճանեալ՝ զբազմամեայ ծերութի  
 անիրաւի : Ձի տեսցեն զվախճան իմաստնոց և  
 ոչ իմացին՝ զի՛նչ խորհեցաւ վասն նորա : և առ  
 'ի մէ՛ զգուշացաւ նմա տէր :

Ընկերյաւմ յետոյ յարգուի : Գ. 1.

Աստուած հզոր հայեցաւ յաղքատութիւն իմ,  
 'ի ձեռն գաւազանի սրտմտութիւրոյ : Ընկ-  
 լոյզ զիս : և էա՞ծ 'ի վերայ իմ խաւար՝ և ոչ  
 լոյս : Բայց սակայն դարձոյց 'ի վերայ իմ զձեռն  
 իւր զօրհանապաղ : Մաշեաց զմորթ իմ և ըղ-  
 մարմին իմ : և զոսկերս իմ փշրեաց առ հասա-  
 րակ : Շինեաց 'ի վի՛ իմ : և պատեաց զգլխով  
 իմով : Եւ ջանացաւ՝ նստոյց զիս 'ի խաւարի  
 իբրև զմեռեալ յաւիտենից : Կուտեաց 'ի վերայ  
 իմ : և ոչ կարեմ խլրտիլ : Ճանրացոյց 'ի վերայ  
 իմ քան զպղինձ : Եւ արար զիս նետալից : և  
 եղէ ծաղր ժողովրդեան իմոյ :

Պօղոսի առաքելոյն 'ի հարմարացեայ երկրորդ թղթոյն է ըն-  
թերցուած: Գ. 14:

Զայս գիտեմք՝ եթէ որ յարոյցն զյիսուս, և  
զմեզ ընդ յիսուսի յարուսցէ՝ և յանդիման կա-  
ցուսցէ՝ ձեռք հանդերձ: Զի ամենայն ինչ վասն  
ձեր է, զի շնորհքն յաճախեալք 'ի բազմաց  
գոհուած ենէ անտի՝ առաւելասցին 'ի փառս  
աստուծոյ: Վասն որոյ և ոչ ձանձրանամք. այլ  
թէ պէտ և արտաքին մարդս մեր ապականի՝ այլ  
ներքին մարդն մեր նորոգի որ ըստ օրէ: Զի  
առժամայն յաճախուած իւն թեթև ներուածես  
մերոյ՝ 'ի յաւիտենականն առաւելուած իւն, ըզ-  
մեծուած իւն փառացն գործէ՝ 'ի մեզ: Քանզի՝ ոչ  
գիտեմք զերևելիսս՝ այլ զաներևոյթան. զի  
երևելիքս առ ժամանակ մի են. և աներևոյթքն  
յաւիտենականք: Քանզի գիտեմք եթէ երկ-  
րաւոր տաճար շինուածոյս մերոյ քակտեսցի.  
զշինուած յաստուծոյ ունիմք. տաճար առանց  
ձեռագործի, յաւիտենական յերկինս: Եւ ընդ  
այս տաղտկամք. քանզի զբնակուած իւն երկնից  
փափագիմք զգենուլ: Սիսայն թէ յորժամ  
զգենուցումք՝ ոչ մերկք գտանիցիմք:

Քանզի որք եմք ընդ յարկաւս ընդ այսուիկ՝  
տաղտկամք ծանրացեալք. զի ոչ կամիմք մեր-  
կանալ. այլ զայն 'ի վերայ սոյսր զգենուլ. զի  
ընկղմեսցի մահկանացուս 'ի կենաց անտի: Այլ



որ յաշողէն մեզ 'ի սոյն աստուած է, որ ետ  
 մեզ զառհաւատչեաց հոգւոյն: Արդ համար-  
 ձակիմք յամենայն ժամ, և գիտեմք, եթէ որ-  
 չափ յամեմք 'ի մարմնի աստ' օտարանամք 'ի  
 տեսանէ: Քի հաւատալք դնամք և ոչ կար-  
 ծեօք: Այլ համարձակիմք' և առաւել ևս հա-  
 ճեալ եմք ելանել 'ի մարմնոյ աստի' և մտա-  
 նել առ աստուած: Վասն որոյ և առատանամք,  
 զի եթէ յամիցեմք և եթէ ելանիցեմք' հաճոյ  
 և եթ իցեմք նմա: Քանզի ամենեցուն մեզ յան-  
 դիման լինիլ կայ առաջի ատենին քրիստոսի:  
 զի ընկալցի իւրաքանչիւր իւրով մարմնովն զոր  
 ինչ գործեաց յառաջ' եթէ բարի' և եթէ չար:

ԱԷԼԵԻՄ: Հաւատացի զոր և խօսեցայ, և ետ խո-  
 նարհ եղէ յոյժ, ԱԷԼԵԼԻՄ: Օրթի:

Խաղալու թիւն ամենեցուն:

Ա-է-աբանն որ ընդ յովհաննա. Ժդ. 15:

Տէրն մեր յիսուս քրիստոս ասէ:

**Ե**թէ սիրէք զիս՝ զսպասուիրանս իմ պա-  
 հեօջիք, եւ ետ աղաչեցից զհայր, և այլ  
 մի թարիչ տացէ ձեզ, զի ընդ ձեզ բնակեցցի  
 'ի յաւիտեան: Քհոգին ճշմարտութեան, զոր  
 աշխարհս ոչ կարէ ընդունիլ, զի ոչ տեսանէ



զնա, և ոչ ճանաչէ զնա, բայց դուք ճանաչէք  
 զնա, զի առ ձեզ բնակեցցի և ընդ ձեզ եղիցի,  
 Ոչ թողից զձեզ որքս, գամ առ ձեզ, Փոքր  
 միւս ևս, և աշխարհս ոչ ևս տեսանէ զիս, բայց  
 դուք տեսանիցէք զիս, զի ես կենդանի եմ, և  
 դուք կենդանի լինելոց էք, Յայնմ աւուր գի-  
 տասցիք դուք՝ զի ես՝ ի հօր իմում, և դուք յիս,  
 և ես՝ ի ձեզ, Որ ունի զպատուիրանս իմ, և  
 պահէ զնոսա՝ նա է որ սիրէ զիս, և որ սիրէն  
 զիս՝ սիրեցի ՚ի հօրէ իմմէ, և ես սիրեցից զնա,  
 և երևեցուցից նմա զիս, Ասէ ցնա յուրա ոչ  
 իսկարիովտացին, տէր՝ զի եղև՝ զի մեզ յայտնե-  
 լոց ես զքեզ՝ և ոչ աշխարհի, Պատասխանի ետ  
 յիտուս և ասէ ցնա, եթէ ոք սիրէ զիս՝ զբանն  
 իմ պահեցէ, և հայր իմ սիրեցէ զնա, և առ-  
 նա եկեցուք և թեմանս առ նմա արացուք,  
 Եւ որ ոչն սիրէ զիս՝ զբանն իմ ոչ պահէ, և  
 բանն իմ, զոր լէք՝ ոչ է իմ, այլ հօրն, որ  
 առաքեացն զիս,

Եւ որդիսսագն Կարգէ:

Ասան ՚ի գիշերի և ՚ի տունընտն և յամենայն  
 ժամու խօսել մեզ զբան տեառն, զտէր աղա՞,  
 Ասան չանկանելոյ մեզ ՚ի փորձութիւն, որում  
 ոչ կարեմք հանդուրժել, զտէր աղաչեցուք,  
 Ասան ամբ իծ և անդատապարտ կալ մեզ առաջի

ահեղ ատենին քրիստոսի, զտէր աղաչեսցուք:  
 Վասն առաջնորդելոյ մեզ 'ի նաւահանգիսան  
 կենաց անվախճանից, զտէր աղաչեսցուք:  
 Վասն արժանի լինելոյ մեզ վերին կոչմանն և  
 երկնից արքայութեանն, զտէր աղաչեսցուք:  
 Վասն հոգւոցն, եւ ևս միաբան, Չանձինս  
 մեր, Ողորմեաց մեզ:

Եւ ուէ Գահմեյի զպոլն:



Րհնեալ ես արդար դատաւոր և ողորմած Աստուած, որոյ ճշմարտութիւնդ անպատում է, և ողորմութեդ ոչ գոյ թիւ, և վասն արդար դատաստանի քոյ լուծեր 'ի հող զշնչսւոր մարմինս մեր զպատրեալ 'ի բանասրկուէն՝ ասելով հող էիր և 'ի հող դարձցիս. թ որում խոնարհեցան անձինք մեր՝ և յերկիր մածան մէջք մեր, Իսկ վասն բազում ողորմութեան քոյ մնորդատէր տէր՝ խոնարհեցար միւսանգամ նորագել 'ի մարմին հոգևոր, առաքեցար դու առ մեզ ինքնին միածինդ հօր, և տրպաւորեցեր յանձին քում կամաւորութեամբ զմեր մահս, եգար 'ի գերեզմանի, համարեցար թ մեռեալս, յարուցեալ համբարձար փառօք՝ նստար թ աջմէ հօր, և զտնկակիցս մահու քոյ, խոտացար առնել ըստ նմանութեան քոյ՝ զսիրելիս քո, և զմարմին խոնարհութեան նոցա

կերպարանակից առնել մարմնոյ փառաց քոց  
 յերևել յայտնութեան քոյ 'ի փող յետին՝  
 յորժամ գայցես տալ նոցա վարձս : Վասն որոյ  
 աղաչեմք զքեզ տէր բարերար՝ արն և զսա  
 արժանի փառաւոր յարութեանդ ընդ սուրբս  
 քո : յաւուր յայնմիկ հանդիպիլ քեզ ամպովք  
 յօդս : որպէս զի զուարթերես կացցէ յաշակող-  
 ման ընդ ընտրելոց քոց : և զնոցա խոստացեալ  
 քարիան ժառանգեսցէ : և գոհանալով փառա-  
 ւորեսցէ զհայր և զորդի և զսուրբ հօգիդ :

Խաղաղութիւն - թե՛ ցոն : Աստուծոյ երկերդ-գեոցոս :

Որ յերկնային զինուորութեանցն անդադար  
 փառաբանիս սրբասացութեամբ 'ի հրէշտա-  
 կացն : աթոռոց՝ զօրութեանց՝ տէրութեանց՝  
 պետութեանց՝ իշխանութեանց՝ սերովբէից և  
 քերովբէից : որք անլուելի սարակցութեամբ  
 հանապազ զքեզ գովեալ փառաւորեն : հաճե-  
 ցար և 'ի ստորայնոցս առնուլ քեզ երկրպա-  
 գութիւնս : Գո՛ւ տէր՝ անսուտ բանիւ քով խոս-  
 տացար և ասացեր : եթէ որ հաւատայ յիս :  
 զմահ մի՛ տեսցէ 'ի յաւիտեան : և զխոխուամն  
 որպէս 'ի մահուանէ 'ի կեանս օրինադրեցեր՝  
 կոչելով զքեզ աստուած կենդանեաց : վասն զի  
 ամենքեան քեզ կենդանիք են : Ընկալ մար-  
 դասէր տէր՝ աղաչեմք զքեզ՝ զինդ բուժս մեր :

և դասաւորեան զհոգի հանգուցելոյս զայն անան  
քահանայի՝ ՚ի քեզ ճշմարիտ հաւատով ընդ ա-  
մինայն սուրբս քո՝ յառաջագահ դասուն ՚ի  
միւսանգամ քո գալտեանդ . զի և սա արժա-  
նաւոր եղիցի գոհանալով փառաւորել զհայր և  
զորդի և զսուրբ հոգիդ , այժմ՝ :

յԱստուածանէդէն Է քուն . և ու քուն երէ . Հագւոց՝  
Հայր մեր՝ :

Եւ քունն քանէն զեղ յեկեղեցին . Բայց ՚ի ճանապարհէն  
ի շորս քեզ-ով հանգիստ քանէն .  
յԱստուածէն հանգիստն այն կորէ կորորէ : Երբեքն աճ :

Այսօր գոլով ՚ի բեթանիա . քո ամենազօր  
հրամանաւդ . ձայնեցեր զազարոս և զողացաւ  
մահ . գծօխք պարտեցաւ . ապականութիւն լու-  
ծաւ . կենդանարար քրիստոս կեցո՞ զմեզ . Այսօր  
գոլով ՚ի բեթանիա . զքո զաշխարհակեցոյց սք  
զյարութիւնդ յառաջագոյն ծանուցեր անա-  
պականաբար կոչմամբ զչորեքօրեայն ՚ի թաղ-  
մանէ . կենդանարար քրիստոս կեցո՞ զմեզ . Այսօր  
գոլով ՚ի բեթանիա . եբրայեցւոց մանկունքն  
սքանչացեալ ասէին . զմարիամու զեղբայրն ՚ի  
թաղմանէ յարուցեալ որդւոյն մարիամու .  
կենդանարար քրիստոս կեցո՞ զմեզ :



Անկէրցոսո՞ծս յիսայեոյ Տարգմարէէ: Թ. 8:

**Մ**ահ արձակեաց տէր 'ի վերայ յակորայ • եկն և եհաս 'ի վերայ իսրայէլի: Եւ ծանխցեն ամենայն ժողովուրդք եփրեմեան' և որ նոտին 'ի սամարիայ • որք հպարտութեամբ և ամբարտաւանութեամբ սրտից խօսեցան և ասեն: Աղիւսք անկան • այլ եկնոյք վէմս տաշեսցուք՝ զմայրս և զեղևնափայտս հարցուք • և շինեսցուք մեզ աշտարակ: Եւ կործանեցէ աստուած զյարուցեալն 'ի վերայ լերին սիոնի • և զթշնամիս մեր ցրուեցէ: Չատրեստանն յերլիցն արևու: և զյոյնսն 'ի մտիցն արևու: ոյք ուտէին զիսրայէլ բերանալիր ամենայն բերանով • 'ի վերայ այսր ամենայնի ոչ դարձաւ բարկութիւնն: այլ տակաւին ձեռն իւր բարձրացեալ է:

Պօղոսի ոտոտէլոյն 'ի Լեւոսդոնէ կէցոսոց ոտոջին Լիլիոյնէ  
Անկէրցոսո՞ծս: Կ. 14:

Բայց զայս ասեմք տեառն բանիւ: եթէ մեք՝ որք կենդանիքս միացեալ եմք՝ 'ի գալստեան տեառն ոչ ժամանեմք ննջեցելոցն: Չի ինքնին տէր հրամանաւ և 'ի ձայն հրեշտակապետի՝ և 'ի փող աստուծոյ՝ իջանէ յերկնից • և մեռեալք 'ի քրիստոս յարիցեն յառաջագոյն: Ապա և մեք՝ որք կենդանւոյն միացեալ իցեմք՝ նոքօք

Տանդերձ յափշտակիցուք ամպովք ընդ առաջ  
տեառն յօդս. և այնպէս յամենայն ժամ ընդ  
տեառն լինիցիմք. Այսուհետև մի ի թարեցէք  
զմիմեանս բանիւքս այտքիւք.

ԱԼԷՆ-ԷՊ՝ ԵՏան զիս 'ի գբոյ տառապանաց, 'ի  
կաւոյ և 'ի տղմոյ.

ԱԼԷՆԼԻԱ, Օրթի, Խաղաղութիւն ամն՝.

Ատարարն որ ըստ հոգեհոգի: Ժդ. 23:

Տէրն մեր յիսուս քրիստոս,



Ս Իբրև ընդ երեկս եղև, անդ էր միայն.  
Եւ նաևն մեկնեալ էր 'ի ցամաքէն բազում  
ասարիսօք ծփեալ յալեացն. քանզի ընդդէմ  
էր հողմն. Եւ 'ի չորրորդ պահու գիշերոյն  
եկն առ նոսա յիսուս գնալով 'ի վերայ ծովուն.  
Իբրև տեսնն զնա աշակերտքն՝ զի գնայր 'ի  
վերայ ծովուն, խռովեցան, և առ ահին աղա-  
ղակեցին. Եւ վաղվաղակի խօսեցաւ ընդ նոսա  
յիսուս և ասէ. քաջալերեցարնք՝ ես եմ, մի՛  
երկն չիք. Պատասխանի ետ նմա պետրոս և  
ասէ. տէր՝ եթէ գու ես, հրամայեա՛ն ինձ գալ  
առ քեզ 'ի վերայ ջրոցս: Եւ նա ասէ՛ եկ, և  
իջեալ 'ի նաւէն պետրոս գնաց 'ի վերայ ջրոցն,  
և եկն առ յիսուս: Եւ տեսեալ զհողմն սաստիկ՝

երկեաւ : և իբրև սկսաւ ընկղմիլ՝ աղաղակեաց և  
 ասէ : տէր փրկեա՛ զիս : Եւ վաղվաղակի յձ ձգեաց  
 զձեռն իւր՝ կալաւ զնա և ասէ : Թերահաւատ՝  
 ընդէ՞ր երկմտեցեր : Եւ իբրև ելին 'ի նաւն՝  
 հանդարտեցաւ հողմն : Եւ որք 'ի նաւին էին՝  
 մատեան և երկիրպագին նմա և ասեն՝ արդարև  
 որդի աստուծոյ ես դու : Եւ անցեալ 'ի ցամաք՝  
 եկին 'ի գեննեսարէթ : Եւ իբրև ծանեան զնա  
 արք տեղւոյն այնորիկ : առաքեցին ընդ ամենայն  
 գաւառն՝ և ածին առ նա զամենայն հիւանդս :  
 Եւ աղաչէին զնա : զի գոնէ միայն 'ի քղանցս  
 հանդերձի նորա մերձեցին : և որք միանգամ  
 մերձեցան՝ փրկեցան :

Մտնառքն Քարոզի :

Եւ ևս խաղաղութեան զտէր աղաչեացուք : ըն-  
 կալ կեցո՛ և ողորմեա՛ :

Եւ գողտտոյն ասէ երէ : Կէր սղորջն : և սղո՛ ընկնանա  
 զաղորն :



Ր Թագաւորդ ես յաւիտենից և ևս :  
 որ առնես զամենայն ինչ առաւել քան  
 զոր խնդրեմք և խմանամք : որ զամենայն ինչ 'ի  
 քարի մատակարարեցեր որդւոց մարդկան : Ըն-  
 կալ զհօգի քահանայիս ոյ՝ ոնան : և հանդո՛ ընդ  
 սուրբս քո՛ որք 'ի սկզբանէ հաճոյ եղեն քեզ :

Ընկնլ զսա ընդ արդարս քո, և ՚ի խորանս սիրողաց քոց բնակեցն զսա, Եւ եթէ մարդկօրէն ինչ յանցեալ իցէ սորա, բանիւ կամ գործով կամ մտածութեամբ, դու որպէս բարերար և մարդասէր և ողորմած աստուած՝ թողութիւն շնորհեանս մնա, Եւ զմեր ամենեցուն ելս յաշխարհէս խաղաղութեամբ յաշողեան, լինիլ ժառանգորդ երկնից արքայութեանդ: Զի և մեք յամենայն ժամ փառաւորեսցուք զհայր և զորդի և զսուրբ հոգիդ, այժմ և միշտ և յաւիտեանս յաւիտենից, ամէն:

Հովհոն՝ Ասան հանգ՝ Քն որդի՝ Հայր մեր՝

Եւ Բրեթեւ Գարեհ Գնլն ՚ի յեղիւրդ Կոնգիտոն:  
Եւ ոնր Դարձեալ Կոնգիտոն շրջոնն, ան:

Ահնդանութեանց բաշխող քրիստոս ՚ի բեթանիա եկաւորեալ այսօր, բարեկամին զազարու պարգևէ զկենդանութի, Տնօրինաբար արտասուելով ընդ մարթայի և ընդ մարիամու, ողբակցէր և որպէս մարդ հարցանէր ուր եղիք զլսգարոս: Եւ որպէս զաստուած բարբառով յարուցանէ ՚ի մեռելոց զշրիթօրեայն, և զուզընթաց ծայնին մեռեալն եկն արտաքո անատրական:



Ընկերացուածս յեռայեայ հարգարէէ. իթ. 22:

**Մ**անն այսորիկ ասէ տէր 'ի վերայ տանդ  
 յակոբայ՝ զոր ընտրեաց յաբրահամէ. ոչ  
 այժմ ինչ ամաչեացէ յակոբ. և ոչ  
 զերեսս այլագունեացէ իտրայէլ. Այլ յորժամ  
 տեսցեն որդիքնոցա զգործս իմ, վասն իմ սուրբ  
 արացոցն զանուն իմ, և սուրբ արացոցն զնքն  
 յակոբայ, և երկիցեն յաստուծոյ իտրայէլի.  
 Եւ ծանկցեն մոլորեալքն զիմաստութիւն. և  
 տրտնջողքն ուսցին զհնազանդութիւն, և լեզուք  
 թոթովախօսք ուսցին խօսիլ զխաղաղութիւն.

Պօղոսի առաքելոյն 'ի հռիթոյնոց առջին թղթոյն է ըն-  
 կերցուածս. Բ. 6:

Զիմաստութիւն խօսիմք ընդ կատարեալս. զի-  
 մաստութիւն՝ ոչ զաշխարհիս այսորիկ. և ոչ  
 զիշխանաց աշխարհիս այսորիկ զխափանելեացս.  
 Այլ խօսիմք զաստուծոյ իմաստութիւն ծածակ  
 խորհրդով. զոր յառաջ քան զյաւիտեանս  
 սահմանեաց աստուած 'ի փառս մեր. Զոր ոչ  
 ոք յիշխանաց աշխարհիս այսորիկ ծանեալ. զի  
 եթէ էր ծանուցեալ՝ ոչ արդեօք զտէրն փառաց  
 'ի խաչ հանէին. Այլ որպէս և գրեալ է. զոր  
 ակն ոչ ետես, և ունկն ոչ լուալ. և 'ի սիրտ  
 մարդոյ ոչ անկալ. զոր պատրաստեաց աստուած  
 սիրելեաց իւրոց. Այլ մեզ յայտնեաց աստուած

Տողուցին իւրով : զի հողին զամենայն քննէ և  
զխորս աստուծոյ :

Բէւեռի : Փրկէ տէր զանձինս ծառայից իւրոց :  
և մի՛ զղջացին ամենեքեան՝ ոյք յուսացեալ են  
'ի նա :

Ալէլուիա : Օրթի : Խաղաղութի ամենեցուն :

Աւետարանս որ ըստ Տրիտի . Ժ . 28 :

Առ տէրն մեր յիսուս քրիստոս :



Կսու ասել ցնա պետրոս : ահաւասիկ մեք  
Թողաք զամենայն և եկաք զինի քո : Պա-  
տասխանի ետ յիսուս : և ասէ . ամէն ասեմ ձեզ .  
ոչ ոք է որ եթող զտուն՝ կամ զեղբարս՝ կամ  
զքորս՝ կամ զհայր՝ կամ զմայր՝ կամ զորդիս՝  
կամ զազարակս վասն իմ՝ կամ վասն աւետա-  
րանին : Եթէ ոչ առնուցու հարիւրադատիկ  
ոյժմ յոյժմ ժամանակի տունս՝ և եղբարս՝  
և քորս՝ և մայր՝ և որդիս՝ և ազարակս՝ հա-  
լածանօք հանդերձ . և յաշխարհին որ գալոցն է  
զկեանանս յաւիտենականս : Զի բազումք եղի-  
ցին առաջինք յետինք՝ և յետինք առաջինք :

Սուրբագին սուրբէ եւ ևս խաղաղութեան զտէր  
աղաչեացուք : ընկան՛ կեցն՝ և՛ . Եւ սուրբագին սուրբ  
Երեմիայի սուրբագին :

Եւ ուէ զուրբն :

Տէր Տէրանց՝ Աստուած աստուծոց՝ արարիչ  
 ոմենայն արարածոց, հայր տեառն մերոյ յի-  
 սուսի քրիստոսի, որ օրհնեալք ես և փառաւո-  
 բեալ յաւիտեան, Գու տէր կարօղ յամենայնի,  
 նայեան ՚ի մեզ և ողորմեան մեզ, և մի՛ անտես  
 առներ զստեղծուածս ձեռաց քոց, Թէպէտ մեք  
 տկար և անարժան եմք, սակայն յուսամք զթո-  
 ղու թիւն մեզաց գտանել ՚ի քէն, զի ողորմու-  
 թիւն քո յաղթօղ գտանի ՚ի վերայ բարերար  
 կամոց քոց, Տէր բարերար և անոխակալ, տուր  
 մեզ համարձակութիւն կալ առաջի աստուա-  
 ծութեանդ քո, Եւ զոր ընտրեցեր և կոչեցեր  
 յառաջնորդութի՛ն՝ այժմ հրաժարեաց ՚ի մէնջ,  
 և դարձաւ ՚ի հող յորմէ ստեղծեր, Ասան որոյ  
 մեք ժողովուրդք քո և գինք արեան միած-  
 նի քոյ աղաչեմք զքեզ՝ զի հանգուցես զհոգի  
 սորա առ ամենայն սրբոց և սիրողաց անուան քոյ,  
 Եւ ՚ի միւսանգամ գալստեանն քոյ՝ յորժամ  
 գայցես տալ վարձս ծառայից քոց՝ բարերա-  
 բեան ժնորհասէր տէր ՚ի ծառայս քո՝ որ այժմ  
 հանգուցեալս է, և թող սմա զյանցանս իւր և  
 զմտաւածութիւնս, որ խորհրդովք և որ դործովք,  
 զկամայ և զակամայ, զգիտուե և զանգիտուե,  
 Եւ հոգւոյ սորա առաջնորդեան յերկիր ուղիղ  
 որ տանի ՚ի կեանսն յաւիտենականս, Եւ զմեզ

զամենեւեան օրհնեան հօգևոր օրհնութեամբ  
քով . և առաջնորդեան մեզ արժանաւորիլ ար-  
քայութեանդ ընդ ամենայն սուրբս քո : Զի  
այժմ և յամենայն ժամու միշտ գոհանալով փա-  
ռաւորեցուք զհայր և զորդի և զսբ հօգիդ :

Հողւոց՝ Ասն հանդ՝ Քս օրդի՝ Հայր մեր՝

Եւ քորցին ՚ի յերբոյր հոնդիսն : Եւ անդ ոտն շո-  
րակն . բա :

Յաստուածային ձայնէ գոչմանն սարսեցին դո-  
ղալով կարապետք դժոխոցն . և մեռեալն եկն  
արտաքս անապական : Ասցեալ ՚ի դուրս այրին  
և ձայնէր աղղարարող բարբառովն ՚ի գերեզ-  
մանն , զնոզարէ՝ Եկ արտաքս անապական : Ելեալ  
՚ի գերեզմանէն երիզապինդ պատանօքն մե-  
ռեալն . հրամայեաց լուծանել ՚ի կեանն յա-  
ւիտենից :

Ընկերցուածս յեռայեայ մօրգորէէ : խղ . 1 :



Լ արդ՝ այսպէս ասէ տէր աստուած որ  
արար զքեզ յակոր . և որ ստեղծն զքեզ  
խրայէլ , մի՛ երկն չիր , զի փրկեցի զքեզ . և  
կոչեցի քեզ անուն քո՝ թէ իմ ես : Եւ եթէ  
անցանես ընդ ջուրս , ընդ քեզ եմ , և զետք



զֆեզ մի՛ ողողեցեն, և եթէ անցանիցես ընդ  
 հուր՝ մի՛ սյրեցիս, և բոց նորա զֆեզ մի՛  
 կիզցէ: Ջի ես եմ տէր աստուած քո սուրբն  
 իսրայէլն՝ որ փրկեմ զֆեզ: Արարի փոխանակ  
 քոյ զեզիպտոս՝ և զեթովպիս, և զսուհէն քեզ  
 փոխանակեցի: Ուստի և պատուական իսկ եզեր  
 առաջի իմ, փառաւորեցար՝ և ես սիրեցի զֆեզ,  
 և տաց զմարդիկ փոխանակ քո, և իշխանս փո-  
 խանակ գլխոյ քոյ: Մի երկնչիբ՝ զի ես ընդ  
 քեզ եմ, յարևելից ածից զզաւակ քո, և յա-  
 րևմալից ժողովեցից զֆեզ:

Պօղոսի առաքելոյն՝ ի կորնթոցաց առջին խոսոյն: ԺԼ. 35:

Այլ ասիցէ ոք, զիարդ յառնեն մեռալք՝  
 կամ որով մարմնով գայցեն: Անմիտ՝ դու զոր  
 սերմանեսն, ոչ կենդանանայ՝ թէ ոչ մեռանիցի,  
 եւ զոր սերմանեսն, ոչ զնոյն մարմին՝ որ ծնա-  
 նելոցն իցէ, սերմանես, այլ հատ մերկ, եթէ  
 ցորենոյ իցէ՝ և եթէ այլոց սերմանեսաց, եւ աստ-  
 ուած տայ նմա զմարմին՝ որպէս և կամի, և  
 իւրաքանչիւրոց սերմանեսացն զիւր մարմին: Ոչ  
 ամենայն մարմին նոյն մարմին է, այլ սյլ մար-  
 մին է մարդկան, և սյլ մարմին անասնոց, սյլ  
 մարմին թռչնոց՝ և սյլ մարմին ձկանց, եւ  
 մարմինք երկնաւորք՝ և մարմինք երկրաւորք,  
 այլ սյլ փառք երկնաւորաց՝ և սյլ փառք

երկրաւորաց, Ա՛յլ փառք արեգական, և ս՛յլ  
 փառք լուսնի, և ս՛յլ փառք աստեղաց, և աստղ  
 քան զաստղ առաւել է փառօք: Նոյնպէս և  
 յարուժիւն մեռելոց սերմանի, ապականու թ՛ք՝  
 և յառնէ առանց ապականու թեան, Սերմանի  
 անարգու թեամբ՝ և յառնէ փառօք, սերմա-  
 նի տկարու թեամբ՝ և յառնէ զօրու թեամբ:  
 Սերմանի մարմին շնչաւոր՝ և յառնէ մարմին  
 հոգևոր:

Աւելե՞տ: Դու յարուցեալ գթացիս՝ ի վերայ  
 սիւմնի, ժամանակ գթալոյ նի հասեալ է ժամ:

Ալէլուիա: Օրժի: Խաղաղութիւն ամե՛ն:

Ա-ե-ր-մ-ն- որ ը-ս-ս զ-ա-հ-ա-ռ-ա- ի-մ- 34:

Տէրն մեր յիսուս քրիստոս ասէ:

Զգոյշ լերուք անձանց, գուցէ ծանրանայցեն  
 սիրաք ձեր շուայտութեամբ և արբեցութե՛ք՝  
 և հոգօք աշխարհականօք, և յանկարծակի հա-  
 տանիցի՝ ի վերայ ձեր օրն այն, Զի իբրև զօ-  
 րոգայթ հատանիցի՝ ի վերայ ամենեցուն՝ որք  
 բնակեալ են ընդ ամենայն երեսս երկրի: Ար-  
 թնւն կացէք այտուհետև, յամենայն ժամ  
 աղօթս արարէք, զի արժանի լինիջիք զերծա-  
 նիլ յայնմ յամենայնէ, որ լինելոցն է, և կալ

առաջի որդւոյ մարդոյ : Եւ 'ի տուէ 'ի տաճարին  
 ուսուցանէր : և զգիշերս ելեալ ագանիւր 'ի  
 լերինն՝ որ կոչիւր ձիթենեաց : Եւ ամենայն  
 ժողովուրդն կանխէր ընդ առաւօտս առ նա 'ի  
 տաճարն լսել 'ի նմանէ :

Սուրբաբն զարդէ : Եւ ևս խաղաղութեան զտէր  
 աղաչեսցուք : Ընկալ՝ կեցո՛ւ և՛ : Եւ զհոնոյ՝ առ  
 էջէ՛ր եւրոզբէ՛ն :

Եւ առ զհոնն :

**Մ** ր արարիչդ ես ազգի մարդկան և ստեղծիչ քրիստոս Աստուած մեր : որ 'ի ձեռն սուրբ յարութեան քոյ ազատեցեր զմեզ 'ի ծառայութենէ մահու : Նոյն ինքն և այժմ տէր՝ զառ 'ի յերև ճանապարհի յաշխարհէս զծառայիս քոյ՝ խաղաղութեամբ յաշողեան : և առաջնորդեան սմա 'ի ձեռն հրեշտակին խաղաղութեան 'ի յօթեվանս սրբոց քոց առաքելոցն : Ձի դու ես տէր աստուած մեր : և քեզ վայելէ փառք՝ ի շխանութիւն և պատիւ այժմ և միշտ և յաւիտեանս յաւիտենից : ամէն :

Հոգւոց՝ Ասան հանգ՝ : Քս որդի՛ն : Հայր մեր՝ :

Ածէն 'ի Լորրորէ հովիտն: Եւ շարեան. դձ:

Աղբիւր անմահութեան բղխեալ 'ի բեթանիա: Կենագործեաց զշաղարսս 'ի թաղմանէ: Կանխեալ մարիամանցն արտասուալից հառաչմամբ՝ գտին կենդանացեալ զչորեքօրեայ զմեռեալն: Յաստուածային ձայնէ գոչմանն սարսեցին դժոխք. և երիզապինդ մեռեալն զգեցաւ զանմահութիւնն:

Ընթեք առ ծառայեաց ճարգորէէ. [ս[Թ. ]:

Լուարուք ինձ կղզիք: և ունկն դիք հեթանոսք: յիտ բազում ժամանակաց հաստատեացի այդ ասէ տէր. յարգանդէ կոչեաց զիս տէր. և յորովայնէ մօր իմոյ կարգաց զանուն իմ: Եդ զբերան իմ իբրև զսուտ սուր. և ընդ հովանեալ ձեռին իւրոյ թաքոյց զիս. եդ զիս իբրև զնեւ մի ընտիր. և 'ի կապարձս իւր թաքոյց զիս: Եւ ասէ ցիս. ծառայ իմ ես դու. և ես 'ի քեզ փառաւորեցայց: Եւ ասեմ, 'ի զուր ուրեմի վաստակեցի 'ի տարապարտուց. յոչինչ ետու զզօրութիւն իմ: վասն այնորիկ իրաւունք իմ 'ի տեառնէ. և վաստակք իմ առաջի աստուծոյ իմոյ: Եւ արդ այսպէս ասէ տէր աստուած. որ ասեղծն զիս յորովայնէ ծառայ իւր. ժողովել զյակօք և զիսրայէլ առ ինքն. ժողովեցոյց: և



փառաւորեցայց առաջի տեառն. և աստուած  
իմ է ինձ զօրութիւն. Եւ ասէ ցիս. մեծ է  
քեզ այդ՝ կոչիլդ քեզ ծառայիմ. հաստատել  
զազգն յակօբու՝ և զցրուեալն իսրայէլի դար-  
ձուցանել. ասաւագիկ ետու զքեզ յուխտ  
ազգի՝ և ՚ի լոյս հեթանոսաց:

Պօղոսի տառեւոյն ՚ի հարմարեաց տառքն իդրոյն է ըն-  
թերցուած: ԺԷ. 51:


Ա՛րդ՝ զխորհուրդ մի ասեմ ձեզ. ամենեքեան  
ննջեցուք, այլ ոչ ամենեքեան նորոգիցուք.  
Յանկարծակի յական թօթափել ՚ի փող յե-  
տին. քանզի փող հարկանի. և մեռեալք յա-  
րիցեն առանց ապականութեան. և մեք նորոգի-  
ցուք. Ձի պարտ է ապականութեանս այսմիկ  
զգէնուլ զանապականութի. և մահկանացուիս  
այսմիկ զգէնուլ զանմահութի. Այլ յորժամ  
մականացուս այս՝ զգեցցի զանմահութիւն. և  
ապականացուս զանապականութիւն. յայնժամ  
եղիցի բանն՝ որ գրեցաւ. եթէ ընկլաւ մահ ՚ի  
յաղթութիւն. Ո՛ւր է մահ յաղթութիւն քո.  
ո՛ւր դժոխք իսայթոց քո. Խայթոց մահու մեղք  
են. և զօրութիւն մեղաց օրէնք. Այլ շնորհք  
աստուծոյ՝ որ ետ մեզ զյաղթութիւն ՚ի ձեռն  
տեառն մերոյ յիսուսի քրիստոսի. որում փառք  
յուխտեանս, ամէն:

ԱՆՔՆՈՒՄ: ՏՈՒՐ զՕՐՈՒԻ ԾԱՌԱՅԻ ՔՐՅ, ԿԵՅՈՂ զՈՐ-  
 ԳԻ ԱՂԱԽԵՆՅ ՔՐ, և արան առ իս նշան բարուք:

ԱԼԷԼՈՒ ԻԱ, ՕՐԹԻ, ԽԱՂԱՂՈՒԹ ԻԷՆ ԱՄԵ՞:

ԱՄԵՒՔԱՐՄԵՆ ՈՐ ԸՄՔ յՈՂԿԱՆՆՈՒ: ԺԷ. 46:

ՏԷՐՆ ՄԵՐ յԻՍՈՒՍ ՔՐԻՍՏՈՍ ԱՍԷ՞:

 Ս ԵՄ ԼՅԱ ԱՂԽԱՐՏԻ, ՈՐ ԳԱՅ ԱՌԻՍ՝ Ի  
 ԽԱԼԱՐ ՄԻ՝ ՄԻԱՍՅԷ, ԱՅԼ ԸՆԿԱՅԵԻ ՂԼՅԱՆ  
 ԿԵՆԱՅ, ԵԼ ԵԹԷ ՈՔ ԼՈՒԻԳԷ ԲԱՆԻԳ ԻՄՈՅ և ՈՂ  
 ԱԿՏԻԳԷ, ԵՍ ՈՂ ԴԱՏԵՄ ՂՆԱ, ՔԱՆԳԻ ՈՂ ԵԿԻ  
 ԹԷ ԴԱՏԵԳԻԳ ՂԱՂԽԱՐՏ, ԱՅԼ ՂԻ ՓԻՐԿԵԳԻԳ ՂԱՂ-  
 ԽԱՐՏ, ՈՐ ԱՆԱՐԳԷ ՂԻԱ, և ՈՂ ԸՆԳՈՒՆԻ ՂՐԱՆԱ  
 ԻՄ, ԳՈՂ՝ ՈՐ ԴԱՏԷ ՂՆԱ, ԲԱՆՆ՝ ՂՈՐ ԵՍ ԽՍՈՒՆ-  
 ԳԱՅ, ՆԱՆ ԴԱՏԷ ՂՆԱ յԱԼՈՒՐՆ յԵՄՆՈՒՄ, ՋԻ ԵՍ  
 յԱՆՃՆԷ ԻՄՈՒՆ՝ ՈՂ ԽՍՈՒՆԳԱՅ, ԱՅԼ ՈՐ ԱՌԱՔԵՐԱԳՆ  
 ՂԻԱ ՏԱՅՐ, ՆԱՆ ԵՄ ԻՆՃ ԱԿՏՈՒԷՐ՝ ՂԻՆՉ ԱՌԱԳԻԳ՝  
 ԿԱՄ ՂԻՆՉ ԽՍՈՒՆԳԱՅԳ, ԵԼ ԳԻՏԵՄ ԵԹԷ ԱԿՏՈՒ-  
 ՈՒԷՐՆ ԱՅՆ ԿԵԱՆՔ ԵՆ յԱԼԻՏԵՆԱԿԱՆՔ, ԱՐԳ՝  
 ՂՈՐ ԵԱՆ ԽՍՈՒՄ, ՈՐԱԿԷՍ ԱԿՏՈՒԻՐԵՐԱԳ ԻՆՃ ՏԱՅՐ,  
 ԱՅՆԱԿԷՍ ԽՍՈՒՄ:

ՍՈՐԻՍՏՈՒՄ ԿՆ ԿՐՅՈՂԷ:

ԵԼ և ս խաղաղութեան զտէր աղաչեցուք, ըն-  
 կակ կեցո՞ և ողորմեա՞:

Եւ բահանայն առէ երէկ, որք ողորմե՛ն. եւ որք ընթեանու  
զաղօթն :



Տողուց եւ տեղծիչ մարմնոց՝ որ  
զմահ խախանեցեր եւ զսատանայ  
կոխեցեր՝ եւ աշխարհի կեանս պարզեցեր :  
Հանգն զհոգի ծառայիս քոյ՝ այն անուն բահանայնս,  
'ի տեղուջ լուսոյ եւ 'ի տեղուջ հանգստեանս :  
ուստի փախուցեալ են ամենայն ցաւք եւ տրտ-  
մութիւնք եւ հեծութիւնք : Եւ ամենայն մեղաց  
առ 'ի սմանէ գործերոց՝ ներուժն արասցես :  
Եթէ բանիւ՝ կամ գործով կամ մտածութիւնք՝  
դու որպէս բարերար եւ ողորմած եւ մարդասէր  
աստուած՝ թողութիւն շնորհեան սմա : Վասն  
չի ո՛րք մարդ՝ որ կեցցէ եւ ո՛չ մեղիցէ : զի դու  
միայն ես առանց մեղաց, եւ արքայութիւն քո՝  
արքայութիւն յաւիտենից : որ ո՛չ անցանէ, եւ  
բանք քո ճշմարիտ են : Զի դու ես կեանք եւ  
յարութիւն ամենայն ննջեցերոց : Եւ քեզ վայելէ  
փառք՝ իշխանութիւն եւ պատիւ այժմ եւ :

Տողուց՝ : Վասն հանգու՝ : Քն որդի՝ : Հայր մեր՝ :

Եւ բռնան բահանայն, եւ բերեն 'ի դարս սրահի  
Էկեղեցայն : Ինչ թէ սրահ ոչ իցէ՝ այսինքն ժամ-դուան,  
ածցեն յանդիման զբուն Էկեղեցայն 'ի Բողեոյ : Եւ այս  
հանն կարգի : Հարհան. թի :

Որ որդիդ ես և բանդ աստուած: Թ. շորակն սոք-  
 առած ծնի ե. Թ. խոլի: Մ. զժ. 14: Այս աղքատ կար-  
 դաց առ տէր: Օրհնեցից զտէր զամենայն ժամ.  
 յամենայն ժամ օրհնու թի նորա 'ի բերան իմ:

Ընկեցուած յեռուայ որդույ նաեռայ: իդ. 29:

**Ե**ւ պաշտեաց ի սրայէլ զտէր զամենայն  
 առուրս յետուայ. և զամենայն առուրս  
 ծերցն՝ որք ձգեցին զժամանակս ընդ յետուայ.  
 որք և տեսին զամենայն գործս տեառն՝ զորս  
 արար յիսրայէլ: Եւ եղև յետ այսորիկ մեռա-  
 նիլ յետուայ որդույ նաւեայ ծառայի տեառն,  
 հարիւր և տասն ամաց: Եւ թաղեցին զնա առ  
 սահմանօք ժառանգութեան իւրոյ 'ի թամիս-  
 սաքար 'ի լերինն եփրեմայ հիւսիսոյ, լերինն  
 գայասու: Եւ անդ եդին ընդ նմառւր թաղեցին  
 զնա առ 'ի յիշատակ՝ զսուրմն քարեղէնս. որով  
 թլիաթեաց յետու զորդիան իսրայէլի 'ի գաղ-  
 գաղայ: յորժամ եհան զնոսա յերկրէն եգիպ-  
 տացուց որպէս հրամայեաց տէր. և անդ են  
 մինչև ցայսօր ժամանակի: Եւ զօրկերոն յովսէփու  
 հանին որդիքն իսրայէլի յեգիպտոսէ. և թա-  
 ղեցին զնա 'ի սիկիմ 'ի բաժնի ագարակին՝ զոր  
 ստացաւ յակոբ յամովրհացուցն բնակելոցն 'ի  
 սիկիմ որոջաց հարիւրոց. և ետ զայն յովսէփայ  
 'ի բաժնի: Եւ եղև յետ այսորիկ վախճանիլ



եղիսզարու քահանայի որդւոյ ահարովնի, և  
Թաղեցաւ 'ի գաբաաթ փենէէսի որդւոյ իւ-  
րում: զոր ետ նմա 'ի լերինն եփութմայ: Յա-  
ւուրսն յայնասիկ առեալ որդւոցն իորայէլի  
զտապանակ ուխտին աստուծոյ՝ շրջեցուցանէին  
ընդ իւրեանս: Եւ քահանայացաւ փենէէս փո-  
խանակ եղիսզարու հօր իւրոյ, մինչև մեռաւ և  
Թաղեցաւ յիւրումն գաբաաթ: Եւ որդիքն  
իորայէլի գնացին իւրաքանչիւր 'ի տեղիս իւ-  
րեանց՝ և իւրաքանչիւր 'ի քաղաքս իւրեանց:

Ընկերցուծո յերեփոյ մարգարէէ: Եղէ:

Յիշեա՛ տէր՝ որ ինչ անցք անցին ընդ մեզ,  
նայեաց: և տես զնախատինս մեր: Ժառանգու-  
թիւն մեր գարծաւ յօտարութիւն, և բնակու-  
թիւն մեր 'ի նշգեհու թիւն: Որբ մնացաք՝ և  
նչ գոյր մեր հայր: մարք մեր իբրև այրիք՝ ի  
Ժամանակաց մերոց: Չուր մեր գնոյ արբաք,  
և փայտն մեր առանց փոխանակի եկն՝ ի վերայ  
պարանոցի մերոյ: Հալածականք եղաք, և նչ  
գտաք հանգիստ: Չեռնասմիզք եղեն եզրպտա-  
ցիքն՝ և ասորեստանեայք, յագեցուցանել հա-  
ցիւ: Հարքն մեր միզան, չիք ուրեք՝ ի միջի, և  
մեզք հարցն ընդ մեզ ելին: Ծառայք տիրեցին  
մեզ, և այն որ փրկէրն զմեզ՝ ի ձեռաց նոցա,  
չիք ուրեք՝ ի միջի:

Պէտքդո՞ւնի աստուծոյն ՚ի հոգեւորականաց աստուծոյն ինչ : ան. 3 :

Օրհնեալ է աստուած և հայր տեառն մերոյ յիսուսի քրիստոսի, որ ըստ բազում ողորմութեան իւրում ծնաւ զմեզ վերստին ՚ի յայն կենդանի ՚ի ձեռն յարութեանն յիսուսի քրիստոսի ՚ի մեռելոց : Յանեղծ և յանարատ և յանթառամ ժառանգութիւնն՝ որ պահեալ է յերկինս ձեզ : Որք զօրութեամբն աստուծոյ պահեալք էիք հաւատովք ՚ի պատրաստեալ վրկութիւնն, յայտնիլ ՚ի յետին ժամանակս : Որով ուրախ լինիջիք՝ որք այժմ սակաւիկ ինչ ըստ պատշաճի իրացդ տրտմեալքք ՚ի պէտպէս փորձութիւնս : Ձի հանդէս ձերոց հաւատոցն առաւել քան զսկի կորստական պատուական է, որ հրով փորձեալ գտաւ ՚ի գովութիւն և ՚ի փառս, և ՚ի պատիւ յայտնութեանն յիսուսի քրիստոսի : Ձոր ո՞չն տեսիք՝ և սիրեցիք, ընդ որ այժմ ո՞չ հայեցեալք՝ բայց հաւատացիք, և ուրախ էք անձառ և փառաւորեալ ինդութեամբն : Ընկալեալ զկատարումն հաւատոցն ձերոց զողոցն վրկութիւն :

ԱԷԼԻՄԻՄ : Տէր լոյս իմ և կեանք իմ, ես յուժմէ՞ր երկեայց տէր ապաւէն կենաց իմոց ես յուժմէ՞ր գողացայց :

ԱԷԼԻՄԻՄ : Օրթի : Խաղաղութի՞ ամենեցուն :

Աւետարանս որ ըստ յովնանու. ԺԿ. 25:

Տէրն մեր յիսուս քրիստոս ասէ :

Ձայս խօսեցայ ընդ ձեզ մինչ առ ձեզս եմ, Իսկ մի թարիչն հոգին սուրբ՝ զոր առաքեցէ հայր յանուն իմ, նա ուսուցէ ձեզ զամենայն, և յիշեցուցէ զամենայն, զոր ինչ ասացի ձեզ: Ձխաղաղութիւն թողում ձեզ, զխաղաղութիւն զիմ տամ ձեզ, ոչ որպէս աշխարհս տայ՝ տամ ես ձեզ, մի՛ խռովեցին սիրտք ձեր, և մի՛ զանգիտեցեն: Լուայք, զի ասացի ես ձեզ՝ թէ երթամ, և գամ առ ձեզ, եթէ սիրէիք զիս, ապա ուրնիս լեալ էր ձեր՝ թէ ես առ հայր երթամ, զի հայր իմ մեծ է քան զիս: Եւ այժմ ասացի ձեզ մինչև եղևալ, զի յորժամ լինիցի՝ հաւատասցիք: Ո՛չ ևս այլ շատ խօսեցայց ընդ ձեզ, գայ իշխանն աշխարհիս այսորիկ՝ և յիս ինչ ոչ գտանէ: Այլ զի ծանիցէ աշխարհ եթէ սիրեմ զհայր, և որպէս պատուիրեաց ինձ հայր՝ այնպէս առնեմ, օն արիք գնացուք ասալի:

Եւ որովհետեւն Կարգէ :

Այնն ուղղելոյ զգնացո մեր՝ ի ճանապարհս խաղաղութան, զտէր աղաչեսցուք:

Այնն ցրելոյ՝ ի մէնջ զամենայն խորհուրդս չարին, զտէր աղաչեսցուք:

Պանն պարգևելոյ մեզ առողջ խորհուրդս և  
առօքինի վարս : զտէր աղաչեսցուք :

Պանն պահելոյ զմեզ ընդ հովանեաւ ամենազօր  
աջոյն իւրոյ : զտէր աղաչեսցուք :

Պանն խորտակելոյ զհակառակորդն վաղվաղակի  
ընդ ոտիւք մերովք : զտէր աղաչեսցուք :

Պանն հոգւոցն : Եւ ևս միաբան : Զանձինս մեր :  
Ողորմեաց :

Եւ Կանայն ասէ զսուրբ :

Տէր աստուած փրկիչ մեր մարդասէր : Կար-  
դամք զմեծ և զամենասուրբ անունդ քո : Հանգստի  
զհոգի ծառայիս այն անուշ քահանայի : աղաչանօք  
սրբուհւոյ աստուածածնին և ամենայն սրբոց :  
և որք միաբանեալ հայցեմք 'ի քո առատ մար-  
դասիրութենէդ՝ շնորհել զթողութիւն մեզաց  
տրա : Զի դու տէր շնորհեցեր ծառայի քում  
առաջնորդութիւն : հովուել իմաստութեամբ  
զթողութեանդ քո : Նոյն ինքնդ և այժմ շնոր-  
հեան ամա ընդ երջանիկ հայրապետացն վերա-  
դասիլ : զի ընդ նոսին փառաւորեսցէ զհայր և  
զորդի և զսուրբ հոգիդ : այժմ և միշտ և՛ :

Խորհրդոս-Եւան մենեցուն : Աստուծոյ երկերգագեացոս :

Ո՛վ տէր ամենեցուն և արարիչ : Ո՛վ աստուած  
ամենեցուն՝ և տէր և հայր և ուղղիչ : Ո՛ր կենսոց



և մահու տէր: Ո՞հ հոգւոց մերոց շտեմարան և  
բարեգործ: որ առնես զամենայն: և յօրինեալ  
փափոխես արուեստաւոր բանիւզ ըստ ժամա-  
նակի՝ որպէս դու ինքնին գիտես խորին քոյով  
իմաստութեամբդ և մատակարարութեամբ:  
Ընկալ և այժմ զաղաչանս մեր: և զհոգի սորա  
հանգո՞ ընդ սուրբս քո՝ ի խորանս սիրողաց ան-  
ուան քոյ: և արժանի արա վերստին նորոգման:  
՚ի լսել զձայն աստուածային փողոյն՝ ընդ առաջ  
եւանել քեզ փառօք: զի կացցէ առաջի քո  
զուարթ երես և սրայծառ: Ընկալցիս և զմեզ  
յետոյ՝ ի դէպ ժամանակի: Հնորհօք և մարդա-  
սիրութեամբ տեառնդ մերոյ և փրկչիւ յի-  
սուսի քրիստոսի: որում վայելէ փառք ի շիսա՞:

Եւ ունի շարունակ գկ: Այսօր անձառ լուսոյն ծա՞:  
վէց քան: և հէջ քան երգ:

Հոգւոց՝ Վասն հանգ՝: Քո՞ որդի՞: Հայր մեր՞:

Եւ բառնն գահանայն: և բերեն ՚ի ժամագրանն, կամ Ռեք  
ու գուռն եկեղեցոյն: Եւ ունի շարունակ գկ:  
Հայր բարեգութ՞: Դէ՞ շարունակ աստուածածնի: և  
Դէ՞ խոյն: Սողո՞ն էն: Տէր սիրեցի զվայելու թիւն  
տան քո և զտեղի յարկի փառաց քոց: Դանտ  
արա ինձ տէր: զի ես յամբծութեան իմում  
գնացի: ՚ի տէր յուսացայ զի մի՞ եղէց հիւանդ:

Ընէրբոսած յերբոց Բագարոսէ. 73. Ի.



Եւ մերձեցան աւուրք դաւթի մեռաներոյ՝  
 և պատուիրեաց որդւոյ իւրում սողոմննի՝  
 և ասէ. Ես երթամ զճանապարհ ամենայն երկ-  
 րի. և դու զորացիս՝ և եղիցիս յայր. Եւ պա-  
 Տեցես զպահպանութիւնս տեառն աստուծոյ  
 քոյ՝ գնալ ՚ի ճանապարհս նորա. և պահել  
 զպատուիրանս նորա և զիրաւունս և զդատաս-  
 տանս և զվկայութիս նորա. զգրեալս յօրէնս  
 մովսէսի. զի ՚ի միտ առնուցուս՝ զոր առնիցես.  
 Ըստ ամենայնի զոր պատուիրեմ քեզ. Զի հաս-  
 տատեցէ տէր զբան իւր. զոր խօսեցաւ վասն  
 իմ և ասէ. եթէ պահեցեն որդիք քո զճանա-  
 պարհս իւրեանց գնալ առաջի իմ ճշմարտու-  
 թեամբ յամենայն սրտէ իւրեանց՝ և յամենայն  
 անձնէ իւրեանց որպէս գնացեր դու. ասէ. մի  
 սրկասեցի քո այր յաթոռոյ իսրայէլի. Եւ  
 ննջեաց դաւթ ընդ հարս իւր՝ և թաղեցաւ  
 ՚ի քաղաքի դաւթի.

Ընէրբոսած յեղէիէէէ Գորգորէ. Իս. 44.

Եւ տարաւ զիս ՚ի սրահն ներքին. ասա երկու  
 պատշգամբք էին ՚ի ներքոյ սրահին. մի ընդ  
 հարաւոյ դրսնն՝ որ հայէր ընդ հիւսիսի. և հա-  
 նէր ընդ հարաւ. և միւս ընդ հիւսիսոյ դրսնն՝  
 որ հայէր ընդ հարաւ. և հանէր ք հիւսիսի.

Եւ ասէ ցիս. այս պատշգամբ՝ որ հայի ընդ  
կողմն հարաւոյ՝ քահանայիցն եղիցի, որք պահեն  
զպահպանութիւնս տանն. Եւ պատշգամբն՝ որ  
հայի ընդ հիւսիսի՝ քահանայիցն եղիցի, որք  
պահեն զպահպանութիւնս սեղանոյն. նոքա են  
որդիք սաղովկայ՝ որք մերձենան ՚ի զւտացւոց  
անտի պաշտել զտէր:

Դարձեալ յեզէկէէ ճարգորէէ. Լ. Գ. 17:

Եւ եղիցի ՚ի մտանել քահանայիցն ընդ դուռն  
սրահին ՚ի ներքնոյ՝ զգեցցին զպատմութիւնս  
կտաւիս. և մի՛ զգենուցուն ասուիս ՚ի պաշտա-  
ման իւրեանց ՚ի դրանէ սրահին ներքնոյ: Եւ  
խոյրս կտաւիս ունիցին ՚ի գլուխս իւրեանց, և  
անդրաՎարտիս կտաւիս յերանս իւրեանց, և ոչ  
զգենուցուն ՚ի բռնութեան. Եւ յեւանելն  
իւրեանց յարտաքին սրահն առ ժողովուրդն՝  
մերկացին զպատմութիւնս իւրեանց, որով պաշ-  
տիցենն. և գիցեն զնոսա ՚ի սենեակս սրբու-  
թեանցն, և զգեցցին այլ պատմութիւնս. և մի՛  
սրբեցեն զժողովուրդն պատմութիւնս իւրեանց:  
Եւ զգլուխս իւրեանց մի՛ գերծցեն. և զՎարս  
իւրեանց մի՛ անօսրացուցեն. ծածկելով ծած-  
կեացեն զգլուխս իւրեանց. Եւ զգինի մի՛ արբ-  
ցեն ամենայն քահանայքն ՚ի մտանելն իւրեանց  
՚ի ներքին սրահն:

Պօղոսի աստիճանի յԷբրայեաց Բզմայն է ընկերցաւոճս :  
Ժգ. 17 :

Ունկնդիր լերուք առաջնորդաց ձերոց, և հպատակ կացէք նոցա : Զի նոքա տքնին վասն ոգւոց ձերոց՝ որպէս թէ համարս տալոց իցեն ընդ ձեր : զի ինդու թեամբ արասցեն զայն՝ և մի՛ յօգւոց հանելով, զի այն ո՛չ յօգուտ ձեր է : Աղօթս արարէք վասն մեր : զի հաստատեալ գիտեմք եթէ բարւոք միտս ունիմք : յամենայնի կամիմք բարւոք գնացս ցուցանել, Եւ առաւել աղաչեմք, զի զայն առնիցէք, զի վաղազոյն սրատսպարեցայց ձեզ : Եւ աստուած խաղաղութեան՝ որ եհան 'ի մեռելոց զհոյն հօտից զմեծն արեամբ յաւիտենականի ուխտին զտէր մեր յիսուս քրիստոս : Հաստատեոցէ զձեզ 'ի գործս բարութեան՝ առնել զկամս նորա, և արասցէ 'ի մեզ զհաճոյն առաջի իւր 'ի ձեռն յիսուսի քրիստոսի : որում փառք յաւիտեանս :  
ամէն :

Ալէլուիա : Յիշեաց ողորմութեամբ իւրով ըզյակոբ, Քրջմարտութեամբ իւրով զտունն իսրայէլի, և տեսին ամենայն ծագք երկրի զփրկուցութիւն աստուծոյ մերոյ :

Ալէլուիա : Օրթի : Խաղաղութիւն ամէն :



Անտիպոսիոսի որ ըստ յովհաննոս. Եհ. 11 :

Տէրն մեր յիսուս քրիստոս ասէ :

Ձայս խօսեցայ ընդ ձեզ • զի ուրախու թիւնն իմ 'ի ձեզ իցէ • և ձեր ուրախու թիւնն լցեալ եղիցի • Այս է պատուէր իմ • զի սիրեալիք զմիմեանս • որպէս և ես զձեզ սիրեցի • Մեծ ևս քան զայս սէր ոչ որ ունի • եթէ զանձն իւր գիցէ 'ի վերայ բարեկամաց իւրոց • Գուք բարեկամք էք իմ • եթէ առնիցէք՝ զոր եսն պատուիրեմ ձեզ • Ոչ ևս կոչեմ զձեզ ծառայս • զի ծառայն ոչ գիտէ զինչ գործէ տէրն նորա • այլ զձեզ կոչեցի բարեկամս • զի զամենայն՝ զոր լուայ 'ի հօրէ իմմէ՝ ծանուցի ձեզ • Ոչ եթէ գուք ընտրեցիք զիս • այլ ես ընտրեցի զձեզ • և եզի զձեզ • զի գուք երթայցէք՝ և պողարերք լինիցիք • և պտուղն ձեր կայցէ • և զոր ինչ խնդրիցէք՝ 'ի հօրէ իմմէ յանուն իմ • տացէ ձեզ • Ձայս պատուիրեմ • զի սիրեալիք զմիմեանս • եթէ աշխարհ զձեզ ատեայ • գիտալիք զի նախ զիս ատեայ • եթէ յաշխարհէ աստի էիք՝ աշխարհ զիւրն սիրէր արդեօք • բայց զի չէք յաշխարհէ • այլ ես ընտրեցի զձեզ յաշխարհէ • վասն այնորիկ ատեայ զձեզ աշխարհ • Յիշեցէք զքանն՝ զոր ասացի ձեզ • եթէ ոչ է ծառայ մեծ քան զտէր իւր • եթէ զիս հալա-

ծեցին, ապա և զձեզ հալածեցեն, եթէ  
 զբանն իմ պահեցին, ապա և զձերն պահեցեն :  
 Այլ զնոյնս արասցեն ընդ ձեզ վասն անուան  
 իմոյ, զի ոչ գիտեն զայն՝ որ առաքեացն զիս :  
 Իմ եթէ չէր եկեալ և խօսեցեալ ընդ նոսա,  
 մեզ ինչ ոչ գոյր նոցա, բայց արդ չիք պատճառ  
 վասն մեղաց իւրեանց : Որ զիս ատեայ՝ և զհայրն  
 իմ ատեայ, եթէ զգործսն չէր գործեալ՝ ի  
 նոսա՝ զոր ոչ այլ ոք գործեաց, մեզ ինչ ոչ գոյր  
 նոցա, բայց արդ տեսին, և ատեցին և զիս և  
 զհայր իմ : Այլ զի լցցի բանն, որ յօրէնս նոցա  
 գրեալ է, թէ ատեցին զիս՝ ի տարապարտուց :  
 Բայց յորժամ եկեցցէ մի թարիչն՝ զոր ես  
 առաքեցից ձեզ՝ ի հօրէ՝ զհօգին ճշմարտու-  
 թեան որ ի հօրէ ելանէ, նա վկայեցէ վասն  
 իմ : Եւ դուք վկայեք՝ զի ի սկզբանէ ընդ իս  
 էք : Չայս խօսեցայ ընդ ձեզ՝ զի մի՛ գայթազ-  
 զեռջիք : Ի ժողովրդոց իւրեանց հանիցեն զձեզ :  
 այլ եկեցցէ ժամանակ՝ զի ամենայն որ սպանա-  
 նիցէ զձեզ՝ համարիցի պաշտօն մատուցանել  
 աստուծոյ : Եւ զայն արասցեն ընդ ձեզ : Քանզի  
 ոչ ծանեան զհայր՝ և ոչ զիս : Այլ և զայս  
 խօսեցայ ընդ ձեզ՝ զի յորժամ եկեցցէ ժամա-  
 նակ՝ յիշիցէք թէ ես ասացի ձեզ : Չայս՝ ի  
 սկզբանէ ոչ ասացի ձեզ : Քանզի ընդ ձեզ էի :

Եւ սորի տառփն քարոզէ :


Ասն գտանելոյ մեզ զշնորհս և զողորմութիւն  
'ի բարերար օրհանէ մերմէ : զտէր աղա :

Վասն փրկելոյ զմեզ 'ի զոպարտութէ մարդկան  
և յորոգայթից սատանայի : զտէր աղա չեսցուք :  
Վասն ամենայն անձանց քրիստոնէից և տանց  
Տաւատացելոց : զտէր աղա չեսցուք :

Վասն որք 'ի լերինս՝ յայրս և 'ի փապարս բնա-  
կեալ են սուրբ Տարբն մեր : զտէր աղա չեսցուք :  
Վասն որք տաղմոխիւք և օրհնութեամբ կատա-  
րեն զամենայն ժամանակս կենաց իւրեանց :  
զտէր աղա չեսցուք :

Վասն Տոբեոցն Տանգուցելոց : Եւ ևս միաբան :  
Չանձինս մեր : Աղարմեսց :

Եւ քահանայն տե՛ղ զազբն :

 տուապետ բարի քրիստոս : գտող կորու-  
սելոց և խնդրող մոլորելոցս : որ եղբարս  
քեզ անուանեցեր 'ի Տողեղինաց զսուրբ առա-  
քեալն : և նոքօք որսացեր զմարդիկ 'ի կեանս  
յաւիտենականս : Եւ այժմ ծառայս քո՝ որ ա-  
ւանդեաց զՏոբի իւր 'ի ձեռս քո : զի և սն եղև  
փոքր 'ի շատէ սպասաւոր տէրութեանդ քո :  
յիշեան զՏոբի սորա և զմարմին՝ որ կայ առաջի  
քոյ : և թող զմեզս սորա զկամայ և զկամայ :  
'ի ձեռն կենսաբեր խաչի քո : բարեխօսութիւն

սրբուհւոյ աստուածածնիդ և ամենայն սրբոց  
քոց, և հանն մանն և բաժին ընդ սուրբս քո  
յարքայութե քում: Եւ զմեզ արժանաւորեն  
գոհանալով փոռաւորել զհայր և զսրգի և զսրբ  
հոգիդ, այժմ և միշտ և՛:

Խօսողորմելին ասէնէցում: Այ երկերգոգէսցուս:

Պարձեալ մատուցանեմք զմաղթանս մեր առ  
դրան սրբոյ եկեղեցւոյ քոյ քահանայքս և ժո-  
ղովուրդքս, մի՛ թողուր զմեզ ՚ի ձեռանէ  
քումմէ, և մի՛ տար օտարաց զժառանգութիւնս  
քո: Եւ ՚ի կատարման ծառայիս քո յո՛ւնն քա-  
հանայի, յանձն արա զմեզ ուղղափառ հովուի,  
զի՛ ՚ի կեանս սորա գնւ պահէիր զմեզ և պահե-  
ցեր: և այժմ ևս սուրբ հոգւովդ և խաչիւզ  
քով սրբով պահեն զմեզ, Եւ զվերակացուն  
մեր՝ որ փոխեցաւ ՚ի մէնջ ՚ի յաշտարհէս՝ դա-  
սակից արա և աթուակից սուրբ հայրապետացն  
և հարց, զի ահաւասիկ հրաժարեալ ՚ի մէնջ  
ողջունիւ՛ և ըստ հրամանի քում դառնայ ՚ի  
հող ուստի տեղծեր զսա: Դնւ տէր՛ եղևիցիս  
պահապան մարմնոյ սորա, և հանգիստ հոգւոյ  
սորա: յոյս յարութեան ՚ի մեծի աւուր գալու-  
տեան՝ յորժամ գաս ժողովել զկենդանիս և  
զմեռեալս, քրիստոս յոյս մեր և պտակ պարծա-  
նաց հաւատացելոց քոց: Յիշեն զծառայս քո



ղվախճանեալս : և կացո՛ յաջակողմեանդ քո՛ ընդ  
 սիրելիս երկնաւոր հօրդ՝ ՚ի ժառանգութիւնս  
 ՚ի ձեռն նորոգող հոգւոյդ սրբոյ : Արու՛մ վայել  
 է վառք ի շնորհութիւն և պատիւ այժմ և՛ :

Եւ ասէն : Էլից զօրէնսն մովսէսի՞ : Վէց քոսն . և հէ  
 քոսն երբ : Հոգւոց՞ : Հայր մեր՛ :

Ըրա քորէու ՚ի դռան եկեղէցայն՝ ասացեն շարժոն :  
 գկ : Յանսկզբնական ծոցոյ հօր իոնարհեալ :  
 ա . շարժոն ասորաթածնի . և ա . խաչի :

Չինի ասի ասղճոս . ճծէ :

Բացէք ինձ զգրուես արդարութեանս : զի՛ մալոյ  
 ընդ այն՝ և խոստովան եղէց տեառնս :

Խոստովան եղերուք տեառնս : զի բարի է : զի  
 յաւիտեան է ողորմութիւն նորա :

Ասացէ տունն խորայէլի՛ զի յաւիտեան է ողոր-  
 մութիւն նորա :

Ասացէ տունն ահարովի՛ զի յաւիտեան է ողոր-  
 մութիւն նորա :

Ասացեն երկիւղածք տեառն՝ զի յաւիտեան է  
 ողորմութիւն նորա :

՚ի նեղութեան իմում ես առ տէր կարդացի՞ :  
 և լուաւ ինձ յանդորր :

Տէր է իմ օգնականն և ես ո՛չ երկեայց, զի՞ արասցէ ինձ մարդ :

Տէր է իմ օգնականն և ես տեսից 'ի թշնամիս իմ :  
Բարի է յուսալ 'ի տէր՝ քան յուսալ 'ի մարդիկ :  
Բարի է յուսալ 'ի տէր՝ քան յուսալ յիշխանս :

Ամենայն ազինք շրջեցան զինև, և անուամբ տեսան յալթեցի նոցա :

Շրջելով շրջեցան զինև, և պաշարեցին զիս 'ի միասին, և անուամբ տեսան վանեցի զնոսա :

Շուրջ եղևն զինև որպէս մեղուք, վառեցան բորբոքեցան որպէս փուշք 'ի հուր, և անուամբ տեսան մերժեցի զնոսա :

'ի մերժելն գրգուեցայ և եղէ մերձ 'ի գլորիլ, և տէր ընկալաւ զիս :

Զօրութիւն իմ և օգնութիւն իմ տէր, և եղև ինձ 'ի փրկութիւն :

Չայն ցնծութեան փրկութեան 'ի յարկս արդարոց :

Աջ տեսան արար զօրութիւն, աջ տեսան բարձր արար զիս, և աջ տեսան արար զօրութիւն :

Ո՛չ միւսայց, այլ կեցից և պատմեցից զգործս տեսան :

Խրատելով խրատեաց զիս տէր, և 'ի մահ ո՛չ մատնեաց :

Բացէք ինձ զդրունս արդարութեան զի մտից  
ընդ այն, և խոստովան եղէց տեառն:

Եւ քանն զբռնան և որնին յեկեղեցին՝ տեղով զլուս-  
ննս. զի:

Զողորմութեան քոյ զգուռն բնոց մեզ տէր, և  
արժանի արա զմեզ լուսեղէն յարկաց քոց ընդ  
սուրբս քո: 'Ի պատրաստել քո օթեվանս սրց  
քոց, ընկնլ և զմեզ փրկիչ յորդէգրութիւն  
'ի դպրութեան կենաց, 'Ի նստիլ քո յատենի  
դատաւոր ահեղ խնայեան յարարածս քո: Բա-  
րեխօսութիւք և աղօթիւք սուրբ Տիգնաւորացն:  
'Ի քեզ եմք ապուինեալ, քրիստոսի մայր  
աստուծոյ մերոյ, Որ քան զերկինս բարձրագոյն  
մարիամ՝ պարծանք եկեղեցոյ, քրիստոսի մայր  
աստուծոյ մերոյ, Որ քան զարեգակն պայծառա-  
գոյն մարիամ, մի՛ դադարիր բարեխօսել վասն  
մեր, քրիստոսի մայր աստուծոյ մերոյ, Խաչի  
քոյ քրիստոս երկրպագեն արարածք ամենայն,  
որ 'ի փրկութիւն մեզ կանգնեցաւ, սն եղիցի  
մեզ պահապան յաղթօղ, ապրեցուցանել զմեզ  
'ի պատրանաց բանասրկուին, 'Ի սմա բարձ-  
րացար բարձօղգ անիծից, որ փառաւորեալք ես  
ընդ հօր, ժողովել զհեռացեալն կենսաբեր  
փայտիւն, ապրեցու: Սովաւ լուսաւորեցան ա-  
րարածք ամենայն, սմա սպասէին արգելեալքն  
'ի մեղսասէր բանտին, որ ազատեաց զմեզ 'ի

պատրանաց բանտարկուին : Փառք Տօր : Այժմ  
և՛ : Ընդ սուրբս քո դասեան և ընդ արդարսն  
պսակեան 'ի տեղի անկեւոց հրեշտակաց : զննչե-  
ցեալն մեր կարգաւորեան : որ ողորմածդ ես յա-  
մենայնի :

Եւ շնչն 'ի հզ եկեղէցոյն առաջի Բեթն. և այս հանոն  
հապարի :

Ընթեցաւ թի ծննդոց : ԻԸ . 10 :



Եւ ել յակոբ 'ի շրՏօրոյ անտի երդման .  
և գնաց 'ի խառան : Եւ եհաս 'ի տեղի մի  
և ննչեաց անգ : զի արևն 'ի մուտս էր . և էառ  
'ի քարանց տեղոյն . եդ ընդ սնարս իւր և  
ննչեաց 'ի տեղուոյն յայնմ : Եւ ետես տեսիլ .  
և ահա սանդուղք հաստատեալ յերկրի . որոյ  
գլուխն հասանէր յերկինս . և հրեշտակք աս-  
տուծոյ ելանէին՝ և իշանէին ընդ նա : Եւ տէր  
հաստատեալ կայր 'ի նմա . և ասէ : ես եմ տէր  
Թժ աբրահամու Տօր քոյ և աստուած իսահա-  
կայ . մի՛ երկնչիր : զի զերկիրդ՝ յորում դու  
ննչեցեր : քեզ տաց զդա՝ և զաւակի քում : Եւ  
երկցի զաւակ քո իբրև զաւազ երկրի . և ընդ-  
արձակեսցի 'ի ծովակողմն և ընդ արևելս . և  
ընդ հիւսիս . և ընդ հարաւ . և օրհնեսցին 'ի  
քեզ ամենայն ազգք երկրի՝ և 'ի զաւակի քում :  
Եւ ես ահաւասիկ ընդ քեզ եմ պահել զքեզ  
յամենայն ճանապարհս քո՝ յոր գնացես . և



դարձուցից զքեզ յերկիրս յայս • զի ոչ թողց  
զքեզ մինչև արարից զամենայն ինչ • զոր խօսե-  
ցայ ընդ քեզ •

Ընթերցու յս յհոտյեայ մարգարէէ • ԺԲ • 7 •

Իբրև զի գեղեցիկք են 'ի վերայ լերանց ոտք  
աւետարանչի համբաւոյն խաղաղութե • Իբրև  
աւետարանչի բարութեանց • զի լսելի արարից  
զիրկութիւն քո • ասել ցոխովն թէ թագաւո-  
րեցէ քեզ աստուած • Զի ձայն պահպանաց  
քոց բարձրացաւ • և 'ի նոյն բարբառ առ հա-  
սարակ ցնծացեն • զի դէմ յանդիման տեսցեն  
զժամանակն՝ յորում ողորմեցի տէր սիովնի •  
Լերինք գոչեցեն աւերակօքն հանդերձ երու-  
սաղէմի զիրկութիւն • զի ողորմեցաւ նմա՛ տէր •  
և փրկեաց զերուսաղէմ • Եւ յայտնի արացէ  
տէր զբազուկ իւր սուրբ առաջի ամենայն ազ-  
գաց • և տեսցեն ամենայն ծագք երկրի զիրկու-  
թիւնն աստուծոյ մերոյ •

Ընթերցու յս յհոտյեայ մարգարէէ • Ը • 5 •

Այսպէս ասէ տէր • ուխտն իմ՝ որ ընդ նմա կե-  
նաց և խաղաղութեան • ես ետու նմա զերկիւղ  
երկնչիլ յինէն՝ և յերեսաց անուան իմոյ խոր-  
շիլ • Օրէնք ճշմարտութեան էին 'ի բերան  
նորս և անիրաւութիւն ոչ գտաւ 'ի շրթունս

Նորա : խաղաղութեամբ և ուղղութեամբ գնաց  
ընդիս : և զբազումս գարծոյց յանիրաւութենէ :  
Զի շրթունք քահանային զգուշացին գիտու-  
թեան : և օրէնս խնդրեցեն 'ի բերանոյ նորա :  
զի հրեշտակ տեառն ամենակալի է :

Պէտքոյն առօրեայն 'ե կաշառիկեայց առջին խնայն է  
Ընկերոսածո : Ե . 1 :

Զերիցունս այսուհետև աղսչեմ, իբրև երի-  
ցակից՝ և վկայ չարչարանացն քրիստոսի : որ և  
հանգերծելոց փառացն յայտնելոց հաղորդ :  
Արածեցէք՝ որ 'ի ձեզ հօտդ է աստուծոյ, վե-  
րակացու լինիլ՝ մի՛ իբրև ակամայ՝ այլ կամաւ  
ըստ աստուծոյ, մի՛ զօշաքաղութեամբ, այլ  
յօժարութեամբ : Մի՛ իբրև տիրելով վիճա-  
կացն : այլ լինիլ օրինակ հօտին, զի յերևիլ  
հովուապետին ընդունիչիք զանթառամ փա-  
ռացն պսակ :

Աէլաեա : Ողորմեան ինձ աստուած ըստ մեծի ո-  
ղորմութեան քում : ըստ բազում գթութեան  
քում քաւեան զանօրէնութիւնս իմ :

Ալէլուիա : Օրթի : խաղաղութիւն ամե՛ն :

Անփութն որ ըստ յովհաննաս. յղ. 5:

Տէրն մեր յիսուս քրիստոս ասէ:

Բայց արդ երթամ ես առ առաքիչն իմ, և ոչ  
 դք 'ի ձէնչ հարցանիցէ ցիս, թէ յո՞ր երթաս:  
 Այլ զի զայս խօսեցայ ընդ ձեզ՝ տրամուրի ելից  
 զսիրտս ձեր: Այլ ես զճշմարիտն ասեմ ձեզ,  
 լնէ ձեզ եթէ ես երթամ, զի եթէ ես ոչ  
 երթայց՝ մտիթարիչն ոչ եկեացէ առ ձեզ, ապա  
 եթէ երթամ, առաքեցից զնա առ ձեզ, Եւ  
 նա եկեալ յանդիմանեացէ զաշխարհ, վասն  
 մեղաց՝ և վասն արդարութե և վասն դատաս-  
 տանի: Վասն մեղաց՝ զի ոչ հաւատան յիս: Վս  
 արդարութեան՝ զի առ հայր իմ երթամ, և ոչ  
 ևս տեսնէք զիս, Վս դատաստանի՝ զի իշխան  
 աշխարհիս այսորիկ դատապարտեալ է: Եւս  
 բազում ինչ ունիմ ասել ձեզ՝ այլ ոչ կարէք  
 հանդարտիլ այժմիկ, Յորժամ եկեացէ նա  
 հոգին ճշմարտութեան՝ առաջնորդեացէ ձեզ  
 ամենայն ճշմարտութեամբ, զի ոչ եթէ յանձ-  
 նէ ինչ խօսիցի, այլ զոր լիցէ՝ խօսիցի, և  
 զգալոցն պատմեցէ ձեզ, Նա զիս վառաւորե-  
 ցէ՝ զի յիմէ անտի առնուցու և պատմեցէ  
 ձեզ, Զամենայն ինչ զոր ունի հայր՝ լիմէ,  
 վասն այնորիկ ասացի ձեզ, թէ յիմէ անտի  
 առնուցու և պատմեցէ ձեզ: Փոքր մի, և ոչ

ևս տեսանէք զիս, և ասոյս սակաւիկ մի, և տեսանիցէք զիս, և զի ես երթամ առ Հայր, Աստին սմանք յաշակերտաց սնտի ցմիմեանս, զինչ է այս՝ զոր ասէս ցմեզ թէ փոքր մի, և ոչ տեսանէք զիս, և դարձեալ սակաւիկ մի, և տեսանիցէք զիս, և թէ ես առ Հայր երթամ, Եւ ասէին զինչ իցէ այն փոքր միւս ևսն, չգիտեմք զինչ խօսի, Գիտաց յիսուս եթէ կամէին ցնա Հարցանել, և ասէ ցնտաս՝ վասն այդորիկ խնդրէք ընդ միմեանս՝ զի ասացի թէ փոքր մի, և ոչ տեսանէք զիս, և դարձեալ սակաւիկ միւս ևս, տեսանիցէք զիս, Ամէն ամէն ասեմ ձեզ, զի լացչիք և ողբասչիք դուք՝ և աշխարհ խընդացէ, դուք տրտմեսչիք՝ այլ տրտմութիւն ձեր յուրախութիւն եղիցի, Կին յորժամ ծնանիցի՝ տրտմութիւն է նմա, զի հասեալ է ժամ նորա, այլ յորժամ ծնցի զմանուկն, ոչ ևս յիշէ ըզնեղութիւնն վասն խնդութեանն, զի ծնաւ մարդ յաշխարհ, Եւ դուք այժմ տրտմութիւն ունիք, այլ դարձեալ տեսից զձեզ՝ և ուրախ լիցին սիրտք ձեր, և զուրախութիւնն ձեր՝ ոչ դք հանիցէ ՚ի ձէնչ, Եւ յայնմ աւուր զիս ինչ ոչ հարցանիցէք, ամէն ամէն ասեմ ձեզ՝ զի զոր ինչ խնդրիցէք ՚ի հօրէ իմմէ յանուս իմ, տացէ ձեզ, Մինչև ցայժմ ոչինչ խնդրեցիք յանուս իմ, խնդրեցէք, և առնուցուք, զի ուրախութիւն ձեր լցեալ եղիցի, Զայս առակօք խօսեմ



ցայ ընդ ձեզ, եկեցե՛ք ժամանակ՝ յորժամ ո՛չ  
 ևս առակօք խօսեցայց ընդ ձեզ, այլ յայտնա-  
 պէս զՏօրէ պատմեցից ձեզ, Յայնմ աւուր ինդ-  
 բեալիք յանուն իմ, և ո՛չ ասեմ ձեզ՝ եթէ ես  
 աղաչեցից զՏայր վասն ձեր, Ջի ինքն իսկ Տայր  
 սիրէ զձեզ՝ զի գուք զիս սիրեցիք, և հաւատա-  
 ցիք, եթէ ես յաստուծոյ ելի, ելի 'ի Տօրէ՛ և  
 եկի յաշխարհ, դարձեալ թողում զաշխարհ,  
 և երթամ առ Տայր:

Հոգւոց՝ Հայր մեր՝, Եւ 'ի վերայ յիշն յիշն  
 զսուեգորն, և վստայն զլոյս սուրբից: Եւ սպ- սր-  
 Յոյն ինքնուրեւմբ, և երկեցն 'ի սեղ- երեմոց:

Իսկ 'ի գեղերն մնչ գան 'ի հաբեւ զհոր գեղերայն  
 զաշխարհն, հոցցն շք- Կհանայտ յաջէ և յահէ  
 ննջեցելոյն, և ընթեռնուցան զլորտն աւետարանն Բու-  
 րողէ, ոյնն զմարտիրոսն, զմարտիրոսն, զպաւստոսն,  
 և զյոզիանան: Եւ 'ի վճ- րեցն՝ ստացն:

Հոգւոց՝ Վասն հանդու՝ Քն որդի՝ Հայր մեր՝:

Եւ մնչ հաւեցե սուրբ հաբեման, 'ի ծամ զգումն  
 սուրբ Եեմն ոյն հոր գեղեր:

Սորհասոքն Կարդէ:

Մասն քաւութեան և թողութեան միաց  
 հոգւոյ հանդուցելոյս: զտէր աղաչեցուք:

- Վասն առաջնորդելոյ սմա ընդ նեղ դուռն անձ-  
կացեալ ճանապարհին, զտէր աղաչեցուք:
- Վասն ընդուներելոյ զհողի սր՝ ի խորանս սրբոցն,  
զտէր աղաչեցուք:
- Վասն առաջնորդելոյ սմա ընդ առաջ փրկչին,  
զտէր աղաչեցուք:
- Վասն դասելոյ սմա յաշակողման դատուն յան-  
բաւ ուրախութիւնսն, զտէր աղաչեցուք:
- Վասն արժանի լինելոյ սմա անթաւամ սրտա-  
կացն, զտէր աղաչեցուք:
- Վասն պարգևելոյ սմա հանգիստ յերկնից ար-  
քայութեանն, զտէր աղաչեցուք:
- Վասն վերադասելոյ սմա՝ ի տեղի անկելոց հրեշ-  
տակացն, զտէր աղաչեցուք:
- Վասն հողւոցն հանգուցելոց, Եւ ևս միաբանս,  
Քանձինս մեր, Ողորմեսց:

Եւ Կոհոնայն տէր զաղօրն:

Տէր աստուած փրկիչ մեր, աստուած յաւի-  
տենական՝ արարիչ և իշխան հրեշտակաց և  
մարդկան, դատաւոր կենդանեաց և մեռելոց,  
օրհնեմք զքո մարդասիրութիւնդ՝ որ վասն բա-  
ղում ողորմութեանդ քո՝ ոչ կարացեր անտես  
առնել զստեղծուածս ձեռաց քոց՝ զվերաւո-  
րեալս՝ ի բանասրկուէ թշնամոյն, այլ կամաւ  
հօր և հաճութեամբ սրբոյ հոգւոյն խոնար-

Հեցար յարգանդ սրբուհւոյ կուսին, և հրաշափառ սբ ծննդեամբ քով զանիծիցն լուծեր զդատակնիք: Ամենամեծդ աստուած՝ որ վասն մեր աղքատացար՝ փառաւորեմք զքո անմահ թագաւորութիւնդ, զի զկերպարանս ծառայի առեր, և բեւեռեցար՝ ի վերայ խաչին, և սուրբ և սրտուական արեամբ քով զգերեալնն՝ ի ծառայութի թշնամւոյն ազատեցեր՝ ի կեանս: Երկրպագութիւն և փառս մատուցանեմք քեզ՝ հովիւ բանաւոր հօտի՝ տէր մեր և փրկիչ յիսուս քրիստոս, որ զցրուեալն յաներևոյթ և յանմարմին դիւէն ժողովեցեր առ բնակութիւն սրբոց հրեշտակաց, և սրարսպեալ սուրբ խաչիդ նշանաւն՝ կարգեցեր տեսուչ և առաջնորդ, հովուել իմաստութեամբ զժողովուրդս քո: Իսկ ծառայս քո՝ զոր շնորհեցեր մեզ առաջնորդ՝ ի ձեռն սրբոց առաքելոց քոց՝ այսօր հրաժարեցաւ ի մէնջ, և դարձաւ ի հող ըստ հրամանի քում: Եւ մեք ժողովուրդք քո և ծառայքս քո՝ ի տաճարի փառաց սրբութեան քոյ աղաչեմք և ինդրեմք՝ ի քէն, բարեխօսութիւն սրբուհւոյ աստուածածնիդ և ամենայն սրբոց քոց, որք յաւիտենից հաճոյ եղնն քեզ՝ ընկնլ զբանս ողջունի սորա՝ ի սբ եկեղեցւոյն առաջի սրբոյ սեղանոյ քոյ, և հանդո՞ զհօգի ծառայիս քոյ՝ ի խորանս սիրողաց անուան քոյ, թող սմա տէր ողորմած զյանցանս և զմտածութիւնս՝ որք

գործովք և խորհրդովք • զի դու արժանի և արժեք ևս թողուլ զմեզս : Շնորհեան սմա յարդար դատաւորութեք քում ընդ պետրոսեան աթոռակցութեանցն վերապատուիլ : Եւ զմեզ զամենեւեան օրհնեան հոգևոր օրհնութեամբ քով • զի սրբեալք 'ի յանցանաց՝ գոհանալով փառաւորեցուք զհայր և զորդի և զսուրբ հոգիդ • այժմ և միշտ և՛ :

Խորհրդովքն և արժեքն : Այ երկերդոքեցոս :

'Ի մեջ եկեղեցւոյս և առաջի սրբոյ սեղանոյ քոյ՝ քեզ երկիրպագանեմք և աղաչեմք զանհաս գթութիւնդ քո • որ ես առ ամենեւեան երկայնամիտ քրիստոս աստուած մեր : Անկող ահիւ և այժմ բարերարութիւնք քով զինդ բուածս մեր • և հեղ աղբիւրաբար զառատաբուղիս շնորհս հոգւոյդ սրբոյ՝ ի գանձս յայս պատուական • որ է տաճար կամաց քոց սրբոց : Զի 'ի ձեռն օժմանս այսորիկ՝ զոր յանուն քո օժանեմք սուրբ իւղովս այսուիկ՝ ընկալցին սուրբ նշխարքս ասկերաց սորա զօրութիւն բժշկութեանց • և զհալածումն սեւագունդ գիւաց • և մեծ պարծանս կենաց • և յայ մեծապէս սուրբ խոստովանութեամբ • որ 'ի հայր և յորդիդ և 'ի հոգիդ սուրբ : Որով ընկալեալ սորա զսուրբ օժումնս՝ և այդր ևս ճշմարտապէս գահակա-



լեոցէ, և ը այլ Քշմարիտ հովիւսն զբարբխոնն  
յաղթութեան ընկալցի 'ի քէն քրիստոս, և  
ամենայն սրբովք ուրախացեալ՝ փառաւորեցէ  
զհայր և զորդի և զսուրբ հոգիդ, այժմ և՛:

Եւ թէ նշքէցեալն հաճեալիս էրք, զայս ազօնս եւս հան-  
րեւջ հորդէն նշքէս:



Րհնեալ ես տէր աստուած ամենակալ՝  
հայր տեառն մերոյ յիսուսի քրիստոսի,  
որ լստ բազում ողորմութեան քում առեր  
զմեզ 'ի հեթանոսաց՝ և անուանեցեր զմեզ ան-  
ուամբ միածնիդ քոյ, Որ մարմնացաւ 'ի մերմէ  
քնութենէս, և մահուամբ եբարձ 'ի մէնջ  
շմեզս անիծաբերս և մահածինս յարութեամբ  
իւրով, ծնաւ զմեզ 'ի յոյն կենդանի յանեղծ  
և յանարատ ժառանգութիւնդ և յանթառամ  
սրտակացն ուրախութի, որ պահեալ է մեզ յեր  
կինս, Որոց առհաւատչեայ շնորհեցեր մեզ  
զհոգիդ քո սուրբ՝ որով ընկալաք զշնորհս որ-  
դէգրութեան քոյ, որով եդեր յեկեղեցւոյս  
առաքեալս և մարգարէս և աւետարանիչս՝ հո-  
ղիւս և վարդապետս, 'ի հատաստութիւն հա-  
ւատոյ, 'ի գործ պաշտաման փառաւոր սեղանոյ  
քոյ, և 'ի շինուած մարմնոյ սիրելոյ որդւոյ  
քոյ՝ որ զլրումն մեօք առնու, Յոր պատիւ և  
զճառայս քո զայս անունս արժանաւորեցեր, ամ-

բառնալով քոյին շնորհօք 'ի բարձրագոյն և 'ի ծայրագոյնն աստիճան առաքելական և քահանայութեան, և ընտրելով զսա 'ի բազմաց՝ յատկացուցեր յատկականաւ շնորհիւ: Եւ կարգեցեր զսա գլուխ և այցելու եկեղեցոյ քում սրբոյ: յանձնելով 'ի սա զամենայն խորհուրդս՝ զգործս և զպաշտօնս փրկարարս աւանդեցեալս յորդոյ քումմէ 'ի սուրբ եկեղեցիս քոյ: Որպէս զի յիշանել աստուածայնոյ իւրոյ հոգւոյդ սրբոյ: և 'ի ծագիլ պէսպէս շնորհացդ լուսափայլութեանց 'ի գլուխ: և անտի 'ի ստորինս տարածեցի ըստ մարգարէին. 'ի լուսնի և 'ի շինութիւն ըստ իւրաքանչիւրոցն արժանաւորութեան 'ի փառս ամենասրբոյ անուանդ քոյ: և զօրացուցեալ պահպանեցեր մինչև ցայսօր: Զոր և այժմ ըստ արարչադիր սահմանադրութեան քոյ կոչեցեր 'ի հանգիստ յերկրաւոր աշխատութենէս 'ի Թրտմալից կենցաղոյս այսօրիկ: Ասոն որոյ աղաչեմք զքեզ հայր գթած՝ 'ի յարկի փառաց սրբութեան քոյ՝ ուստի բաշխես զքաւութիւն կենդանեաց և մեռելոց. զի ողորմեսցիս ծառայիս քոյ այսմիկ: և անտես արասցես զոր ինչ յանցեալ իցէ սորա 'ի մարդկային աղտեղութենէ: Եւ զհեղգութիւն սորա՝ եթէ իցէ լեալ 'ի ոպասաւորութեան սեղանոյ քոյ՝ մուացիս վասն մարգասիրութեան քոյ: Կամ թէ անփոյթ արարեալ է

զկորտեամբ ուրուք, կամ թէ ծուլացեալ իցէ  
 քարոզել զպատուիրանս քո՝ ի խրատել զժո-  
 ղովուրդս քո, զամենայն թողցես սմա անոխա-  
 կալ գթութիք քո, քաւիչ լիցիս բովանդակ  
 սխալանաց սորա քաղցր և բարերար շնորհօք  
 քո, եւ զմեղս և զանօրէնութիւնս սորա՝ որ վն-  
 կարեաց և փառաց մարմնոյ, և կամ վասն սիրոյ  
 և ամսթոյ և երկիւղի մարդկան, մի՛ ևս յիշես-  
 ցես, այլ յամենայնէ փրկեա՛ զհօգի ծառայիս  
 քոյ, և արժանաւորեա՛ համարձակապէս մտա-  
 նել առաջի քոյ դէմ յանդիման, և ուրախու-  
 թեամբ կալ յանդիման փառաւոր աթոռոյ  
 քոյ, արգարութիւն երևիլ երեսաց քոց, յա-  
 դիլ յերևման մեծի և վայելուչ փառաց քոց,  
 և ցնծալի բերկրանօք զերկրպագութիւն ամե-  
 նատուրբ երրորդութեդ մատուցանել յօթեվան  
 հանգստեան՝ ի տեղոջ բնակութեան սրբոց  
 արգարոցն, և ընդ նոսին զուարճանալ ուրա-  
 խարար յուսով, Ընդ որոց և սմա շնորհեսցես  
 ժառանգութիւն զարքայութիւն քրիստոսի այ  
 մերոյ, որում քեզ հօր բարերարի և հօգւոյդ  
 սրբոյ վայելէ փառք՝:

Խաղաղութիւն ակեղոսան : Աստուծոյ երկերպագեացոս :

Քեզ թագաւորի անմահի և մարդասիրի՝ ամե-  
 նեքեան փառան ամենայրդոր փութով երկըր-

արագութիւնս վերառաքեմք՝ ի վերայ ծառայիս  
 քոյ այսօրիկ, զոր ընարեցեր ՚ի վիճակ առաքե-  
 լական. զքեզ ինքնին ընկալեալ սորա բաժին  
 և ժառանգութիւն կալ առաջի մեծութեան  
 քոյ և ալօթս մատուցանել յանուն քո ահաւոր՝  
 և սրշտել զսեղանս քո վառաւոր. և ՚ի հով-  
 ուել զհօտ քո բանաւոր. և ծնանիլ վերստին  
 զմարդիկ աւազանաւն յորդէգրութիւն քեզ.  
 և զպատրաստեալ բարիսն միածնիդ քոյ վայ-  
 ելել և վայելեցուցանել զբաղումս. ունիլ  
 իշխանութիւն ՚ի կապել և յարձակել յերկինս  
 և յերկրի. եւ այժմ հրամայեցեր զալ առ-  
 քեզ. և հանգչիլ ՚ի հոգոց իւրոց, և ազատա-  
 նալ ՚ի տառապանաց կենցաղոյս, և առնուլ  
 զկեանսդ՝ յորմէ մերժեալ են ցաւք և տրտմու-  
 թիւնք և հեծութիւնք. եւ արդ՝ տէր ողորմած  
 և մարգարէր, հաւատարիմ լիցի ամենայն գործ  
 սորա հոգևոր՝ որ ՚ի սուրբ եկեղեցիս և ՚ի ժո-  
 ղովուրդս քո, Յիշեալք և ընգունելիք եղիցին  
 առաջի քոյ տր՝ ալօթք, պատարագք և նուէրք  
 կենդանեաց և մեռելոց՝ մատուցեալք ՚ի ձեռն  
 սորա յանուն քո, ՚ի շարժել զգութիւնս տրտմու-  
 թեան քոյ յայնօրիկ՝ յորոց ընծայեցան. որպէս  
 զի և սա անդատապարտ գտանիցի ՚ի նոցին պար-  
 տուց՝ առնլով զմեծ ողորմութիւնս յամենառատ  
 վարձատուէր, եւ թէ պակասումն լեալ իցէ  
 սորա ՚ի հեղգութենէ, լիապէս կատարումն



պարգևեցցես, և ներկեցցես սմա զոր սխալեաց  
 իբրև զմարդ, քանզի քեզ արարչիդ յայտնի է  
 տկարութիւն մեր, և դու տէր հրեշտակաց ներ-  
 քես բազում անգամ, զի ոչ ոք է առանց մեղաց,  
 քայց միայն սուրբ երրորդութիւնդ՝ որ ամենե-  
 ցուն քաւիչ ես, սր և պարգևեցցես զքաւու-  
 թիւն ծառայիս քոյ այսմիկ՝ և ամենեցուն որք  
 յուսացան՝ ի ձեռն սորա քաւուե՛հ հասանել, Եւ  
 զամենեսեան զլուսաւորեալքս և զօրհներալքս՝  
 և զխրատեալքս բանիւ վարդապետութեան  
 սորա՝ ինամեցցես և պահեցցես հաստատուն  
 առանց գայթակղութեան՝ ի սրտձանս սորա  
 յաւուրն ասեղին, Աղաչեմք զքեզ տէր աստ-  
 ուած արարիչ հոգւոց և մարմնոց ամենայն կեն-  
 դանեաց ստեղծուածոց, մի՛ երբէք ընդ վայր  
 հարցես զհօտս սորա և զհաւատացեալո քո հօտ՝  
 թողլով անհովիւ, այլ տացցես այր՝ ի վերայ  
 ժողովրդեան քոյ՝ զոր և լցուցցես հոգւովդ քով  
 սրբով, լինիլ նոցա հովիւ ըստ սրտի քում,՝  
 հովուել զնոս իմաստութիւնք, Եւ մի՛ թարեան  
 զհոգի սորա՝ զոր աւանդեաց՝ ի քեզ, և հան-  
 գուցցես՝ ի դասս պաշտօնէից քոց արժանաւո-  
 րաց՝ որք յամենայն սրտէ իւրեանց ծառայեցին  
 քեզ և պահեցին զպատուիրանս քո յամենայն  
 ՚ի կեանս իւրեանց, և նոցին շնորհեցցես զու-  
 րախարար կեանսն՝ ի մէջ սրբոց հրեշտակաց,  
 Եւ յաւուրն վերջնում, յորժամ առաքես զոր-

դիդ քո սիրելի առնուլ համարս 'ի ծառայից  
 քոց և հատուցանել ըստ իւրաքանչիւր վա-  
 տակոց, արն և զսա կերպարանակից մարմնոյ  
 փառաց միածնի որդւոյ քոյ, լինիլ արժանի և  
 հաղորդ նորին արքայութեան՝ ժառանգաւոր  
 կենացն յաւիտենից, Զի թէպէտ և մեք՝ սրբ  
 հայցեմք՝ անարժան եմք, դու տէր ոգետէր՝ բա-  
 րեխօսութեամբ և հեղմամբ արեան սրբոյն  
 ստեփաննոսի առաջին պաշտօնէի սրբոյ սեղանոյ  
 քոյ՝ և աղաչանօք սբոց առաքելոց քոց և սրբոյն  
 գրիգորի լուսաւորչին մերոյ, որոց յաջորդ կար-  
 գեցեր զսա, և ամենայն հաճոյսկան ծառայից  
 քոց՝ տուր սմա զամենայն հայցուածս նուա-  
 սութեան մերոյ, Եւ զմեզ օրհնեան ամենայն  
 հոգևոր օրհնութեամբ, և միխիթարեան շնոր-  
 հօք սուրբ հոգւոյդ, որով զօրացեալք՝ արժանի  
 լիցուք փառաւորել զհայր և զօրդի և զսուրբ  
 հոգիդ, այժմ և՛:

Էւ բոանան Գահոնոյն և հանէն 'ի բէնն առաջի սրբոց  
 սեղանոյն: Էւ ոսէն սողմոս իբ, 'ի Բիւս:

Տր հովուեսցէ զիս, և ինձ ինչ ո՛չ պակասեցի:  
 'Ի վայրի դալարւոյ անդ բնակեցոյց զիս, և առ  
 շուրս հանգստեան մնոյց զիս:  
 Դարձոյց զանձն իմ առիս, և առաջնորդեաց ինձ  
 'ի ճանտագարհս արդարութեան վասն ան-  
 ուան իւրոյ:

Թէպէտ և դնացից ես 'ի մէջ ստուերաց մահուս  
 ոչ երկեայց 'ի չարէ : զի դու տէր ընդիս ես :  
 Յուպ քո և գաւազան՝ նոքան միսիթարեսցեն զիս :

ԿՅՈՐԴ ՊԷՄՅՈՅՆ :

Պատրաստ արարեր առաջի իմ զսեղանն ակն  
 յանդիման նեղչաց իմաց : Երեք՝ իրենե՞ս զոգ՞ս և  
 զյճորդ՞ս զոյս : Դարձեալ ոգի՞ս 'ի Բեա : Տէր հով-  
 ուեսցէ զիս : Դնէ և յվէ՞ս գունն : ԿՅՈՐԴ ՊԷՄՅՈՅՆ :

Օծեր իւղով զգլուխ իմ : Բաժակ քո որպէս  
 անապակ արբեցոյց զիս : Երեք՝ իրենե՞ս նոյնդե՞ս զոգ-  
 յոս և զյճորդ՞ս : Ըրբե՞սն : դձ :

Առաքելոյ աղաւնուոյ իջանելով մեծաճայն  
 հնչմամբ 'ի բարձանց 'ի նմանութիւն լուսոյ  
 փայլման հրազինեաց անկիզելի զաշակերտանս :  
 մինչդեռ նստէին 'ի սուրբ վերնատանն : Ան-  
 նիւթական աղաւնի : անքննելի որ քննէ զսորս  
 աստուծոյ : զոր առեալ 'ի հօրէ պատմէ զա-  
 հաւոր և զմիւսանգամ գալուստն : զոր քարոզե-  
 ցին համագոյական : Օրհնութիւն 'ի բարձունս  
 ելողին 'ի հօրէ հոգւոյն սբյ : որով առաքելալքն  
 արբեցան անմահական բաժակաւն : և հրաւի-  
 րեցին զերկիրս 'ի յերկինս :

Եւ ոպոս Գեորգիոսի Գեորգիոյն : Եւ ուտալ զսորք  
 մեռնն՝ օճոյ՞ նոխ զճակարն և ոպոս զ՝ զոյ յեռն : ( ՈՐ-

դէս և սուրբն զիսնէստոս օրէնացի պարտաւրէ. որ է ա-  
ղ-նիբոս արքայ առաւելոյն պողոտի: Եւ այն զիսնէստոս հար-  
գաւ մէննէ զխորհուրդն՝ զոր սանիմր այդպիսի հարգութի-  
սոնէստոսն. զի զի հիւսնոսանն Գարշապտիսն զոր  
փնցէ օր. զի առաւելոյն է հաննու: Եւ համբարէն  
զորսրբ Եղանն որդէս յերեսոյ վախճանելոյն. և զխորանն,  
և զմէնայն սրբոստիանն: Եւ զորսրբ արեգարանն զնէն  
ի գիրկն և համբարէն: Եւ ստեն Սողմոս ճիտ:

Ուրախ եղէ ես՝ ոյք ասէին ցիս՝ ի տուն տեառն  
երթ իցուք մեք:

Հասեալ կային սոք մեր՝ առ դրունս քո երու-  
սաղէմ:

Ձերուսաղէմ շինեալ որպէս քաղաք. և բնա-  
կու թիւն իւր շուրջ զնովաւ:

Անդ ելաննէ ին աղգք՝ աղգք տեառն՝ ի վկայութի  
խորայէ լի՝ խոստովան լինիլ անուան տեառն:

Անդ արկեալ են աթոռք դատաստանի. աթոռս  
արկեալ են ՚ի տան դաւթի:

Հարցէք զողջունէ երուսաղէմի. և զշինութենէ  
ոյք սիրէք զտէր:

Եղիցի խաղաղութիւն ՚ի զօրութեան քում և  
շինութիւն յաշտարակս յամուրս քո:

Վասն եղբարց և ընկերաց իմոց խօսեցայ զխա-  
ղաղութիւնս. վասն քո և վասն տան տեառն  
աստուծոյ մերոյ խնդրեցաք զբարութիւն  
ի քէն:



կրօք ողբ-Յոյն:

Ողջոյն քեզ սուրբ եկեղեցի: Ողջոյն քեզ սեղան  
սրբութեան: Ողջոյն ձեզ դասք քահանայու-  
թեան: Ես ճանապարհորդ եցի առ արարիչն իմ:

Եւ սո՛նք քան առ քան զողջոյնն, մե՛կեւ Վճարի սաղմոնն:  
Եւ համբարեն զԲուր եկեղեցին. եւ Գարձեալ երթան ա-  
ռ-Չի ուրջոյ սեղանոյն:

Չլորենին սաղմոնն եւ զողջոյնն ստեղծ շարժած են զնշ-  
ջեթալն երիցս ոնգամ զեղանոյնն համբէ՛ր Ռջ եկեղեցոյն  
ընդ շրոս անկեանն. որ նշանակէ՛ զհամբարենն նարին զտե-  
ղանն եւ զԲուր եկեղեցին եւ զուրբաւնին ասելոյն: Եւ զհրա-  
ժարանն ողջոյնն քան: Եւ համբարենն զՌեանոս քահա-  
նայն. եւ երկրպագեն Վախճանեւոյն. եւ համբարենն զԿառն  
զանգարանն եւ զուրջ: Եւ սպա իջոսցան են՝ Ե Բեմն՝ զո-  
րեւոյ զսաղմոնն եւ զողջոյնն.

Մտղմոն ձգ:

Հիմունք նորա՛ ի լեառն սուրբ նորա, սիրէ  
տէր զդրունս սխմիլի՛ առաւել քան զամե-  
նայն յարկն յակորայ:

Փառաւորեալն իօսեցաւ վասն քո՛ ահաւադիկ  
քաղաքդ աստուծոյ:

Յիշեցի զուսհաբ եւ զբարիլոյն՝ ոյք ճանաչեն  
զիս, ահա՛ այլողգիք եւ ծուր եւ ժողովուրդք  
հնդկաց՝ սքաւ եղեն անդ:

Սխմիլն ասի մայր՝ եւ մարդ ծնաւ՝ ի նմա, եւ ինքն  
հիմունս էարկ ի նմա բարձրեալն:

Տէր պատմեացէ գրովք ժողովրդեան իշխանացս  
այոցիկ՝ այք եղեն անդ :

Արպէս զի ուրախ լիցին ՚ի քեզ ամենեքեան՝ որոց  
բնակու թիւն ՚ի քէն է :

ԿԾԻԴ ԵՂԵՅԵՅԻ :

Ողջոյն ձեզ մանկունք եկեղեցւոյ : Ողջոյն ձեզ  
հաւատացեալ եղբարք իմ ՚ի քրիստոս : Ողջոյն  
ձեզ համօրէն ժողովրդականք՝ ես ճանապարհ-  
հորդեցի առ քրիստոս յոյսն ամենեցուն :

ՄԵՂԻՆՆ ԸԼԼ :

Տէր փորձեցեր զիս և ծանեար զիս : դու ծա-  
նեար զնստիլ իմ և զյառնել իմ :

՚Ի մտ առեր զխորհուրդս իմ ՚ի հեռաստանէ :  
զշաւիղս իմ և զվիճակս իմ դու քննեցեր : և  
զամենայն ճանապարհս իմ յառաջագոյն տե-  
սեր : զի ոչ գոյ նենգու թի՛ ՚ի լեզուի իմում :

Ահա դու տէր ծանեար զյետին իմ և զառաջին  
իմ : դու ստեղծեր զիս և եդեր զձեռն քո  
՚ի վերայ իմ :

Սքանչելի եղև գիտութիւն քո յինէն : զօրա-  
ցաւ և ոչ հանդարտեմ սմա :

Յո՞րեր թայց ես յոգւոյ քու միտ : կամ յերեսաց  
քոց ես յո՞ փախեայց :

Թէ ելանեմ յերկինս, դու անդ ես, և թէ  
իշանեմ 'ի դժոխս, և անդ մօտ ես:

Թէ առից զթևս իմ ընդ առաւօտս, և բնակե-  
ցայց յերգերս ծովու:

Սակայն և անդ ձեռն քո առաջնորդեսցէ ինձ,  
և աջ քո ընկալցի զիս:

Ասացի՛ խաւար ուրեմն արդեօք ծածկեաց զիս,  
կամ գիշեր փոխանակ լուսոյ փափկուէ իմոյ:

Խաւարն 'ի քեզ ոչ խաւարեսցի, և գիշերն  
որպէս տիւ լուսաւոր եղիցի, և խաւար նորա  
որպէս զլոյս նորա:

Դու ստացար զերիկամսնս իմ, և ընկալար զիս  
յորովայնէ մօր իմոյ:

Խոստովան եղէց քեզ տէր զի ահեղ և սքան-  
չելի ես, սքանչելի են գործք քո, և անձն  
իմ սիրեաց յոյժ:

Ո՛չ թաքեաւ ոսկր իմ 'ի քէն՝ զոր արարեր 'ի  
ծածուկ, և կար զօրու թեան իմոյ ընդ ստո-  
րինս երկրի:

ԿԾԻՐ ԴԷ-ՅԵՆ՝:

Ահա հրաժարիմ 'ի քէն՝ սուրբ եկեղեցի:

Ահա մեկնիմ 'ի ձէնջ սիրելի եղբարք, 'ի կո-  
չումն վերանորոգողն քրիստոսի այ մերոյ:

Ս-դ՞ոս. ճլթ:

Պահեան զիս տէր 'ի ձեռաց մեղաւորի, և 'ի  
մարդոյ չարէ փրկեան զիս:

Ապրեցո՛ղ զիս տէր 'ի մարդոյ չարէ՛ . յառնէ՛ ա-  
նիրաւէ՛ փրկեան՝ զիս .

Խորհեցան՝ զանօրէնու թիւն 'ի սիրտս իւրեանց .  
զօր ամենայն՝ պատրաստեցան՝ 'ի պատերազմ՝ .

Սրեցին զլեզուս իւրեանց՝ օրպէս զօձի . և թոյնք  
ի թից 'ի ներքոյ շրթանց նոցա .

Պահեան՝ զիս տէր 'ի ձեռաց մեղաւորի . և 'ի  
մարդոյ չարէ՛ փրկեան՝ զիս .

Խորհեցան խափանել զգնացս իմ . թաքուցին  
ամբարտաւանք օրօգայթ ինձ .

Կցորդ ոգի-խոյն .

Աշօթս արարէք վասն իմ հարբ իմ . եղբարք և  
որդիք . և օրհնեսցէ զձեզ քրիստոս փրկիչ մեր .  
պահեսցէ հաստատուն 'ի հաւատս իւր՝ մինչև  
'ի սահմանեալ կէտ կոչմանս այսորիկ . և խա-  
ղաղութիւն տեառն եղիցի ընդ ձեզ յաւիտե-  
նից յաւիտեանս . ամէն .

Եւ ոգո փան զոչ ընչն . Եւ ախնոյն ժողովարգն համ-  
բարէն զոչ հանգուցելոյն՝ օրպէս և բահանայն . և շնչն  
չհանգուցեալն 'ի հզ փաշարէն . և մարչի պապարտն .

Իսկ զինք պապարտին սխանիցին առել : Խնամով սիրոյն .

Եւ սորչաւոփն Թարգէ :

Միաբան աղաչեացուք զմարդասէրն աստուած



յողագս ննջեցեալ քահանայիս այսորիկ . զտէր  
աղաչեցուք : Սրբասէր քահանայք և բազմամ-  
բօխ ժողովուրդք : հայցեցէք 'ի քրիտոսոսէ զի  
շնորհեցէ սմա զթողութիւն մուլաց . զտէր' :  
Զի հանգուցէ զհօգի սորա յերկնային խո-  
րաննն յանապառ ուրախութիւննն . զտէր' : Յա-  
ռաջնումն համարեցի զսա ընդ մովսէսի և ընդ  
այլ մարգարէիցն . զտէր' : Յերկրորդումն հա-  
մարեցի զսա ընդ սեփարոսի և ընդ պօղոսի և  
ընդ այլոց սրբոց առաքելոցն . և զաղաչանս մե-  
ղուցելոցս ընկալի 'ի յիշատակ հօգւոց ննջեցե-  
լոցն ընդ սուրբս դասելով . զտէր' : Եւ ևս միա-  
բան' : Զանձինս' : Ողորմեաց մեզ տէր Թժ' :

Եւ Կոնստանտինոսի զաղօլն :



Մարչագործ աստուած' որ 'ի ձեռն աստ-  
ուածային խորհրդոյ քոյ զառաջնաս-  
տեղծ մարդն կերպարանակից և նմանակից քեզ  
արարեր . և լուսեղէն փառօք զարդարեցեր . և  
արարեր զնա հողեղէն պատկերաւն' փառակից  
հրեղինացն . և ծածկեցեր զհողեղէն մարմինն  
լուսեղէն փառօք : Ընդ որ խանդացեալ թըշ-  
նամւոյն' մահաբեր պտղոյն ճաշակմամբ խա-  
բեաց զնա և ընկէց 'ի փառացն . Իսկ նորա տե-  
սեալ զինքն մերկացեալ 'ի լուսեղէն զգես-  
տուցն' սաղարթապատ լինէր ընդ տնկոյն 'ի

գրախտին : Եւ գովով նորա լուծեալ 'ի պատ-  
 ուիրանէն և արտաքսեալ 'ի գրախտէն՝ ոչ  
 գտանէր զմխիթարու թիւն վշտակրու թեանն :  
 Եթէ ոչ էր ասացեալ քո կենարարիդ՝ եթէ  
 հող էիր և 'ի հող դարձցիս : Ապա այնուհետեւ  
 ցանկայր մահու հասանել : զի մահուամբն ըզ-  
 կենդանու թիւն գտցէ : Իսկ դու տէր՝ գթացար  
 յանարատ ձեռաց քոց ստեղծուածն : ոչ կարա-  
 ցեր տեսանել զկորուստ նմանակից քոյ պատկե-  
 րին նախաստեղծ մարդոյն : խոնարհեցար յերկ-  
 նից 'ի հայրական ծոցոյ : և զմարմին ծառայի  
 'ի կուսէն ճշմարտապէս յանձն առեր : հողա-  
 տեղծին կերպարանաւ ծածկեցեր զլուսեղէն  
 աստուածու թիգ : զհողեղէն կերպարանս նմա-  
 նակից քեզ արարեր : զքոյինաստեղծ պատ-  
 կերն՝ զպատրեալն 'ի պատրողէն՝ առաջին ըզ-  
 գեցմամբն նորոգեցեր : և զմեզ նորոգեցեր ընդ  
 նախահօրն մերում ադամայ 'ի վերայ կենարար  
 փայտին : և արբուցեր մեզ յանմահարար բա-  
 ժակէդ 'ի կողահոս աղբերէդ : զմեռելու թիւնս  
 մեր նորոգեցեր անշնչու թեամբ քով 'ի խաչին :  
 և իջանելով քո 'ի գերեզման՝ և յարու թեամբ  
 քով 'ի մեռելաց զարգեցելանն 'ի մեղսասէր  
 բանտին 'ի բանտարկուէն ազատեցեր : և զկար-  
 ծիս կարծեալ իշխանին լուծեր : և զըմբռ-  
 նեալն 'ի նմանէ արժանաւորեցեր անեղաշէն  
 գրախտին կենաց : Եւ զմեզ կարգեցեր քա-

Հանայս 'ի տաճարի փառաց սրբութեան քո՞  
 զոր հիմնեցուցեր 'ի վերայ առաքելական վիժի  
 խոստմամբ կեփայի՝ եթէ դու ես վէմ, և 'ի  
 վրայդ վիժի շինեցից զեկեղեցի իմ, և դրունք  
 դժոխոց զնա մի՛ յաղթահարեցեն, Որպէս և  
 զծառայս քո՞ զոր արժանաւորեցեր առնուլ  
 զպատիւ քահանայութե և զպսակ սարժանաց,  
 և ընտրեցեր զսա լինիլ քեզ սպառաւոր ընդ  
 որդիսն սրտման, Վեստի նմանեցաւ սա միւլի-  
 սեդեկի՝ լցեալ շնորհօք հոգւոյդ սրբոյ: Սա՛  
 նմանեալ մովսիսի նախամարգարէին՝ առաջնորդ  
 լինելով ժողովրդեանն 'ի մթապատեալ մեղացն  
 եգիպտական, մուծանելով 'ի տուն տեառնդ  
 և 'ի գաւիթս աստուծոյդ: Սա՛ նմանեալ ա-  
 հարոյնի վակասակիր պատմուճանաւն, և ոչ ա-  
 կամբք երկոտասանիւք ընդելուզեալ, այլ եր-  
 կոտասան առաքելոցն փառատրութիւն համե-  
 մատեալ, և ոչ զակունս յանդիմանութեան 'ի  
 վակասին կրելով՝ որով զմահ և վկեանս ժողո-  
 վրդեանն ճանաչէր՝ այլ զմարմին և զարիւն  
 որդւոյդ աստուծոյ՝ 'ի վերայ բազկացն կրելով՝  
 որով զմեզս և զանօրէնութիւնս ժողովրդեան  
 քոյ քաւէր, և ոչ արեամբ ցլուց և զուարակաց,  
 այլ արեամբն քրիստոսի աստուծոյդ մերոյ  
 մտանէր 'ի սրբութիւն սրբութեանցն: Սա՛  
 նմանեալ սամուէլի՝ արկեալ զիւրեաւ կրկնոց  
 և զեփուտ քահանայութեանն յանշարժ տա-

պանակի՝ հովուէր զժողովուրդ քոյ։ Սն՝ տա-  
 ճարի տեառնդ գործող։ Սն՝ սեղանոյ տեառնդ  
 պաշտօնեայ։ Սն՝ պատարագիչ քրիստոսիդ։ Սն՝  
 բաշխող մարմնայ և արեան տեառն։ Սն՝ մկրտիչ  
 ծնիցելոց՝ աւազանին շրով և հողւով։ Սն՝  
 սրակիչ զուգակցելոցն յամուսնութի՝ տեառ-  
 նագրութեամբ նք խաչին և բոլոր պակաւն։  
 Սն՝ մեղաւորաց դարձուցիչ՝ որ կոչէր յապաշ-  
 խարութիւն քաղցրալուր բարբառովն։ Սն՝  
 ընթերցող մարգարէական և առաքելական տա-  
 ռից։ Սն՝ քարոզող ժողովրդեանն նմանեալ  
 առաքելոցն։ Սն՝ տօնախմբող մարտիրոսացն) և  
 յիշատակող սրբոց ճգնաւորացն։ Սն՝ յիշատակող  
 ննջելոցն հաշտարար սուրբ պատարագաւն։  
 Սն՝ փառաբանիչ սրբոյ երբորդութեդ՝ վեր-  
 նայնոցն նմանեալ։ Եւ այժմ տէր քարերար՝  
 զսա առ քեզ կոչեցեր. և խափանեցաւ պաշտօն  
 սորա յեկեղեցւոյ քումմէ և ՚ի ժողովրդենէ  
 քումմէ։ Վասն որոյ աղաչեմք զքեզ մարդատէր  
 տէր՝ ընկալ զհոգի սորա ընդ ընտրեալս քո և  
 ընդ կամարարս անուանդ քում սրբոյ, և խառ-  
 նեան զսա ՚ի թիւ աշակերտաց քոց։ Եւ եթէ  
 յանցեալ ինչ իցէ սորա ըստ մարդկային բնու-  
 թեանս) թող սմա։ Եւ յանձառ և յահեղ  
 գալտեան քոյ՝ յորժամ նշան սրբոյ խաչիդ  
 ճառագայթիւք ընդ ամպս երկնից փայլէ կա-  
 րապետ գալտեան քոյ, և զօրութիւնք երկնից



շարժին, և զօրք հրեշտակաց առաջի ընթանան, և հրեշտակապետն հնչեցուցանէ զվողն աղ-  
 դեցու թեանց՝ ազգ առնելով տիեզերաց և յա-  
 լիտենից ննջեցելոցն՝ ՚ի զարթուցանել ՚ի մա-  
 հահանգիտտ քնոյ, և յառնեն մեռեալք ՚ի  
 գերեզմանացն, և հոգիքն զգենուն զիւրաքան-  
 չիւր մարմին, և կան առաջի ահեղ ատենիդ, յնյնժամ  
 յանուանէ կոչեան զժառայս քո՝ և ընդ աջմէ քոյ կացո՛ւ, և արն օգաթուիչ թևօք  
 վերամբառնալ ՚ի վերինդ երուսաղէմ՝ ՚ի մայր  
 մեր ամենեցուն՝ ՚ի լուսեղէն առազաստն՝ ՚ի յա-  
 լիտենական և յանանցանելի լոյսն, Եւ զաշա-  
 կելտակիցքս և զուղարկաւորք սորա և զյար-  
 մարօղ ծառայս քո հանդերձ երկրպագօղ ժողո-  
 վրդեամբս՝ արժանաւորեան երանաւէտ կոչմանդ  
 քո քրիստոս ատուած մեր, զի դու ես տէր  
 կենաց և աստուած ողորմութեան, Եւ քեզ  
 ընդ հօր և ընդ հոգւոյդ սրբոյ վայելէ փառք  
 իշխանութիւն և պատիւ, այժմ և՛:

Եւ Բառնան Կոնստանդն. և Բերեն ՚ի Գառնիէն ՚ի ժամ-  
 որուն, ինչ թէ լինէ ժամորուն՝ շէնէն է յեփէն Գառն.

ասելով շարժան խոյն. ԳՆ:

Փայտ կենաց՝ որ փոխանակ մահացու պտղոյն  
 զքրիստոս պտղաբերեցեր, պարսպեալ պահեան

զուխտո Տաւատացելոց, Քե բացաւ մեզ Ճանա-  
պարհ ծառոյն կենաց 'ի սրովբէափակ պահպա-  
նութիւն, պարսպեալ պահեան զուխտո Տաւա-  
տացելոց, Քե ազատեցաւ նախահայրն 'ի ճա-  
շտմանէ պտղոյն, և քեզ երկրպագեն ամենայն  
Տաւատացեալք, պարսպեալ պահեան զուխտո  
Տաւատացելոց:

Անուանեալ փայտ գիտութիւն զմեզ 'ի կենացն  
Տանեալ արտաքսեցոյց, որով յանցեաւ մայրն  
եւայ, և պարտեաց զնախահայրն, Իսկ փայտ  
խաչի քոյ՝ կենսատու գաւազան զօրութիւն կենաց  
մարգկան և յոյս հաստատութեան, առաջնորդ  
եղև մեզ 'ի կեանսն յաւիտենից, Ետուր մեզ  
նշան յաղթող սուրբ զլաչ քո, զի սովաւ  
մտցուք ընդ նեզ դուռն անձկացեալ Ճանա-  
պարհին, որում ցանկային երկրածին որդիք  
մարգկան:

Եւ թէ յեղի-հոգոսոց իցէ, զմտան և զգոտուանն յեղի-  
զէցոզն դնեն, մինչև ոյլ ոչ յաջրեոցէ:

Եւ անբէն 'ի ժամոտանն ոտուջէ խաչին՝ որ 'ի շրան գո-  
ծարին է, հոմ թէ 'ի յեղին դոռն՝ այս հանան հոգոյի:

Սողոմոն ճԹ:

Ետուր երկիւղածաց քոց նշան, զի ապրեացին  
յերեսաց ալեղան:

Աստուած մերժեցեր և աւերեցեր զմեզ, բար-  
կացար և գթացիս 'ի մեզ:

Ընկերացուած յառաջից. գ. 18:

**Փայտ** կենաց է ամենեցուն՝ որք պատուպարին՝ ի նա, և որք յենուն՝ ի նա իբրև՝ ի տէր հաստատութեամբ: Աստուած իմաստութեամբ հիմունս էարկ երկրի, պատրաստեաց զերկինս խորհրդով, Եւ հանձարով իւրով զանդունդս պատառեաց, և ամպք հոսեցին զանծրև, Որդեակ՝ մի՛ լքանիր, պահեան զխորհուրդս իմ և զլմաստութիւն, Ձի կեցցէ անձն քո, և շնորհք իցեն՝ ի վերայ պարանոցի քում, եղիցի բժշկութի մարմնոյ քում, և դարման ոսկերաց քոց, Ձի դնացես յուսով խաղաղութեան յամենայն ճանապարհս քո, և ոտն քո մի՛ գայթակղեսցի, Ձի եթէ նստիցիս՝ աներկիւղ իցես, և եթէ ննչիցես՝ քաղցր ՚ի քուն լիցիս, Եւ ոչ երկիցես ՚ի զարհուրանաց ՚ի վերայ հասեցցամբարշտաց, և յարշաւանաց ՚ի վերայ եկեցց, Ձի տէր եղիցի ՚ի վերայ ամենայն ճանապարհաց քոց և հաստատեցէ զոտն քո՝ զի մի՛ ստանեցի:

Ընկերացուած յետոյ, մարգրէէ. կե. 22:

**Այսպէս** ասէ տէր, ըստ աւուրց փայտին կենաց եղիցին աւուրք ժողովրդեան իմոյ, գործք ձեռաց նոցա հնացին, Եւ ընտրեալք իմ մի՛ ևս վաստակեցին ընդունայն՝ և ոչ ևս ծնանիցին որդիս յանէծս, զի զաւակք օրհնեալք են յաս-

տուժոյ, և ծնունդք նոցա ընդ նոսա: Եւ եղիցի  
 մինչև Կարդացեալ իցէ նոցա՝ ես լուայց նոցա,  
 և մինչ գեռ խօսեսցին, ասացից թէ զի՛նչ  
 խնդրէք:

Պէտքոսի սոստելոյն ՚ի Կաթնաղբիկէոյց սոստլին Բիւրոյն է  
 ընկերացուածս: Դ. 9:

Ինձ այսպէս թուի՝ եթէ զմեզ զառաքեալս  
 յեանորդս արար ատուած իբրև զմահապարտս,  
 զի տեսիլ եղաք աշխարհի, և հրեշտակաց՝ և  
 մարդկան: Մեք յիմարք վասն քրիստոսի, և  
 դուք իմաստունք ՚ի քրիստոս, մեք տկարք՝ և  
 դուք հզօրք, դուք փառաւորեալք՝ և մեք ան-  
 արգք: Մինչև ցայսօր ժամանակի, և քաղցեցաք՝  
 և ծարաւեցաք՝ և մերկ գնացաք, և կռփահարե-  
 ցաք և անհանդիստ եղաք, և աշխատեցաք ձեռօք  
 մերովք: Բամբասէին զմեզ՝ օրհնէաք, հայհոյ-  
 էին՝ աղաչէաք, Հալածէին՝ յանձն առնուաք,  
 իբրև առակ նշաւակի եղաք ամենայն աշխար-  
 հի, ամենեցուն փարելի լինիլ մինչև ցայժամ: Ո՛չ  
 եթէ յամօթ ինչ առնելով զձեզ գրեմ զայս,  
 այլ իբրև զօրգիս սիրելիս խրատեմ: Թէպէտ  
 և բիւր գատիարակս ունիցիք ՚ի քրիստոս՝  
 այլ ո՛չ եթէ բազում հարս, զի ՚ի քրիստոս  
 յիսուս աւետարանաւն ես ծնայ զձեզ: Արդ  
 աղաչեմ զձեզ, նմանօրք ինձ եղիչիք՝ որպէս  
 և ես քրիստոսի:




ԱԷԼՈՒԻ՝ Նշանեցաւ առ մեզ լոյս երեւոց քոյ՝

ԱԷԼԼՈՒԻԱ՝ Օրթի, Խաղաղութիւն ամն՝

Ատորոմն որ ըստ Տորեհոի. իդ. 29:

Տէրն մեր յիսուս քրիստոս ասէ .

աղաղակի յետ նեղութեան աւուրցն այնոցիկ՝ արեգակն խաւարեացի, և լուսինն ոչ տացէ զլոյս իւր, և աստեղք անկցին յերկնից, և զօրութիւնք երկնից շարժեացին, Եւ սպա երևեացի նշան որդւոյ մարդոյ յերկնս, և յայնժամ կոծեցին ամենայն ազգք երկրի, և տեսցեն զսրգի մարդոյ եկեալ ՚ի վր ամպոց երկնից զօրութիւնք և փառօք բազմօք, Եւ առաքեացէ զհրեշտակս իւր փողով մեծաւ, և ժողովեցեն զընտրեալս նր ՚ի չորից հողմոց, ՚ի ծագաց երկնից մինչև ՚ի ծագս նոցա, ՚ի թղենւոյ անտի ուսարուք զառակն, զի յորժամ ոտքն կակղացին և տերևն ցցուիցի, գիտէք թէ մերձ է ամառն, Նոյնպէս և դուք յորժամ տեսանիցէք զայս ամենայն եղեալ, գիտառչիք թէ մերձ է առ դուրս, Ամէն ասեմ ձեզ՝ եթէ ոչ անցցէ ազգս այս՝ մինչև այս ամենայն երկիցի, Երկինք և երկիր անցցեն, և բանք իմ մի՛ անցցեն :

Եւ որչափն որ զիս զիս :

Այսպէս զիս զիս աստուած : զի պահ-  
պանեցէ զմեզ նշանաւ խաչին իւրոյ յերևելի  
և յաներևոյթ թշնամւոյն : ամենակալ տէր  
աստուած մեր կէ :

Եւ որչափն որ զիս զիս :

Ճառագայթ համատարած : և աթոռ աստուա-  
ծային : պսակ եկեղեցւոյ : և անբարբառ բա-  
րեխօս : նաւահանգիստ նաւակոծելոց : ճգնա-  
ւորաց ժողկալութիւն : և հրաժարելոց յու-  
ղարկիչ : 'ի յահաւոր և 'ի հրացայտ դալտեանե  
երկնաւոր թագաւորին՝ յորժամ ճառագայ-  
թեալ փայլիս ընդ ամպս երկնից հիացուցանօղ  
զօրութեամբ : նոյն ինքնդ զմարմն տրա 'ի  
խարդախօղ վիշապէն պահեան : և հոգւոյ տրա  
լէր առաջնորդ : Որ բացօղ եղեր գրախաին  
փակելոյ : բնց ամա զգուռն ողորմութեան տն :  
Որպէս զի արժանի լինելով տրա մտից գրախաին  
բացելոյ 'ի քէն՝ փառաւորեցէ զհայր և զոր-  
դի և զտուրբ հոգին : այժմ և :

Խորհրդաւորն որ զիս զիս : Այ երկեղոյն զիս :

Լուսափայլ աթոռ աստուածային և գաւազանե  
զօրութեան : որ 'ի ձեռն մալսէսի հերձեր

զժողովն կարմիր և զգորութիւնդ քո ցուցեր փա-  
րաւօնի՝ խորատոյզ ընկղմելով զնա զօրօքն իւ-  
րովք, և իսրայէլի առաջնորդեցեր: Որ զվէմն  
հերձեր և զծարաւի ժողովուրդն արքուցեր,  
Որ յեգիպտական սպանօղ ախտէն ապրեցուցեր  
զիսրայէլ, և զթոյնս մահաբեր օձին կապեցեր,  
Որ և ՚ի նորումս առաւել փայլեցար գերազանց  
հրաշիւք և անձառ զօրութեամբ՝ երևեալ  
նշան փրկական ամենայն հաւատացելոց և ախոյ-  
եան մշտնջենաւոր, քան ՚ի հնումն ՚ի ձեռն  
օրինակացն և նմանութեանց՝ որք առժամանա-  
կեայք էին և ստուերք ճշմարտութեան: Քան-  
զի արարիչն ՚ի վերայ քո մակադրեալ բեւե-  
ռեցաւ, և կանգնելով քո ՚ի պարտեցելոյն  
գաղաթան ադամայ՝ զգլորեալն կանգնեցեր,  
զվիրաւորեալն բժշկեցեր, զախտն՝ որ ՚ի պատ-  
րողէն եղև՝ լուացեր այնու, որ ՚ի կողահաս  
աղբերէն ՚ի վերայ քո հօտեցաւ: Դու զխա-  
ւարասէր թշնամին ընկղմեցեր յանդունդս, և  
կապեցեր յանլոյծ կապանս: Դու զնիգս գժոխոցն  
խորտակեցեր, և զարգելեալն որ ՚ի նմա՝ ազա-  
տեցեր: Դու բացեր զդուռն անեղաշէն դրախ-  
տին, և առաջնորդեցեր աւազակին: Դու հա-  
ւատք և կնիք ցուցար՝ որք ՚ի քրիստոս դաւա-  
նին: Դու օգնական հաւատացելոց, և պսակ  
եկեղեցւոյ, Դու հիմնեցուցիչ հաւատոյ, դար-  
ձուցիչ մուրրելոց, և ասպաւէն վտանգելոց: Դու

Հիւանդաց բժիշկի, և ակտայեցից անողջութիւնս: Դու հաւատացելոց սրբիսպ, և անհաւատից կործանուամն: Դու հրափայլ ճառագայթ, և կարապետ գալտտեանն քրիստոսի: Դու կենդանեաց հանգուցիչ, և հանգուցելոց անաշնորդ, անաշնորդեան և այժմ հոգւոյ հանգուցելոյս յօթեանս լուսոյ արգարոցն, և լէր վան սորա միշնորդ և բարեխօս ան ՚ի քեզ խաչեցեալն աստուած, զի լուիցէ աղաչանաց միաբան ժողովելոցս, և բացցէ սմա զգուռնս կենաց մտին, և հանգուցէ ՚ի դասս սրբոց և սիրելեաց իւրոց՝ առնելով նոցա հաղորդ և ուրախակից, Եւ արդ՝ տէր մեր յիսուս քրիստոս զամենայաղթ նշան սուրբ խաչի քոյ բարեխօս ունելով առ քեզ՝ հայցեմք յամենառատ մարգասիրութենէդ քումմէ, զի ՚ի ձեռն սորա անաշնորդեացես հոգւոյ հրատարեալ քահանայիս՝ խաղաղութեամբ հասանել ՚ի գրախտն լուսոյ՝ ուր ժողովքն են սրբոց, Եւ ՚ի միւսանգամ գալտտեան քոյ՝ յորժամ գաս ՚ի նորոգել զանարատ ձեռաց քոց ստեղծուածս, և փոշ ազդեցութեան կոչէ, և նորոգին հնացեալ մարմինք, յորժամ նշան տէրուհեան խաչիդ փայլի ընդ ամպս երկնից ճառագայթիւք ասհրահարաշ լուսով, և դառք սրբոցն սրտթռիչ թեօք ամփոփին ՚ի լուսոյ ճառագայթիցն, յայնժամ բարերոր և մարդասէր աստուած՝



արն զսա արժանի ընդ սուրբս քո թեապարիլ  
'ի լոյս ճառագայթից սուրբ խաչիդ : Եւ զմեզ  
արժանաւորեան փառաւորել զամենասուրբ  
զերրօրդութիւնդ : այժմ և :

Եւ ոտն շորհման : Ճառագայթ փառաց էին : Ի՛նչ  
տուն երբ : Հողոց : Ասան հանգ : Հայր մեր :

Եթէ 'ի ժամասն եցէ՛ որոցին յոռոջ շէղ 'ի դուռն'  
շերտն շէղ յարեւելս շնեւոյ : Ինչ է՛ ե՛րբին դուռն է,  
Երջեն 'ի նոյն գեղապն ոնշորժ :

Եւ ոտն շորհման. 44 :

Ըրևսով աստուածութեան քո քրիստոս՝ լու-  
սաւորեցեր սուրբ գեկեղեցի, պահեան զսա ան-  
շարժ յաւիտեան : Տօնէ այսօր երուսաղէմ  
հաւատացելոց բազմութեամբ զնաւակատիս  
սուրբ եկեղեցւոյ, պահեան զսա անշարժ յա-  
ւիտեան : Բացան գրունք հաւատոյ նոր սիւսիսի :  
ընդունիլ զանմահ փետայդ յառօգատ. բաշ-  
խէ զմարմին քո և զարիւն, պահեան զսա ան-  
շարժ յաւիտեան :

Սողոո. ձխբ :

Յոյց ինձ ճանապարհ՝ յոր և գնացից, զի առ,  
քեզ տէր համբալձի զանձն իմ :

Տէր լուր աղօթից իմաց. նւնին գիր խնդրուածաց իմաց Ոչմարտութեամբ:

Անէրջոտժ 'է գործոց ոտտէլոց. Ի. 17:

Եւ 'ի մեխտեայ յղեալ յեփեսոս՝ կոչեաց զերիցունս եկեղեցւոյն. Եւ իբրև եկին առ նա՝ ասէ ցնոսա. դուք ձեզէն գիտէք՝ յօրէ յառաջնմէ յորմէ եկի յասիա. որպէս ընդ ձեզ զամենայն ժամանակսն եղէ. Ճառայել տեառն ամենայն խոնարհութիւնք՝ և բազում արտասուգք և փորձութեամբք. որք դիպեցան ինձ՝ ի նենգութեանց Տրէից. Արպէս ոչինչ զանգիտեցի յօգտակարացն չպատմել ձեզ՝ և ուսուցանել զձեզ Տրտարակաւ և առ տնին. Տալ զվկայութիւն Տրէից և հեթանոսաց զպաշխարութեանն որ առ սատուած. և զհաւատոցն որ 'ի տէր մեր յիսուս քրիստոս. Եւ արդ՝ ահաւասիկ ես կապեալ հոգւով երթամ յերուսաղէմ. և որ ինչ անդ ընդիս անց անցանելոց իցէ՝ չգիտեմ. Բայց զի հոգին սուրբ ըստ քաղաքաց քաղաքաց վկայէ ինձ և ասէ. եթէ կապանք և նեղութիւնք միան քեզ. Այլ և ոչ իւրիք համարիմ զանձն իմ պատուական՝ որպէս զի կատարեցից զընթացս իմ ուրախութեամբ. և զպաշտօնն զոր առ ի 'ի տեառնէ յիսուսէ վկայ լինիլ աւետարանի շնորհացն աստուծոյ. Եւ արդ՝ ահաւասիկ գի-

տեմ ես, եթէ ոչ ևս տեսանէք զերեսս իմ  
դուք ամենեքեան՝ յորս շրջեցայ քարոյել  
զարքայութիւնն։ Վասն որոյ զվկայութի դնեմ  
ձեզ յաւուր յայտիկ, զի սուրբ եմ յարենէ  
ամենեցուն։ Քանզի ոչ խորշեցայ ՚ի պատմելոյ  
ձեզ զամենայն կամսն աստուծոյ։ Ջգոյշ կացեք  
անձանց և ամենայն հօտիդ, յորում եդ զձեզ  
հոգին սուրբ տեսուչ՝ հովուել զժողովուրդս  
տեառն, զոր ապրեցոյց արեամբն իւրով։ Քան-  
զի գիտեմ ես՝ եթէ յետ իմոյ ելանելոյ յաշ-  
խարհէս՝ գոյցեն գայլք յափշտակողք ՚ի ձեզ,  
որք ոչ խնայիցեն հօտին։ Եւ ՚ի ձէնջ յարիցեն  
սրբ՝ որք խօսիցին թիւրս, ձգել զաշակերտսն  
զկնի իւրեանց։ Վս այնորիկ արթուն կացեք, զի  
ցերկամ մի զցայգ և զցերեկ՝ ոչ դադարեցի ար-  
տասուօք խրատել զմի մի իւրաքանչիւր։ Եւ  
արդ յանձն առնեմ զձեզ Խոյ և բանի շնորհաց  
նր՝ որ կալօղն է շինել՝ և տալ ձեզ զժառան-  
գութի ընդ սուրբսն ամենայն։ Արծաթոյ՝ կամ  
ոսկւոյ՝ կամ հանդերձից՝ ոչ ուրուք ՚ի ձէնջ  
ցանկացայ։ Դուք ինքնին գիտեք՝ զի զպէտս իմ  
և որոց ընդիս էին՝ պաշտեցին ձեռքս այս։ Եւ  
զամենայն ինչ ցուցի ձեզ, զի այսպէս պարտէ  
վաստակել և գարմանել զհիւանդս, և յիշել  
զբանն տեառն յիսուսի, զոր ինքն իսկ ասաց՝  
երանելի է մանաւանդ տալն քան առնուլն։ Եւ  
չոյս իբրև ասոց՝ եդեալ ծունր ամենեքումբք

եկաց յաղօթս : Բազում լալիւն եղև ամենե-  
ցուն : և անկեալ զսրարանոցաւն պողոտի՝ համ-  
քուրէին զնա : Մօրմոքէին մանաւանդ ՚ի վերայ  
քանին՝ զոր ասէր : Թէ ոչ ևս տեսանելոց են  
զերեսս նորա : և յուղարկեցին զնա ՚ի նաւ անդր :

Պօղոսի առեւելոյն ՚ի հողոսոցոց Բղլոյնէ ընկերց-  
աւծս : Գ . 1 :

Եթէ յարեայք ընդ քրիստոսի : ապա զվերինն  
ինդրեցէք : ուր քրիստոսն նստի ընդ աջմէ աս-  
տուծոյ : Զվերինն խորհեցարուք : մի՛ զայս որ  
յերկրի աստէ : Քանզի մեռայք՝ և կեանքն  
ձեր ծածկեալք են ընդ քրիստոսիւ յաստուած :  
Խօկ յորժամ քրիստոս յայտնեցի՝ կեանքն  
ձեր : յայնժամ և դուք ընդ նմա յայտնեցիք  
փառօք :

Ընկուիս : Մողմոս Նբ : Օրհնեան անձն իմ զտէր .  
և ամենայն օսկերք իմ զանուն սուրբ նորա :  
Օրհնեան անձն իմ զտէր : և մի՛ մոռանար զա-  
մենայն տուրս նորա :

Ալէլուիա : Օրթի : Խաղաղութիւն ամե՞ն :

Աւետարանս որ ըստ յովհաննու . Ժ զ . 33 :

Տէրն մեր յիսուս քրիստոս ասէ :

Զայս խօսեցայ ընդ ձեզ : զի ընդիս զխաղաղու-



Թիւն ունիցիք. յաշխարհի աստ զնեզու Թիւն  
 ունիցիք. այլ քաջալերեցարուք, զի ես յաշ-  
 Թեցի աշխարհի. Ջայս իբրև խօսեցաւ յի-  
 սուս, համբարձ զաչս իւր յերկինս և ասէ.  
 հայր՝ հասեալ է ժամ. փառաւորեան զարդի քո.  
 զի և որդի քո փառաւորեցէ զքեզ. Որպէս  
 ետուր նմա իշխանու Թիւն ամենայն մարմնայ.  
 զի ամենայնի՝ զոր ետուր նմա՝ տացէ զկեանսն  
 յաւիտենականս. Այս են յաւիտենական կեանք.  
 զի ծանիցեն զքեզ միայն Քշմարիտ աստուած.  
 և զոր առաքեցեր զյիսուս քրիստոս. Ես զքեզ  
 փառաւորեցի յերկրի. զգործսն կատարեցի.  
 զորս ետուր ցիս՝ զի արարից. Եւ այժմ փառա-  
 ւորեան զիս հայր առ ՚ի քէն փառօքն՝ զոր ունէի  
 յսուաջ քան զինիւ աշխարհի առ ՚ի քէն.  
 Յայտնեցի զանուն քո մարդկան, զորս ետուր  
 ինձ յաշխարհէ. քո էին, և ինձ ետուր զնոսս.  
 և զբանն քո պահեցին. Արդ գիտացին եթէ  
 զամենայն ինչ զոր ետուր ինձ առ ՚ի քէն են.  
 Ջի բանն՝ զոր ետուր ինձ՝ ետուր նոցա. և  
 նոքա ընկալան. և ծանեան Քշմարտու Թեամբ  
 եթէ առ ՚ի քէն ելի. և հաւատացին եթէ  
 դու առաքեցեր զիս. Արդ՝ ես վասն նոցա աղա-  
 շեմ. և ոչ վասն աշխարհի աղաշեմ. այլ վասն  
 նոցա՝ զորս ետուրն ինձ՝ զի քո են. Եւ որ ինչ  
 իմ է՝ ամենայն քո է. և որ ինչ քո է՝ այն իմ է.  
 և փառաւորեալ եմ ՚ի նոսս. Եւ ես ոչ ևս եմ

յաշխարհի՛ և նոքա յաշխարհի են. և ես առ  
 քեզ գամ, Հայր սբ՛ պահեան զնս՛ յանուն քո՛,  
 որով ետուրն ինձ, զի եղիցին մի, որպէս և միք  
 մի եմք, Մինչ էի յաշխարհի ընդ նոսա, ես  
 պահէի զնոսա յանուն քո՛ որով ետուրն ինձ՛ և  
 պահեցի, և ոչ ոք ՚ի նոցանէ կորեաւ. բայց  
 որդին կորստեան, զի գիրն լոցի, Բայց արդ առ  
 քեզ գամ, և զայս խօսիմ յաշխարհի, զի ունի-  
 ցին զուրախութիւն իմ լիով յանձինս իւրեանց,  
 Ես ետու նոցա զբանն քո՛, և աշխարհ ատեսց  
 զնոսա, զի չեն յաշխարհէ, որպէս և ես չեմ  
 յաշխարհէ, Ո՛չ զայս աղաչեմ, զի բարձցես  
 զնոսա յաշխարհէ, այլ զի պահեցես զնոսա ՚ի  
 չարէ, Յաշխարհէ աստի չեն, որպէս և ես չեմ  
 յաշխարհէ, Սուրբ արա զնոսա Ճշմարտութե  
 քով, զի քո բանդ Ճշմարտութիւն է, Որպէս  
 զիս առաքեցեր յաշխարհ, և ես առաքեցի զնս՛  
 յաշխարհ, Եւ ՚ի վերայ նոցա ես սուրբ առնեմ  
 զանձն իմ, զի եղիցին և նոքա սրբեալք Ճշմար-  
 տութեամբ, Այլ ո՛չ վասն նոցա միայն աղաչեմ,  
 այլ և վասն ամենայն հաւատացելոց բանիւն  
 նոցա յիս, Զի ամենեքեան մի իցեն, որպէս դու  
 հայր յիս՛ և ես ՚ի քեզ, զի և նոքա ՚ի մեզ  
 իցեն, զի և աշխարհ հաւատացէ եթէ դու  
 առաքեցեր զիս, Եւ ես զփառան՛ զորս ետուր  
 ինձ, ետու նոցա, զի իցեն մի, որպէս և միք մի  
 եմք, Ես ՚ի նոսա՛ և դու յիս, զի եղիցին կա-

տարեալք 'ի մի. և գիտացէ աշխարհ եթէ  
 դու առաքեցեր զիս. և սիրեցի զնոսա՝ որպէս  
 դու սիրեցեր. Հայր՝ զորս ետուրն ինձ, կամիմ,  
 զի ուր եմն եմ, և նոքա իցեն ընդիս. զի տեսա-  
 նիցեն զիառան իմ՝ զորս ետուրն ցիս. զի սիրե-  
 ցեր զիս յառաջ քան զլինիլ աշխարհի. Հայր՝  
 արդարև աշխարհ զքեզ ոչ ծանեաւ. այլ ես  
 զքեզ ծանեայ. և նոքա ծանեան եթէ դու  
 առաքեցեր զիս. Եւ ծանուցի զանուն քո՝ և  
 ծանուցից. զի սէրն՝ զոր սիրեցեր զիս, 'ի նոսա  
 իցէ՝ և ես 'ի նոսա. Ջայս իբրև ասաց յիսուս,  
 ել աշակերտօքն հանդերձ յայնկոյս ձորոյն  
 կեդրոնի. ուր էր պարտէզ, յոր եմուտ ինքն  
 և աշակերտքն իւր:

Եւ սարկուսագն Թորոպէ:

Սոսն գտանելոյ մեզ զշնորհս և զողորմութիւն  
 'ի բարերար տեառնէ մերմէ, զտէր աղա՝:

Պատն փրկելոյ զմեզ 'ի զրպարտութէ մարդկան  
 և յորդայթից տատանայի, զտէր աղա չեսցուք,  
 Պատն ամենայն անձանց քրիստոնէից և տանց  
 հաւատացելոց, զտէր աղա չեսցուք:

Պատն որք 'ի լերինս՝ յայրս և 'ի փապարս բնա-  
 կեալ են սուրբ հարքն մեր, զտէր աղա չեսցուք:  
 Պատն որք սաղմոսիւք և օրհնութեամբ կատա-  
 րեն զամենայն ժամանակս կենաց իւրեանց,  
 զտէր աղա չեսցուք:

Քան հոգւոցն • Եւ ևս միաբան • Ջանձինս մեր •  
Ողորմեաց •

Եւ Գեորգիոսի զհոգիս •



Կեալ եմք երկիրպագանել առաջի սբ  
փառաց աթոռոյ քոյ 'ի խորանս սրբուք  
քոյ • և արտասուալից հառաչանօք հայցեմք  
'ի քէն տէր բարեգութ' զի ընկալցիս զպա-  
ղատանս մեր • զոր մատուցանեմք առաջի քոյ  
գթութեանդ • Քանզի ծառայս քո' զոր կոչեցեր  
յառաջնորդութիւն ժողովրդեան քում և 'ի  
սպասուորութիւն սրբոյ եկեղեցւոյ' հալուել  
զժողովուրդս քո' • ահա ըստ հրամանի քոյ կա-  
տարեալ զժամանակս իւր եկն առ քեզ • Արդ'  
քանզր և բարերար տէր' զսրատարագս և զնուէրս  
վանս մեղաց զոր մատուցեալ է առաջի քո' • և  
զյիշատակս ննջեցելոց զոր 'ի վերայ սեղանոյդ  
սրբոյ անուանդ քում կատարեալ է • ընկնլ 'ի  
հաճոյս քեզ • և ողորման ըստ մեծի ողորմութե  
քում • և հոգւոյ սորա առաջնորդեան 'ի յերկիր  
ուղլիլ' որ տանի 'ի կեանսն յաւիտենից 'ի քրիս-  
տոս յիսուս 'ի տէրդ մեր • որում վայելէ' •

Խաղաղութիւն մեռելոցն • Այ երկերդ Գեորգիոսի •

Յոյս արարածոց և փրկիչ աշխարհի • որ վանս  
մեղաւորաց խոնարհեցար յանձառ փառաց և



մարմնացար յանարատ կուօէն, եկիր կամաւ ՚ի  
 շարչարանս խաչի, եդար ՚ի գերեզմանի, մտեր  
 ՚ի մէջ գժոխոց, և զթշնամին կապեցեր յան-  
 լլծ կապանս, յարեար ՚ի մեռելոց և մեզ  
 նորոգութիւնս խոտոացար ՚ի միւտանգամ գալս-  
 տեանդ, Յիշեան զծառայոս քո զայս՝ որ ՚ի մնտի  
 կենցաղոյս փոխեցաւ, և զքահանայութիւն՝ զոր  
 կատարեաց յաշխարհի՝ ընկնլ քեզ ՚ի հաճոյս,  
 և տուր սմա բաժին ընդ արժանաւորս և ընդ  
 սիրելիս անուանդ քում, որք սրբութեամբ  
 սլաշտեցին զքեզ, Եւ զոր ինչ յանցեալ իցէ  
 բանիւք՝ կամ գործովք՝ կամ մտածութեամբ,  
 Թող սմա, քանզի դու ես ողորմած և անոխա-  
 կալ տէր, և քեզ վայելէ փառք՝ իշխա՞ն:

Երբեմն: Չար կապանաց մարդկան՝, Դէլ քան երգ:

Հոգեոց՝, Պան հանգու՝, Քս որդի տասուծոյ՝,

Եւ քեանդ զբն զբն ունայն քահանայն, Եւ ողոս քան,  
 Հայր մեր՝:

Եւ քանին յորեւելեան իողմ՝ ասելով շարեմն, Թ՛՛՛:

Որ զանարատ բազուկս քո ՚ի խաչին տարածե-  
 ցեր քրիստոս աստուած, և նշան յաղթութեան  
 ետուր մեզ, սովաւ զկեանս մեր պահեան, Որ

Չաշխարհակեցոյց բաղկատարածու թիւն խաչի  
 քո քրիստոս աստուած՝ գաւաղան զօրու թեան  
 ետուր մեզ, սովաւ զկեանս մեր պահեան : Որ  
 զմեռեալն 'ի ճաշակմանէ փայտին յանցանաց՝  
 կենաց փայտիւն կենագործեցեր : սովաւ զկեանս  
 մեր պահեան :

Եւ որքոյնսցեն զէրէն հմեփոսցելոյն՝ շէղ յարեմոսս :  
 Ադո ուեն Սողմոս ողբօյն : Ճիգ :

Օգնու թիւն է մեզ յանուանէ տեառն : այն որ  
 արար զերկինս և զերկիր :

Ալէլուիա : Օրթի : Խաղաղու թիւն ամե՞ն :

Աւետարանն որ ըստ Տոբեէո-ի. Ժգ. 43 :

Տէրն մեր յիսուս քրիստոս ասէ :

**Յ**այնժամ արդարքն ծագեցին իբրև  
 զարեգակն յարքայու թեան երկնից : որ  
 ունիցի ականջս լսելոյ լուիցէ : Գարծեալ նման է  
 արքայու թիւն երկնից գանձի ծածկելոյ յազա-  
 րակի : զոր գտեալ մարդոյ թաքոյց՝ և 'ի խն-  
 դու թենէ անտի երթայ վաճառէ զամենայն ինչ  
 զոր ունի : և գնէ զապարակն զայն : Գարծեալ  
 նման է արքայու թիւն երկնից տուն վաճառա-  
 կանի՝ որ խնդրիցէ մարգարիտս գեղեցիկս : Եւ

գտեալ մի սատուական մարգարիտ՝ երթեալ վաճառեաց զամենայն զոր ինչ ունէր, և գնեաց զայն մարգարիտ: Դարձեալ նման է արքայութիւն երկնից՝ ուռկանի արկելոյ՝ ի ծով՝ և յամենայն ազգաց ժողովելոյ: Որ իբրև լցաւ, հանեալ ՚ի ցամաք, և նստեալ ժողովեցին զբարի բարին յաման՝ և զխոտանն ՚ի բաց ընկեցին: Այնպէս եղիցի ՚ի կատարած ի աշխարհիս, ելցեն հրեշտակք՝ և մեկնեցեն զչարս ՚ի միջոյ արդարոց: Եւ արկցեն զնոսա ՚ի հնոց հրոյ՝ անդ եղիցի լալ և կրճեւ առամանց: Ասէ ցնոսա յիսուս՝ իմացայք զայս զամենայն, ասեն ցնա այն՝ տէր: Եւ նա ասէ ցնոսա՝ վասն այտորիկ ամենայն դպիր աշակերտեալ արքայութեան երկնից՝ նման է առն տանուտեառն, որ հանէ ՚ի գանձէ իւրմէ զնոր և զհին:

Եւ որչափն որոզէ:

- Ա. ասն ՚ի վերուստ խաղաղութեան և վրկութեան անձանց մերոց, զտէր աղաչեսցուք:
- Ա. ասն լեւի լինելոյ տեառն աստուծոյ՝ ձայնի աղաչանաց մերոց, զտէր աղաչեսցուք:
- Ա. ասն քաւիչ և ներող լինելոյ աստուծոյ ՚ի վերայ մեզաց մերոց, զտէր աղաչեսցուք:
- Ա. ասն թողլոյ մեզ զամենայն յանցանս մեր, ըզկամայ և զակամայ, զտէր աղաչեսցուք:

Վասն զի մի՛ լէ խոտանան գտան իցիմք յաւուրն  
 պատասխանատուութե՛, զտէր աղաչեսցուք :  
 Վասն հոգւոցն հանգուցելոց : Եւ ևս միաբան :  
 Զանձինս մեր : Աղարմեաց :

Եւ Կոնստանտինոս զաղօթն :



հոգւոց և ստեղծ իչ մարմնաց, տէր  
 ես կենդանեաց և յարու թիւն մե-  
 ուելոց : Ետտու՛մ՝ ՚ի քէն արձա-  
 կին հոգիք, և քո հրամանաւդ կառավարին  
 մարմինք : Հաստատեցեր զմարդն շնորհօք, և  
 ստեղծ եր զնա ողորմութեամբ : Բանդ քո կար-  
 գեաց զարարածս : և կազմեաց զաշխարհս : Զա-  
 մենայն ինչ արարեր վասն մարդոյ, և զմարդն  
 ՚ի փառս աստուծոյդ : Գեղեցիկ կեպարանօք  
 նկարեցեր զմարդն առաջին, զոր հաստատեցեր  
 և արարեր կենդանի և անմահ, և կացուցեր  
 տէր ամենայնի : Գարանակալ եղև թ շնամին  
 արգարութե՛, իսաբեալ ընկէց ՚ի փառացն և ՚ի  
 կենացն, և եհան ՚ի դրախտէն փափկուե՛, Եկն  
 միածին որդիդ քո սիրելի, և զգեցաւ զմար-  
 մին պարտաւոր, և նորոգեաց զնա ՚ի կեանս :  
 զկործանեալն կանգնեաց, և զմահկանացուն  
 անմահ արար, զթշուառացեալն փառաւա-  
 րեաց, և նստոյց ընդ աջմէ հօրդ իւրոյ : Բանկի  
 ընդ ունկն լսելեացն եմուտ մահ, և ընդ ունկն



լեւելացն ծագեաց կեանք, ընդ ունին եւայի  
բարբառ մահու: և ընդ ունին մարիամու աւե-  
տիք կենաց: Թագաւորեաց մահ յանցանօք,  
Թագաւորեցին կեանք շնորհօք: յանհնազան-  
դութենէ եմուտ մահ: և 'ի հնազանդութենէ  
դալուստ կենաց: Ժպրհեցաւ և յանցեաւ ադամ,  
զի եղև ցանկացող աստուածութեան, աստուա-  
ծութեան ոչ եհաս, և յիւրօցն ևս անկաւ, 'ի  
մեղս մեր մեռանիմք, և ողորմութեամբ քով  
յառնեմք, 'ի յանցանս մեր եղծանիմք, և 'ի  
կամս քո նորոգիմք: Լուեալ դադարին ամենայն  
մարմինք, իշանեն 'ի հող և ապականին, սեր-  
մանին 'ի հող, նմանութբ սերմանեաց երկրի,  
և սպասեն անծրելիդ մեծի, զի ելցեն իբրև  
զբոյս յերկրէ: Վերանան սուրբքն յերկրէ 'ի  
բարձունս, և մնան մեղաւորքն յերկրի, ար-  
դարքն վայելեն 'ի փառս և 'ի կեանս, և մե-  
ղաւորքն հաշին և մաշին 'ի տանջանս: Արդ՝  
յորժամ այս ամենայն լինի, գնւ՝ բարեբար  
աստուած, տուր ծառայիս քո «յ» «ն» հան-  
գուցեալ քահանայիս, զի յարիցէ աչալրջու-  
թեամբ երեսաց, և կացցէ ընդ աշմէ քումմէ  
և ժառանգեացէ զարքայութիւնդ, 'ի վայելել  
զանսպառ ուրախութիւնդ ընդ սուրբս քո՝ և  
ընդ նոսին փառաւորել զամենասուրբ զերբոր-  
դութիւնդ, այժմ և միշտ և յաւիտեանս  
յաւիտենից,

Եւ որո՞ւն: Տարածեալ ձեռք չէ ձե՞: Դէ՛ որուն էրդ:

Հողւոյ՞: Ասան հանգ՞: Քն որդի՞:

Եւ որո՞ւն էրդ: Դէ՛ որուն էրդ: Եւ որո՞ւն էրդ: Դէ՛ որուն էրդ:

Հայր մեր՞:

Եւ որո՞ւն էրդ: Դէ՛ որուն էրդ: Եւ որո՞ւն էրդ: Դէ՛ որուն էրդ:

Ինչ: Ինչ:

Իսաչքո եղիցի մեզ ապաւէն բոցանիշ փայլեալ մամբն իւրով: Խորտակեաց զթշնամին և ելոյժ զդատակն իք: անուանեալ փայտն կենաց ՚ի փրկութիւն տիրեզերաց:

Արաւեալ ցնծան երկինք և երկիրս ուրախանայ: ընդ յայտնիլ սրբոյ իսաչին սեռակնաձև քսուած և ին: որ զաշխարհս լուսաւորեաց արեգակնակերպ ճառագայթ իւք: Ցնծացաւ երուսաղէմ: բերկրեցան հաւատացեալք: նորահրաշ զարդարեցան: քանզի տեսին զյաղթօղ նշանն: արարածք ամենայն ՚ի լուսոյն պայծառացան:

Եւ որո՞ւն էրդ: Դէ՛ որուն էրդ: Եւ որո՞ւն էրդ: Դէ՛ որուն էրդ:

Ողբոցոյն: Մ/սէ:

Երանի ազգի՞ օրոյ տէր աստուած յակորայ օգնական է նմա: և յոյս նորա ՚ի տէր քնէ:

Ալէլուիա • Օրթի • Խաղաղութիւն ամե՛ն •

Աւետարանս որ ըստ Տորչուսի • Եզ • 32 :

Տէրն մեր յիսուս քրիստոս ասէ •

**Ա**յլ վասն աւուրն այնորիկ և ժամու՛ ոչ  
 ոք գիտէ • ոչ հրեշտակք յերկինս • և ոչ  
 որդի • բայց միայն հայր • Ձգոյշ եղերուք •  
 հսկեցէք՝ և կացէք յաղօթս՝ զի ոչ գիտէք երբ  
 ժամանակն իցէ • Որպէս այր մի գնացեալ՝ ի տար  
 աշխարհ՝ թողուցու զտուն իւր • և տացէ ծա-  
 ոայից իւրոց իշխանութիւն • և իւրաքանչիւր  
 զգործս իւր • և դռնապանին պատուէր տայցէ  
 զի արթուն լինիցի • Արդ՝ արթուն կացէք • զի  
 ոչ գիտէք երբ տէր տանն գայցէ • յերեկորեայ՝  
 եթէ՛ ի մեջ գիշերի՝ եթէ՛ ի հաւախօսի՝ եթէ  
 ընդ առաւօտս • Գուցէ եկեալ յանկարծակի  
 գտանիցէ զձեզ ՚ի քուն • Բայց զոր ձեզդ ա-  
 սեմ • ամենեցուն ասեմ • արթուն կացէք •

Եւ սորչուսօքն որդիք •

Վասն՝ ի գիշերի և ՚ի տունջեան և յամ ժամու  
 խօսիլ մեզ զբան տեառն • զտէր աղաչեսցուք •  
 Վասն ջանկանելոյ մեզ ՚ի փորձութիւն՝ որում  
 ոչ կարեմք հանգուրթել • զտէր աղաչեսցուք •  
 Վասն անբիծ և անդատապարտ կալ մեզ առա-

ջի ահեղ ատենին քրիստոսի : զտի աղաչեսցուք :  
 Վասն առաջնորդելոյ մեզ 'ի նաւահանգիստն  
 կենաց անվախճանից : զտէր աղաչեսցուք :  
 Վասն արժանի լինելոյ մեզ վերին կոչմանն և  
 երկնից արքայութեանն : զտէր աղաչեսցուք :  
 Վասն հոգւոցն : Եւ ևս միաբանն : Չանձինսն :  
 Ողորմեացն :

Եւ Կահանայն ասէ զպոլսոս :



Իհնեալ ես արդարադատ և ողորմած  
 աստուած : միայն անոխակալ և բարե-  
 գուծ : որ յակնարկելի քո՛ հաստատեցան հի-  
 մունք երկրի : Քո ձեռամբդ արարեր զմարդն :  
 և քո նախախնամութեամբդ իշխան և տէր  
 կացուցեր զնա 'ի գրախտին փափկութեան :  
 Սակայն չարին մախացեալ ընդ փառս պատուին  
 զոր 'ի քէն ընկալաւ՝ եհեղ 'ի նա զթոյնս  
 դառնութեան : և խաբամամբ օձաջան պատրա-  
 նօքն ետ նմա ճաշակել 'ի ծառոյն գիտութե :  
 որով մերկացեալ 'ի լուսեղէն փառացն՝ զանի-  
 ծից և զցաւոց ժառանգեաց զկեանս : Իսկ դու  
 յառաջատես եղեալ՝ հրամայեցեր մահու փո-  
 խել զնա 'ի զազրալից կենցաղոյս : որպէս զի մի՛  
 անմահ լիցի չարութիւնն՝ որ 'ի մեզ սերմանե-  
 ցաւ : Ըստ սմին օրինակի և սպասուոր սրբոյ  
 սեղանոյ քոյ փոխեցաւ ահա առ քեզ՝ ք կետի



սահմանադրութեան քոյ : Եւ այժմ աղաչեմք  
 զքեզ տէր աստուած մեր՝ կցորդ լեր և մխի-  
 թարիչ ծառայիս քոյ յո՞ր՝ հանգուցեալ  
 քահանայիս : զի դու ես կեանք և յարութիւն :  
 զի եթէ մինչ ոչն էր՝ արարեր : զի՞արդ եղծա-  
 նես զպատկեր կերպարանաց քոց : Աղաչեմք  
 զքեզ տէր՝ նորոգեան զծառայոս քո : զի վայելէ  
 իսկ թագաւորիդ նորոգել զպատկեր իւր հնա-  
 ցեալ : նորոգեան տէր զպատկեր քո՞ որ հնացեալ  
 է՝ ի մեղս : զի մեծ են այս երախտիքս՝ քան  
 զառաջին պարզեան քո : զի անդ հաստատելով  
 հաստատեցեր : և աստ զհնացեալս նորոգես :  
 Որպէս զի գտեալ սորա զմեծ զողորմութիւն՝ ի  
 քէն՝ հանցէ զօրհնութիւն և զիառս հօր և  
 որդւոյ և հօգւոյդ սրբոյ :

Ըորո՞ւն : Նորոգող տիեզերաց՝ Թէ՛ որան երգ :

Հօգւոց՝ : Վասն հանգու : Քրիստոս որդի՞ :

Եւ որոնմոյքն զքէն ոմնոյն Կահանայն : Եւ ոգս տէն :  
 Հայր մեր :

Եւ որոնին ՚ի հոգին հորոսոյ՝ տեւով զորոնման խաչի : Թ՛՛՛

Այսօր ինդրի պատուական փայտ խաչին աւան-  
 դեալն ՚ի գաղգոթայ, ՚ի ձեռն աստուածատէր

դշխային • եկնյք հաւատացեալք երկրպագեցուցուք աստուածային սուրբ նշանիս • Այսօր ընծայէ գողգոթայ զծածկեալն 'ի յերկրի • վերաբերեալ անուշահոտ խնկովք • 'ի ձեռն երանելւոյն յուդայի • եկնյք հաւատացեալք երկրպագեցուք աստուածային սուրբ նշանիս • Այսօր 'ի ձեռն փրկական սուրբ խաչին կենագործի պատանին մեռեալ • և տղայ սատանայ զկործանումն իւր խկ • մք քրիստոսի հաւատացեալք' երկրպագեցուք աստուածային սուրբ նշանիս •


Եւ Դորճոսոցն զԵբե՛ն Դէդ 'ի հիւսիս : Եւ սոն սող-  
մոս ողբոցոյն • Նլր :

Անդ պատրաստեաց տէր զօրհնութիւն և ըզկեանսն յաւիտենից • Զի՛ր բարի կամ զի՛ր վայելուչ, զի բնակին եղբարք 'ի միասին •

Ալէլուիա • Օրթի • Խաղաղութի ամենեցուն •

Անեփորանն որ ըստ զո-հոտոս • իբ • 24 •

Տէրն մեր յիսուս քրիստոս ասէ •

 և եղև հակառակութիւն 'ի մէջ նոցա թէ ով 'ի նոցանէ համարիցի մեծ • Եւ նա ասէ ցնտա • Թագաւորք ազգաց տիրեն նոցա • և որք

իշխենն նոցա՝ բարերարք կոչին։ Այլ գուք  
 ոչ այնպէս, այլ որ մեծն է՝ ի ձեզ՝ եղիցի իբրև  
 զկրտսերն, և առաջնորդն իբրև զսպասաւորն,  
 Ո՛վ է մեծ՝ բազմեալն եթէ սպասաւորն, ո՛չ  
 ապաքէն բազմեալն, բայց ես եմ՝ ի միջի ձե-  
 բում իբրև սպասաւոր, Եւ գուք էք՝ որք ցանգ  
 կայիք ընդիս՝ ի փորձութիւնս իմ, Եւ ես  
 ուխտեմ ձեզ՝ որպէս և հայր իմ ուխտեաց ինձ  
 զարքայութիւնս, Զի ուտիցէք, և ըմպիցէք՝ ի  
 սեղանն իմ յարքայութեան իմում, և նստիցիք  
 յերկոտասան աթոռ՝ դատել զերկոտասան  
 ազգս իսրայէլի։

Եւ սորի առաջն յարդէ։

- Աւան ուղղելոյ զգնացս մեր՝ ի Քանապարհս  
 խաղաղութեան, զտէր աղաչեսցուք։
- Վան ցրելոյ՝ ի մէնջ զամենայն խորհուրդս  
 չարին, զտէր աղաչեսցուք։
- Վան սարգեւելոյ մեզ առողջ խորհուրդս և  
 առաքինի վարս, զտէր աղաչեսցուք։
- Վան սրահելոյ զմեզ ընդ հովանեաւ ամենազօր  
 աջոյն իւրոյ, զտէր աղաչեսցուք։
- Վան խորտակելոյ զհակառակօրդն վաղվաղակի  
 ընդ ոտիւք մերովք, զտէր աղաչեսցուք։
- Վան հողւոցն, Եւ ևս միաբան, Զանձինս մեր՝  
 Ողորմեոց։

Եւ քահանայն տաէ զողօնս:

Օրհնեալ ես տէր աստուած ամենակալ արարիչ ամենայն արարածոց՝ դատաւոր կենդանեաց և մեռելոց, որ իշխանդ ես հոգւոց և մարմնոց: Որ մարդասիրապէս գթացար ՚ի տկարութիւնս, և յայց ելեր մեզ կորուսելոցս, վերստին կանգնեցեր զմեզ ՚ի գլորմանէ մեղաց մերոց, եղեր զթշնամին ՚ի ներքոյ ոտից մերոց: Խաչեալ ՚ի վերայ փայտին կենաց, և խաչակցեալ զհնութիւնս մեր առ ՚ի հերքումն ամենաչար պատրուկն՝ իշեր ՚ի գերեզման, աւերեցեր զգոթոխս, եղեր առաջին պտուղ ննջեցելոց քոյով աստուածահրաշ յարութեամբդ, և վերածեր զստուերանստեալքս ՚ի խաւարի, զմահկանացուս անմահացուցեր յուսով ՚ի ձեռն կենսաբեր յարութեան քոյ: Ընկալ և այժմ զհօգի ծառայիս քոյ յ" " " " քահանայիս ՚ի բարի, և դատաւորեան ընդ սուրբս քո: Թող ամա տէր ողորմած զյանցանս սորա զկամայ և զակամայ, զի դու ես քաւիչ մեղաց մերոց և կատարիչ խնդրուածաց, և ապաւէն յուսացելոց քոց: Լուր մեզ տէր՝ և ընկալ զհօգի հանգուցելոյս մերոյ քոյով գթութեամբ, և գրեան զյիշատակ սորա անմոռաց յիշմամբ առաջի սուրբ փառաց աթուոյ քոյ, զի սրբեալ ՚ի մեղաց՝ սուրբ սրտիւ և անկեղծ հաւատով՝



արդարու թեամբ և անբժու թեամբ արժանի  
եղիցի երկնաւոր սարգեւացդ ընդ ամենայն սքո  
քո: և ընդ նոսին գոհանալով փառաւորեացէ  
զքեզ ընդ հօր և ընդ սրբոյ հոգւոյդ: այժմ՝:

Ըրբեմն: Ետուն ըմպել քեզ զլէզլի՞: Դէ քոն երգ:

Հոգւոց՝: Ասան հանգու՞: Քն որդի աստուծոյ՞:

Եւ գեռնորէն զբէն ամենայն գանձայն. եւ ողա ասէն.  
Հայր մեր՝:

Եւ քոնին յորեւելեան իողին՝ ասելով շարուն խալի. Թի:

Խոջն կենարար օր եղև մեզ փրկու թի՞. սովաւ  
ամենեքեան զքեզ բարեբանեմք: Որ ՚ի հօրէ  
լուսոյ լոյս ճառագայթեալ ՚ի յերկրի. և գա  
ւազան զօրու թեան հաւատացելոց. սովաւ ամե  
նեքեան զքեզ բարեբանեմք: Որ լուսափայլ  
ծագմամբ հրաշափառապէս մեզ ցուցաւ. ՚ի  
յօգնու թիւն ընդդէմ թշնամւոյն. սովաւ ա  
մենեքեան զքեզ բարեբանեմք:

Եւ քոնին ասէն զբէն զէոյ յորեւելու: Եւ ասէն սաղմոս  
ոգնեցայն. Նիլ:

Օրհնեացէ զմեզ տէր ՚ի սիրովէ՞ այն օր բնակեալն  
է յերուսաղէմ. Ի՞նչ. Աստ օրհնեցէք ամենայն

Ծառայք տեառն զտէր, ո՛ր կայք ՚ի տան  
տեառն և ՚ի գաւիթս աստուծոյ մերոյ:

ԱԷԼՈՒԻԱ: Օրթի: Խաղաղութիւն ամն՝:

Աւետարանն որ ըստ յովհաննոս. զ. 35:

Տէրն մեր յիսուս քրիստոս:

**Ա**սէ ցնոսա՛ ես եմ հացն կենաց, որ գայ  
առիս, ո՛չ քաղցիցի, և որ հաւատայ յիսոս  
ո՛չ երբէք ծարաւեսցի: Այլ ասացի ձեզ՝ թէ  
տեսանէք զիս, և ո՛չ հաւատայք: Չամենայն՝  
զոր տայ ինձ հայր՝ առիս եկեսցէ, և որ գայ  
առիս, ո՛չ հանից արտաքս: Զի իշի ես յերկնից՝  
ո՛չ զի՛ զկամս իմ արարից, այլ զկամս այնորիկ՝  
որ առաքեացն զիս: Այս են կամք հօր իմոյ, որ  
առաքեացն զիս, զի զամենայն՝ զոր ետ ցիս  
հայր՝ ո՛չ կորուսից ՚ի նմանէ, այլ յարուցից զնա  
յաւուրն յեանում: Այս են կամք հօր իմոյ, զի  
ամենայն՝ որ տեսանէ զորդի՛ և հաւատայ ՚ի նա,  
ընկալցի զկեանսն յաւիտեանականս, և ես յա-  
րուցից զնա յաւուրն յեանում:

Եւ սորիտեաքն Գորգէ:

Ամն գտանելոյ մեզ զշնորհս և զօրորմութիւն  
՚ի բարերար տեառնէ մերմէ, զտէր ազա՛:

Վասն փրկելոյ զմեզ 'ի զրոյարտու թէ մարդկան  
 և յորոգայթից սատանայի : զտէր աղաչեսցուք :  
 Վասն ամենայն անձանց քրիստոնէից և տանց  
 հաւատացելոց : զտէր աղաչեսցուք :

Վասն որք 'ի լերինս՝ յայրս և 'ի փառարս բնա-  
 կեալ են սուրբ հարքն մեր : զտր աղաչեսցուք :  
 Վասն որք սաղմոսիւք և օրհնութեամբ կատա-  
 րեն զամենայն ժամանակս կենաց իւրեանց :  
 զտէր աղաչեսցուք :

Վասն հոգւոցն հանգուցելոց : Եւ ևս միաբան :  
 Չանձինս մեր : Ողորմեաց :

Եւ Կոնստանտինոսի :



այս կենաց և ընդունօղ աղօթից տէր  
 անձ մեր՝ կարգամբ և պաղատիմբ առաջի  
 քոյ բարերարութեանդ : որ վասն յան-  
 ցանաց մերոց խոնարհեցար 'ի փառաց քոց՝ զմե-  
 րոյս զգեցար մարմին : զի զմեզ աղատեսցես 'ի  
 յանցանաց մեղաց մերոց : Որ եկիր 'ի խնդիր մոլո-  
 րեալ ոչխարին՝ բառնալով 'ի վերայ փառաւոր  
 ուսոյդ : զի զառողջութիւն շնորհեսցես վերս-  
 ւորելոյն : Եւ որ կարծեալ ի շխանն էր աշխար-  
 հի : խաչիւ և մահուամբ բարձեր 'ի միջոյ : և  
 արարեր խաղաղութիւն յերկինս և յերկրի : 'ի  
 քո անարատ 'ի կողք ընկալար զխոցումն դեղար-  
 դեանն : որ անպարտաւորելիդ էիր : պարտա-

ւորեցար, զի զմեզս կողածնին չարչարանօք քո  
 բարձցես, և նոյն կենացն հօւս արասցես,  
 Ննջեցեր ընդ մեռեալս, անմահոյ անշնչացար՝ որ  
 մեռելոց յոյսդ ես, և կնիք անլուծանելի մինչև  
 յօր կրկնակի գալտեան քոյ, ՚ի գերեզմանի  
 եդար ընդ մեռեալն կնքեալ վիմաւ, զի ՚ի  
 հողոյ ՚ի նորոգութիւն կենաց եկեացեն, Որ  
 խոտացար զարարածս միանգամայն նորոգել և  
 կեցուցանել, զապականեալն ՚ի հողոյ առնել  
 անապական, զոր առուտծային բանիւզ ասացեր  
 զյարուի շնորհել մեռելոց, Եւ զսիրելիսն քո՝  
 որք հաւատացին գալտեան քոյ առանց երկուա-  
 նալոյ, և պահեցին զպատուիրանս քո, և հաղորդ-  
 եղէն քեզ ՚ի չարչարանս և ՚ի մահ, հրաւի-  
 րեցեր ՚ի մահուանէ ՚ի կեանս, ՚ի խուարէ յան-  
 քաւ և յանձառ լոյսդ, ՚ի վայելել զփառս ար-  
 քայուեք քոյ, որպէս և ասացեր՝ Թէ ուր էսն  
 եմ՝ անդ և պաշտօնեայն իմ եղիցի, Արդ յիշեան  
 զհոգի ծառայիս քոյ՝ որ ըստ մեծի հրամանացդ  
 քոց յոյսմ կենցաղոյս առ քեզ փոխեցաւ, և  
 ելից զժամանակս կենաց աշխարհիս դառնալ  
 ՚ի նոյն հող՝ ուստի ստեղծաւ, և եդաւ ՚ի հող  
 մահու՝ որ է մայր մեր ամենեցուն և առագաստ  
 մարմնոց մերոց, Եւ ՚ի միւստնգամ գալտեանս  
 քոյ՝ յորժամ երևիս փառօք և Թագաւորութեամբդ  
 քով՝ և ՚ի նոյն հողոյս ստեղծանեա  
 անապական զհողոցեալ մարմինս, արժանի արա



զոս լսել զձայն աւետաւոր յարութեան ընդ  
 սրբոցն և առաքիներաց՝ որք իցեն ընդ աշմէ մե-  
 ծութեան փառաց քոց: Աղաչեմք զքեզ և  
 ինդրեմք՝ ի քէն, մի՛ յանարժանութիւնս մեր  
 հայելով արգելցես զշնորհս մարդասիրութեան  
 քոյ, այլ արասցես ըստ մեծի ողորմութեան  
 քում: Զնշեան զձեռագիր յանցանաց հրաժա-  
 րեալ «յ» «ն» «ն» քահանայիս, և թող զմեզս սր՝  
 զկամայ և զակամայ, զգիտութեան և զանգի-  
 տութեան: Բարեխօսութեամբ սուրբ աստ-  
 ուածածնիդ անարատ կուսի և մօր քոյ՝ և ա-  
 մենայն սրբոց քոց՝ յիշեան զհրաժարեալ հոգիս  
 որ առ քեզ փոխեցաւ: Տէր և դատաւոր՝ լուր  
 պաղատանաց պաշտօնէից ժողովրդեանս, և դա-  
 տաւորեան զհոգի սորա՝ ի դասս ընտրելոց քոց:  
 Աստուած և ստեղծիչ ամենայնի, արն զսս  
 արժանի լսել զձայն աստուածային փողոյ յա-  
 րութեան, վերանորոգեան վայելչապէս՝ ի հողոյ  
 ծնանիլ զնոյն մարմին, նորոգիլ՝ ի փառս քո,  
 զվտանգ մահու՝ զոր թշնամին ասպականեաց՝  
 բարձ՝ ի սմանէ քո անուամբդ մկրտելոյս, որ ի  
 մէնջ հրաժարեաց առ քեզ գալով, և թող  
 զմեզս սորա, և թեթեացն զձանրութիւն  
 բերին մեզաց սորա: Եւ թողութիւն շնորհեան  
 ամենայն ժողովրդեանս, զի օրհնեալքս՝ ի սմա-  
 նէ և մկրտեալքս՝ արժանաւորք լիցին արքայու-  
 թեանդ երկնից: Զմեղսաբարիչ պատարագն

մատուցեալ 'ի սմանէ յաղագս հողոց ննջեցեալն : ընկալցիս՝ և թողութիւն շնորհեացեա ամենեցուն առ հասարակ : Ո՛վ տէր ամենայն 'ի աստուած և արարիչ բոլորից՝ տուր մի թարութիւն և սխտիանս ժողովրդեանս քահանայիս : որք լալով և արտասուօք մորմոքին վասն հրաժարման սորա : Եւ զմեզ զհաւատացեալքս 'ի քեզ օրհնեա՛ . զի ամենասրբոյ երրորդութեանդ տացուք ամենեքեան զփառս և զիշխանութիւն և զպատիւ : այժմ և միշտ և յա՛ :

Խաղաղութիւն ամենեցուն : Այ երկերդ՝ 4 է - 5 - 4 :

Օրհնեալ ես տէր աստուած արարիչ ամենայն արարածոց : որ արարեր զերկինս և զերկիր և զամենայն որ 'ի նոսա : և դարձեալ առեր զհողն յերկրէ : և ստեղծեր զմարդն կենդանի և խօսուն : և եգեր զնա 'ի գրախտին փափկութեան գործել զնա և սրահել : Եւ յանցանել նորա զպատուիրանաւ քո՛ մահու տիրացուցեր զնա : 'ի դառնալ յերկիր ուստի առաւ : Եւ իջանելով քո՛ 'ի հող մահու՛ վերակոչեցեր զմեռեալ բնութիւնս 'ի կեանս և յանապականութիւն : Եւ այժմ ըստ նմին աստուածայինդ անդարձ վճռոյ՝ կոչեցեր զժառայս քո դառնալ 'ի հող յորմէ ստեղծաւ : զի 'ի միւսանգամ գալտեանս քոյ 'ի հնչել տիեզերալուր բարբառոյ փողջն

ազդեցութեան՝ նորոգեցի անմահութեամբ՝ ի վերանալ ՚ի կեանս անապական։ Ասանս որոյ աղաչեմք զքեզ մանրդասէր տէր՝ արն այցելութի ծառայիս քոյ այսորիկ ՚ի յայնմ աւուրն մեծի՝ ներելով ամենից սխալանաց սորին, և բանալով սմա զմուտ յաւիտենական կենացդ։ Եւ միխթարեան զժողովուրդս քո՝ որք եկեալ եմք յուղարկել զսա զհետ ամենայն ննջեցելոց սրբոց։ Եւ այժմ մանրդասէր տէր՝ տուր համբերութիւն սոցա, և միխթարեան զսոսա ողորմութեամբ քով, և զհոգի ծառայիս քոյ հանգնի սուրբս քո։ Աստուած յաւիտենական՝ որ արժանի արարեր զծառայս քո դառնալ ՚ի հող ուստի ստեղծեր՝ հանգն զհոգի սր, և պահեան անարատ իբրև զգանձս պատուականս աստուածութեանդ քոյ, զի ծառայ քո է՝ և հաւատացեալ է ՚ի տէրդ մեր յիսուս քրիստոս, յիշեմք զքեզ տէր ՚ի վերայ հանգուցեալ քահանայիս այսորիկ, Յիշեան տէր զհոգի սորա, և խառնեն ՚ի դասս հրեշտակաց քոց և ՚ի գունդս այնոցիկ՝ որք սիրեցին զօր երևելոյ գալստեան քոյ։ Եւ ՚ի գոչել աստուածայինդ փողոյ երևմամբ սբ խաչին՝ ՚ի լուսոյն պայծառացի, տեսանելով սա զանանց լոյսն և զանապական գեղ կերպարանին, և զուարթերես կացցէ ընդ աջմէ ահաւոր բեմիդ, և առանց ամօթոյ տեսցէ զթագաւորդ երկնաւոր, և լուիցէ զձայնդ աւետաւոր թէ՛

եկնայք օրհնեալք Տօր իմոյ ժառանգեցէք ըզ-  
յաւ խտենական ուրախութիւնսն, և գոհանալով  
փառաւորեացէ զքեզ ընդ Տօր և ընդ հոգւոյդ  
սրբոյ, այժմ և՛:

Եւէ Վախճանէն առ Չնորդ էցէ և սէր վիճակէ, և  
էո՞մ էսինոս ի հոս՝ զոյն աշօշտ ևս էարդն:



բազումադորմ, աստուած արարիչ  
մշանջենաւոր, որ պատուեցեր ըզ-  
մարդն փառօք, և պատկեցեր շնոր-  
հօք և իմաստութեամբ, ընտրեցեր հոգւովդ  
քով զմարգարէսն՝ և օժեր իւղով սրբութեան  
զբահանայո, կոչեցեր զառաքեալնս՝ ի քարո-  
ղութի աւետարանի փառաց քոց, և յօրինեցեր  
զվարդապետս տեսուչս ժողովրդեան քոյ՝ զոր  
փրկեցեր արեամբ միաճնիդ քո, Դ՛ն տէր՝  
ընտրեցեր զոյն առ Չնորդ քահանայո, որ այցելութի  
հովուեաց զժողովուրդս քո, և ըստ հրամանի  
տեսչութե կոչեցեր ի հանգիստ քո՝ փախի-  
մամբ ժամանակեայ մահու՝ որով առ քեզ  
գայ ամենայն մտեղի: Ա՛րդ՝ ահա այժմ հրա-  
ժարիմք և հրաժարեցուցանեմք արտառօք  
և աղաչեմք ի մէջ եկեղեցւոյ քոյ սրբոյ, որ-  
պէս ետուր զսա մեզ ի սիովանս և ի վայել-  
չութիւն հոգւոց մերոց, որպէս պահեցեր զմեզ  
աղօթիւք սորա ի փորձութեանց յերևելեաց և  
յաներևութից, տուր մեզ և յաշորդօղ սորիս



աթուոյս ընտրեալ հովիւ՝ և պաշտօնեայ ան-  
 քիծ և ուղղափառ . և մի՛ թողուր զվիճակ հօտի  
 քոյ՝ ՚ի նախախնամօղ վերակացու թե՛նէ հոգւոյդ  
 օրբոյ : Եւ զհոգի սորա բնակեցն՝ ՚ի պատրաս-  
 տեալ օթեանո կամարարաց քոց : և զմարդկօրէն  
 ռխալանս սորա անտէ՛ս արա : Զի դ՛ու ես քաւիչ  
 մեղաց . որ միայն ունիս զիշխանութի արծակել  
 զվտանգեալս ՚ի բանտարկուէն : Պայծառացն  
 զյիշատակ սորա ՚ի մէջ եկեղեցւոյ քոյ և ժո-  
 ղովրդեանս . և առաջնորդեան տես հոգւովդ քով  
 սրբով ՚ի յերկիր ուղիղ՝ որ հանգուցանես  
 զտարժանեալս ՚ի մարմնի : Զի դ՛ու ես յարու-  
 թիւն և կեանք ամենեցուն . և քեզ վայելէ  
 մտաք իշխանութիւն և պա՛ :

Ըրբո՛ւն : Բարբառելով զէլի էլին՝ . Դէ՛ գոն երգ՝

Հոգւոց՝ : Վասն հանգու՝ : Քրիստոս օրդի՛ :

Եւ Գեորգիոսի զբն՝ աննայն Գեորգիոսի . և ուր տոնն .  
 Հայր մեր՝ :

Յեք այսօրէն ո՛րոնքն տեւ շերտ անձի մէջ և յիշխան  
 հաւթեցինն : Եւ բոննան Գեորգիոսի և գոնն ՚ի հանգու-  
 փեան վիհն . տեւով շարունակ խելի . դ՛ու :

Այսօր ժողովեալ օրբոցն ՚ի միասին . երանելի  
 առաքեալքն և սք կուսանքն : շահազեատուք

արայծառացեալք լուցանէ ին զլապտերս իւրեանց •  
 և միաձայնեալք ասէ ին՝ օրհնեալ ես ամէնօրհ-  
 նեալդ 'ի կանայս : Այսօր գնելով զսուրբ կոյսն  
 առ դրանն գերեզմանին • սպասէ ին և ակնու-  
 նէ ին տեառն իսկ ինքնին գոլոյ • գեր 'ի վերոյ  
 տեսեալ զարարիչն եկեալ բազում հրեշտա-  
 կօք • և նոցա միաձայնեալ ասէ ին օրհն : Այսօր  
 տեսեալ զսուրբ կոյսն թռուցեալ յօդս • և  
 ամզեղէն կառօքն 'ի վեր համբարձեալ յեր-  
 կինս • մտանելով յերկնային խորանսն ընդ ի-  
 մաստուն կուսանսն • և նոցա միաձայնեալ ա-  
 սէ ին օրհն : Այսօր ընդ բազմաչեայ քրովբէսն  
 և ընդ վեցթեան սրովբէսն մտանելով  
 յեօթնաստեղեան խորանսն • տեսանելով զզա-  
 նազանն Եթոսն՝ զոր սպարապետեալ է քեզ տէ-  
 րունւոյդ • երգեմք և մեք ասելով օրհնեալ ես  
 ամէնօրհնեալդ 'ի կանայս :

Ես սպա զհորցն սորին իւր սորօղն • և թէ ոչ բուսէանաջի •  
 զհնգսորն • զձ : Երբոհանն ևս տանն սորմն պարոյ է :  
 Յորժամ հարկանի փող զալատեան : (և այլն որ զինն • )  
 Ես 'ի ճոնսպարհին 'ի չորս փեղէս հոնգիսս տանէն և չորս  
 ժոխ : Աւերսորմն հորցմն :

Հոնգիսս տոռղին՝ Օրթի :

Ա-ե-գ-ր-ո-ն-ս որ ըստ Տ-ր-ի-է-տ-ի. Ժա. 25:

Տէրն մեր յիսուս քրիստոս:

**Յ**այնմ ժամանակի պատասխանի ետ և  
ասէ. գոհանամ զքէն հայր՝ տէր երկնի  
և երկրի. զի ծածկեցեր զայս յիմաստնոց և ՚ի  
գիտնոց՝ և յայտնեցեր տղայոց. Այո՛ հայր՝ զի  
այսպէս հաճոյ եղև առաջի քո. Ամենայն ինչ  
տուաւ ինձ՝ ի հօրէ իմմէ. և ոչ ոք ճանաչէ զոր-  
դի՝ եթէ ոչ հայր. և ոչ զհայր ոք ճանաչէ՝ ե-  
թէ ոչ որդի. և ում որդին կամիցի յայտնել.  
Եկոյք առիս ամ վաստակեալք և բեռնաւորք՝  
և ես հանգուցից զձեզ. Առէք զլուծ իմ՝ ի ձեզ.  
և ուտարուք յինէն՝ զի հեզ եմ և խոնարհ  
սրտիւ. և գտչիք հանգիստ անձանց ձերոց. Ձի  
լուծ իմ քաղցր է. և բեռն իմ փոքրոգի:

Ձի՛նի՛ տէն՛ Հոգւոց՛. Այան՛ հանգու՛. Քս որդի՛:

Հանգիստ երկրորդ. Օրթի:

Ա-ե-գ-ր-ո-ն-ս որ ըստ Տ-ր-ի-է-տ-ի. Գ. 26:

Տէրն մեր յիսուս քրիստոս:

**Ե**ւ ասէր՝ այսպէս է արքայուի անյ. որպէս զի  
այր մի արկանիցէ զսերմանիս յերկիր. Եւ

ննչիցէ և յառնիցէ զցայդ և զցերեկ, և սերմանիքն բուսանիցին և աճիցին, և նա ոչ գիտէ, Թէ երկիրն ինքնին բերէ զպտուղն, նախ ըդիտոն՝ և ապա զհասկն՝ ապա զցորեանն ատոք ՚ի հասկին: Այլ յորժամ տայցէ զպտուղն, վաղվազակի առաքի մանգաղ՝ զի հասեալ են հունձք: Եւ ասէր, ո՛րւմ նմանեցուցուք զարքայութիւնս աստուծոյ, կամ որով առական առակեցուք զնա: Որպէս հատն մանանխոյ՝ որ յորժամ սերմանիցի յերկրի՝ փոքրագոյն է քան զամենայն սերմանիս՝ որք են յերկրի: Եւ յորժամ սերմանիցի՝ բուսանի, և լինի մեծ քան զամենայն բանշար, և արձակէ ոտս մեծամեծս մինչև բաւական լինիլ ընդ հովանեաւ նորա թռչնոց երկնից՝ բնակիլ: Եւ այնպիսի առակօք խօսէր ընդ նոսա զբանն, որպէս կարող լինէին լսել: Եւ առանց առակի ոչ ինչ խօսէր չէ նոսա, բայց առանձինն աշակերտացն իւրոց մեկնէր զնոմ:

Չ.ՅԵ ԽԵՆ. Հայր մեր՝

Հանգիտ երբեք՝ Օրթիւ:

Ա-Ե-Կ-Բ-Ն-ՈՐ Ը-Պ զՆԻՊՈՍ-Ի 34:

Տէրն մեր յիսուս քրիստոս:

Պ ստասխանի ետ նոցա և ասէ, որդիք աշխար-



Տիս այսորիկ կանայս առնեն, և արանց լինին :  
Իսկ որք արժանի լինիցին այնմ աշխարհի  
հասանել և յարութեանն որ 'ի մեռելոց, ոչ  
կանայս առնեն, և ոչ արանց լինին : Քանզի և  
ոչ մեռանիլ ևս կարեն, զի հաւատար հրեշ-  
տակաց են՝ և որդիք աստուծոյ, քանզի յարու-  
թեան որդիք են : Այլ զի յառնեն մեռելաբ,  
և մոխէս գուշակեաց՝ ի մարենւոջն, որպէս ասէ  
զտեառնէ աստուծոյ արբահամու, և զաստու-  
ծոյ իսահակայ, և զաստուծոյ յակորայ, Եւ  
աստուած չէ մեռելոց՝ այլ կենդանեաց, զի աս-  
մենեքին նմա կենդանիք են : Պատասխանի  
ետուն ամանք 'ի դարացն և ասեն, բարւոք  
ասացեր, Եւ ոչ ևս որ ի շիտէր հարցանել զնա՝  
և ոչինչ :

Չկի ունի հոպւոց՝ Վասն հանգ՝ Քս որդի՝ :

Հանգի որ լուրեր՝ Օրթիւ :

Աւերմանն որ ըստ յովաննա. Է 19 :

Տէլն մեր յիսուս քրիստոս :

Պատասխանի ետ և ասէ ցնտա, ամէն ամէն աս-  
տեմ ձեզ, ոչ կարէ որդի մարդոյ առնել յանձ-  
նէ, և ոչինչ, եթէ ոչ տեամնիցէ զհայլն զի

առնէ : զի զոր նայն առնէ : զնոյն և որդին նմին  
 նման դործէ : Զի հայր սիրէ զորդի : և զամե-  
 նայն ինչ ցուցանէ նմա՝ զոր ինքն առնէ : և  
 մեծամեծս ևս քան զսոյնս ցուցանէ նմա զգործս :  
 Ընդ սրս դուքդ զարմանայք : Զի որպէս հայր  
 յարուցանէ զմեռեալս և կենդանի առնէ՝ նոյն-  
 պէս և որդի՝ զորս կամի՝ կենդանի առնէ : Եւ ոչ  
 եթէ հայր դատէ զոք՝ այլ զամենայն դատաս-  
 տան ետ որդւոյ իւրոյ : Զի ամենեքեան պատ-  
 տուցեն զորդին՝ որպէս պատուեն զհայրն : որ  
 ոչ պատուէ զորդին : ոչ պատուէ զհայր զառա-  
 քիչն նորա :

Զնի՞ տեն. Հողւոց՝ Հայր մեր՝ :



Ըստ սխումին շարունակ հանգոթեան. դ՛՛ :

Ի հանգիստ քո տէր՝ ո՛ւր ամենայն սուրբք քո  
 հանգչին : հանգո՞ զհոգիս ծառայից քոց ընդ  
 սուրբս քո մարդասէր : Դու աստուած՝ որ  
 իշեր՝ ի գոխս, զերկուսնս մահու լուծեր : ըզ-  
 կապեալն արծակեցեր : և զհոգիս ծառայից  
 քոց ընդ սուրբս քո հանգո՞ մարդասէր : Ընդ  
 հոգւոցն արդարոց կատարելոց և զհոգիս ծա-  
 ռայից քոյ հանգո՞ մարդասէր :

Եւ յորժամ Քրիստոսն ՚ի գերեզմանն՝ առնէ :

Մերձեցայ ես՝ ի դուռն գերեզմանին, և եհաս ինձ ժամանակ մտանել ՚ի յարգանտ երկրի, յորմէ ստեղծեալ եմք ամենեքեան, բժիշկ իմաստուն և խարտարապետ, բժշկեան զհոգւոյ իմ զհիւանդութի, արարող և յոյս փրկութե մերոյ, Եղիցի ձեռն քո սահապան անձին իմոյ, և աչ քո բարի առաջնորդեցէ ինձ ՚ի յարգարութի, բժիշկ իմաստուն և՛, Բղխեցես առիս զգութ մարդասիրութեանդ, և յաղբերէց կենաց լուսացես զմեզս անձին իմոյ, բժիշկ իմաստուն և՛: Աեցցէ անձն իմ օրհնեցէ զքեզ, զիմ առուրս կենաց իմոց, և առ քեզ ապաւինիմ հովիւ բանաւոր հօտի, դարձն զմուրեալս ՚ի հօտ քո քրիստոս, բժիշկ իմաստուն և խարտարապետ, բժշկեան զհոգւոյ իմ զհիւանդութիւն, արարող և յոյս փրկութեան մերոյ :

Եւ երբեք զբարեպետն յոյն գերեզմանին, և ոտք առեալ շարժանիկն՝ առնէ կանոնգլխս, դձ :



Ջիւանք հալածեցին զիս ՚ի նանիր, ալէլուիա, ալէլուիա, այլ ՚ի բանից քոց երկեալ սիրտ իմ, ալէլուիա, Յնժացայ ես ՚ի բանս քո, որպէս այն որ գտանէ աւար բազում՝ ալէլուիա, Ջմեզս ատեցի և անարգեցի, և զօրէնս քո սիրեցի, ալէլուիա, Եօթն անգամ

յաւուր օրհնեցից զքեզ՝ վասն իրաւանց և արդարութեան քո, ալէլուիա, Խաղաղութիւն բաղնւմ է այնոցիկ՝ ոյք սիրեն՝ զօրէնս քո, և ոչ գոյ՝ ի նոսա գայթակղութիւն, ալէլուիա, Սպասեցի փրկութե քում տէր, և զպատուիրանս քո սիրեցի, ալէլուիա, Պահեաց անձն իմ զվկայութիւնս քո՝ և սիրեաց զնոսա յոյժ, ալէլուիա, Պահեցից զպատուիրանս և զվկայութիւնս քո, զի ամենայն ճանդարհք իմ առաջի քո են, ալէլուիա, Մերձեցիին խնդրուածք իմ առաջի քո տէր, ըստ բանի քում իմատուն արան զիս, ալէլուիա, ալէլուիա, ալէլուիա, Մտցին աղօթք իմ առաջի քո տէր, և բանիւ քով փրկեան զիս, ալէլուիա, Բղխեցեն շքութունք իմ զօրհնութիւնս քո, յորժամ ուսուցես ինձ զարդարութիւնս քո, ալէլուիա, Խօսեցի լեզու իմ զբանս քո, զի ամենայն պատուիրանք քո արդարութիւն են, ալէլուիա, Եղիցի ձեռն քո՝ ի կեցուցսնել զիս, զի զպատուիրանս քո ընտրեցի, ալէլուիա, Յանկացայ փրկութեան քում տէր, և օրէնք քո խօսք իմ էին, ալէլուիա, Աեցցէ անձն իմ, օրհնեցէ զքեզ, և իրաւունք քո օգնեցեն ինձ, ալէլուիա, Մօլորեցայ ես որպէս զօչխար կորուսեալ, խնդրեան զճառայս քո, զի զպատուիրանս քո ես ոչ մոռացայ, ալէլուիա, Փառք հօր և՛ Ա՛յժմ և միշտ, ալէլուիա,



Մարիամոսին Կարողէ՛, Եւ ևս խաղաղութեան զտէր  
աղաչեցուք՝

Եւ Կոհանայն տէ՛: Օրհնութիւն և փառք Տօր և  
որդւոյ և՛:

Եւ տէն էրէ՛ շարունակ տափ օրհնութեան զի՛:

՚Ի վերանալ յինէն աւուրց իմաց տէր օգնեան  
ինձ միայն մարդասէր: Ջշարշարանս խաչի և  
մահու յանձն առեր տէր՝ օգնեան ինձ միայն  
մարդասէր: Բարեխօսութիւն սուրբ աստուա-  
ծածնի և միշտ կուսի տէր՝ օգնեան ինձ միայն  
մարդասէր:

Ամենասուրբ երրորդութեդ երկրպագեն զօրք  
երկնայինք, և ստեղծուածք անարատ ձեռացդ  
փառաւորելով զտէրութիդ քո Հանապազ: Ամե-  
նազօր խաչի քոյ տէր երկրպագեցուք, որով  
բարձեր զդատակնիք մահու քո արարածոց, փա-  
ռա՛: Ամէնօրհնեալ աստուածամայր մարիամ  
քերովբէական աթոռ արարչին մերոյ տնօրէ-  
նութե՛, զոր երանեն ամենայն ազնիք Հանապազ:  
Մարգարէն՝ ՚ի փորոյ կիտին աղաղակէր և ստէր,  
տէր նայեաց յիս և մի՛ տար զիս հզօրիս այս:  
Ձայն բարձի՛ ՚ի խորոց անգնոց առ աստուած  
ողորմած, և ձայն աղաղակի իմոյ հացէ՛ ՚ի լու-  
լիս քո տէր, Բարեխօսութիւն սուրբ աստուա-  
ծածնի և միշտ կուսի աղօչեմ, տէր փրկեան

զիս 'ի յորոգայթէ աներևոյթ թշնամւոյն :

Եւ որդիսաբնի տրոգէ :

Վասն ցօղելոյ 'ի մեզ զցօղն ողորմութեան , և  
փրկելոյ զմեզ 'ի հրոյն յաւիտենից , զտէր  
աղաչեսցուք :

Վասն երևելոյ մեզ ճառագայթից սուրբ խա-  
չին , որ փայլէ յարևելից 'ի միւտանգամ գալս-  
տեանն տեառն , զտէր աղաչեսցուք :

Վասն ահագին գոչման փողոյն աւետաւոր հրեշ-  
տակին , որ ժողովէ զմարդիկ 'ի կեանսն յաւի-  
տենից , զտէր աղաչեսցուք :

Վասն լուելոյ սմա զձայն երանաւէտ փողոյն որ  
ասէ՛ եկնոյք օրհնելալք հօր խնայ՝ ժառանգեցէք  
զարքայութիւնն , զտէր աղաչեսցուք :

Վասն հոգւոցն հանգուցելոց , Եւ ևս միաբանն  
Ջանծինս մեր : Աղբմեաց :

Եւ որդիսաբնի տրոգէ :

Տէր աստուած մեր և յոյս՝ որ նստիս յաթոս  
քրովբէականս , և օրհնիս 'ի դասուց հրեշտա-  
կաց և փառաբանիս 'ի մարդկանէ , և ծաւա-  
լեալ անունքո ընդ ամ տիեզերս , և ընդունիս  
գթութեամբ զաղաչանս մարդկան , Եւ այժմ  
մարդասիրութեամբ քով թող զյանցանս սորա  
զձածուկ և զյայտնի , զի ոչ ոք է առանց մեղաց

'ի վերայ երկրի, այլ դու՛ որ մեղաց սրբիչ ես  
 և քաւիչ, թող զմեզս և քաւեան զանօրէնու-  
 թիւնս սորա: Եւ վասն զի կացուցեր զսա քա-  
 հանայ և հովիւ ժողովրդեան քում, ուստի՛  
 զորոյ զմեզս 'ի ժողովրդենէ քումմէ խնդրուա-  
 ծօք խնդրեալ իցէ սորա 'ի քէն 'ի ձեռն սուրբ  
 պատարագին զենման օրդւոյ քոյ 'ի վերայ սրբոյ  
 սեղանոյն առ 'ի քաւել, հաշտեան տէր և թող  
 նոցս՝ որ անկարօտք ես յամենայնի: Եւ զանուն  
 սորա գրեան 'ի դպրութեան կենաց, զհօգի սորա  
 ընկալ 'ի խորանս սրբոց քոց, զի և մեք գոհա-  
 նալով փառաւորեսցուք զքեզ ընդ օրդւոյ և  
 ընդ սրբոյ հոգւոյդ:

Եւ զորոք ինչն ամենեցոան, Այ երկերգագեսցոս:

Տր աստուած լուսաւորիչ հոգւոց և պահապան  
 մարմնոց, որ և զմարմինս արանց արդարոց փա-  
 ռաւորեցեր՝ որք զքեզ բարեպաշտութեամբ  
 փառաւորեցին, ցուցանելով ամենեցուն՝ եթէ  
 ոչ միայն յողիս, այլ և 'ի մարմինս արդարոց  
 յայտնին զօրութիք, առ 'ի բարեպաշտիլ առ  
 քեզ, եւ այժմ աղաչեմք զքեզ մտրդասէր տէր  
 և բարերար՝ ընկալ զաղաչանս ժողովրդեան  
 քոյ, և դատաւորեան 'ի դասս սրբոց քոց առա-  
 քելոց, մարգարէից և մարտիրոսաց, եւ զմեզ զա-  
 մենեսեան զհաւատացեալքս՝ ի քեզ արժանա-

Լորեան փառաւորել զՏայր և զսրգի և զսուրբ  
Տոգիդ, այժմ և միշտ և յաւիտեանս յաւի-  
տենից, ամէն:

Յե՞ք այսրիէ սխտնին ասել սօղոս ողբոյն. Ճժդ:

Դանրձ անձն իմ 'ի հանգիստ քո, զի տէր կոչ-  
եաց զքեզ: Սիրեցի զի լուիցէ տէր զձայն  
աղօթից իմոց, զի խոնարհեցոյց զունկն՝: Ընց  
գունն 'ի լճան աս:

Ընկերցոս՝ ՚ի շրջոց Բաղատրաւիտնց, Ժգ. 14:



Ը եղիսէէ հիւանդացաւ հաւանդութի,  
որով և մեռաւ իսկ, և էջ առ նա յովտ  
արքայ իսրայէլի, և ելաց 'ի վերայ երեսաց  
նորա՝ և ասէ. հայր՝ հայր, կառքդ իսրայէլի և  
հեծեալք նորա, Ասէ ցնա եղիսէէ, առ դու  
ղաղեղն քո՝ և զնեա քո, և էառ զաղեղնն և  
զնետս, Եւ ասէ ցարքայն իսրայէլի, մնա ընդ  
աղեղն ձեռօք քովք, և եմուտ ընդ աղեղնն  
ձեռօք իւրովք, և եդ եղիսէէ զձեռն իւր 'ի  
վերայ ձեռաց արքային, Եւ ասէ, բնց զպատու-  
հանդ՝ որ է լ արեւելս, և եբաց, և ասէ եղիսէէ՝  
ձգեան, և ձգեաց, և ասէ՝ նետ փրկութեան  
տեառն, և նետ փրկութեան ընդդէմ ասորոց,  
և հարցես զասորիս յափէկ մինչև իսպառ, Եւ  
ասէ ցնա եղիսէէ, առ դու քեզ նետս, և ասէ



ցարքայն խորայէլի՝ ձգեան՝ և հօր զգետինդ, և  
 եհար արքայ երիցս՝ և եկաց, Եւ տրտմեցաւ ՚ի  
 վերայ նորա այրն աստուծոյ, և ասէ՝ եթէ  
 հարեալ էիր հնգիցս կամ վեցիցս, յայնժամ  
 հարկանէիր զասորիս մինչև իսպառ, և արդ  
 երիցս հարցես զասորիս, Եւ մեռաւ եղիսէ՛ն՝ և  
 թաղեցին զնա, և մեկնազէնքն մովաբու ելին  
 յերկիրն ՚ի գալ տարւոյն, Եւ եղև ՚ի թաղել  
 նոցա զայր մի, և ահա տեսին զմեկնազէնսն՝ և  
 ընկեցին զայնն ՚ի գերեզմանն եղիսէի, և գնաց՝  
 և մերձեցաւ յոսկերսն եղիսէի, և կենդանացաւ՝  
 և կանգնեցաւ ՚ի վերայ օտից իւրոց:

Ընկերոսոս յոռոկոց էմո. Է. 23:

Ձի աստուած հաստատեաց զմարդն յանեղծու-  
 թիւն, և ՚ի պատկեր իւրոյ բարերարութե արար  
 զնա, Իսկ նախանձու բանասրկուին եմուտ մահ  
 յաշխարհ, և փորձեն զնա՝ որք նորա վիճակին  
 սակի են, Բայց ոգիք արդարոց ՚ի ձեռնն աս-  
 տուծոյ են, և ոչ մերձեցի ՚ի նստա մահ, Թուե-  
 ցան յաչս անզգամաց թէ մեռան, և համարեցան  
 չարչարանք ելք նց, և գնալն ՚ի մէնջ բեկումն,  
 բայց նոքա են ՚ի խաղաղութեան, Ձի թէպէտ  
 յաչս մարդկան տանջեցան, այլ յոյս նոցա լի է  
 անմահութեամբ, Եւ սակաւ իկին չ խրատեալք՝  
 դոցեն զմեծ բարութիւնս, զի աստուած փոր-

ձեռաց զնոսա և եղիտ իւր արժանիս : Իբրև սակի  
'ի բալս քննեաց զնոսա, և որպէս զողջակէզս  
զոհի ընկալաւ զնոսա, և 'ի ժամանակի այցե-  
լու թեան իւրեանց պայծառացին :

Ընթերցուած յհոսիոյ Տորգորէէ. Կ 21 :

Այսպէս ասէ տէր, և կատարեսցին աւուրք  
սգոյ քոյ : Եւ ժողովուրդ քո ամենևին արգար,  
և յաւիտեանս ժառանգեսցեն զերկիր, պահել  
զնորատունկս գործոց ձեռաց իւրեանց 'ի փառս :  
Սակաւաւորն հազարաւոր եղիցի' և կրտսերն  
յազգ միծ, զի ես տէր ընդ ժամանակս ժամա-  
նակս ժողովեցից զնոսա, Հոգի տեառն 'ի վերայ  
իմ, վասն որոյ և էօծ իսկ զիս, աւետարանել  
աղքատաց առաքեաց զիս, բժշկել զբեկեալս  
սրտիւք, քարոզել զերեաց զթողու թիւն' և  
կուրաց տեսանել : Առջել ամ տեառն ընդու-  
նելի, և օր հատուցման աստուծոյ մերոյ : Մի ի-  
թարիւլ զամ սգաւորս : Տալ սգաւորաց սխմելի  
փառս, փոխանակ մոխրոյն օծումն ուրախու-  
թեան, և սգաւորացն հանդերձ փառաց' փոխա-  
նակ ոգւոյն վհատութեան, և կոչեսցին նոքա  
ազգք արգարութեան' տունկ տեառն 'ի փառս :  
Եւ շինեսցեն զաւերակնն յաւիտենից, և ըզ-  
յառաջագոյն աւերեալոն կանգնեսցեն, և նս-  
րոզեսցեն զքաղաքս աւերեալս յազգաց մինչև

յազգս : Եւ եկեացեն օտարած ինք հովիւք խա-  
շանց քոց, և այլազգիք մաճակալք և այգե-  
գործք քո : Բայց դուք քահանայք տեառն  
կոչիլիք՝ և սլաշտօնեայք աստուծոյ մերոյ ան-  
ուանիլիք : զզօրութիւնս աղգաց կերիլիք, և  
մեծութեամբ նոցա սքանչելի լինիլիք : Փոխա-  
նակ ամօթոյն ձերոյ կրկին ուրախութիւն, և  
փոխանակ անարգանաց ձերոց ցնծութիւն, և  
ասրա զերկիւրն յերկրոգում ժառանգեցեն, և  
ուրախութի յաւիտենից՝ ի վերայ գլխոց նոցա :

Անիւբոյնութիւն յերեմիայ մարգարէէ ողբ. գ. 18 :

Յիշեցի յաղքատութիւն իմմէ, և ՚ի հալածանաց  
իմոց՝ դառնութիւն և բարկութի : Յուշ եղեն  
միանգամայն, ձանձարացաւ յիս անձն իմ : Ջայս  
իւնչ կարգեցի ՚ի սրտի իմում, վասն այնորիկ և  
համբերեցից նմա : Ողորմութիւնք տեառն ան-  
սպառք են, և ոչ նուազին գթութիւնք նորա :  
՚ի նորոգումնս առաւօտու բաղմանայ ճշմարտու-  
թիւն քո տէր : Ասաց անձն իմ, բայ՝ բաժին  
իմ է նա, վասն այնորիկ ակնկալայց նմա : Բա-  
րերար է աստուած ՚ի վր համբերողաց իւրոց,  
և անձն՝ որ խնդրէ զնա : Բարի է՝ որ համբերէ  
նմա ճշմարտութեամբ, և հանգչի նա ՚ի վեր-  
կութեան տեառն : Բարի է մարդոյ՝ որ առնու  
զլուծ խնարհութեան ՚ի մանկութենէ իւրմէ :

Նստցի միայն լուռ 'ի տան իւրում, զի անձամբ  
 իւրով էառ յանձն զլուծն քո: Տացէ հողոյ  
 զբերան իւր, վասն զի կայ յոյս: Կարգացի  
 զանուն քո տէր 'ի գբոյ տառապանաց, և դու  
 լուար ձայնի իմում: Մի թաքուցաներ զունկն  
 քո 'ի խնդրուածաց իմոց, այլ ընդարձակեան  
 ինձ, փրկեան զիս: Դու յօգնել ինձ մերձեցար,  
 և ասացեր, բան՝ յորում աւուր կարգացես  
 առ իս՝ մի՛ երկիցես: Դատեցեր տէր զդատաստան  
 անձին իմոյ, փրկեցեր տէր զզրկեալն: Տեսեր  
 զամենայն իրաւունս իմ, հայեցար յամենայն  
 խորհուրդս իմ:

Պօղոսի առաւելոյն 'ի կորնթացոց առ զին Լուսոյն է  
 ընկերցաածս: Ժե. 51:

Արդ՝ զխորհուրդ մի ասեմ ձեզ, ամենեքեան  
 ննջեսցուք, այլ ոչ ամենեքեան նորոգիցուք:  
 Յանկարծակի յսկան թօթափել 'ի փող յե-  
 տին, քանզի փող հարկանի, և մեռեալք յարկ-  
 ցեն առանց ապականութե, և մեք նորոգիցուք,  
 Ջի պարտ է ապականութեանս այսմիկ զգենուլ  
 զանապականութ իւն, և մահկանացուիս այսմիկ  
 զգենուլ զանմահութի: Այլ յորժամ մահկանա-  
 ցուս այս՝ զգեցցի զանմահութ իւն, և ապակա-  
 նացուս զանապականութի, յայնժամ եղիցի բանն՝  
 որ գրեցաւ, եթէ ընկլաւ մահ 'ի յաղթութի,  
 և՛ւր է մահ յաղթութի քո, ո՛ւր գժօխք խայ-



Թոց քո : Խայթոց մահու մեղք են , և զօրու թի մեղաց օրէնք : Այլ շնորհք այ՛ որ ետ մեզ զյաղթու թիւն 'ի ձեռն տեառն մերոյ յիսուսի քրիստոսի : որում փառք յաւիտեանս , ամէն :

Ալէլուիա . Մողնո . 70 : 'ի քեզ տէր յուսացայ մի՛ ամաչեցից յաւիտեան , յարգարու թէ քում փրկեան և տպրեցն զիս :

Ալէլուիա . Օրթի : Խաղաղութի ամենեցուն :

Աւետարանն որ ըստ մարկոսի . ԺԹ . 27 :

Առ տէրն մեր յիսուս քրիստոս :

**Յ**այնժամ պատասխանի ետ պետրոս և ասէ ցնա , ահաւասիկ մեք թողոք զամենայն և եկաք զկնի քո , արդ զի՞նչ լինիցի մեզ , Ասէ ցնոսա յիսուս , ամէն ասեմ ձեզ , զի դուք՝ որք եկիք զկնի իմ , 'ի միւսանդամ գալտեան՝ յորժամ նստցի որդի մարդոյ յաթու փառաց իւրոց , նստչիք և դուք յերկոտասան աթու դատել զերկոտոտան ազգս խրայելի , Եւ ամ որ ոք եթող զտուն , կամ զեղբարս՝ կամ զքորս՝ կամ զհայր՝ կամ զմայր՝ կամ զկին՝ կամ զորդիս՝ կամ զագարակս վասն անուան իմոյ , հարկւրապատիկ առցէ՝ և զկեանսն յաւիտեանականս ժառանգեոցէ , Բազումք եղիցին առաջինք յետինք , և յետինք առաջինք :

Եւ ոտքի տակն տարդէ :

Այն գտանելոյ մեզ զշնորհս և զողորմութիւն  
'ի բարերար տեառնէ մերմէ : զտէր աղա՛ :

Վասն փրկելոյ զմեզ 'ի զրպարտութիւն մարդկան  
և յորոգայթից աստանայի : զտէր աղա չեցուք :  
Վասն ամենայն անձանց քրիստոնէից և տանց  
Հաւատացելոց : զտէր աղա չեցուք :

Վասն որք 'ի լերինս՝ յայրս և 'ի փառարս բնա-  
կեալ են սուրբ Հարքն մեր : զտի՛ աղա չեցուք :  
Վասն որք սաղմոսիւք և օրհնութեամբ կատա-  
րեն զամենայն ժամանակս կենաց իւրեանց :  
զտէր աղա չեցուք :

Վասն հոգւոցն : Եւ ևս միաբան : Զանձինս մեր :  
Ողորմեաց :

Եւ տակնոյն տէ զաղօն :

**Փ**առք քեզ թագաւոր յախտենական  
աստուած՝ և արարող բոլորից գոյու-  
թեանց : Հայր տեառն մերոյ յիսուսի քրիստոսի :  
քեզ խոնարհեցուցանեմք զծունր սրտից մերոց  
ամենայն միաբան հաւատացեալքս : և աղա չեմք  
զանբաւ օղորմութիւն քո : Հանգո՛ զհոգի ծա-  
ռայիս քոյ յարքայութե քում : 'ի թիւ այնոցիկ՝  
որք կարգեցան յաջակողմեան միածնիդ քոյ :  
յորժամ կոչես զսա յերկնից 'ի պատրաստ բնա-  
կութիւն քումմէ 'ի դատաստան յաւուրն յետ-

նում, ուր գետք հրեղէնք և հեղեղք բոցեղէնք յորդեռանդն բարկութի զամենայն երկիր հրդեհեալ կիզուն: Յայնմ աւուր բարեգութեան՝ գլխի՝ ի գինս արեան միածնի քոյ տեառն մարոյ և փրկչին յիսուսի քրիստոսի, որ նորագեաց զտիեզերս կամաւոր խոնարհութեամբ իւրով: Ընդ որում և որով գոհութիւն և օրհնութի վերընծայի քեզ հօր և կենդանատու սուրբ հոգւոյդ, այժմ և միշտ՝:

Ի սաղաւթիւն ոմնեցոան: Այ երկերգագեացոս:

Աստուած Քշմարտութեան և տէր ողորմութեան, հայեաց ՚ի պատրաստ բնակութենէ քումմէ ՚ի պաղատանս ժողովրդեան քոյ՝ զոր մատուցանեմք հաւատով վասն ծառայիս քոյ յասանէ քահանայի: Զի գու կացուցեր զմարդիկ հողեղէն սպասաւոր անտեսանելի փառաց Էութեան քոյ, Դու կոչեցեր զնախամարգարէն մովսէս ՚ի մորենւոյն ձայնիւդ քով, և առաքեցեր զնա փրկիչ ժողովրդեան քոյ, Դու ընտրեցեր զահարոն և զսրգիս նորա ՚ի պաշտօն սրբութեան, և փառաւորեցեր զնա մծարեալ օժմամբ և վակասակիր պսակօք, քոյին տեոջութեամբ հրամայեցեր նմա ելանել ՚ի լեառն, և աւանդեցեր զհօգի նորա առ քեզ, և ընդամբաժաժուկ աշխիդ քով ամիտիեցեր զմարմն

նորա : Եւ ահա այժմ ծառայո քո և առաջնորդ  
 հօտի քոյ՝ զոր ընտրեցեր՝ ի դլուխ ժողովրդեան :  
 կատարեաց զասպարէզ նախաշաւիղ օրինա-  
 դրութեան քոյ : և ճեպեաց հօգի սորա ըստ  
 հրամանի կոչման քոյ՝ հանգուցեալ ՚ի տա-  
 ժանմանց մարմնական աղետից : Արդ աղաչեմք  
 զգթութիւն քո տէր՝ ընկնլ զսա յանտրտում  
 ուրախութիւնսդ : և զուաճացն զհօգի սորա  
 յանանց խոստմանց քոց վայելլ : Յիշեան տէր  
 զուխտ և զժառանգութիւն քո : զոր փրկեցեր  
 արեամբ քով : Օրհնեան տէր և զբնակութիւն  
 սորա և զօսկերս : և պահպանական սըովդ վե-  
 բակացն լեր հոգւոյ և մարմնոյ սոյ : զի դու ես  
 վերակացու և ժողովարան քոյոց կամարարաց՝ և  
 շտեմարան անկողովտելի : որ անփոփես նախա-  
 գահութեամբ զվաստակաւորս քո : և հանգու-  
 ցանես ՚ի դրգանս մշտնջենազուարճ փոփու-  
 թեանդ՝ որ մնայ և պահի յուսացելոց ՚ի քրիս-  
 տոս յիսուս ՚ի տրդ մեր : Եւ զմեզ արժանաւորս  
 արա գնալ ՚ի ճանապարհս քո : և ՚ի դէպ ժա-  
 մանակի չ սուրբս քո հասանել ՚ի խոստացեալ  
 հանգիստն : և ընդ նոսին գոհացողական երգով  
 փառաւորել զքեզ չ հօր և չ սրբոյ հոգւոյդ :  
 այժմ և միշտ և յաւիտեանս :

Առաջին Աղբերացն անապական որ յե՛, Գի ԳԻՆ  
 երգ՝ Հոգւոց : Վասն հանգու : Քրիստոս սրգի :



Ադա ասէն Սողոմոն. ճոյ :

Աւուրք իմ որպէս հովանի անցին : և ես որպէս  
խոտ ցամաքեցայ : Դ՛ն : Տէր լուր աղօթից խնց  
աղաղակ իմ առ քեզ եկեացէ : մի՛ գարծուցա-  
նէր զերեոս քո յինէն :

Ընկերցոած յովեոյ հորհրէէ. Ժ. 12 :



Սոպէս ասէ տէր : Սերմանեցէք ձեզ յար-  
դարութեան : Հնձեցէք զպտուղ կենաց :  
լուսաւոր արարէք ձեզ զլոյս գիտութեան :  
խնդրեցէք զտէր՝ մինչև եկեացէ առ ձեզ արդիւն  
արդարութեան :

Մահ ասէոյ հորհրէէ :

Ովտէ էր 'ի բէլամովթայ, 'ի ցեղէն խաւքարայ :  
և շատ մարգարէացաւ 'ի վերայ խրայէլի : Մե-  
ռաւ խաղաղութեամբ և թաղեցաւ յերկրի  
իւրում փառաւորապէս : Եւ ետ նշան՝ թէ  
եկեացէ տէր յերկիր՝ և ընդ մարդկան շրջեցի :  
և կաղնին որ 'ի սելով՝ բաժանեցի յերկոտասան  
մասն : և եղիցի երկոտասան կաղնի : և զհետ  
երթիցին և հնազանդեցին երևելոյն աստու-  
ծոյ : և նովաւ կեցցէ ամենայն մարդ :

Ընկերցոած յովեոյ հորհրէէ. ե. 10 :

Այսպէս ասէ տէր : Ատեցին 'ի դրունս զյան-

դ իմանիչս : և զբանս սուրբս պիղծս արարին :  
 Վասն այնորիկ որ իմաստունն է՝ ՚ի ժամանակին  
 յայնմիկ լուեցէ՝ զի ժամանակն չար է : Քնդրե-  
 ցէք զբարի և մի՛ զչար՝ զի կեցջիք : և եղիցի  
 ընդ ձեզ տէր աստուած ամենակալ :

Մահ մահոյ մարգարէի :

Ամուս էր ՚ի թեկուայ, և ամասիա արքայ բա-  
 զում անգամ կոչկոճէր զնա : Եւ յետոյ սպան  
 զնա որդի նորա՝ բակեղբ ջախջախեալ զծա-  
 մն լինն : Որ ոգւով եկն յերկիր իւր, և յետ սա-  
 կաւ աւուրց մեռաւ և թաղեցաւ անդ :

Ընկերչոս ՚ի մահոյ մարգարէի. է. 7 :

Այլ ես տեառն ակնկալայց, սպասեցից աստու-  
 ծոյ փրկչի իմոյ, և լուիցէ ինձ տէր աստուած  
 իմ : Մի՛ ոտնհար լինիր ինձ թշնամի իմ՝ զի  
 դ լրեցայ, միւսանգամ կանգնեցայց, զի եթէ  
 նստայց ՚ի խաւարի՝ տէր է իմ լոյս : Բարկու-  
 թեան տեառն համբերեցից՝ զի մեղայ նմա :  
 մինչև արդարացուցէ զդատաստան իմ, և ա-  
 րացէ ինձ իրաւունս, և հանցէ զիս ՚ի լոյս և  
 անսից զարդարու թիւն նորա :

Մահ մահոյ մարգարէի :

Միջիաս էր ՚ի մոտորութայ, ՚ի ցեղէն եփեմի :

Եւ բազում ինչ արարեալ նորա ընդ աքայար •  
 և յետոյ սպանաւ 'ի յովրամայ որդւոյ նորա՝  
 ընկեցիկ եղեալ 'ի վախէ • վասն զի յանդիմա-  
 նեալ էր զնա 'ի վերայ ամբարշտութեան հօր  
 իւրոյ • և թաղեցաւ յերկրի իւրում • մօտ 'ի  
 շիրիմս յենակիմայ •

Ընթերցումք յովէլէոյ մարգարէի • Բ. 12 :

Եւ արդ այսպէս ասէ տի Թժ ձեր • գարձարնէք  
 առ իս յամենայն սրտէ ձերմէ • պահօք և լալով  
 և կոծով • Պատառեցէք զսիրտս ձեր՝ և մի՛ ըզ-  
 հանդերձս • և դարձարնէք առ տէր աստուած  
 ձեր • զի ողորմած և գթած է • երկայնամիտ՝ և  
 բազումնողորմ • որ զղջանայ 'ի վերայ չարեաց •

Մհ յովէլէոյ մարգարէի •

Յովէլ էր յազգէն ոռւբէնի • յազարակէն  
 բեթաբուրայ • Մարգարէացաւ վասն սովու՝ և  
 նուազութեան զոհից • և վասն չարչարանաց  
 մարգարէին արդարոյ • և թէ նովաւ նորոգին  
 ամենայն արարածք 'ի փրկութիւն • Մեռաւ  
 խաղաղութեամբ • և թաղեցաւ յազարակի  
 իւրում փառաւորպէս •

Ընթերցումք յովէլէոյ մարգարէի • ա. 21 :

Այսպէս ասէ տէր • Եւ ելցեն ապրեալք 'ի

լեռնէն սիւնի՛ առնուլ զվրէժ՛ի լեռնէն ետա-  
ւայ, և եղևցի տեառն արքայու թիւն:

Մահ քերիւմ ճարգարէի:

Արդիւու էր յերկրէն սիկիմայ, յազարակէն  
բեթքարիմայ, Սա էր աշակերտ եղիայի, բա-  
զում վիշտս կրեաց վասն նորա զի ապրեցուսցէ  
զնա: Սա էր երրորդ յիսնապետն՝ յոր խնայեաց  
եղիա, և էջ առ դքողիա: Եւ յետոյ թողեալ  
զսպասաւորու թիւն արքային՝ մարգարէանայր:  
Մեռաւ խաղաղու թեամբ և թաղեցաւ առ  
Հարսիւր:

Ընդերցուած և մահ յիշմանու ճարգարէի:

Յովնան էր յերկրէն կարիաթարիմայ, որ է մերձ  
յաղուտաս՝ ՚ի քաղաքն այլազգեաց ՚ի ծովեղե-  
րին: Եւ ընկեցիկ եղեալ ՚ի կիտէն արտաքս՝  
չոգաւ ՚ի նինուէ: Եւ անտի դարձեալ՝ ոչ մնաց  
յերկրի իւրում, այլ առեալ զմայր իւր՝ չոգաւ  
պանդխտեցաւ ՚ի գաւառին այլազգեաց ընդ Հե-  
թանոս: Քանզի ասէր թէ այսպէս բարձից  
զնախատինս իմ, զի ստեցի ՚ի մարգարէանալն  
իմում վն նինուէի մեծի քաղաքին: Յայնժամ  
յսնդիմանէր եղիա զարքայաբ և զկին նորա  
զեզաբէլ, և կոչեաց սով ՚ի վերայ երկրի: Այս  
փախուցեալ եկն ՚ի սարեփիթա և եգիտ անդ:



զայրին հանդերձ որդւոյն, և բնակեցաւ անդ  
 եղիս: Քանզի ոչ կամէր լինիլ չէ անթ լիստոն:  
 Եւ օրհնեաց զնոսս վասն օտարընկալու թեանն:  
 Քանզի յառաջագոյն ճանաչէր զնոսս 'ի վաղուց  
 հետէ: Եւ իբրև մեռաւ յովան, յարոյց զնա  
 տտուած 'ի ձեռն եղիայի: և եցոյց նմա՝ թէ  
 ոչ ոք կարէ փախչել յատուծոյ: Եւ իբրև  
 յարեաւ յովան յետ սովոյն, եկն յերկիրն յու-  
 դայ, և մեռաւ մայր նորա 'ի ճանապարհին, և  
 թաղեաց զնա մօտ 'ի կողնին դեբօրայ: Եւ  
 բնակեցաւ յովան յերկրին սարարայ, և մեռաւ  
 անդ՝ և թաղեցաւ յերկրին կենազայ դատաւո-  
 րին: յաւուրս անիշխանու թեանն: Եւ ետնշան  
 երուսաղէմի, զի յորժամ տեսցեն զքար զի  
 գոչեցէ, և զբոտոտ զի 'ի փայտէ աղսղակեցէ,  
 մերձ լինիլ փրկու թեան: Յայնժամ տեսցեն  
 զերուսաղէմ տապալեալ 'ի հիմանց, և մտցեն  
 'ի նա հեթանոսք յերկրպագու թի տեառն, և  
 առեալ զքարինս նորա դիցեն 'ի կողմն արևե-  
 լից, և անդ եղիցի երկրպագու թիւն օծելոյն  
 վասն սղծելոյն երուսաղէմի և աւերածոյն 'ի  
 գազանաց՝ և յամենայն գարշելեաց, և յայնժամ  
 եկեցէ կատարած ամ երկրի:

Ընկերցուած 'ի նոստամոյ Տաբթուէէ. ա. 7:

Քաղցր է տէր՝ որոց սպասեն նմա յաւուր նե-

զու թեան, և ճանաչէ զերկիւղածս իւր: Եւ  
 հեղեղաւ ճանապարհաց արացէ վախճան յա-  
 րուցեաց 'ի վերայ, և զթշնամիս նորա խաւար  
 հալածեացէ: Զի՞նչ խորհիք զտեառնէ, կա-  
 տարած ինքն արացէ, և ոչ ինդրեացէ կրկին  
 զնոյն վրէժ ինդրու թիւն 'ի նեղու թեան:

Մահ նահաճոյ մորգորէի:

Նստում էր յեղկասայ՝ որ է յայնկոյս յորդա-  
 նանու 'ի բերթաբայ, 'ի ցեղէն շմաւոնի: Սա  
 հանդերձ յափնանու ետ նշան նինուէի, եթէ 'ի  
 քաղցր ջրոյ, և 'ի հրոյ գետնականէ կորիցէ, որ-  
 պէս եղևն իսկ, Զի ծովակն՝ որ շուրջ զնովան  
 էր՝ հեղեղեաց և կորոյս զնա, և հուր յանա-  
 պատէ եկեալ՝ զբարձրաւանդակս նոցա այրեաց:  
 Մեռաւ խաղաղութի և թաղեցաւ յագարակի  
 իւրում փառաւորապէս:

Ընդէրցուած յամբոնոմոյ մորգորէի, ա. 1:

Մինչև յերբ տէր աղաղակիցեմ, և ոչ լուիցես •  
 գոչիցեմ առ քեզ զրկեալ՝ և ոչ փրկիցես: Ըն-  
 գէ՞ր ցուցեր ինձ աշխատութիւնս և վատտակս •  
 տեսանել զթշուառութի և զամբարշտութի:

Մահ ամբոնոմոյ մորգորէի:

Ամբակում էր յաղղէն շմաւոնի, յագարակէն

բերուք արայ: Սա ետես յառաջագոյն զգերու-  
թիւնն: և վասն աւերածոյն երուսաղէմի սգա-  
ցաւ յոյժ: Եւ յորժամ եկն նաբուգոդոնոսոր  
յերուսաղէմ: զախեաւ յուսարակինայ՝ և եղև  
պանդուխտ յերկիրն իսմայէլի: Եւ իբրև դար-  
ձան քաղղէացիքն՝ ի տեղիս իւրեանց: և մնա-  
ցորդք հրէիցն որք էին յերուսաղէմ: իշին  
յեգիպտոս: յայնժամ դարձեալ ամբակում  
եկն յերկիր իւր՝ և պաշտէր զհնձողս ագարակի  
իւրոյ: Իբրև էառ զխորտիկն՝ մարգարէացաւ  
ընտանեաց իւրոց և ասաց. երթամ ես յերկիր  
հեռաստան: և վաղվաղակի դառնամ և գամ.  
և եթէ յամեցից՝ դուք տարէք ճաշ հնձողացն:  
Եւ երթեալ նորա՝ ի բաբելոնի ի ձեռն հրեշ-  
տակին որ առաջնորդեաց նմա: տարաւ զճաշն  
դանիէլի: Դարձեալ չոգաւ առ հնձողսն՝ և  
տարաւ նոցա այլ խորտիկս: ոչ յամեալ ինչ  
զսովորական ժամն: Եւ իմացաւ թէ վաղվաղակի  
դարձցի ժողովուրդն՝ ի բաբելոնիէ: և յետ եր-  
կուց ամաց դարձան: Եւ ետ ամբակում նշան  
որոց՝ ի հրէաստանի: եթէ՝ ի կատարտծի մար-  
գարէիցն որդի աստուծոյ յարիցէ՝ և ուսուցէ  
՝ ի տաճարին: և որք հաւատան՝ ի նա՝ տեսցեն  
զլոյս: և որք ոչ լեն նմա՝ եղիցին ՝ ի խաւարի:  
Եւ վն վախճանի տաճարին յառաջագոյն ասաց՝  
թէ յարեմոից ազգաց աւերեացի: Յայնժամ  
վարագոյր տաճարին ասէ՝ ի մանր ծաւէնս սրա-

առտեացի, և ելեալ Հոգւոյն սբյ 'ի տաճարէն՝  
 և աղիաւեղադէսք երկուց սեանցն բարձցին և  
 դիցին յանսպառն, ուր 'ի սկզբանէ ցուցաւ  
 խորանն վկայութեան: Եւ նոքօք ծանկցի տէր,  
 և լուսաւորեացէ զփախուցեալն յօձէն և պատու-  
 պարեացէ զնոսա յարդարութիւն յաւիտեանից:  
 Մեռաւ խաղաղութիւն և թաղեցաւ յագարակի  
 իւրում փառաւորապէս:

Ընկերցասոժ 'ի սոփանիոյ մորգորէի. ա. 7:

Սրկերո՞ւք յերեսաց տեառն աստուծոյ, զի  
 մերձ է օր տեառն, զի պատրաստեաց տէր զզո՛հ  
 իւր, և հրաւիրեաց զկոչնականս իւր, Եւ եղիցի  
 յաւուր զոհի տեառն՝ խնդրեցից զչրէ՛ծ յիշ-  
 խանաց և 'ի տանէ թագաւորին, և յամենայնէ  
 որք զգեցեալք են զհանդերձս օտարս, ասէ տէր  
 ամենակալ:

Մոհ սոփանիոյ մորգորէի:

Սփանիաս էր 'ի ցեղէն շմաւոնի. յագարակէն  
 մարաթայ: Սա մարդարեացաւ վասն քաղաքին  
 երուսողէմի, և վասն փրկութեան մօին հե-  
 թանտաց, և վասն ամօթոյ ամբարշտաց, և  
 գատաւորին ամենայն շնչոյ՝ որդւոյն աստուծոյ:  
 Մեռաւ խաղաղութիւն և թաղեցաւ յագարակի  
 իւրում փառաւորապէս:



Ընթերցուած յանգեոյ ճորգորէէ Բ. 10:

Այսպէս ասէ տէր ամենակալ. 'ի տեղւոջդ յայդմիկ տացի խաղաղութի՛ ասէ տէր ամենակալ. և խաղաղութիւն ոգւոյ 'ի փրկութի՛ ամենայնի՛ որ գործիցէ յաբուցանել զտաճարդ զայդ:

Մահ անգեոյ ճորգորէէ:

Անգէաս մարգարէ էր 'ի ցեղէն ղեւայ 'ի քահանայից անտի. և ծնաւ 'ի բաբելոն. Եւ մինչդեռ մանուկն էր՝ եկն 'ի բաբելոնէ յեհմ. և յայտնապէս մարգարէացաւ վասն դարձի ժողովրդեանն. և ետես զշինուածս տաճարին: Մեռաւ խաղաղութք և թաղեցաւ յերուսաղէմ. 'ի գերեզմանս քահանայիցն փառաւորապէս. քանզի և նա էր յազգէ քահանայիցն:

Ընթերցուած 'ի զորութոյ ճորգորէէ. Է. 9:

Այսպէս ասէ տէր ամենակալ. դատաստան արդար գատեցարուք. և զողորմութիւն և զգլխութութիւն արարէք իւրաքանչիւր եղբօր իւրոյ. Ջայրին և զորքն և զպանդուխտն և զտնանկն մի՛ յաղթահարէք. և յիս չարեաց ընկերի իւր մի՛ դք կալցի 'ի սիրտս իւր. ասէ տէր ամենակալ:

Մին զսուրբիոյ մարգարէի :

Չաքարիսա էր յազգէն ղևեայ, և ծնաւ 'ի կարգի յերկրին քաղզէացւոց: Շատ մարդարէացաւ վասն ժողովրդեանն, և ետ նշան 'ի հատատու թիւն բանիցն: Սա ատաց դյովսեդկեկեայ՝ թէ ծնցի որդի, և յերուսաղէմ քահանայացի անարատութեամբ յօրինակ ճշմարիտ քահանայապետին: Սա և զսաղաթիէլ օրհնեաց, և անուանեաց զօրաբարէլ: Եւ առ կիւրոսիւ ետ նշան 'ի յաղթութիւն, և վասն սպասաւորութեան նորա յառաջագոյն ասաց՝ զօր առնելոց էր յերուսաղէմ, և օրհնեաց զնա յոյժ: Եւ զհանդերձեալն յերուսաղէմ մարգարէացաւ վն կատարածի նորին և սկզբան հեթանոսաց, և վասն դատարկութեան քահանայից և մարգարէից և շաբաթուց: Եւ վասն կրկին դատաստանին նշանակեաց: Մեռաւ խաղաղութիւն 'ի բարեոք ծերութեանն, և թաղեցաւ մերձ յանդէ:

Ընթէ: ցրտած 'ե մողտիոյ մարգարէի. ա. 6:

Այսպէս ասէ տէր ամենակալ, Որդի փառաւոր առնէ զհայր՝ և ծառայ երկնչի 'ի տեառնէ իւրմէ, իսկ արդ՝ եթէ հայր եմ, ո՞ր են փառքն իմ, և եթէ տէր եմ, ո՞ր է սպառն իմ, ասէ տէր ամենակալ:

Մոհ մոռոտիոյ մորեբեի:

Մաղաքիսս յետ դարձի գերութեանն ծնաւ  
 'ի սախիրայ՝ յազգէն ղեւեայ: Եւ մինչդեռ մա-  
 նուկն էր՝ բարի վարս եցոյց յանձին: և ամենայն  
 ժողովուրդն պատուէր զնա իբրև զանարատ և  
 զհեզ: և կոչեցին զնա մաղաքիսս՝ որ թարգ-  
 մանի հրեշտակ: քանզի էր գեղեցիկ տես-  
 լեամբ: Եւ որպէս ինքն ասաց՝ ի մարգարէանալն  
 իւրում՝ ՚ի նմին աւուր երևեալ հրեշտակ  
 տեառն՝ երկրորդէր զբանս նորա: Եւ զհրեշ-  
 տակն ոչ ոք տեսանէր յանարժանիցն: այլ զձայնն  
 միայն լսէին: որ եղև յաւուրս անիշխանու-  
 թեանն: որպէս և գրեալ է ՚ի տիրափոտին:  
 այսինքն է ՚ի գատաւորացն: Եւ մինչդեռ մա-  
 նուկն էր՝ յաւելաւ առ հարս իւր: և թաղեցաւ  
 յագարակի իւրում:

Պօղոսի առաքելոյն 'ի կորնթացաց առաջին խոսոյն է  
 ընկերցումս: ԺԵ. 12:

Ապա եթէ քրիստոս քարոյի եթէ ՚ի մեռելոց  
 յարուցեալ է: զիա՞րդ ասեն ոմանք ՚ի ձէնը՝  
 եթէ յարութիւն մեռելոց չիք: Եթէ յարու-  
 թիւն մեռելոց չիք: ապա և քրիստոս չէ յա-  
 րուցեալ: Եւ եթէ քրիստոս չիցէ յարուցեալ:  
 ընդունայն է քարոզութիւն մեր: ընդունայն են  
 և հաւատքն ձեր: Եւ գտանիցիմք սուտ վկայք

աստուծոյ, զի վկայեցաք զաստուծոյ թէ յարոյց  
 զքրիստոս, զոր ոչն արդեօք յարոյց՝ եթէ մե-  
 ռեալք ոչ յառնեն: Իսկ եթէ մեռեալք ոչ  
 յառնեն՝ ապա և քրիստոս չէ յարուցեալ: Եւ  
 եթէ քրիստոս չիցէ յարուցեալ, ընդունայն են  
 հաւատքն ձեր, և տակաւին՝ ի նմին մեղս կայ-  
 ցէք: Իսկ արդ՝ որք ննջեցինն՝ ի քրիստոս, կո-  
 րեալն արդեօք: Եթէ այսու կենօքս միայն յու-  
 սացեալ եմք՝ ի քրիստոս, ողորմելիք եմք քան  
 զամենայն մարդիկ: Այլ արդ՝ քրիստոս յա-  
 լուցեալ է՝ ի մեռելոց՝ առաջին ստուղ ննջեցե-  
 լոց: Քանզի մարդով եղև մահ, և մարդով յա-  
 լուծի մեռելոց: Որպէս ազամաւն ամենեքեան  
 մեռանին, նոյնպէս և քրիստոսիւ ամենեքեան  
 կենդանացին: Իւրաքանչիւր յիւրով կարգի,  
 նախ քրիստոս, և ապա քրիստոսեանք՝ ի գալու-  
 աեան նորա, և ապա կատարած:

Ալէլուիա. Քահանայք քո զգեցցին զարդարութի,  
 և սուրբք քո ցնծալով ցնծացեն:

Ալէլուիա. Օրթի, Խաղաղութի ամենեցուն:

Աւետարանս որ ըսք յովհաննու. Է. 24:

Տէրն մեր յիսուս քրիստոս առէ:



մէն ամէն առեմ ձեզ, զի որ զբանն իմ  
 լսէ՝ և հաւատայ այնմ, որ առաքեացն  
 զիս՝ ընդունի զկեանսն յաւիտեանականս և ի



դատաստանն ոչ մտանէ, այլ վիտխեցաւ 'ի մահուանէ 'ի կեանս: Ամէն ամէն ասեմ ձեզ, զի գայ ժամանակ՝ և արդէն իսկ է. յորժամ մեռեալք լուիցեն ձայնի որդւոյն աստուծոյ, և որք լիցենն, կեցցեն: Զի որպէս հայր ունի կեանս յանձին իւրում, նոյնպէս ետ և որդւոյ ունիլ կեանս յանձին իւրում, և ի շիանու թիւն ետ նմա դատաստանն առնել, Եւ զի որդի մարդոյ է, ընդ այն զի՞ զարմանայք, զի եկեցոցէ ժամանակ յորում ամենեքին որք 'ի գերեզմանս կայցեն, լուիցեն ձայնի նորա, և եկեցոցեն արտաքս: Որոց բարիս գործեալ իցէ՝ 'ի յարութիւն կենաց, և որոց զչար արարեալ՝ 'ի յարութիւն դատաստանաց: Ո՛չ կարեմ ես յանձնէ առնել և ոչ ինչ, այլ որպէս լեմ, դատեմ, և դատաստանն իմ արդար է. զի ոչ խնդրեմ զկամս իմ, այլ զկամս այնորի՛ց՝ որ առաքեացն զլս:

Եւ որիւնեպէն որպէս:

Ասն հրաժարելոյ անձանց ննջեցելոց՝ 'ի քրիստոս, զտէր աղաչեցուք:

Ասն որք լքին զատականացու կենցաղս և հեռեկեցան՝ 'ի վիճակս արդարոց, զտէր աղա՛:

Ասն առաջնորդելոյ սմա յանստուեր օթեանս՝ զոր սատրաստեաց՝ 'ի տան հօր իւրոյ որդին՝ միածին, զտէր աղաչեցուք:

Վասն արժանի լինելոյ սմա լտել զձայն կեն-  
դանարար փողոյն և յսիշտակիլ ամպօք ընդ  
առաջ տեառն յօդս, զտէր աղաչեսցուք:

Վասն դասելոյ սմա յաջակողման դասուն 'ի  
դասս առաքելոց և մարգարէից, զտէր աղաչես' :  
Վասն հօգւոցն, Եւ ևս միաբան, Ջանձինս մեր :  
Ողորմեաց :

Եւ Կոմեյն ասէ զողօն :

Տէր երկնի և երկրի, որ զամենայն արարածս  
յօչընչէ արարեր, առեր հող յամենասուրբ  
ձեռս քո՝ արարեր զմարդն, և անուանեցեր  
զանուն նորա ադամ, ըստ սրտկերի քում և ը  
նմանութե արարեր զնա, Եւ վասն յանցանաց  
նորա հաներ զնա 'ի դրախտէն փափկութեան  
ասելով՝ հող էիր և 'ի հող դարձցիս: Եւ արդ՝  
ահաւասիկ ծառայս քո դարձաւ 'ի հող ըստ  
հրամանի քում: Վասն որոյ աղաչեմք զքեզ  
տէր բարերար՝ առաքեան զհօգիդ քո սուրբ  
'ի հողս յայս և 'ի տապանս, և օրհնեան զսա 'ի  
բնակութիւն ծառայիս քոյ, զի մտանելով 'ի  
սա ոսկերաց սորա՝ ընկալցի զբարեղք հանգիստն  
յառատ բարերարութենէդ քումմէ: Եւ հանգն  
զհօգի սորա յօթեանս սրբոց քոց առաքելոց և  
մարգարէից, Եւ թող սմա զյանցանս իւր՝ զոր  
մեղաւ առաջի քոյ գիտութեամբ և անգիտու-

Թեամբ : զգործոց : զբանից և զմտածութեց :  
 Եի հաւասաց յամենասուրբ երրորդութիւնդ :  
 'ի ձեռն միածնի որդւոյ քոյ տեառն մերոյ և  
 փրկչին յիսուսի քրիստոսի : Ընդ որում քեզ  
 հօր և հօգւոյդ սրբոյ վայելէ փառք՝ իշխանու-  
 թիւն և սրատիւ : այժմ և միշտ և՛ :

Շորտիմն : Չհանգութեալ բնութեամբ բար՛ :  
 Զէ՛ ասն երգ :

Հոգւոց՛ : Վասն հանգութեան : Քրիստոս որդի՛ :

Եւ ասանգրէն գրէն ասնոյն փակոնոյն . և ունն .  
 Հայր մեր որ յերկինս ես՛ սուրբ՛ :

Ազո ասն շորտիմն հնգութեան . ք ձ :

Որ կսչեցեր առ քեզ տէր զտիեզերս ամենայն .  
 Ընկալ զմեր զննչեցեալն՝ ի գոգ նահապետին  
 աբրահամու . ողորմած տէր փրկիչ և բարերար :  
 Որ թողութեանց ես տուող աստուած . թող  
 զմեզս մեր ննչեցեալն կարող յամենայնի և  
 հզօր . ողորմած տէր փրկիչ և բարերար : Որ  
 լուսատու ես տիեզերաց քրիստոս աստուած .  
 լուսաւորեան և զմեր զննչեցեալն լուսով երա-  
 նաւէտ զուարթնոցն . ողորմած տէր փրկիչ և  
 բարերար :

Զինն սարկաւորն քարոզէ : Եւ ևս խաղաղութեան  
 զտէր աղաչեացուք : Ընկնլ : Կեցն ողորմիւն :

Եւ «պ» տառու քահանային երէցս անգամ չհող 'ի յոփն'  
 խալնիսէ տելու :

Օրհնեան տէր ողորմութեամբ քով զհողս ծա-  
 ռայիս քոյ : և յիշեան զսա : զի հող էր' և ըստ  
 հրամանի քում 'ի հող դարձաւ :

Արիտն չհողն 'ի գերեզմանն խալնիսն : Եւ «պ» իջու-  
 ցանն զննջեալն 'ի գերեզմանն : Եւ տեն սաղմոս :

Տը հովուեացէ զիս : և ինձ ինչ ոչ պակասեացի :  
 Ինչն ցոյն սուսնն ինչ' ողորմութեամբ քով սաղմոսն  
 զննջեալն իմ :

Եւ «պ» տեն հողն : Տէր ուղղեան զգնացս մեր' :  
 Իսբ քարոզն Ե քողովն Եւ տեն : Եւ «պ» : Հայր մեր' :

Յեք այսրիկն տեն շարունակ ողբ-ցոյն : Բի :

Մերձեցաւ անձն իմ 'ի հող' յորմէ ստեղծայ :  
 քանզի պատուիրանաւն մեզայ : և ճաշակեցի  
 զդաւանութի մահու : տէր յոյս իմ օգնեան ինձ :

Սողմոս : Երջեցաւ անձն իմ 'ի հող : Գեր կեցի զիս ըստ  
 Բանի քում :

Զճոսապարհս իմ պատեցի քիչ և ըստք ինձ : սուսն ինձ  
 զբարեբանութեանս քո :



Ի ճանապարհս արդարաւեւանց քոց խնայան ակն զիս. եւ  
 քննեցից զստանիւնս քո :  
 Տքնեցաւ անձն իմ առ ՚ի քննեմալս. հասարակն զիս ՚ի  
 բռնս քո :

Չճանապարհս քո ես ոչ պահեցի. քանզի ոչ  
 ժամանեցի ապաշխարել՝ այլ հեղգացայ. այլ  
 առ քեզ միայն պաղատիմ հայր երկնաւոր. ար  
 յոյս իմ օգնեան ինձ :

Առջևո Չճանապարհս քեզոց ՚ի բնց արս յինն. եւ յօրինո  
 քո արարեան ինձ :

Չճանապարհս ճշմարտաւեւան քոց ընթերցի. եւ զերտանն  
 քո ես ոչ ճոռացայ :

Մերեցայ ես ՚ի վնասութիս քո արք. թէ յամօն արաներ զիս :  
 Ի ճանապարհս պատուերանոց քոց ընթացայ. զի անշարժ  
 արարեր արքի իմոյ :

Օրէնսդէտ արա զիս տէր՝ ի ճանապարհի քումս.  
 քանզի ինդրեցի դալ առ քեզ, դառնալ անդ-  
 րէն ՚ի հող յորմէ ստեղծայ. այլ առ քեզ  
 միայն պաղատիմ. հայր երկնաւոր. տէր յոյս  
 իմ օգնեան ինձ :

Առջևո Օրէնդէտ արա զիս արք ՚ի ճանապարհս երտանոց  
 քոց. եւ ինդրեցից զիս յամ յամ :

Իմարանն արա զիս արք եւ քննեցից զօրէնս քո. եւ պահեցից  
 զիս բաւարով արքիս իմով :

Առաջնորդեան ինձ ՚ի շտեղս պատուերանոց քոց արք. զի  
 ընդ նոսս հաճեցայ :

Ինտարհեցի զտէր իմ ՚ի վնասութեանս քո արք. եւ թէ յա-  
 դարութեանս :

Այս ծածկէն զգերեզմանն՝ որբածանելով՝ է վերայ զշաբ-  
ըն : Եւ որեւէ որդևոս ողբոցոյն :

Ազին զիս՝ ի գբի ներքնումն, ՚ի խաւարի և  
՚ի ստուերս մահու : Տէր աստուած փրկու թԲ  
իմոյ . ՚ի տուէ կարգացի և գիշերի առաջի քո .  
՚ի լմն տու :

Ընկերցոսած յովթայ . իմ . 31 :

Ո՞ր պատմիցէ յանդիման նորա զճանսպարհո  
նորա . և զոր ինչ ինքն գործեաց՝ ո՞ր հատուցէ  
նմա . Եւ ինքն՝ ի գերեզմանս գնաց . և ՚ի տա-  
պանի տքնեցաւ . Քաղցրացան նմա խիճք հե-  
ղեղատի . և զհետ նորա սմենայն մարդ գնացէ .  
և յառաջ քան զնա անթիւք :

Պօղոսի որդեւոյն՝ է արմուկոսի երկրորդ խմբոյն է ըն-  
կերցոսած . դ . 1 :

Զայս վկայու թիւն դնեմ առաջի աստուծոյ՝ և  
յիսուսի քրիստոսի . որ դատեւոց է զկենդանիս  
և զմեռեալս . ՚ի յայտնութեան իւրում և յար-  
քայութեան . Եւ դու քարոզեան զբանն . հաս  
՚ի վերայ ժամու և տարաժամու . յանդիմանեան .  
սաստեան . միսիթարեան սմենայն երկայնատութիւ  
և վարդապետութեամբ . Քանզի եկեացէ ժա-  
մանակ . զի ողջմտութեան վարդապետութեանն  
նչ անսայցեն . այլ ըստ իւրաքանչիւրոց ցան-  
կութեանց կուտեցեն իւրեանց վարդապետս՝

ըստ մարմաշէլոյ լսելեաց իւրեանց, Եւ 'ի Տըշ-  
մարտութենէ անտի գարձուցանիցեն զլսելիս՝ և  
յառապելը կործանեցին: Այլ դու զուարթ  
կաց, յամենայնի Տգնեաց, զգործս աւետարնչի  
գործեան, զպաշտօն քո կատարեալ կալ, Զի  
ես այսուհետեւ նուիրեալ եմ, և ժամանակ  
գարծի իմոյ հասեալ կայ, Զբարեոք պատե-  
րազմն պատերազմեցայ, զընթացն կատարեցի,  
զհաւատսն պահեցի, Այսուհետեւ կայ և միայ  
ինձ արգարութեան սոսկն՝ զոր հատուցէ ինձ  
տէր յաւուր յայնմիկ արգարն գատաւոր, և ոչ  
միայն ինձ, այլ և ամենեցուն՝ որք սիրեցին ըզ-  
յայտնութիւն նորա:

Աւելուի՛: Տէր հան՛ի բանտէ զանձն իմ, գո-  
հանամ զանուանէ քումմիէ:

Աւելուիա՛: Օրթի, Խաղողութիւն ամենեցուն:

Աւելորդն՝ որ ըստ մարմեանի. ի. 31:

Տէրն մեր յիսուս քրիստոս ասէ:



Եւ յորժամ եկեացէ որդի մարդոյ փառօք  
իւրովք և ամենայն հրեշտակք ընդ նմա,  
յայնժամ նստցի յաթոռ փառաց իւրոց, Եւ  
ժողովեցին առաջի նորա ամենայն ազգք, և  
մեկնեցէ զնոսա 'ի միմեանց՝ որպէս հովիւ զի՛

մեկնեացէ զօրիս յայժեաց, Եւ կացուցէ զօրիսն  
ընդ աշմէ իւրմէ՝ և զայժիսն՝ ի ձախմէ իւրմէ :  
Յայնժամ ասացէ թաղաւորն ցայնասիկ՝ որք  
ընդ աշմէն իցեն, եկնյք օրհնեալք հօր իմոյ՝  
Ժառանգեցէք զպատրաստեալ ձեզ արքայու-  
թիւնն՝ ի սկզբանէ աշխարհի : Զի քաղցեայ՝  
և ետուք ինձ ուտել, ծարաւեցայ՝ և արբուցիք  
ինձ, օտար էի՝ և ժողովեցիք զիս, Մերկ էի՝ և  
զգեցուցիք զիս, հիւանդ էի՝ և տեսիք զիս, ՚ի  
բանտի էի՝ և եկիք առ իս : Յայնժամ պատաս-  
խանի տացեն նմա արդարքն և ասացեն, տէր՝  
ե՞րբ տեսաք զքեզ քաղցեալ՝ և կերակրեցաք,  
կամ ծարաւի, և արբուցաք, ե՞րբ տեսաք  
զքեզ օտար՝ և ժողովեցաք, կամ մերկ, և ըզ-  
գեցուցաք, ե՞րբ տեսաք զքեզ հիւանդ կամ ՚ի  
բանտի՝ և եկաք առ քեզ, Պատասխանի տացէ  
թաղաւորն՝ և ասացէ ցնտա, ամէն ասեմ ձեզ՝  
որովհետեւ արարիք միւսմ յերգարցս այսօցիկ  
փոքրկանց՝ ինձ արարիք, Յայնժամ ասացէ և  
ցայնասիկ՝ որք ընդ ահեկէն իցեն, երթայք  
յինէն անիծեալք՝ ի հուրն յաւիտենական, որ  
պատրաստեալ է սատանայի և հրեշտակաց նր :  
Զի քաղցեայ, և ոչ ետուք ինձ ուտել, ծա-  
րաւեցայ, և ոչ արբուցիք զիս, Օտար էի, և ոչ  
ժողովեցիք զիս, մերկ էի, և ոչ զգեցուցիք զիս,  
հիւանդ էի և ՚ի բանտի, և ոչ տեսիք զիս :  
Յայնժամ պատասխանի տացեն նոքա՝ և ասա-



ցեն. տէր՝ երբ տեսաք զՔեզ քաղցեալ՝ կամ  
 ծարաւի՝ կամ օտար՝ կամ մերկ՝ կամ հիւանդ՝  
 կամ ՚ի բանտի՝ և ոչ պաշտեցաք զՔեզ. Յայն-  
 ժամ պատասխանի տացէ նոցա և ասացէ. ամէն  
 ասեմ ձեզ՝ որովհետեւ ոչ արարիք միում ՚ի  
 փոքրկանցս յայցանէ՝ և ոչ ինձ արարիք. Եւ  
 երթ իցեն նոքա ՚ի տանջանն յաւիտենականս  
 և արգարքն ՚ի կեանն յաւիտենականս.

Այս առիւն շորհան որեղէ. ԳԿ.

Որ յանտուեր ՚ի լուսոյն ընկալար զծագումն  
 շնորհաց. ով երանելի տէր յովհաննէս. և հրա-  
 շազարդ գտար յերջանիկ դասս առաքելոցն.  
 Հայցեան ՚ի տեառնէ զթողութիւն յանցանաց.  
 Որ փարեցար զտարափելի պարանոցաւն զան-  
 մատոյց լուսոյն. և մաքրեցար որպէս զոսկի ՚ի  
 հօւր. լուսազարդեալ երևեցար ՚ի մէջ սրբոցն  
 որպէս յաստեղս արեգակն. Հայցեան ՚ի տեառնէ  
 զթողութի յանցանաց. Որ ՚ի կենդանի աղբերէն  
 արբեր զբղիսումն շնորհաց. և ՚ի թևս հոգւոյն  
 հասեր յանիմանալին. աւետարանեցեր մշան-  
 ջենաւորակից հօր զէակից որդին. Հայցեան ՚ի  
 տեառնէ զթողութիւն յանցանաց.

Եւ ասոր շորհանին. Մէ առ ՚ի գլխաւորոցն ընկեանոս  
 շէրտ շորհ ՚ի վերոյ գերեզմանէն.  
 Մէնչ շէրտ շէրտ ծածկեցեալ հոգւով.

Հանգիստ երանելւոյն յոկուննոս տոտոգիւոյն և ունեցող  
բռնիկն:



որ ընդ եղբարս երանելին յովհաննէս  
մեծաւ ուրախութեամբ 'ի տէր: Եւ  
յաւուր միում կիրակէի: ընդ ժողովել  
եղբարցն առ նա՝ սկսաւ խօսիլ ընդ նոսա այս-  
պէս: Եղբարք իմ և ծառայակիցք և ժառան-  
գակիցք և հաղորդք տեառն արքայութեանն:  
գիտէք եթէ որքան զօրութիւնս 'ի ձեռն իմ  
եւ ձերզ ստտուած: Քանի՞ նշանս, քանի՞ ար-  
ուեստս, որչափ շնորհս, որպիտի վարդապե-  
տութիւնս, վերակացութիւնս, հանգիստս,  
սպասուորութիւնս, փառս, հաւատս, միաբա-  
նութիւնս, ձիրս, պարգևս, Ո՞րչափ, և քանիցս  
տեսիք աչօք ձերովք զտուեալն ձերզ՝ որք ոչ  
երևին աչացս այսոցիկ, և ոչ ականջացս այսոցիկ  
լսելի լինին: Ա՛րդ՝ հաստատեցարձք 'ի նա,  
յիշելով զնա յամենայն գործս ձեր, գիտացէք  
զխորհուրդս մատակարարութեանն՝ որ եղև առ  
մարդիկ, թէ՛ որ աղագաւ արար տէր: Աղաչէ  
զձերզ ինքնին տէր՝ ի ձեռս իմ, և մաղթէ կալ  
միալ ձերզ, առանց թշնամանաց, առանց նեն-  
գութեան, առանց անառակութեան: Քանզի  
գիտէ զթշնամանն որ 'ի ձէնջ, գիտէ և զա-  
նարգութիւն, գիտէ և զնենգութիւնն, գիտէ  
և զանառակութիւնն, 'ի ստունգանելն ձեր 'ի

սուրբ պատուիրանաց նորա : Ա՛րդ՝ մի՛ տրտմեցի  
 ՚ի ձէնջ քարերարն աստուած , գթանձն , ողոր-  
 մանձն , սուրբն , յստնկն , անարնտն , անհիւթն ,  
 միայնն , մինն , անփոփոխն , ստոյգն , աննէնգն ,  
 անցասովմն , որ ՚ի վերէ քան զամենայն ատելի և  
 իմանալի անուէն՝ աստուածն իմ յիսուս : Ուրախ  
 լիցի ՚ի քարոզք կրօնաւորութեան ձերում ,  
 ինդացէ՛ ՚ի սուրբ կեանս ձեր : Հանգիցէ՛ ՚ի  
 սլարկեշտ վարս ձեր , անհոգ լիցի ՚ի ժուժկա-  
 լութեան ձերում : Հաճեցցի՛ ՚ի միաբանութե  
 ձերում , ժպտեցցի՛ ՚ի զգաստութեան ձերում :  
 Բերկրեցցի՛ ՚ի սիրելն ձեր զնա : Ջայս այժմ  
 խօսիմ ընդ ձեզ եղբարք , փութաղլիք յառա-  
 ջիկայ գործն ձեր , արդէն իսկ կատարել ՚ի  
 տէր : Քանզի զի՛նչ այլինչ ունիցիմ ատել ձեզ ,  
 ունիք զաստուծոյ մերոյ զգրաւականն , ունիք  
 զքարերարութեան նորա զտուրս , ունիք զան-  
 հրաժեշտ գալուստն նորա : Ձի թէ ոչ ևս  
 մեղիցէք , զոր յանգիտութեանն գործեցիք՝  
 թողուցու ձեզ , ապա թէ գիտացեալ զնա՝ և  
 ՚ի նմանէ զողորմութի՛ գտեալ՝ նոյնպէս վարի-  
 ցիք , և զառաջինն ևս համարեցի ձեզ , և ոչ  
 ընկալիք զողորմութիւն ՚ի նմանէ : Եւ զայս  
 ասացեալ առ նոսա , յաղթս եկաց այսպէս :  
 Ա՛ որ զպսակս զայս հիւսեցեր քոյին հիւսմամբդ  
 յիսուս : Ա՛ որ զբազում ծաղիկս զայս յանթա-  
 ւամելի ծաղիկդ յօւեցեր : Ա՛ որ սերմանեցեր

զիկնարար բանս քո զայտոսիկ : Ո՛ր միայնդ ես  
 խնամակալ քոյոց ծառայից , և բժիշկ՝ որ ձրի  
 բժշկես : Ո՛ր միայնդ ես բարերար և անամ-  
 քարտաւան : Ո՛ր միայնդ ես ողորմած և մար-  
 դասէր : Ո՛ր միայնդ ես փրկիչ և արդար : Ո՛ր  
 միշտ ես և յամենեւեան , և յամենայն ուրեք  
 մէրձ ես ատուած իմ յիտուս : դու քոյալ  
 պարգևօքդ ծածկեան զամենեւեան՝ ոյք՝ ի քեզ  
 յուսան , զի դու գիտես զչարախօսին մերոյ յա-  
 մենայն ուրեք զմիքեհայս և զբանութիւն : Եւ  
 ապա ինդրեաց հաց՝ և գոհացաւ այսպէս : Ջո՛ր  
 օրհնութիւն : կամ զո՛ր սրտարագ , կամ զո՛ր  
 գոհութիւն՝ ի բեկանել հացիս մատուցուք  
 քեզ : այլ միայն զքեզ տէր յիտուս անուանես-  
 ցուք : Փառաւորեմք տէր՝ զքո ասացեալդ հօր  
 զանուն : Փառաւորեմք զմուտ գրանն քոյ , Փա-  
 ռաւորեմք զյարութիւն քո՝ որ քե ցուցաւ մեզ ,  
 Փառաւորեմք զխնայապարհն քո : Փառաւորեմք  
 զսերմն քո , զբանն , զշնորհն , զհատն , զանդն ,  
 զանխօս մարգարիտն , զգանձն , զարօրն , զուռ-  
 կանն , զմեծութիւնն , զխոնարհութիւնն՝ որ  
 վասն մեր կոչեցար որդի մարդոյ , զճմարտու-  
 թիւնն , զհանգիստն , զգիտութիւնն , զզօրու-  
 թիւնն , զսրտուիրանն , զհամարձակութիւնն ,  
 զազատութիւնն , զառ՝ ի քեզ փախուսան : Ջի-  
 դու ես տէր արմատ անմահութեան և աղբիւր  
 անապականութեան , և հիմն յաւիտենից , ան-



ուանեալ այսու ամենայնիւ վասն մեր՝ որպէս  
 զի մեր կոչեցեալ զքեզ այսօրիւք զմեծութիւն  
 քո, որ է անտես՝ ի մէնջ՝ ի ժամանակիս յայս-  
 միկ, և սրբոց միւսն տեսանելի՝ ի քեզ կերպա-  
 բանեցելոցն: Եւ բեկեալ զհացն կարկառեաց  
 նոցա, ի վերայ իւրաքանչիւրոցն աղօթօս առ-  
 նելով՝ արժանի լինիլ շնորհացն տեառն և Ծրյ  
 գոհութեանն: Քաշակեալ և ինքն նոյնպէս,  
 և առացեալ թէ և ինձ մասն ընդ ձեզ լիցի  
 սիրելիք իմ, և խաղաղութի տեառն ընդ ձեզ,  
 Եւ ասէ ցբիւռոս՝ ան դու ընդ քեզ երկուս  
 յերգարցոյ՝ հանգերձ երկու որթովք և փայտա-  
 տովք և եկ զհետ իմ, Եւ բիւռոս առանց յա-  
 պաղելոյ արար զոր հրամայեաց նմա ծառայն Խյ  
 յովհաննէս: Եւ ելեալ երանելին յովհաննէս  
 գնայր առաջի դրացն, հրամայեաց բազմութեն  
 մեկուսանալ յինքեանէ: Եւ հասեալ ի շիրիմ  
 ինչ եղբոր ուրումն՝ ասաց ցպատանիսն, բրե-  
 ցէք որդեակք, և նոքա բրեցին: Իսկ նա առի-  
 պէր զնոսա և ասէր, խորագոյն լիցի բրածգ:  
 Եւ ի բրեին նոցա՝ խօսէր ընդ նոսա զբանն  
 կենաց, և յորդորէր զեկեալն ընդ նմա ի  
 տանէն, շինելով և հաստատելով զնոսա ի մե-  
 ծութի տեառն, և աղօթօս առնելով ի վերայ  
 իւրաքանչիւր ուրուք ամենեցուն: Իսկ մեք ոչ  
 ինչ իմանայսք ամենևին: Եւ իբրև կատարեցին  
 զբրածն պատանիքն շուրջանակաւ որպէս և նա

կամէր, մերկանայր երանելին զհանդերձան իւր  
զոր զգեցեալ էր, և տարածանէր իբրև զան-  
կողին ինչ 'ի խորութեան բրածին: Եւ միայն  
նստիորտամբն կացեալ 'ի խորափախն՝ համբարձ  
զձեռս իւր 'ի վեր, և յաղօթս եկաց սյսպէս:  
Ո՞ր ընտրեցեր զմեզ յառաքելութիւն հե-  
թանոսաց, Ո՞ր առաքեցեր զմեզ յաշխարհ  
աստուած, Ո՞ր ցուցեր զքեզ 'ի ձեռն մար-  
դարէից քոց, Ո՞ր ոչ դադարիս երբէք 'ի  
խնամոց, այլ միշտ կեցուցանես զկորուսեալն:  
Ո՞ր 'ի ձեռն ամենայն բնութեանց զքեզ ծա-  
նուցեր, Ո՞ր և անասնոց անգամ քարոզեցար:  
Ո՞ր զանապատ և զվայրենի հոգին՝ զգօն և  
հանդարտ արարեր, Ո՞ր ծարաւելոյն՝ քոյով  
բանիւզ զքեզ իսկ ետուր, Ո՞ր մեռելոյն արագ  
յայտնեցար, Ո՞ր ընկղմելոյն յանօրէնութիւն  
արագօրէն ցուցար, Ո՞ր հերքելոյն բնաւին 'ի  
սատանայէ՝ ծանուցար վրկիչ, Ո՞ր յաղթեցեր  
հակառակորդին՝ տալով զօգնութիւն 'ի քեզ  
ասպաւինելոյն, Ո՞ր ետուր նմա զքո ձեռնդ՝ և  
յարուցեր զնա 'ի դժօխական իրաց, Ո՞ր ոչ  
թողեր զնա 'ի մարմնի կրօնաւորիլ, Ո՞ր ցու-  
ցեր նմա զթշնամին իւր, Ո՞ր զգիտութիւնս  
քո սուրբ ցուցեր սիրելեաց քոց, Ո՞ր հայրդ  
ես՝ որոց 'ի վեր քան զերկինս, և աստուած  
երկնաւորաց, Ո՞ր օրէնքդ ես եթերականաց,  
և ընթացք օգականաց, սլահապան երկնաւորաց:

և երկիւղ սանդարամետականաց, Ընկնլ զհո-  
 գի ծառայիս քոյ յովհաննու՝ թերևս արժանի  
 եղելոյ 'ի քէն: Ո՞ր որ զիս պահեցեր մինչև 'ի  
 ժամանակս յայս անխորձ 'ի խառնակութենէ  
 կանանց, Ո՞ր որ և զհայիւն ինձ 'ի կին մարդ՝  
 ծանր գրեցեր: Ո՞ր որ յառժամանակեսոյ պատրա-  
 նացս փրկեցեր զիս, և 'ի մշտնջենական կեանս  
 առաջնորդեցեր: Ո՞ր որ 'ի մարմնսւոր աղտեղու-  
 թենէ որոշեցեր զիս: Ո՞ր որ 'ի դառն մահուանէ  
 զերծուցեր զիս, և 'ի քեզ միայն հաստատեցեր:  
 Ո՞ր որ զծածուկ ախտ հոգւոյ իմոյ սանձեցեր, և  
 զյայտնի գործս սորա խափանեցեր: Ո՞ր որ նե-  
 ղեցեր և հալածեցեր զխառվարարն սր յիս: Ո՞ր  
 որ անբիծ զճանապարհս իմ որ առ քեզ հաս-  
 տատեցեր: Ո՞ր որ առանց սայթաքելոյ պահեցեր  
 զշաւիղս իմ որ առ քեզ: Ո՞ր որ աներկմիտ ետուր  
 զհաւատս իմ որ առ քեզ: Ո՞ր որ զսուրբ գի-  
 տութիւնն որ 'ի քեզ՝ սահմանեցեր ինձ: Ո՞ր  
 իւրաքանչիւր գործոց արժանաւոր վարձս հա-  
 տուցանես: Ո՞ր որ եզեր յաւերջ իմում մի՛ ինչ  
 ստացուած սրտուական համարիլ քան զքեզ:  
 Եւ արդ՝ տէր իմ յիսուս քրիստոս, զմատակա-  
 րարութիւնն զոր ընկալայ 'ի քէն՝ կատարեցի,  
 արժանի արա զիս քում հանգստեանդ, զքո  
 ողորմութիւն շնորհեալ ինձ՝ որ է անխախտուտ  
 և անճառ փրկութիւն: Եւ 'ի գարս իմում առ  
 քեզ, ընկրկեցի հուրն, վանեցի խաւարն:

տկարացի վիհն, խամրացի հնոցն, շիշի գե-  
հեանն, ամաչեացեն հրեշտակք չարին, երկի-  
ցեն դեք, զմրեցին իշխանքն, ընկճեցին զօ-  
րութիւնք, աշակողմանքն կացցեն, ձախակող-  
մանքն մի մնացեն, բանսարկուն պատանձեցի,  
ստտանայ զարհուրեցի, սրտմտութիւն նորա  
տոչորեցի, մոլորութի նորա սուղեցի, տան-  
ջանարանք նորա խափանեցին, յարձակմունք  
նորա տկարացին, մանկունք նորա չարչարեցին,  
և ամենայն արմատք նորա տարակուսեցին, Եւ  
տուր ինձ զճանապարհս իմ սր առ քեզ՝ ան-  
բասիր և անբռնադատ վճարել, առնուլ զայն  
զոր խոստացար այնցիկ՝ որք որբութեամբ կե-  
ցին, և պարկեշտութեամբ սիրեցին զքեզ տի,  
Եւ աղա կնքեալ զինքն՝ ասաց, դու լեր ընդ իս  
տէր իմ յիսուս քրիստոս, և կողմնեցաւ ՚ի խո-  
րախտին՝ ուր զհանդերձսն տարածեաց, Եւ  
ասաց ցմեզ, խաղաղութիւն ընդ ձեզ եղբարք  
իմ, Եւ մինչդեռ ուրախ էաք և լայսք, աւան-  
դեաց զհոգին իւր երանելին յովհաննէս՝ ՚ի ձեռն  
տեառն մերոյ յիսուսի քրիստոսի, որում փառք  
յաւխտեանս, ամէն :

Զինի սորիտապն Կորոզէ :

Եւ ևս խաղաղութեան զտէր աղաչեցուք,  
ընկալ կեցո՛ւ և ողորմա՛ն :



Եւ Կորնթեացի Կող օրհնէ Կորնթացի Երեցոյ և Կորնթեացի  
Իւլիանոս ՚ի վերայ Կորնթացի Կորնթացի:

Օրհնութի աստուածային իրոցէ ՚ի հող մահու  
սորին: և բուսուցէ յօրն վերջին: անուամբ  
հօր և որդւոյ և հոգւոյն սրբոյ:

Եւ Կորնթեացի Կող օրհնէ Կորնթացի Կորնթացի:

Ոչորմանձ աստուած քաւեան զանօրհնութիս իմ:  
Հաւատ ունելով հոգի խաղաղութեան: Երթ  
առ արարիչն հայցելով: աստուած իմ հանգստ:  
Եւ ասացի ՚ի զարմանալ իմում թէ ամենայն  
մարդ սուտ է:

Հաւատ ունելով հոգի խաղաղութեան: Երթ  
առ արարիչն հայցելով: աստուած իմ հանգստ:  
Ջահնապարհս իմ ուղիղ արա ինձ ըստ բանի  
քում: և մի տիրեցէն ինձ ամենայն մեղք:

Հաւատ ունելով հոգի խաղաղութեան: Երթ  
առ արարիչն հայցելով: աստուած իմ հանգստ:  
Որ ետուր հոգի յիսուս: զսա պահեան: զի քոյ  
խաչի և յարութեանդ հաւատաց՝ թագաւոր  
երկնաւոր: հանգստ զհոգի սորա: յիշելով սորա  
զհաւատս: ՚ի քաղաք տեառն զօրութեանց՝ և  
՚ի քաղաք թագաւորին մեծի: սէր ժողովք  
սրբոցն են ՚ի խաղաղութեան: զնասցես յուսով:  
և հանգիցես ընդ հրեշտակաց դատս: տեսանել  
զլոյսն յաւիտենից:

Մերձեցաւ անձն իմ 'ի հող՝ յորմէ ստեղծեր  
 զիս, և հոգւոյս միկնեալ յինէն, տէր զապաւի-  
 նեալս յիշեան 'ի քում գալստեանն, Ստեղծուած  
 եմ անարատ ձեռաց քոց, մի անտես առներս, այլ  
 ինայեան յիս յահագին աւուրն, տէր, Յորժամ  
 դաս փառք հօր դատել զտիեզերս ամենայն,  
 և հարկանի փող հնչման յարութեան քո տէր՝  
 Փոռ հօր, Այժմ եմ ԴՆՊ Ընդ քրիստոսի պահելով՝  
 յաղթող լինոք փորձողին, և ընդ հրեշտակս  
 երգեսցուք փառք 'ի բարձունս աստուծոյ:

Եւ զին ծածկէն լեւ շգրեցման, եւ ուն ծաղկաբոյս  
 զիս 'ի Բորչանն, զի Դեմբերեցին սերտ զԵ-ճեւոյն  
 Փոռք 'ի բարձունս աստուծոյ և յերկիր խա-  
 ղաղութիւն, 'ի մար:

Փոռ պոստի եւ երկրպոստիսն 'ի Բորչանն հօր:

Եղին զիս 'ի գբի ներքնումն, 'ի խաւարի և 'ի  
 ստուերս մահու:

Տէր աստուած փրկութեան իմոյ 'ի սուէ կտր-  
 դացի, և գիշերի առաջի քո:

Ալէլուիա, Օրթի, Սաղաղութիւն ամենեցուն:

Ա-եպոստան ուր ըստ զ-կոստա, Ժբ. 32:

Տէրն մեր յիսուս քրիստոս ասէ:

**Մ**ի երկնչիւր հօտ փոքրիկ՝ զի հաճեցաւ  
 հայր ձեր տալ ձեզ զարքայութիւն:

Վաճառեցէք զինչս ձեր: և տուք զսղորմու թի: և արարէք ձեզ քօակս առանց հնանալոյ՝ գանձ անպակաս յերկինս: ուր ոչ գող մերձենայ՝ և ոչ ցեց ապականէ: Քի ուր գանձն ձեր է՝ անդ և սիրտք ձեր եղիցին: Եղիցին գօտիք ձեր պնդեալ ընդ մէջս՝ և ճրագունք լուցեալք: Եւ դուք նմանօրք մարգկան՝ որք ակն ունիցին տեառն իւրեանց թէ երբ գառնայցէ՝ ՚ի հարսանեաց, զի յորժամ գայցէ և բախիցէ, վազվազակի բանայցեն նմա: Երանի իցէ ծառայիցն այնոցիկ՝ զորս եկեալ տէրն գտցէ ալ թունս, ամէն ասեմ ձեզ՝ զի գօտի ընդ մէջ անցէ՝ և բազմեցուցէ զնոսա, և անցեալ պաշտեցէ զնոսա: Եւ եթէ յերկրորդ կամ յերրորդ պահու եկեացէ և գտցէ այնպէս, երանելիք են ծառայքն այնոքիկ: Բայց զայն գիտասցիք, եթէ գիտէր տանուտէրն յորում ժամու գող գայ՝ հսկէր, և չտայր թոյլ ական հատանել ՚ի տան իւրում: Եւ դուք եղերուք պատրաստք, զի յորում ժամու ոչ կարծիցէք, գայ որդի մարդոյ:

Եւ սորհառօքն Կարգէ:

Եւ ևս խաղաղութեան զտէր աղաչեցուք, Վասն ՚ի վերուստ պահպանութեան առ ՚ի տեառնէ անձանց մերոց, և հաճոյական աղօթս առնելոյ, զտէր աղաչեցուք:

Վասն ընդունելոյ տեառն զհոգի հանգուցելոյս  
'ի հանգիստն արդարոց, զտէր աղաչեսցուք:

Վասն արժանի լինելոյ սմա խաղաղութեամբ և  
միծառ յուսով սպասել տեառնագալուստ փո-  
ղոյն, զտէր աղաչեսցուք:

Վասն քաղցրաբարբառ լիելոյ սմա զձայն երա-  
նաւէտ կոչմանն՝ եթէ արիք ահա գոյ քրիս-  
տոս, զտէր աղաչեսցուք:

Վասն համարձկանոյ տեսանելոյ սմա զանապական  
պատկն և զանստուեր լոյն, զտէր աղաչեսցուք:

Վասն տալոյ սմա տեղի հանգստեան՝ ի հայրա-  
կան խնամոցն յաշագահ դատուն, զտէր աղա՞:

Վասն պարզեւելոյ սմա զերկնային պատկն կենաց  
և անմահութեան, զտէր աղաչեսցուք:

Վասն առաքման շնորհաց միծի և ամենազօր  
աջոյն քրիստոսի՝ ի հողանիւթեայ յարկս յայս,  
զտէր աղաչեսցուք:

Վս կնքելոյ զգերեզմանս զայս խաչիւն իւրով  
մինչև ՚ի գալուստն իւր սուրբ, զտէր աղաչեա՞:

Վասն միտիթարելոյ զվշտագնեալս սրտիւք՝ ի  
ձեռն ողորմութեան իւրոյ, զտէր աղաչեսցուք:

Վասն հոգւոցն հանգուցելոց՝ որք ճշմարիտ և  
ուղիղ հաւատով՝ ի քսն ննջեցին, զտէր աղա՞:  
Եւ ևս միաբան վասն ճշմարիտ և սուրբ հաւա-  
տոյս մերոյ զտէր աղաչեսցուք:

Չանձինս մեր: Աղորմեաց:



Էյա Կահանայն առէ զաղօթն զուսն կնիւնայ զգեբեղմնն. զոր  
որբերուէ Բեռնն Բարդի Կայրողեփին կէսարաւ Կապու-  
րովնցայ :



Ռհանամք զքէն հայր տեառն մերոյ յի-  
սուսի քրիստոսի, որ յոյց ելեր՝ և արդա-  
րու թիւ քով փրկեցեր զմեզ ՚ի մեքենայից սա-  
տանայի, զի նախանձեցաւ և եհան զմեզ սրատ-  
րանօք ՚ի յաւէ ժապան կենացն՝ արտասահմանե-  
լով զմեզ ՚ի կորուստ և յապականու թիւ. Այլ  
դու բարերար և մարդասէր աստուած, ոչ թա-  
ղեր զնորա դառնու թիւն թունկցն ՚ի մեզ  
յարակայ, Վասն որոյ մահ կոչեցեր և հեղեր  
՚ի վերայ արարածօց քոց, զի մի՛ անմահ մնացէ  
չարու թիւնն պատահեալ, այլ բառնալով զմեզ  
՚ի կենացս յայցանէ, և հասանելով ՚ի մեզաց՝  
եղև փրկու թիւն բարերարիգ պատուհանն,  
Իսկ ՚ի վախճան աւուրցոս այսօցիկ առաքեցեր  
զորգիգ քո սիրելի ՚ի կերպարանս մահու մեղաց,  
որ և դատապարտեաց զմեզս մարմնով իւրով, և  
կամաւոր խաչելու թեամբն իւրով խորտակեաց  
զգօրու թիւնս գժօխոց, եղև առաջին պտուղ  
ննջեցելոց, և աստուածահրաշ յարու թեամբն  
իւրով հրաւիրեաց զմեզ յիւր անմահու թիւնն,  
Եր հաւատացեալ ծառայս քո այս՝ մկրտեցաւ  
՚ի մահ քրիստոսի քոյ, և լցեալ զժամանակ  
կենցաղսվարու թեան իւրոյ՝ փոխեցաւ ՚ի կէտ  
սահմանադրու թեան քոյ, Վասն որոյ աղաչեմք

զքեզ հայր սուրբ՝ միջնորդութիւն մարմնոյ և  
 արեան որդւոյ քոյ տեառն մերոյ յիսուսի քրիս-  
 տոսի : հայեաց՝ ի խոստովանօղս անուանդ քոյ :  
 և թող սմա զամենայն պարտիս՝ զկամայ և զա-  
 կամայ՝ զոր վերաւորեաց անմարմին թշնամին  
 պատրանօք խաբամբ : զի դու միայն սուրբ և  
 բարերար տէր ես : Եւ որպէս յանգոյու թենէ  
 ՚ի գոյութիւն ածեր զամենայն : և այժմ զվէրս  
 որա բժշկեան՝ և խաղաղութեամբ անցն ընդ  
 խաւարային իշխանութիւն : զի մի՛ զիւրեանց  
 չարութիւնն՝ ի ծառայս քո գտցեն : այլ շնչեան  
 զձեռագիր նոցա ներգործութեանն՝ զոր ՚ի սմա  
 սերմանեցին : և տուր սմա ճանապարհ բարի :  
 Բացակոյ եղիցի ՚ի սմանէ հրեղէն սուրն՝ որ  
 պահէ զճանապարհ ծառայն կենաց : պատկա-  
 ռելով ՚ի փրկական նշանէ խաչին : որ զկենաց  
 պտուղն մեզ ընծայեցոյց՝ առհաւատչեայ յա-  
 շտական կենացն և առաջնորդ : Յոր ապաւի-  
 նեալ ծառայս քո՝ սովաւ հասցէ ՚ի պահեստ :  
 սուր սուրբքն ամենայն հաւաքեալ՝ սպասեն մեծի  
 հարսանեացն : յերևիլ որդւոյ քոյ և փրկչի  
 մերոյ յիսուսի քրիստոսի ՚ի ձայն փողոյ մեծի :  
 Արոյ ՚ի յակնարկելն՝ սատանին տարրեղէն արա-  
 լածք և գալարին երկինք : նսեմանան լուսա-  
 լորք : թօթափին ստտեղք : ցոլանան գեղք հը-  
 րեղէնք՝ և երևին բանակք անմահիցն : տտանի  
 երկիր՝ և բանին կնքեալ գերեզմանք : և շինին

հողացեալ մարմինք, և հոգիքն սլացեալք  
 իբրև զարծուիս անդր հասանեն՝ և զգենուն  
 զանապական մարմին՝ ի վայրկեան ժամանակի,  
 և ժամանեն յիւրաքանչիւր տեղիս: Ազաչեմք  
 զքեզ տէր՝ ժամանեցն զժառայս քո յանսպառ  
 ուրախութիւնսդ, և զմեզ զամենեւեան զհա-  
 լատացեալս՝ ի քեզ խաղաղութեամբ սլահեան  
 և միտթարեան հոգևով և մարմնով, զի արժա-  
 նաւոր լիցուք փառաւորել զքեզ ընդ որդւոյ և  
 ընդ սրբոյ հոգւոյդ:

Խորաշուքիւն անեցեան: Այ երկերգոգիցս: +:

Օրհնեալ ես տէր աստուած մեր՝ որ ներշնչեց ես  
 անդորրութիւն, և ընդունող ես հոգւոցն հան-  
 գուցեցոց, Ընկնլ զհոգի ծառայիս այսորիկ՝ ի  
 բարի, և փարատեցն զսուգ և զտրտմութիւն  
 ՚ի սիրելեաց սորա՝ որք հետեւեցան յուղարկել  
 զսա ընդ երկայնածիւղ Քանապարհն, և մորմոքին  
 ՚ի վերայ անգառնալի ուղէ գնացութեան սորա,  
 և վասն յաւէթ անջատելոյ ՚ի սմանէ առժամա-  
 նակ մի՝ մինչև իւրեանց յուղի անկեալ յայսմ  
 քաղմաժողով ծովածուփ կենցաղոյս, Եւ զչա-  
 փաւոր արտասուս սոցա ընկնլ քեզ ՚ի հաճոյս՝  
 և մի՝ ի զայրացումն, և միտթարեալ սիտիեան  
 զլքեալ սիրտս սոցա՝ գալտեամբ քոյոյ շնոր-  
 հիդ, և զօրացուցեն զտարակուսեալ ոգի սոցա

առաքմամբ հողւոյդ սրբոյ, Եւ կնքեալ պահեան  
զգերեզմանս փակեալս յանուն քո սուրբ՝ նշա-  
նաւ ամենայաղթ խաչի քոյ, մինչև յօր վերջնում  
մեծի կրկնակի գալստեան քոյ, Զի քո ամենա-  
կարօղ զօրութեամբդ՝ եղեմնապատ և ծիւնա-  
թաղեալ պահպանին ամենայն արմատք, և  
սերմանիք թաղեալ յերկիր մեռանին՝ մինչև  
'ի ժամանակս գարնանային սրտընդոստ յարու-  
թեանն զուարճացեալ պայծառանան, զորս  
կարգեցեր մեզ 'ի սպաս պիտոյից, Այսպէս և  
դու խոնարհեցար 'ի հայրական ծոցոյ պատ-  
կերակից մեզ լինելով, հատդ անմահութեան  
զմահ յանձն առեր՝ զի բազում արացես ար-  
դիւնս, իշեր 'ի գերեզման, լուծեր զերկունս  
մահու, զգժոխս աւերեցեր, որ երկրպագիս  
յերկնաւորաց և յերկրաւորաց և 'ի տանգարու-  
մետականաց, և լի են ամենայն երկինք և երկիր  
փառօք քովք, Արդ՝ պահեան ամենազօր տէր  
զհողի սորա առ ամենայն սրբոց և սիրողաց ան-  
ուանդ քում, Եւ զգերեզման ծառայիս քոյ  
կնքեալ պահեսցես, որ փակես զսորս և կնքես  
ամենազօր աջովդ քով, երկինք՝ և երկնից եր-  
կինք և երկիր հաստատեալ կան բանիւ քով,  
այսպէս անշնորհ եղիցի կնիք տէրութեան քոյ  
'ի վերայ բնակութեանս սորա և պահարանի  
ծառայիս քոյ, Եւ մի՛ իշխեսցէ մերձեմալ 'ի  
սա պիղծ և անմոքուր դէն՝ որպէս 'ի մարմինս



և յողիս հեթանոսաց, որք ոչ ունին զծնունդ,  
 սուրբ աւագանին, և զկնիքն ահաւոր և պատ-  
 կառելի 'ի վերայ գերեզմանաց իւրեանց,  
 Քանզի այս ծառայս կոչեցեալ հրաւիրեցաւ 'ի  
 քոյսց հրաւիրողացն, և հաւատացեալ 'ի քեզ  
 'ի կենդանութե իւրում՝ թաղեցաւ ընդ քեզ  
 ժկրտութեամբ 'ի մահ, և սերմանեալ պահե-  
 ցաւ 'ի քէն անդրէն յերկիր, Վասն որոյ լուր  
 աղաչանաց մերոց մարդատէր տէր, և թող զա-  
 մենայն մեղս տրա զոր մեղաւ, և քաւիչ լեր  
 ամ սխալանաց սորա, եթէ կամաւ, և եթէ  
 ակամայ, եթէ բանիւ, և եթէ գործով, եթէ  
 խորհրդով, և եթէ մտածութեամբ, զամենայն  
 կտակ չարին սրտառեւծ, և զձեռագիր մեղացն  
 ջնջեաւ տէր, և զախտս հնութեանն լուան, զի  
 անպատկան լիցի 'ի մեծի որոտընդոտ աւուրն  
 վերջնում ի համօրէն սրահպանեցելոցն 'ի քէն,  
 ընդ առաջ ելանել քեզ նորախետուր արփիա-  
 փայլ հրաշիւք՝ զարդարեալ 'ի զարդ անկողոպ-  
 տելի, յորժամ գաս անդ 'ի մէջ անացելոցն՝  
 'ի բաժանել և որոշել զպատիւ զանապան սի-  
 բրելեաց քոց, եւ զմեզ զամենեւեան զհաւա-  
 տացեալս 'ի քեզ արժանի տրա զայս ահաւոր  
 և զսակալի օլս հանապազ տպաւորել առաջի  
 աչսց մերոց, 'ի յամենայն զգալի և սրտբողական  
 կենցաղավարութիւնս պատասպարեան զմիտս և  
 զգայորանս մեր, Պատկերացն տի զանհրաժեշտ

գալուստ քո առաջի աչաց մերոց, քաղցրու թ'ը  
 քով քաւիչ լեր գործերց մեղաց մերոց, 'ի  
 հանդերձեալ գեհեհոյն պահեան զմեզ, և ժա-  
 մանեցն զմեզ զամենեւեան արժանաւորապէս  
 հանդիպիլ քում գալտեանդ: Ամենազուժ  
 տէր՝ նորոգեան զմարմին խոնարհութեան մերոյ  
 ըստ անեղծ փառաց քոց քրիստոս աստուած  
 մեր: Ընդ որում հօր՝ միանգամայն և հոգւոյդ  
 սրբոյ վայելէ փառք իշխանութիւն և պատիւ,  
 այժմ և միշտ և յաւիտեանս յաւիտենից, ամէն:

Շարժան. Տրն յետ ստեղծման՝ Փառաց 'ի փառս՝  
 երբ՝ 'ի գնեւ բեմին, Հոգւոց, Հայր մեր:

Զինի ոտի. Եւ եւ խաղաղութի զտէր ողմ: Օրհնութի  
 եւ գործ հօր:

Օրհներցի և կնքեալ պահեցի գերեզման և  
 ոսկերք ծառայիս աստուծոյ, նշանաւ սուրբ  
 խաչիս և բանիւ սուրբ աւետարանիս, անուամբ  
 հօր և որդւոյ և հոգւոյն սրբոյ:

Եւ եւ խաղաղութեան զտէր ողմ: Օրհնութի եւ գործ՝:

Օրհներցի և կնքեալ պահեցի դամբարան և  
 ոսկերք ծառայիս աստուծոյ, նշանաւ սուրբ  
 խաչիս և բանիւ սուրբ աւետարանիս:

Եւ եւս խաղաղութիւն զքի՛ աղո՛: Օրհնութիւն եւ փառք հօր՛:

Օրհնեցի՛ք և կնքեալ պահեցի՛ք շիրիմ և օսկերք  
ծառայիս աստուծոյ, նշանաւ սուրբ խաչիս և  
բանիւ սուրբ աւեր՛:

Կէրոսոցէ՛ եւ ողորմեցէ՛:

Ընշնորժ եղիցի կնիք տէրութեան՝ ի վերայ  
բնակարանի ծառայիս աստուծոյ, մինչև ե-  
կեալ նորոգօղն և ճարտարապետն ամենեցուն  
տէրն մեր յիսուս քրիստոս՝ նորոգեցէ՛ հայ-  
րական փառօք՝ ի փառս, ամէն՝:

Ըղո՛ քարոցէ սարկաւաֆն՝:

Եւ եւս խաղաղութեան զտէր աղաչեցուք,  
Խորհրեցուք հաւատով՝ ի հօրէ վասն քաւու-  
թեան մեղաց և թողութեան յանցանաց, փր-  
կելոյ զմեզ՝ ի վշտաց և ի նեղութեանց, ի ջա-  
նելոյ՝ ի վերայ մեր ողորմութեան և գթութե-  
ան աստուծոյ ամենակալին, կեցո՛ և ողորմեա՛:

Եւ քահանայն ունէ զաղօրնս՝:

Հայր գթութեանց և աստուած ամենայն մի-  
թարութեանց, որ մի ի թարեւս զմեզ յամենայն  
նեղութիւնս մեր, Որ հարկանես տէր՝ և դու

ինքնին բժշկես, և ոչ երբէք թողուս 'ի ձեռանէ քու մէջ զստեղծուածս քո: Տներ մեզ տէր գթութեամբ քով հոգի զգաստութեան, հոգի մխիթարութեան, քե մխիթարեան ըզվշտագնեալս սրտիւք, և բժշկեան զվէրս սոցա: Ձի հաստատուն քո յուսովդ առողջացեալք 'ի սգոյ և 'ի տրտմութեանց՝ փառաւորեցեն զամենատէրք զերբորդութիւնդ, այժմ և միշտ և յաւիտեանս յաւիտենից, ամէն:

Հայր մեր որ յերկինս ես, սբ եղիցի անուն քո:





ԱՅԿՈՂԿ ԿԱՀԱՆԱՅԱԹԱՆԻՆ :

Ի՞նչ յերկրորդ ան անուր էր թո՛ւն 'ի հոռի գործն : Եւ յերթ  
թուն տունն զմեք ծոնն , զինն :

Ազօ՛ղ Եւ յովնունս յարգարէին :

Ի ներդու թեան իմում ես առ տէր կարգացիս  
ըւաւ աստուած յանդնդոց դժոխոց աղաղակի  
իմում :

Էսբ տր ծայնի իմում , զի ընկեցեր զիս 'ի խորս  
ծովու , և շրջանք գետոց պաշարեցին զիս :

Ամենայն զբօսանք քո և ալիք քօանցին 'ի վերայ  
իմ , և ասացի թէ մերժեցայ ուրեմն յերեսաց  
աչաց քոց :

Արդ իցէ՞ թէ յաւելից հայել 'ի տաճար սբ  
քո , զի հեղան զինն շուրք մինչև յանձն իմ , և  
անդունդք անհնարինք պաշարեցին զիս :

Եմուտ գլուխ իմ ընդ փապարս լերանց , ի՞նչ ես  
'ի խորս երկրի և տեսի զնիգս նորա , զի էին  
որպէս աղևք յաւիտենից , և ելցեն յապակա-  
նու թենէ կեանք իմ :

Առ քեզ տէր աստուած իմ , 'ի նուաղիլ անձին

իմոյ կարգացի : և զքեզ տէր յիշեցի : և մտցեն  
 աղօթք իմ 'ի տաճար սուրբ քո :  
 Զի ոյք պահէին զունայնու թիւն և զտու թի :  
 յաղորմութենէ իւրեանց մերժեցան :  
 Այլ ես 'ի ձայն օրհնութեան խոստովան եղէց  
 քեզ : մատուցից պատարագս տեառն : և կատա-  
 րեցից զուխտ իմ 'ի փրկու թեան :  
 Փառք Տօր : Այժմ և :

Հարան. բձ :

'Ի ներդու թեան իմում աղաղակեցի առ տուօղն  
 կենդանութե : և լուաւ ձայնի աղօթից իմոց :  
 և եհան զկեանս իմ յասպականութենէ :  
 Յորժամ ընկայ ես 'ի խորս անգնոց : ըմբռ-  
 նեցայ 'ի ժանիս վիշապին : և փրկեսց զիս փր-  
 կինն աշխարհի : և եհան զկեանս իմ յա :  
 Միայն օրհնեալ սրբուհիդ 'ի կանայս : բնա-  
 կարան և առաքատտ արարչին : բարեխօսեան առ  
 տէր վասն անձանց մերոց : զի փրկեսցէ զմեզ 'ի  
 սպառնալեաց գեհենոյն :

Զիւի տե՛ն զիւոո՛ 'ի Բարձունն. և հող ընան 'ի վե-  
 (ո) գերեզմանին :

Սողոո իթ. կցորդ :

Ընդ երեկոյս հանգիցեն լալիք : առաւօտուց  
 եղիցի ուրախութիւն :

Բարձր առնեմ զքեզ տէր՝ զի ընկալար զիս, և  
 ոչ ուրախ արարեր զԹ շնամբս իմ յիս :

Ընկերցուած է ծննդոց . լԹ . 24 :



Լ մնաց յակօր միայն, և մարտեաւ այր մի  
 ընդ նմա մինչև ցառաւօտ : Եւ իբրև ե-  
 տես թէ ոչ յաղթեաց նմա : բուռն եհար զա-  
 մալաչէ զստի նորա, և ընդարմացոյց զամալա-  
 ջիլ զստին յակօրայ : ՚ի կռուելն իւրում ընդ  
 նմա : Եւ ասէ ցնա, արձակեւն զիս՝ քանզի այգ  
 եղև, և նա ասէ, ոչ արձակեցից զքեզ՝ թէ ոչ  
 օրհնեցես զիս : Եւ նա ասէ ցսա՝ զի՛նչ անուն  
 է քո, և սա ասէ ցնա՝ յակօր : Եւ ասէ ցնա,  
 յայսմ հետէ ոչ կոչեցեն զանուն քո յակօր,  
 այլ իսրայէլ եղիցի անուն քո, զի ժուժկալեցեր  
 ընդ ատուծոյ, և ընդ մարդկան զօրաւոր լիջեր :  
 Եհարց յակօր և ասէ, պատմեան ինձ զանուն  
 քո, և ասէ զի՛ հարցանես զանուանէ իմիկ, և  
 օրհնեաց զնա անդ : Եւ կոչեաց յակօր զանուն  
 տեղոյն այնորիկ տեսիլ ատուծոյ, զի տեսի  
 զատուած դէմ յանդիման, և ասրեցաւ անձն  
 իմ, Եւ ծագեցաւ նմա արև իբրև էանց տե-  
 սիլն ատուծոյ :

Ընկերցուած յեռայեայ մորգորէէ, կզ . 18 :

Այսպէս ասէ տէր, դամ ժողովել զամենայն

աղգս և զլեզուս, եկեցեան և տեցեան զփառս  
 իմ, Եւ թողից 'ի վերայ նոցա նշան, և առա-  
 քեցից 'ի նոցանէ փրկեալս յաղգս, 'ի թարսիս,  
 և 'ի փուղ, և 'ի լուղ, և 'ի մտոք, և 'ի թո-  
 բէլ, և յեւրագա, և 'ի կղզիս հեռաւորս, որոց  
 չիցէ լուեալ զանուն իմ, և ոչ տեսեալ զփառս  
 իմ, և սատմեցեան զփառս իմ և զանուն իմ 'ի  
 մէջ աղգաց, Եւ անցեան զեղբարս իւրեանց  
 յամենայն աղգաց սատարագ տեսան, հեծեալս  
 կառօք՝ հանդերձ պալարակաս պրկվարօք և հո-  
 վանոցօք 'ի սբ քաղաքն երուսաղէմ, ասէ տէր,  
 որպէս մատուցին որդիքն իւրայէլի զսատարագս  
 իւրեանց ինձ սաղմոսիւք 'ի տան տեսան, Եւ  
 'ի նոցանէ առից ինձ 'ի քահանայս և 'ի ղւտա-  
 ցիս՝ ասէ տէր, Ջոր օրինակ երկինք նոր՝ և  
 երկիր նոր, զոր եսն առնեմ կալ առաջի իմ,  
 ասէ տէր, նոյնպէս կացցէ զաւակն ձեր, Եւ  
 եղիցի ամիս յամսոյ՝ և շաբաթ 'ի շաբաթէ,  
 եկեցէ ամենայն մարմին երկիրպագանել ա-  
 ռաջի իմ յերուսաղէմ՝ ասէ տէր աստուած,  
 Եւ ելցեան և տեցեան զոսկերս մարդկան առիս  
 յանցուցելոց, զի որդն նոցա ոչ վախճանեցի, և  
 հուր նոցա ոչ շիջցի, և եղիցին 'ի տեսիլ ամե-  
 նայն մտեղեաց,



Պէտք ունի որոտեալն ՚ի հոգեւորականաց երկրորդ խմբոյն եւ  
ընդերցաստծո : Գ. 1 :

Չայս ձեզ սիրելիք երկրորդ թուղթ գրեմս  
որովք զարթուցից ՚ի յիշատակ զհաստատուն  
միտս ձեր : Յիշեալ զյառաջագոյն ասացեալ  
պատգամսն ՚ի սրբոց մարգարէից և յառաքելոցն  
ձերոց, զպատուէրս տեառն և փրկչին, Բայց  
զայս նախ գիտասցիք՝ զի յաւուրս յետինս  
եկեցեան արհամարհողք, այպանողք, որք ըստ  
իւրեանց ցանկու թեանցն գնայցեն, Եւ ասիցեն,  
որք են աւետիք գալտեան նորա, զի յորմէ  
հետէ հարքն ննջեցին՝ ամենայն ինչ նոյնպէս  
կայ միայ ՚ի սկզբանէ արարածոց, Եւ զայն  
մոռացեալ իցէ նոցա՝ որք զայն կամին, եթէ  
երկինք եղեն ՚ի սկզբանէ՝ և երկիր ՚ի ջրոց, և  
ջուրք հաստատեալ բանիւն աստուծոյ, Վասն  
որոյ երբեմն աշխարհ ջրհեղեղու ապականեալ  
կորեալ, Եւ այժմ երկինք և երկիր նովին  
բանիւ գանձեալ են, հրոյ պահեալք յօրն  
դատաստանի՝ և կորստեան ամբարիշտ մարդկան,  
Եւ այս ևս մի լիցի ՚ի ձէնջ ծածկեալ՝ սիրելիք,  
զի մի օր տեառն՝ իբրև զհազար ամ է, և հա-  
զար ամ իբրև զմի օր : Ոչ յամեցուցէ տէր  
զաւետիսն, որպէս ոմանք յամր համարին, այլ  
երկայնամիտ լինի առ ձեզ, քանզի ոչ կամի  
եթէ ոք կորիցէ, այլ ամենեցուն հասանել

յսպիսի արու թիւն. Այլ եկեցեց օր տեառն  
 իբրև զգող. յորում երկինք տազնապաւ անց-  
 ցեն. և բնութիւնք հրով կիզեալք լուծցին. և  
 երկիր՝ և որք ՚ի նմա գործք գտանիցին. Եւ  
 ՚ի լուծանիլ այսպէս այսր ամենայնի. սրբախի  
 ինչ պարտ իցէ ձեզ գտանիլ. այլ սուրբ և  
 աստուածապաշտ կարգաւ ակն ունիլ. Եւ փու-  
 թալ հասանել գալստեան աւուրն տեառն.  
 յորում երկինք հրայրեացք լուծանիցին. և  
 բնութիւնք հրգեհեալք հալիցին. Նորոց երկ-  
 նից և նորոյ երկրի ըստ աւետեացն հայեցեալ  
 պատիցեմք՝ յորս արդարութիւնն բնակի. Վս  
 որոյ սիրելիք՝ այսոցիկ պատեալք՝ փոյթ անձին  
 ունիլիք՝ ամբիծք և անարատք գտանիլ նմա ՚ի  
 խաղաղութեան. Եւ զտեառն երկայնմտութիւն  
 փրկութիւն համարիչիք.

Պօղոսի առաւելոյն ՚ի Բեռաղնիկէցոց երէրորդ ԲՂՂԵ՛ԿԻ Է  
 ընկերցաւած. ա. 3:

Գոհանսլ պարտիմք զաստուծոյ յամենայն  
 Ժամ վասն ձեր Էղբարք՝ որպէս և արժան խակ  
 է. Ձի և ս քան զես աճէն հաւատք ձեր. և  
 յաճախէ սէր իւրաքանչիւր ձեր ամենեցուն առ  
 միմեանս. Որպէս և մեզ ձեռք պարծիլ յե-  
 կեղեցիան աստուծոյ վասն համբերութեան  
 ձերոյ և հաւատոց՝ յամենայն հալածանս ձեր և

'ի նեղութիւնս՝ որոց գուքն համբերէք: Եւ  
 թինակ արդար գատաստանին աստուծոյ՝ ար-  
 ժանի լինիլ ձեզ արքայութեանն աստուծոյ՝  
 վասն սրոյ և զճգնութից կրէք: Եթէ պարտ է  
 առաջի աստուծոյ հատուցանել նեղչացն ձերոց  
 զնեղութիւնս: Եւ ձեզ ներկերացդ զհանգիստ  
 ընդ մեզ՝ 'ի յայտնութեան տեառն մերոյ յի-  
 սուսի յերկնից: հրեշտակօք զօրութե իւրոյ:  
 'ի բոց հրոյ առնուլ զվրէժս յայնցանէ՝ ոյք ոչ  
 խանաչեն զաստուած. և որք ոչ հնազանդին  
 աւետարանի տեառն մերոյ յիսուսի քրիստոսի:  
 Որք տայցեն վրէժս 'ի սատակումն յաւիտենից՝  
 յերեսաց տեառն՝ և 'ի փառաց զօրութեան  
 նորա: Եւ թամ գայցէ փառաւոր լինիլ 'ի մէջ  
 որբոց իւրոց: և սքանչելի 'ի մէջ ամենայն  
 հաւատացելաց. զի հաւատարիմ եղև վկայու-  
 թիւնն մեր 'ի վերայ ձեր յաւուր յայնմիկ:  
 Եւ և աղօթս առնեմք վասն ձեր յամենայն  
 ժամ: զի զձեզ արժանիս արասցէ կոչմանն  
 ձերում աստուած մեր՝ մինչև լցցէ զամենայն  
 զհաճութիւն բարութեան. և զպործս հաւա-  
 տոցն զօրութեամբ: Զի փառաւոր լիցի անուն  
 տեառն մերոյ յիսուսի քրիստոսի՝ 'ի ձեզ՝ և գուք  
 'ի նմա. թ շնորհացն աստուծոյ մերոյ և տեառն  
 յիսուսի քրիստոսի: Աղաչեմք զձեզ եղբարք՝  
 վասն գալտեան տեառն մերոյ յիսուսի քրի-  
 ստոսի: և մերոյ ժողովելոյն առ նա: Մի վաղ-

զաղակի խռովել ձեզ 'ի մտոց, և մի՛ զարհու-  
րել. մի՛ հոգւով՝ և մի՛ բանիւ, և մի՛ թղթով  
իբրև թէ 'ի մէնջ. որպէս եթէ եկեալ հա-  
սեալ իցէ օրն տեսուն, Մի՛ ոք զձեզ խաբեցէ՝  
և մի՛ իւրք իրօք:

Աւէ՛-ե: Տէր լուր աղօթ ից իմոց. աղաղակ իմ  
առ քեզ եկեցէ. մի՛ դարձուցաներ զերեսս քո  
յինէն:

Ալէլուիա. Օրթի. Խաղաղութի՛ ամենեցուն:

Աւետարանս որ ըսք յովհաննու. Ժբ. 24:

Տէրն մեր յիսուս քրիստոս ասէ:



մէն ամէն ասեմ ձեզ. եթէ ոչ հատն  
ցորենոյ անկեալ յերկիր մեռանիցի,  
ինքն միայն կեայ, ապա եթէ մեռանիցի, բա-  
զում արդիւնս առնէ: Ար սիրէ զանձն իւր՝  
արձակէ զնա. և որ ատեայ զանձն իւր յաշ-  
խարհիս յոյսմիկ, 'ի կեանսն յաւիտենականս  
պահեցէ զնա. Եթէ ոք զիս պաշտեցէ, զկնի  
իմ եկեցէ, և ուր եսն եմ, անդ և պաշտո-  
նեայն իմ եղիցի. Եթէ ոք զիս պաշտիցէ,  
պատուեցէ զնա հայրն իմ: Բայց այժմ անձն  
իմ խռովեալէ, և զի՞նչ ասացից. եթէ հայր՝  
ապրեցի՞ զիս 'ի ժամէ աստի յայսմանէ, այլ վն



այնորիկ եկի ես 'ի ժամս յայս : Հնայր փառաւորեան զամուճն քո : եկն բարբառ յերկնից' և փառաւոր արարի : և դարձեալ փառաւոր արարից : Եւ ժողովուրդն որկայր և լէր' ասէին : որոտումի լինի : կէսքն ասէին : Տրեշտակ խօսեցաւ ընդ նմա : Պատասխանի ետ յիտուս և ասէ : ոչ վասն իմ ինչ եկն բարբառս այս : այլ վասն ձեր : Այժմիկ դատաստանն է աշխարհիս այսորիկ : այժմիկ իշխանն աշխարհիս այսորիկ ընկեցի արտաքս : Եւ ես յորժամ բարձրացայց յերկրէ : զամենեւին ձգեցից առ իս : Ջայս ասէր : նշանակեալ թէ որով մահու մեռանելոց իցէ : Պատասխանի ետ նմա ժողովուրդն : մեք լուսք յօրինացն եթէ քրիստոսն յաւիտեան կայ : և դու զի՞արդ ասես եթէ պարտ է բարձրանալ որդւոյ մարդոյ : ո՞վ է այն որդին մարդոյ : Ասէ ցնոսա յիտուս : փոքր միւս ևս ժամանակ լոյս ընդ ձեզ է : գնացէք' մինչ դեռ զլոյսն ունիք : զի որ գնայ 'ի խաւարի : ոչ գիտէ յո՞ երթայ : Մինչ դեռ զլոյսն ընդ ձեզ ունիք' հաւատացէք 'ի լոյսն : զի որդիք լուսոյ եղիշիք :

Եւ սարկուսին դարդէ :

Ասան 'ի վերուստ խաղաղութեան և փրկութեան անձանց մերոց : զատէր աղաչեցուք :

Ջանն լեիլի լինելոյ տեսունն աստուծոյ' ձայնի աղաչանոց մերոց : զատէր աղաչեցուք :

Վասն քաւիչ և ներող լինելոյ աստուծոյ՝ ի վերայ մեղաց մերոց, զտէր աղաչեսցուք։  
 Վասն թողլոյ մեզ զամենայն յանցանս մեր, ըզկամայ և զակամայ, զտէր աղաչեսցուք։  
 Վասն զի մի՛ ը խոտանսն գտանիցիմք յաւուրն պատասխանատուութե, զտէր աղաչեսցուք։  
 Վասն հոգւոցն՝ Եւ ևս միաբանն՝ Ջանձինն՝, Աղօրմեանցն՝

Եւ Կոնստանտինոս զաղօրմն։

Տէր աստուած յաւիտենական, անակիղբն և անպատճառ յամենայնի, կատարեալ զօրութիւն, ինքնագոյ բնութիւն, հայր ամենակալ՝ հանգերձ միածնիւդ քով և կենդանարար հոգւովդ սրբով՝ միաբուն զօրութեամբ առեալ հող յերկրէ՝ արարեր զմարդն և բնակեցուցեր զնա՝ ի բարեվայելուչ և ՚ի տաղարթազուարճ դրախտին վախկուծեան, ուր ոչ գոյր պէտք դեղոց, զի ոչ գոյին իսկ ակտք հիւանդութեանց և ոչ մահ, քանզի մերժեալք էին ցաւք և տրտմութիւնք և հեծութիւնք, վասն զի ամենակեցոյց աչքքո հանապաղ՝ ի վրնք հայէին, Առ որս խոխոցեալ ազամայ՝ մոռացաւ զպատուիրանագրութիւնքոյ, զոր եղեր նմա, և հաւանեալ կնոջն դաւաճանութեան օձին՝ ի բանտարկուին հնարից, որ խորամանկութեամբն իւրով՝ ի պատճառս աս-

տուածանալոյ ընկէց զնա՝ ի փառաց վայելչու-  
 թեան նորա: Իսկ դու տէր աստուած մեր  
 բարեգութ և ողորմած՝ հանեալ եդեր զնա  
 արտաքոյ դրախտին փափկուէ յերկիր: ուստի  
 առաւ: Եւ իբրև տիրեալ այնպէս բռնութե  
 չարին՝ ի բոլոր ազինս՝ որով ամենեքեան ծա-  
 ոայեցին մահաւ: սպա գթացար հայրախնամ  
 ողորմութեամբ քով: Ը հարսն մեր հաճեցար:  
 և կոչեցեր զքեզ աստուած աբրահամու՝ իտա-  
 հակայ և յսկոբայ՝ աստուած կենդանեաց և  
 մեռելոց: վասն զի ամենեքեան քեզ կենդանիք  
 են: Քանզի տեսեալ ամենաբաւ մարդասիրու-  
 թ իւնդ քո զաշխարհս ամենայն կործանեալ՝ ի  
 պատրօղ թշնամւոյն՝ առաքեցեր զմիածին որ-  
 դիդ քո մարմնանալ՝ ի մերմէ բնութեմէս:  
 Արոյ եկեալ էառ զկերպարանս ծառայի՝ ի սբ  
 և յանշաղախ կուսէն մարխամայ: և կրեալ ի  
 մարմնի իւրում զամենայն պարտիս մեր՝ զոր  
 պարտէաք վասն յանցանաց նախահօրն: ելեալ  
 բեռեցաւ կամօք իւրովք՝ ի վերայ խաչափայ-  
 տին՝ ընդ որում սպան զթշնամութիւն մեր: և  
 եբարձ զիսյթոց մեզաց մերոց: ի շննելով՝ ի  
 գերեզման՝ աւերեաց զբռնութիւն մահաւ հզօր  
 զօրութեամբ իւրով: յարուցեալ յերրորդ ա-  
 ւուր՝ նստաւ ընդ աջմէ քումմէ: և մեզ խոս-  
 տացաւ յարութիւն՝ հաւատացելոցս յամենայն  
 երրորդութիւնդ՝ ի միւսանգամ գալտեանն

իւրում փառօք հօրդ և հրեշտակօք սրբովք 'ի  
 յաւուրն յետնում: Եւ արդ՝ տէր աստուած  
 ամենակալ, գթան 'ի ծառայս քո՝ որ եթող  
 զանցաւոր զկեանս իւր ըստ հրամանի քոյ, և  
 դարձաւ 'ի հող, ուտի ստեղծաւ: Իսկ ժողո-  
 վեալ ծառայքս քո՝ 'ի տեղի հանգստեան տրա՛  
 աղաչեմք և խնդրեմք 'ի քէն: առաքեան ըզ-  
 հօգիդ քո սուրբ 'ի վշաագնեալս սրտիւք: և  
 բժշկեան զվէրս հօգւոց և մարմնոց, զի դու ես  
 տէր աստուած՝ որ հարկանես և բժշկես, և  
 ոչ ոք է որ հանէ զմեզ 'ի ձեռաց քոց: Այցելեան  
 տէր և բարերարեան՝ 'ի վերայ մեր: ծագելով առ  
 մեզ զաւաւօտու զողորմութիւնս քո՝ դագարե-  
 ցուցանել զսուգ լալայ երեկոյին: առ 'ի ցնծուի  
 առաւօտուն մեծի՝ յորժամ կոչես զընտրեալս  
 քո՝ 'ի մահուանէ՝ 'ի կեանսդ յաւիտենից: Ան-  
 կնլ տէր և դատաւորեան զծառայս քո ընդ  
 սուրբս քո: բարեխօսութեամբ սրբուհւոյ  
 աստուածածնին: զի քեզ վայելէ փառք իշ-  
 խանութիւն և պատիւ: այժմ և միշտ:

Խաղաղութիւն ամենեցուն: Այ երկերդ փեցոս:

Գոհանամք զքէն տէր աստուած մեր: որ վասն  
 ճշմարտութեան քոյ՝ լուծեր 'ի հող զմահա-  
 նացու բնութիւնս մեր: զպարեալս 'ի բան-  
 օարկու թշնամւոյն: ասացեր իսկ աստուած ոյին



բանիւ քով, եթէ հող էիր և 'ի հող դարձցիս, ըստ որում խոնարհեցան անձինք մեր, և յերկիր կցեցան մէջք մեր: Այլ զի միւսանգամ կամեցար նորոգել և կեցուցանել զմեզ, դու ինքնին առաքեցար 'ի հայրական ծոցոյ, իջեր 'ի գերեզման' և ընդ մեռելալս համարեցար, զի զմեզ նմանակիցս արացես քեզ և հաղորդ աստուածութեան քոյ 'ի փող յետին, յայնմ գիշերի՝ յորում գաս պսակել զաշխատալքս քո՝ և հատուցանել արդար դատաստանաւ քով: Յայնմ աւուր գթան 'ի հոգի հանգուցելոյս՝ և հանգո՞ ընդ սուրբս քո յարքայութեան քում, եւ զմեզ արժանի արս փառաւորել զքեզ ընդ հօր և ընդ սրբոյ հոգւոյդ այժմ և՛:

Աղ՞ ռե՛ն: Աստուած անեղ անժամա՞: Ի՞րո՞ն էր՞ Հոգւոց՞, ե- օրհնեն զքեզեղման. Օրհնեսցի և կնքեալ պահեսցի՞: Որո՞ն էրե՞ռ քոյ յառաջին աստի՞ իրէն է վերն: Զինն ռե՛ն. Հայր մեր որ յերկինս՞:



# ԵՐՐՈՐԴ ԱՒՈՒՐՆ



Աննն երրորդ տասնին: Երբնն 'ի գերեզմանն. և 'ի գնդն  
տունն զամբիծոն, և զյոթննա 'ի նեղո-նեանն. (որպէս և  
յերէրորդ օրն:) Այս տունն զհանգստեան շարակնն, և զխոր  
'ի բարձրանն. և հող շնանն 'ի վերայ գերեզմանն: Եւ  
ուրա այս կաննն կարտրէ:

Սահման. ԶԹ:

'Ի խորոց կարդացի առ քեզ տէր տէր' լուր':  
Եղլցին ականջք քո 'ի լսել զձայն աղօթ ից':

Ընթերցաւ թ յեռայնայ մարգարէէ: Կե. 16:

**Ա**յսպէս ասէ տէր, մոռացին զնեղութիս  
առաջինս, և ոչ ևս անկցի 'ի սիրտս  
նոցա: Զի եղլցին երկինք նոր և երկիր նոր, և  
ոչ ևս յիշեսցեն զառաջինսն, և ոչ ևս անկցի  
'ի սիրտս նոցա, այլ ուրախութիւն և ցնծու-  
թիւն գացին 'ի նմա՝ զոր ես հաստատեցից, Եւ  
դարձցին և եկեսցեն 'ի սիամի ցնծութեամբ, և  
ուրախութիւն յաւիտենից 'ի վերայ գլխոց նոց,  
զի 'ի վերայ գլխոց նոցա օրհնութիւն և ցնծու-

Թիւն, և ուրախու թիւն հասցէ նոցա: մերժե-  
ցան ցաւք և տրամու թիւնք և հեծու թիւնք:

Պօղոսի առաքելոյն 'ի հոգոսացոց երկոքը Թիւնն է  
ընկերցոսածս: Գ. 1:

Եթէ յարեայք ընդ քրիստոսի, ապա զվերինն  
խնդրեցէք, ուր քրիստոսն նստի ընդ աջմէ աս-  
տուծոյ: Զվերինն խորհեցարուք, մի՛ զայս՝ որ  
յերկրի աստէ: Քանզի մեռայք՝ և կեանքն ձեր  
ծածկեալք են ընդ քրիստոսիւ յաստուած:  
Իսկ յորժամ քրիստոս յայտնեսցի, կեանքն  
ձեր, յայնժամ և դուք ընդ նմա յայտնեսցիք  
փառօք:

Աւելո՛ւմ: Զայնիւ իմով ես առ տէր կարգացի՞:

Ալէլուիա. Օրթի: Խաղաղութի՛ ամենեցուն  
ձայնիւ իմով զտէր աղաչեցի:

Աւետարանն որ ըստ յովհաննու. Ժէ. 17:

Տէրն մեր յիսուս քրիստոս ասէ:

Մայր՝ սուրբ արա զնոսա ճշմարտութեամբ  
քով: զի քո բանդ ճշմարտութիւնն է: Որ-  
պէս զիս առաքեցեր յաշխարհ, և ես առաքեցի  
զնոսա յաշխարհ: Եւ 'ի վերայ նոցա ես սուրբ  
առնեմ զանձն իմ, զի եղիցին և նոքա քրքեալք

Ճշմարտութեամբ : Այլ ոչ վասն նոցա միայն  
 աղաչեմ, այլ և վասն ամենայն հաւատացելոց  
 բանիւն նոցա յիս : Ջի ամենեքեան մի իցեն •  
 ուի դու հայր յիս՝ և ես ՚ի քեզ, զի և նոքա ՚ի  
 մեզ իցեն, զի և աշխարհ հաւատացել, եթէ  
 դու առաքեցեր զիս : Եւ ես զփառան՝ զորս ետուր  
 ինձ, ետու նոցա : զի իցեն մի, որպէս և մեք մի  
 եմք : Ես ՚ի նոսա՝ և դու յիս : զի եղիցին կա-  
 տարեալք ՚ի մի : և գիտացել աշխարհ եթէ  
 դու առաքեցեր զիս : և սիրեցի զնոսա՝ որպէս դու  
 զիս սիրեցեր : Հայր՝ զորս ետուին ինձ, կամիմ,  
 զի ուր եսն եմ, և նոքա իցեն ընդիս : զի տե-  
 սան իցեն զփառան իմ՝ զորս ետուին ցիս, զի սի-  
 բեցեր զիս յառաջ քան զլինիլ աշխարհի :

Եւ որդեաւորս որդի :

Վասն ՚ի գիշերի և ՚ի տունջեան և յիմ ժամու  
 խօսիլ մեզ զբան տեառն, զտէր աղաչեսցուք :  
 Վասն ջանկանելոյ մեզ ՚ի փորձութիւն՝ որում  
 ոչ կարեմք հանդուրժել, զտէր աղաչեսցուք :  
 Վասն անբիծ և անդատապարտ կալ մեզ առա-  
 ջի ահեղ տեսնին քրիստոսի, զտի աղաչեսցուք :  
 Վասն առաջնորդելոյ մեզ ՚ի նաւահանգիստն  
 կենաց անվախճանից, զտէր աղաչեսցուք :  
 Վասն արժանի լինելոյ մեզ վերին կոչմանն և  
 երկնից արքայութեանն, զտէր աղաչեսցուք :



Վասն հոգւոցն : Եւ ևս միաբան : Չանձինս :  
Ողորմեաց :

Էս գահանոյն ոսէ զաղօն :

**Ա**մենազօր տէր՝ որ իշխանդ ես կենաց և  
մահու : և մարգարայէս խնարհե-  
ցար ՚ի մահկանացու բնութիւնս մեր : մինչև ՚ի  
գերեզման իջանելով զվորձ առեր անապական  
և աստուածային մարմնովդ զմերոյ բնութեանս՝  
առանց մեղաց : Արդ՝ ընկնլ զխոտովանօղ մար-  
մինս օրոշեալ ՚ի հող ըստ դարձի մահկանացու  
բնութեանս : որ ՚ի քէն ընկալաւ զգատալ՝ ինչ  
Եւ ողորմութեամբ քով շնորհեան ծառայիս  
քոյ յարդար դատաստանիդ բարեք պատաս-  
խանատրութիւն կալ առաջի ահաւոր բեմբիդ՝  
և ընդունիլ զողորմութիւն ընդ սուրբս քո : և  
փառաւորել զքեզ ընդ հօր և ընդ հոգւոյդ  
սրբոյ՝ այժմ :

Խաղաղութիւն ունեցուն : Այ երհեղօգեոյնս :

Որ աղբիւրդ ես կենաց և պարգևատու՝ որք  
ճշմարտայէս ճանաչեն զհոգիդ սուրբ : որով  
կնքեցաւ ծառայս քո ոյ՝ ոնան քահանայ ՚ի սք  
աւաղանին՝ զգենելով զքո գլուխ : և պաշտելով  
զհաւատ սուրբ քրիստոսն թեան՝ արժանի  
եղև քո առատապարգև շնորհիդ քահանայական

կոչմանս այսորիկ, և 'ի կատարման իւրում  
 յուղարկեցաք քո յուսովդ 'ի հանդերձեալ  
 յսշխարհն: Աղաչեմք զքեզ բարերանք և բա-  
 ջումնորմ աստուած հոգիդ սուրբ, մի' թողուր  
 զսա 'ի պահպանողական զօրութենէդ քումմէ  
 արտաքս, այլ հանգիցէ 'ի պատրաստ բնակու-  
 թիւնսգ՝ ուր զսուրբս քո ժողովես և հանգու-  
 ցանես, և պահպանես յանգորրութեան: Եւ  
 յորժամ առաքիս 'ի սրբութենէդ քումմէ 'ի  
 նորոգել զերեսս երկրի, և ստանաս զքո զնա-  
 րեալն, խառնեան զսա 'ի դասս ընտրելոց քոց,  
 անցն զպատուհասիւ, զերծն 'ի դատապարտու-  
 թենէ մեղաց, Որպէս զի՝ քեզ յանձն առնելով  
 զհոգի սորա՝ հաւատասցուք լսելի լինիլ աղօ-  
 թից մերոց, զի դու ես կենդանարար և նորոգիչ  
 հոգւոց մերոց, և քեզ վայելէ փառք իշխանու՝:  
 Ռահ գործեալ՝, երբ, Հոգւոց՝, Ե- կն+են զգերեշ-  
 ման և ունն, Հայր մեր որ յերկինս ես՝:



## ՉՈՐՐՈՐԴ ԵՒՈՒՐՆ



Աննն զորքորդ տառնն : Երբնն 'ի գերեզմանն, և տանն  
զանքիծան, և զշարուն հանգստեան, և զխորտ 'ի բար-  
ձրանն. և հող ընան 'ի վերայ գերեզմանին, (սրղէս և  
յանցեալ տառնն) Եւ այս նանն նորորդ :

Ստղան նորդ. Ճ/ս Ը :

Հորդի քո սուրբ և բարի առաջնորդեցէ ինձ  
յերկիր ուղիդ :

Տէր լուր աղօթ ից իմոց, ունկնդ իր ինդրուածաց  
իմոց ճշմարտու թեամբ քով :

Ընկերցուած յեռայեայ մտգորէէ . Յ.ա. 9 :

Չարթիր, զարթիր Երուսաղէմ և զգեցիր ըզ-  
ջօրու թիւն բաղկի քոյ, զարթիր իբրև յա-  
ւուրցն 'ի սկզբանէ' իբրև յազգացն յաւիտենից .  
ո՞չ գու այն ես՝ որ տաշեցեր զլայնու թիւնն,  
վանեցեր զվիշապն : Ո՞չ գու այն ես՝ որ աւերե-  
ցեր զծոփն՝ զբազմու թիւն շուրցն անգնդոց, որ  
արարեր զխորս ծովու ճանապարհ անցից վրկե-  
լոցն և ասրե լոց : Զի 'ի տեառնէ եղևցի դարձ :

և եկեացեն 'ի սխիստն ցնծու թեամբ և ուրախու-  
թեամբ յաւիտենից • զի 'ի վերայ գլխոց նոցա  
օրհնութիւն • և ուրախութիւն հասցէ նոցա •  
մերթեքան ցաւք և արտմութիք և հեծութիք •

Պողոսի առաքելոյն 'ե փիլիպոսոց երէրորտ Լիւբոյն է  
ընթերցումս • Գ • 7 :

Այլ որ ինչ ինձ շահն է՝ զայն փաստ համարիմ  
վասն քրիստոսի • Այլ և համարիմ իսկ զամե-  
նայն փաստ վասն առաւել զիտութեանն յի-  
սուսի քրիստոսի տեառն իմոյ • Վասն որոյ յա-  
մենայնէ զրկեցայ՝ և համարիմ կղկղանս • զի  
զքրիստոս շահեցոյց և գտայց 'ի նմա • Իբրև ոչ  
եթէ զիմ արդարութիւն • որ յօրինաց անտի է  
ունիցիմ • այլ զհաւատոցն քրիստոսի յիսուսի •  
որ յաստուծոյ արդարութիւնն է • Հաւատովք  
ճանաչել զնա՝ և զզօրութիւն յարութեան  
նորա՝ և զհաղորդութիւն չարչարանաց նորա՝  
կերպարանակից լինիլ մահու նորա • Թէ որպէս  
հասից 'ի մեռելոցն յարութե • Ուստի և փրկչին  
ակն ունիմք տեառն յիսուսի քրիստոսի • որ  
նորոգեցցէ զմարմին խոնարհութեան մերոյ՝  
կերպարանակից լինիլ մարմնոյ փառաց իւրոց •  
ընդ զօրութեանն՝ առ 'ի կարօղ լինելոյ հնա-  
զանդեցուցանել ընդ իւրև զամ :



Ալէլուիա: Մողմո՞ւ ճճէ՛: Հաւատացի՛ զոր և խօսե՛-  
ցայ և եո խոնարհ եղէ յոյժ:

Ալէլուիա: Օրթի: Խաղաղութի ամենեցուն:

Աւետարանս որ ըստ յովնանոս: Ը. 31:

Տէրն մեր յիսուս քրիստոս



Մտէ եթէ գուք կացջիք՝ ի բանին իմում,  
Քշմարիտ աշակերտք իմ էք, և ծանի-  
ջիք զՔշմարտութիւնն, և Քշմարտութիւնն  
ազատեցէ զձեզ, Պատասխանի ետուն և ասեն,  
զաւակք արահամու եմք, և ոչ ումք երբէք  
ծառայեցաք, զիարդ ասեո եթէ ազատք լինի-  
ջիք, Պատասխանի ետնոցա յիսուս, ամէն ամէն  
ասեմ ձեզ, եթէ ամենայն որ առնէ զմիզս,  
ծառայէ մեղաց, Եւ ծառայն ոչ յաւիտեան կայ  
՚ի տան, իսկ որդին յաւիտեան կայ, Իսկ սրդ՝  
եթէ որդին զձեզ ազատեցուցէ, Քշմարիտ  
ազատք լինիջիք:

Եւ որդիսնս գն արդէ:

Մանն ուղղելոյ զգնացս մեր ՚ի Խանապարհս  
խաղաղութեան, զտէր աղաչեսցուք:

Ջանն ցրելոյ ՚ի մէնջ զամինայն խորհուրդս  
չարին, զտէր աղաչեսցուք:

Պանն պարգևելոյ մեզ առողջ խորհուրդս և  
առտքինի վարս : զտէր աղաչեցուք :

Պանն պահելոյ զմեզ ընդ հովանեաւ ամենազօր  
աշոյն իւրոյ : զտէր աղաչեցուք :

Պանն խորտակելոյ զհակառակօրդն վաղվաղակի  
ընդ ոտիւք մերովք : զտէր աղաչեցուք :

Պանն հոգւոցն՝ Եւ ևս միաբան՝ Չանձինս՝  
Ողորմեանց՝ :

Եւ Կահույն ոռէ զողօն :

Տէր աստուած մեր : ամենայն իրօք արդարքն՝  
դասեալք ընդ հրեշտակս՝ զուգահաւատարեալ  
զքեզ օրհնեն : մինչ հրեշտացուցանես զնոս  
յաւէ՛ծ պայծառութիւնքով և իւրաքանչիւր  
ոք պայծառանայ վայելուչ փառօք աստուա-  
ծութեան քոյ՝ տեսանելով զինքն որպէս ըզ-  
լուսաւոր հրեշտակս : այնուհետև փախտական  
լինին ցաւք և տրտմութիւնք և հեծութիւնք :  
պատրաստութեամբ լուսոյ և խնդութեամբ  
քով տէր : Քանզի և մովսէս՝ ի միումն վայրկենի  
տեսող եղեալ փառաց քոց աք՝ ի վերայ երկրի՝  
մինչ էր ՚ի մահկանացու մարմինս մեր : ոչ կա-  
րէին հայիլ յերեսս նորա : իսկ որք արժանի  
լինիցին հայիլ յերեսս քո աստուած : ո՞րպիսի  
արդեօք լինիցին : Ա՛րդ՝ ուրախութեամբ գոհա-  
նամք զքէն տր : որ արժանի արարեր զմեզ մա-

սին ժառանգութեան վիճակի սրբօցն 'ի լոյս,  
 և փրկեցեր զմեզ յիշխանութենէ խաւարի, և  
 փոխեցեր յարքայութիւն որդւոյ քոյ սիրելոյ  
 տեառն մերոյ և փրկչին յիսուսի քրիստոսի:  
 Արու՛մ վայելէ փառք իշխանութիւն և պա՛:

Խաղաղութեան ունեցում: Այ երկեղո՞գեցում:

Անկանխօք առաջի քոյ մարդասիրութեանդ, և  
 աղաչեմք զքո գթութիւնդ. հայեաց տէր ողոր-  
 մութեամբ քով 'ի հոգի ննջեցելոյս այսորիկ,  
 Բազմագո՛ւթ տէր՝ որ յոյգ ես հաւատացելոց,  
 ներեա՛ն յանցանաց սորա և թո՛ղ սմա բարեխօ-  
 սութեամբ ընտրելոց քոց, ներո՞ղ և երկայնա-  
 միտ տէր՝ քա՛ղցր և բազումողորմ աստուած,  
 'ի գալտեան որդւոյ քոյ՝ որ ճաշակեաց զմահ և  
 էջ 'ի գերեզման: զի հանցէ զկասկեալն քա-  
 ջութեամբ իւրով: Եւ այժմ տէր աստուած,  
 գթա՛ն 'ի հոգի հանգուցելոյս, և յիշե՛ն զսա  
 յառուրն այցելութեան. և դասաւորեա՛ն ընդ  
 սուրբս քո: Շնորհօք և մարդասիրութեամբ  
 տեառն մերոյ և փրկչին յիսուսի քրիստոսի:  
 սրու՛մ վայելէ փառք իշխանութիւն և պա՛:

Ճանապարհ մտրելոց՝ երկ՝ Հոգւոց՝ Ե- Կեանք  
 չէրեղմանն. և ունե՛ն. Հայր մեր որ յերկինս ես:

## ՀԻՆԳԵՐՈՐԴ ԱՒՈՒՐՆ

Կանոն հինգերորդ տառերն: Երբեմն 'ի գերեզմանն, և ասեն  
զամբիժան, և զշարահան հանգաբեան, և զխորտ 'ի Բար-  
ձանան, և հող լնան 'ի վերայ գերեզմանին, (որպէս և  
յոնցեալ տառերն:) Ե- այս հանոն հարբէ:

Ս-դժոս ԻԹ:

Ընդ երեկոյս հանգիցեն լալիք, առաւօտուց  
եղիցի ուրախութիւն:

Բարձր առնեմ զքեզ տէր, զի ընկալար զիս  
և ոչ ուրախ արարեր զթշնամիսն իմ յիս:

Ընկերցաւ յեայտոյ մարգարէի: Կ. 19:

**Մ**յսպէս ասէ տէր, ոչ ևս եղիցի քեզ  
արեգակն 'ի լոյս տունջեանս, և ոչ ծա-  
գումն լուսնի տացէ քեզ զլոյս 'ի գիշերի: այլ  
եղիցի քեզ տէր լոյս յաւիտենական, և փառք  
քո աստուած: Ոչ մտցէ քեզ արեգակն, և  
լուսին 'ի քէն մի պակասեցի, և եղիցի քեզ  
տէր լոյս յաւիտենական:



Պօղոսի ուսուցելոյն 'ի հոգւոյնցոց երկրորդ Բղլոյն է  
 ընդերցուած: Ը. 10:

Իսկ եթէ քրիստոս 'ի ձեզ է՝ ապա մարմին մե-  
 ռեալ է վասն մեզաց: և հոգին կենդանի վասն  
 արդարութեան: Եթէ հոգի այնորիկ՝ որ յա-  
 բոյցն զյիսուս 'ի մեռելոց՝ բնակեալ է 'ի ձեզ: և  
 ապա և որ յաբոյց զյիսուս քրիստոս 'ի մեռելոց՝  
 կենդանացուոցէ և զմահկանացու մարմինս ձեր  
 բնակեալ հոգւովն իւրով 'ի ձեզ: Այսուհետեւ  
 եղբարք՝ սրտատպան եմք՝ ոչ մարմնով ըստ մար-  
 մնոյ կեալ: Ձի եթէ ըստ մարմնոյ կեցջիք,  
 մեռանելոց էք: Իսկ եթէ հոգւով զգործս մար-  
 մնոյ սպանանիցէք՝ կեցջիք: Ձի որք հոգւովն  
 աստուծոյ վարին, նոքա են որդիք աստուծոյ:

Աւելու-ի: Սողոմոն՝ Քժզ: Օրհնեցէք զտէր ամենայն  
 ազինք, գովեցէք զնա ամենայն ժողովուրդք:

Աւելու-իա: Օրթի: Խաղաղութի ամենեցուն:

Ա-երորուն՝ որ ըստ զս-կ-ոսա. Իա. 34:

Տէրն մեր յիսուս քրիստոս ասէ:

Ձգոյշ լերուք անձանց, գուցէ ծանրանայցեն  
 սիրտք ձեր շուայտութեամբ և արբեցութի  
 և հոգօք աշխարհականօք, և յանկարծակի

Հատանիցի 'ի վերայ ձեր օրն այն : Զի իբրև զորոգայթ հատանիցի 'ի վերայ ամենեցուն՝ ողբ բնակեալ են ընդ ամենայն երես երկրի : Արթուն կացեք այսուհետև . և յամենայն ժամ աղօթս արարեք . զի արժանի լինիչիք զերծանիլ յայնմ յամենայնէ : որ լինելոց է . և կալ առաջի սրգւոյ մարդոյ : Եւ 'ի տուէ 'ի տաճարին ուսուցանէր . և զգիշերս ելեալ ազանէր 'ի լերինն՝ որ կոչիւր ձիթեհաց : Եւ ամենայն ժողովուրդն կանխէր ընդ առաւօտս առնա 'ի տաճարն լսել 'ի նմանէ :

Եւ սուրհակապետ իբրոզէ :

Խնդրեցուք հաւատով միաբանութեամբ 'ի սեւանէ զի զողորմութե պշնորհս իւր արասցէ 'ի վերայ մեր տէրն ամենակալ , կեցուցէ և ողորմեցի :

Եւ սահմոյն տէ զաղօն :



Ոհանամբ զքէն ճշմարիտ աստուած , որ ծանուցար ազգի մարդկան՝ գթալով 'ի ստեղծուածս անարատ ձեռաց քոց . առաքեցեր զորոգից քո սիրելի , որ եկն և էջ 'ի գերեզման . զգրուեա գծոխոց խորասկեաց կենսաբեր յարութեամբն իւրով . և քաղցր ձայնիւ կոչեաց առ ինքն ասելով , եկոյք առ իս ամենայն աշխա-

տեալք և բեռնաւորք՝ և ես հանգուցից զձեզ :  
 Հանդ՝ ար աստուած զննչեցեալս զայս՝ ի ձեռն  
 միածնի քոյ՝ զհաւատացեալս ի քեզ : զոր  
 դնեաց պատուական արեամբն իւրով : և արժա-  
 նաւորեան յաւուր միւսանգամ գալտեանդ՝ լսել  
 զձայն երկնաւոր կոչմանդ որ ասէ : եկնյք օրհ-  
 նեալք հօր իմոյ : ժառանգեցէք զպատրաստեալ  
 ձեզ զարքայութիւնն : Եւ զմեզ զժողովուրդս  
 քո՝ որք եկեալ եմք ալաչել զքեզ : պահեան  
 ամենազօր աջովդ քով մինչև յօր կոչման քոյ :  
 Զի զքեզ փառաւորեսցուք զՔչմարիտդ աստ-  
 ուած՝ հանդերձ որդւով և ամենասուրբ հոգ-  
 ւովդ : այժմ և միշտ և յաւի՛ :

Խաղաղութիւնն ունեցուն : Այ եղևբարգեոյնս :

Յիշեան տէր զհոգի քահանայիս այսօրիկ առա-  
 ջի սուրբ փառաց քոց : և եթէ մարդկօրէն ինչ  
 յանցեալ իցէ սորա : բանիւ կամ մտածու-  
 թեամբ : շնորհեան յանցանաց սորա զթողու-  
 թիւն : որ ոչ յումեքէ արգելուս զգթութիւն  
 քո : Ընկնլ զհոգի սորա ընդ սուրբս քո : և  
 զմեզ արժանի արա փառաւորել զհայր և զորդի  
 և զսուրբ հոգիդ :

Թողովեալքս՝ : Երէ : Հոգւոց՝ : Ե- կնդն շեղեղ-  
 յան և ունն : Հայր մեր որ յերկինս ես՝ :

## ՎԵՑԵՐՈՐԴ ԵՒՈՒՐՆ

Կանոն վեցերորդ աստուան: Երկուն 'ի գերեզմանն, և ասեն զամբիծան, և զշարական հանգստեան, և զխոտ 'ի բարձրանն, և հող ըսան 'ի վերայ գերեզմանին: ( ուղղես և յանցեալ աստուան: ) Եւ այս կանոն կարարի:

Սաղմոս կցորդ. Ճժ դ:

**Ս**իրեցի զի լուսցէ տէր զձայն աղօթից իմոց •  
զի խոնարհեցոյց զունկն իւր առ իս, և ես յա-  
ւուրս իմ կարգացի առ նա:

**Շ**րջեցան զինև երկունք մահու, և վիշտք դը-  
ժոխոց գտին զիս:

Ընկերցումք յեսոյեայ հարգարէէ • իե. 9:

**Ե**ւ ատացեն յաւուր յայնմիկ, ահաւասիկ  
տէր աստուած մեր, յոր յուսացեալ էայք •  
և ապրեցուցէ զմեզ, զի սնէ տէր, և սպասէայք  
ումս, և ցնծացուք, և ուրախ եղևուք 'ի փրկ-  
կութեան մերում: Եւ տացէ մեզ զհասնգիստ  
աստուած 'ի լէրին սրբութեան իւրոյ, և մտցէ



ի նա ժողովուրդ : որ պահէ զարդարութիւնս  
և առնէ զճարտարութիւնս : վերականգու լիցի  
նոցա : և պահէ ՚ի խաղաղութեան : Եւ արդ  
միևիծարեցից զձեզ՝ ասէ տէր : յամենայն տրտա  
մութեանց ձերոց :

Յովն Բագաստի Էպիսկոպոս լիբանոնացի և Էջմեցոց-  
ուստի Եր. 7 :

Սրկայնամիտ լերուք եղբարք իմ մինչև ՚ի  
գալուստն տեառն : ասա մշակ երկայնամտեալ  
սպասէ պատուական պտղոյն երկրի : մինչև առցէ  
ղկանուխ և զանագանն : Երկայնամտեցէք և գութ :  
Հատաստեցէք զսիրտս ձեր՝ զի գալուստ տեառն  
մերձեալ է : Սի տրտմեցուցանէք զմիմեանս եղբ  
բարք՝ զի մի՛ գատիցիք : ասալաւսիկ գատաւորն  
առ դուրս կայ : Օրինակ առէք եղբարք չար-  
չարանաց և երկայնամտութե զմարգարէան՝ որք  
խօսեցան յանուն տեառն : Ասալաւսիկ երանեմք  
Համբերողաց : զՀամբերութիւնն յովբայ լուա-  
րութ՝ և զկատարումն տեառն տեովք : զի բազ-  
մադութ է տէր և ողորմած :

Ալեքսեոս Սոքոս Իթ : Բարձր առնեմ զքեզ տէր՝  
զի ընկարար զիս և իչ ուրախ արարեր զթշնա-  
միս իմ յիս :

Ալէլուիա : Օրթի : խաղաղութի ամենեցուն :

Եւ Կարգուի որ ըր Տարեկանի. Խ. 30.

Տէրն մեր յիտուս քրիստոս ասէ.



և տեսցեն զորդի մարդոյ եկեալ 'ի վերայ  
ամպոց երկնից՝ զօրու թեամբ և փառօք  
բաղմօք: Եւ առաքեսցէ զՏրեշտակս իւր փառով  
մեծաւ: և ժողովեսցեն զընտրեալս նորա 'ի  
չորից հողմոց, 'ի ծագաց երկնից մինչև 'ի ծագս  
նոցա: 'ի թղենւոյ անտի ուսարուք զառակն: և  
զի յորժամ նորա ոստքն կակղատցին և տերևն  
ցցուիցի, զիտէք թէ մերձ է ամառն: Նոյնպէս  
և դուք յորժամ տեսանիցէք զայս ամենայն,  
զիտասցիք թէ մերձ է 'ի դուրս: Ամէն ասեմ  
ձեզ՝ եթէ ոչ անցցէ ազգս այս՝ մինչև այս ամե-  
նայն եղիցի: Երկինք և երկիր անցցեն, և բանք  
իմ մի՛ անցցեն:

Եւ որչափն որոշէ:

Ասան գտանելոյ մեզ զշնորհս և զողորմու թիւն  
'ի բարերար տեառնէ մերմէ, զտէր աղա:

Վասն փրկելոյ զմեզ 'ի զլպարտութէ մարդկան  
և յորսգայթից սատանայի, զտէր աղա չեցուք:

Վասն ամենայն անձանց քրիստոնէից և տանց  
հաւատացելոց, զտէր աղա չեցուք:

Վասն որք 'ի լերինս՝ յայրս և 'ի փապարս բնա-  
կեալ են սուրբ հարքն մեր, զտէր աղա չեցուք:

Վասն որք սաղմոսիւք և օրհնութեամբ կատարեն զամենայն ժամանակս կենաց իւրեանց՝  
զտէր աղաչեսցուք՝

Վասն հոգւոցն : Եւ ևս միաբան : Չանձինս :  
Ողորմեաց :

Եւ Կոհոնայն տէ զաղօթն :

**Փ**առաւորեմք զքեզ փառաց թագաւոր՝  
յոյս և ակնկալուի ամենայն արարածոց՝  
'ի քեզ յուսով յուսացաք : Որ փոխանակ ապահանացու կենցաղոյս : զանապական և զանվախ՝  
ճան կեանսդ շնորհեցեր : և փոխանակ սնտի  
և տխրական կենացս : պարգևեցեր մեզ զվերինն  
Երուսաղէմ : Վասն որոյ աղաչեմք զքեզ տէր՝  
թող զմեզս և քաւեան զանօրէնութիւն սորա :  
և արժանաւորեան զսա հանգչիլ յանտրտում  
ուրախութիւնսդ : 'ի քրիստոս յիսուս 'ի տէր  
մեր : որում վայելէ փառք իշխանութիւն և  
պատիւ : այժմ և միշտ և յաւիտեանս յաւիտենից՝  
ամէն :

Խաղաղութիւն տէնեցուն : Այ երէկեղոփեցուտ :

Աղաչեմք զքեզ ողորմած աստուած : զթան 'ի  
հոգի ննջեցելոյս ոյս տուն քահանայիս : որ 'ի  
ձեռն կոչման քոյ փոխեցաւ յանցաւոր աշխատութենէս՝  
հաւատացեալ 'ի ճշմարիտդ աստ-

ուած՝ և ջնջեան զձեռագիր անօրէնութեան  
 սորա՝ զոր յանցեալ իցէ առաջի քոյ, և գրեան  
 զանուն սորա՝ ի դպրութիւն կենաց, զի դու եք  
 կեանք և յարութիւն մեռելոց: Եւ զհաւատա-  
 ցեալ ժողովուրդս ընդ հովանեաւ բաղկի քոյ  
 պահեան քրիստոս աստուած մեր: Եւ քեզ  
 հանցութք զօրհնութիւն և զփառս ընդ հօր և  
 ընդ սուրբ հօգեոյդ, այժմ և միշտ և յաւի-  
 տեանս յաւիտենից, ամէն:

Աստուած անեղձ, երկ, Հոգւոց՝ Եւ Կեն զբերե-  
 ինն, և ունն, Հայր մեր որ յերկինս ես:





## Ե Օ Թ Ն Ե Ր Ո Ր Դ Ե Ի Ո Ի Ր Ն

Կանան էօններորդ առարն : Երբան 'ի վերջըմանն . և ասէն զամբիժան . և զշարժան հանգստեան : և զխորտ 'ի բարձրանն . և հող ընան 'ի վերայ փերեղմանն : ( որդէս և յանցեալ առարն : ) Ես ոյս կանն կարգի :

Սուրճո . Հոգի քո սբ և բարի առաջնորդեսցէ  
ինձ 'ի յերկիր ուղիդ :

Տոյց ինձ Քանապարհ յոր և գնացից : զի առ  
քեզ տէր համբարձի զանձն իմ :

Ընկերցոսոժ յեռայեոյ Տորգրէէ : Կ . 21 :

**Ե** և կատարեսցին աւուրք սգոյ քոյ . և ժողովուրդ քո ամենեկին արդար . և յաւիտեանս ժառանգեսցեն զերկիր . պահել զնորատունկս գործոց ձեռաց իւրեանց 'ի փառս : Սակաւաւորն հաղարաւոր եղիցի : և կրտսերն յազգ մեծ : զի ես տէր ընդ ժամանակս ժամանակս ժողովեցից զնոսս : Հոգի տեառն 'ի վերայ իմ . վասն որոյ և էօժ իսկ զիս . աւետարանել աղքատաց առաքեսց զիս . բժշկել զբեկեալս օրաիւք՝ քարոզել գերեաց զթողութիւն՝ և

կուրաց տեամներէ, կոչել ամ տեառն ընդու-  
նելի, և օր հատուցման աստուծոյ մերոյ, միւ-  
թարեւ զամենայն սգաւորս, Տալ սգաւորաց  
սիրովի փոխանակ մոխրոյն օժումն ուրախութե-  
և սգաւորացն հանգերձ փառաց՝ փոխանակ ոգ-  
ւոյն վհատութեան, և կոչեացին նոքա ազգք  
արգարութեան՝ տունկ տեառն՝ ի փառս:

Պետրոսի առագելոյն ՚ի կաթողիկէոյն երկրորդ խորհրդի է  
ընկերցաւ ժո. Թ. 3:

Որպէս ամենայն ինչ մեզ իւրոյ աստուածեղէն  
զօրութեանն առ ՚ի կեանս և յաստուածպաշ-  
տութիւն շնորհեալ, ՚ի ձեռն գիտութեանն  
այնորիկ՝ որ կոչեացն զմեզ յիւր փառսն և վայ-  
ելչութիւն, Որով մեծամեծքն և պատուականք  
աւետիք պարգևեալք են մեզ, զի նոքիմք  
աստուածեղէն բնութեան լինիցիմք հաղորդա-  
կիցք, փախուցեալք ՚ի ցանկութեց աշխարհիս  
և յապահանութեանց, Եւ սին այսմիկ զամենայն  
փոյթ ՚ի մեջ առեալ՝ ձերովք հաւատովքն  
մատակարարեալիք զառաքինութիւն, առաքի-  
նութեամբն զգիտութիւն, Եւ գիտութեամբն  
զժուժկալութիւն, և ժուժկալութեամբն ըզ-  
համբերութիւն, և համբերութեամբն զաստ-  
ուածպաշտութիւն, Եւ աստուածպաշտութիւն  
զեղբայրսիրութիւն, և եղբայրսիրութեամբն

զսէր : Ջայտասիկ ձեր յանձին կալեալ և 'ի սոյն  
յաճախեալ՝ ոչ դատարկս և անպտուղս զձեզ  
հաստատիցեն 'ի տեառն մերոյ յիսուսի քրիստոսի  
դիտու թիւնն :

ԱԷԼ՝Է՝ : Տէր լուր աղօթից իմոց . ունին դիւր  
խնդրուածաց իմոց ճշմարտութեամբ քով :

ԱԷԼ՝Լ՝ : Օր թի : Խաղաղութի ամենեցուն :

Անգլիականոց ըստ յովնաննա . Կ. 35 :

Մկրտիչ տեառն մերոյ յիսուսի քրիստոսի :



վաղիւ անդր կայր յովհաննէս և յաշակերտ  
տաց անտի նորա երկու : Եւ նայեցեալ ընդ  
յիսուսի զի զգնայր , ասէ : ահաւասիկ քս դառն  
աստուծոյ : Լուան 'ի նմանէ երկու աշակերտքն  
զի խօսէր : և գնացին զհետ յիսուսի : Իբրև  
դարձաւ յիսուս և ետես զնոսա զի երթային  
զհետ նորա , ասէ ցնոսա , զի՛նչ խնդրէք ,  
նոքա ասեն ցնա , ուրբբի : որ թարգմանեալ  
կոչի վարդապետ : ո՛ր են օթեվանք քո : Ասէ  
ցնոսա՝ եկոյք և տեսէք , եկին , և տեսին ուր  
էին օթեվանք նորա : և առ նմա ագան այն օր ,  
զի ժամ էր իբրև տասներորդ : Է՛ր անդրէաս  
եղբայր սիմօնի վիմի : մի յերկուց անտի : որք  
լուանն 'ի յովհաննէ՛ և գնացին զկնի նորա :

Եւ սուրբապետի տիրութիւն :

Ասան գտանելոյ մեզ զճարհոս և զողորմու թիւն  
'ի բարերար տեսունէ մերմէ : զտէր աղա :

Ասան փրկելոյ զմեզ 'ի զրպարտութիւն մարդկան  
և յորագայ թից տատանայի : զտէր աղա չեցուք :

Ասան ամենայն անձանց քրիստոնէից և տանց  
հաւատացելոց : զտէր աղա չեցուք :

Ասան որք 'ի լերինս՝ յայրս և 'ի փառարս բնա-  
կեալ են սուրբ հարքն մեր : զտի՛ր աղա չեցուք :


Ասան որք սաղմոսիւք և օրհնութեամբ կատա-  
րեն զամենայն ժամանակս կենաց իւրեանց :

զտէր աղա չեցուք :

Ասան հոգւոցն : Եւ ևս միաբան : Ձանձինս :

Ողորմեաց :

Եւ սուրբապետի տէր զազելս :

րար չազործ աստուած՝ որ մարդասիրու-  
թեամբդ քո խնարհեցար յերկնից .  
զկերպարանս ծառայի առեր . եղեր մարդ ան-  
ճառ միաւորութեամբ վասն մերոյ փրկութե .  
չարչարեցար՝ բեւեռեցար 'ի խաչին . զմահ ճա-  
շակեցեր . եդար 'ի գերեզմանի . և յարուցեալ  
երեքօրեայ՝ ազատեցեր զազգս մարդկան 'ի մահ-  
ուանէ : Ծառայս քո՝ զոր ընտրեցեր 'ի քա-  
հանայութիւն : խրատեալ 'ի հրահանգս աստ-  
ուածս . սշտութեան զփրկեալ քո ժողովուրդս :



որ էառ զկարգ հրեշտակաց • և ծառայեաց  
 եկեղեցւոյ քու՛մ որբոյ՛ հանապաղ զխառաբա-  
 նու թիւն մատուցանելով ամենատուրք երբոր-  
 դու թէր • արդ ըստ անտուտ բանի քոյ դարձաւ  
 ՚ի հող ուտտի առաւ : Եւ արդ տէր բարերար՝  
 ընկնլ զաղաչանս մեր ամենեցուն ՚ի հաճոյս  
 քո • և խառնեան զհոգի սորա ՚ի դունդոս ամե-  
 նայն մարտիրոսաց : Սի ամաչեացէ սա ՚ի հրա-  
 պարակախօս ատենի քոյ • զի դու միայն ետ  
 առանց մեղաց՝ և քաւիչ մեղուցելաց : Եւ քեզ  
 վայելէ փառք իշխանութիւն և պատիւ : այժմ  
 և միշտ և յաւիտեանս յաւիտենից • ամէն •

Խաղաղութիւն ունեցուան : Այ երկերդ գեոցոս :

Բարերար ատուած՝ և ամենայն բարեաց ա-  
 ռաջնորդ : որ յօրինեցեր մեզ ճանապարհ կենաց  
 և արդարութեան • զի դու իսկ գնացեր մարմնով  
 ընդ անձուկ ճանապարհս : և նովաւ ջանացան  
 օրրելիք քո նեղութեամբ մարմնոյ մտանել ՚ի  
 հանգիստ քո սուրբ : Որպէս ծառայս քո այս՝  
 որ ընտրեաց բարի յօժարութեամբ հրաժարիլ  
 յաշխարհէ • և ոչ պարապեցաւ ՚ի յաւելորդ  
 դբաղմունս • այլ խոնարհեցաւ ընդ լծով ծա-  
 ռայութեան պատուիրանի քոյ • և տանջեցաւ  
 ՚ի ճգնութիւնս համբերութեան պահոց և  
 ծարաւոյ • տքնութեան և աղօթից • և այժմ

'ի հրամանէ ակնարկու թէ քոյ աւարտեցաւ 'ի  
 մարմնի: Եւ մեք ժողովեալքս 'ի յուզարկումն  
 եղբօրս մերոյ, լալով և արտասուօք՝ հողով ըզ-  
 հողս ծածկեմք, և աղօթիւք զհօգի սորա  
 յուզարկեմք 'ի ձեռն քահանայական շնորհիս:  
 Որով պաղատիմք առ քեզ տէր աստուած մեր՝  
 հայեաց 'ի բարձրութենէ քումմէ 'ի խնարհ  
 քո ժողովուրդս, և ընկնլ զաղաչանս մեր՝ զոր  
 մատուցանեմք վասն վախճանի եղբօրս մերոյ:  
 Մի լիցի ի շխանութիւն սատանայի և գիւսց  
 նորա 'ի վերայ սորա, և մի՛ տրտմեցուցէ զհօգի  
 սորա հօգի չարութեան, այլ հօգի քո բարի  
 առաջնորդեցէ սմա յերկիր ուղիղ, և յուսով  
 հանգիցէ 'ի դասս սրբոց քոց և յերևելի փառս  
 քո՝ քրիստոս աստուած փրկիչ մեր: Տնւր սմա  
 համարձակութեամբ կալ առաջի աստուածու-  
 թեանդ քոյ, անտէս արա զյոնցանս սորա բա-  
 րեգութ տէր, զկամայ և զակամայ: Մի մտաներ  
 'ի դատատան ընդ ծառայիս քոյ, զի ոչ ար-  
 դարանայ առաջի քո ամենայն մտեղի, այլ ըստ  
 մեծի ողորմութեանդ քոյ մարգասիրեան՝ և ըն-  
 կնլ 'ի յարկս սրբոց հարցն, բարեխօսուե՞ք  
 սրբուհւոյ աստուածածնին, և սրբոց քոց ա-  
 ռաքելոց և մարգարէից և սրբոց մարտիրոսացն:  
 Զի դու ես տէր աստուած բազումողորմ և  
 մարգասէր, դատաւոր և փրկիչ և կարող յամե-  
 նայնի, և քեզ վայելէ փառք ի շխանութի և պա՛

Ե՛կէ վերձոնեան Հոյր-դէր կամ Առաջնորդ Էջէ, զոյս  
 «չօթ» եւ ընկերքեր:

Սոյր երկնաւոր փրկիչ և ողորմած, որ 'ի  
 նմանութիւն քոյոյ պատկերիդ ստեղծեր  
 զմարդն 'ի հօլոյ, և կացուցեր զնա տէր 'ի վր  
 ամենայն ստեղծուածոց քոց, որ 'ի մարդկանէ  
 ընտրեցեր մարգարէս և առաքեալս, հովիւս և  
 վարդապետս, որ և զծառայս «յ» «ն» շնորհե-  
 ցեր մեզ առաջնորդ և հովիւ հոգեւոր, և այժմ  
 փոխեցեր 'ի մէնջ: Շնորհեա՛ սմա լինիլ ընդ  
 սուրբս քո հանապաղ, և զժողովուրդս քո յանձն  
 արա ուղղափառ հովուի՛ զի հովուեսցէ յեր-  
 կիւղդ քո սուրբ: Եւ զստեղի բնակութե սորա  
 պահեա՛ն անդրդուելի յերևելի և յաներևոյթ  
 թշնամւոյն՝ մինչև յօր կրկնակի գալտեան քոյ:  
 Եւ զժողովուրդս քո օրհնեա՛ն և մխիթարեա՛ն,  
 զի դո՛ւ ես ճշմարիտ մխիթարուի՛ յուսացելոցս  
 'ի քեզ: Եւ քեզ լ՛ օրդւոյ և ընդ սրբոյ հոգ-  
 ւոյդ՝ վայելէ՛ փառք՝ իշխանուի՛ և պատիւ, այժմ  
 և միշտ և յաւիտեանս յաւիտենից, ամէն:

Խաղաղութեան ոմենեցուն: Այ երկերդ «գե» «ցո»:

Փառաւորեմք զանձառ բարերարութիւնդ քո  
 սուրբ՝ որդի ապուծոյ, որ լուսաւորեցեր զհա-  
 ւատացեալս անուանդ քում սրբոյ, և փրկեցեր  
 'ի խաւարային իշխանութենէ և 'ի գայթակ-

ղու թե՛նէ սատանայի: Գոհանամք զքէն տէր,  
 և աղաչեմք ամենայն սրտիւք մերալք: Հանգս՛  
 զծառայս քո յո՛ր յոր կատարեաց զկեանս  
 իւր խոստովանու թեամք քո: և գրեան զանուն  
 սորա՛ ի գպրու թե կենաց: և շնջեան զձեռագիր  
 յանցանաց սորա: Եւ զոր ինչ՛ ի մեղանչական  
 կենցաղումս մեղուցեալ իցէ սորա: Բանիւ կամ  
 գործով կամ մտածու թեամք: ներեան և թո՛ղ  
 սմա քոյով բարերարու թեամքդ: Աղաչեմք  
 զքեզ մարգասէր տէր՝ կարգեան զհոգի սորա  
 ընդ արդարս քո: և լուսաւորեալ պայծառաց՛  
 ընդ բարեգործօղն և ընդ Քշմարիտ պատուի-  
 րանապահան քո: Եւ որպէս արժանի արարեք  
 զսա ուխտի կրօնից՝ և վարուց ժուժկալու թե՛  
 և ժառանգու թեան աստիճանի սուրբ առաջ-  
 նորդացն: արան արժանի և նոցին սք պսակացն:  
 և կատարեան ՚ի բարի զինդ լուսածս ծառայից  
 քոց: և հանգս՛ զհոգի սորա ընդ սուրբս քո: զի  
 ընդ նոսին փառաւորեցէ զքեզ ընդ հօր և ընդ  
 սուրբ հագւոյդ: այժմ և՛:

Որպէս գործեալ՝: Երգ. (Ե- Էէ կ-Պ- գննչ ուս: )  
 Հօգւոց՝: Ե- կնէն զգեբեղմն. և ուէն. Հայր մեր  
 որ յերկինս ես:



## ՀՆԳԵՏԱՍԵՆ ԱՒՈՒՐՆ


Կանոն հնգեդասուն «առարն»։ Երբեմն 'ի գերեզմանն, և սուրբն  
չամբիծոն, և զշարական հանգստեան 'ի Յոյնէն։ Եւ այս  
կանոն կողորի։

Սողոմոն ճառ։

Տէր լուր սղօթից խնաց. և աղաղակ իմ առ  
քեզ եկեացէ, մի՛ դարձուցաներ զերեսս քո  
յինէն,

Յաւուր նեղութեան խնայ խոնարհեցո՛ առ իս  
ղունկն քո. յորում աւուր կարդամ առ քեզ՝  
վաղվաղակի լուր ինձ։

Ընկերացուած յեայտայ մարգարէէ. ծէ. 16։

 Սոպէս ասէ տէր. հոգի յինէն ելցէ, և  
զամենայն շունչ ես արարի. Վասն մեղաց  
առ տոկաւ մի արտմեցուցի զնա. հարի զնա՝ և  
դարձուցի զերեսս իմ 'ի նմանէ, և արտմեցաւ՝  
և գնաց թախծեալ առաջի իմ զճանապարհս  
իւր. Ջճանապարհս սրտի նորա տեսի, և բժշ-  
կեցի զնա, և մի թարեցի զնա, և ետու նմա

միտի թարու թիւն ճշմարտութեան՝ և սգաւորաց նորա : Հաստատեցի զպառզ խաղաղութեան՝ ՚ի վերայ խաղաղութեան՝ հեռաւորաց և մեր- ձաւորաց : ասէ տէր : և ես բժշկեցից զնոսա :

Պօղոսի առաւելոյն ՚ի Էփեսոսաց երկրորդ եղևոյն է ընկերցոածն . ա . 3 :

Օրհնեալ է աստուած և հայր տեառն մերոյ յիսուսի քրիստոսի : հայր գթութեանց՝ և աստուած ամենայն միտի թարու թեան : Ար միտի- թարէ զմեզ յամենայն ներդու թիւնս մեր : առ ՚ի կարող լինելոյ մեզ միտի թարել զայնտսիկ՝ որ յամենայն ներդու թիւնս իցեն : միտի թարութեան՝ սրով մեք միտի թարիմք յաստուծոյ : Ջի որպէս առաւելան չոր չարանքն քրիստոսի ՚ի մեզ : նոյն- պէս և ՚ի ձեռն քրիստոսի առաւել լիցի և միտի թարութիւնն մեր : Քանզի ոչ կամիմ զձեզ տգէտս լինիլ եղբարք՝ վասն ներդու թեան մերոյ եղելոյ յասիա : զի առաւել քան զկար մեր ծանրացաք : մինչև անյոյս լինելոյ մեզ և ՚ի կե- նաց : Այլ անձամբ յանձինս զվճիռ մահու ըն- կալաք : զի մի յանձինս ապաստան իցիմք : այլ յսձ՝ որ յարուցանէ զմեռեալս : որ յայնպիսի մահուանէ փրկեաց զմեզ՝ և փրկեացէ : Քանզի յուսացեալ եմ : եթէ տակաւին փրկեացէ օգնա- կանութեամբ ալօթից ձերոց վասն մեր :

Աւելուեալ: 'ի խորոց կարգացի առ քեզ տէր տէր  
լուր ձայնի խմում:

Աւելուեալ: Օրթի: Խաղաղութի ամենեցուն:

Ա-տարբան որ ըստ յովհաննու. Ի 26:

Յետ յարուե տեառն մերոյ յիսուսի քրիստոսի:

**Ե**ւ յետ ութ աւուր դարձեալ էին 'ի ներք  
քրս աշակերտքն: և թովմաս ընդ նոսա:  
Քայ յիսուս դրօքն վակեւոլք. եկաց 'ի մէջնց  
և ասէ՛ որչոյն ընդ ձեզ: Ապա ասէ ցթովմաս,  
բեր զմատունս քո և անի այսր: և տէս զձեռս  
իմ. և բեր զձեռն քո և մխեան 'ի կողս իմ. և  
մի լինիր անհաւատ: այլ հաւատացեալ: Պա-  
տասխանի ետ թովմաս և ասէ ցնա. տէր իմ և  
ատուած իմ: Ասէ ցնա յիսուս. այդ զի տե-  
սերդ զիս՝ և հաւատացեր: եւ անի՛ որոց ոչ իցէ  
տեսեալ և հաւատացեն:

Եւ որչա՛նքն քորոչէ:

**Պ**անն ուղղելոյ զգնացս մեր 'ի խանապարհս  
խաղաղութեան: զտէր սղաչեսցուք:

**Պ**անն ցրելոյ 'ի մէնջ զամենայն խորհուրդս  
չարին: զտէր սղաչեսցուք:

Քանն պարգևելոյ մեզ առողջ խորհուրդս և  
առաքինի վարս : զտէր աղաչեցուք :

Քանն պահելոյ զմեզ ընդ հախանեալ ամենազօր  
աշոյն իւրոյ : զտէր աղաչեցուք :

Քանն խորտակելոյ զհակառակօրդն վաղվաղակի  
ընդ ոտիւք մերովք : զտէր աղաչեցուք :

Վանն հոգւոցն՝ Եւ ևս միաբան՝ Չանձինս՝  
Ողորմանց՝ :

Է- Կոնոնոն ոսէ շողօն :



այս արարածոց և փրկիչ աշխարհի աստ-  
ուած իմ յիսուս : որ մարգատիրու թքգ-  
քս վանն մեր մեռելոցս մեղօք՝ զմահ յանձն  
առեր : և կենարար յարու թեամքք քս վերա-  
ծեր զբնու թիւնս մեր զստուերանստեալս ՚ի  
խաւարի : զգժսխս աւերեցեր : զստանայ կա-  
պեցեր : և զամենեւեան յարուցեալ լուսաւորե-  
ցեր : և կեանս անսպականս խոտոցար սիրելեաց  
քոց ՚ի միւսանգամ գալստեան քոյ : Դնւ տէր  
և այժմ օրհնեան զտեղի բնակու թեան սորա :  
և զոսկերս սորա պահեցես անսպական և ան-  
ժնաս ամենազօր աշով քով սրբով : և հոգւոց  
սորա առաջնորդեցես յերկիր ուղիղ : Չի ընդ  
սուրբս քս փառաւորեցէ զքեզ քրիստոս : ընդ  
հօր և սուրբ հոգւոյդ : այժմ և միշտ և յաւի-  
տեանս յաւիտենից : ամէն :



Խաղաղութիւն թէնցումն, Այ երկեղագիտացութիւն:

Որ զանպատում և զանհաս և զանբաւ պարզևս  
 շնորհես ամենեցուն՝ որք ճշմարտապէս ճանա-  
 չեն զքեզ տէր, որ յայտնի ծագես զլոյս քո՝ ի  
 վերայ արդարոց և մեղաւորաց, որ կանգնես ըզ-  
 գլորեալս, և բժշկես զբեկեալս սրտիւք: Տուր  
 մեզ տէր և այժմ՝ աղաչեմք զքեզ, հոգի զգաս-  
 տու թեան, հոգի մի թարու թեան, և մի թարեալ  
 սիրտեան զվշտագնեալս սրտիւք: Զ ի  
 միւսանգամ հաստատուն յուսով քո առողջա-  
 ցեալք՝ կացցուք առաջի քո զուարթ և պայծառ  
 ՚ի միւսանգամ գալտեան քոյ, զի ընդ սուրբս  
 քո փառաւորեսցուք զքեզ ընդ հօր և ընդ  
 սուրբ հոգւոյդ այժմ և միշտ և յաւիտեանս  
 յաւիտենից, ամէն:

Աստուած անեղձ, երբ հոգւոց՝ եւ կենն զիբեղ-  
 մանն, եւ թէն, Հայր մեր որ յերկինս ես՝:



# ՔԱՌԱՍՈՒՆ ԵՒՈՒՐՆ



Կանն Քառասուն առաքն: Երբեմն ՚ի գերեզմանն, եւ առն  
չմեծան, եւ շարական հանգրտեան ՚ի խոյնէն Ե- այս  
կանն հոտորի:

Ս-դհո. ձգ:

Երանելիք են՝ որք բնակեալ են՝ ի տանտեառն •  
յաւ խտանս յաւ խտենից օրհնեսցեն զնա •  
Որպէս սիրելիք են յարկք քս տէր զօրու թեց •  
ցանկոյ և փախագի անծն իմ՝ ի գաւիթս քս •

Ընթերցուած յեռայեայ մորգորէէ: ձգ. 1:



յապէս առէ տի • զգոյշ կացէք իրաւանց՝  
և գործեցէք զարդարութի • զի եկեալ  
հասեալ է փրկութի իմ • և յայտնե լոց է ողոր-  
մութիւն իմ • Երանի առն՝ որ առնիցէ զայն • և  
մարդոյ՝ որ կացցէ ՚ի նմին • և պահիցէ զշա-  
քաթս իմ • և ոչ պղծիցէ • և պահիցէ զձեռս  
իւր յառնելոյ զանիրաւութիւն •

Պօղոսի առաքելոյն 'ի Եփեսոսիցն ինչոպէս առաջին Եղևոյ' ք  
 Ընկերացուծս : Դ . 12 :

Աչ կամիմ եղբարք՝ եթէ տգէտք իցէք վասն  
 ննչեցելոցն . զի մի տրտմեսցիք սրպէս և այլքն՝  
 որոց ոչ գոյ յոյս : Եթէ հաւատամք եթէ յի-  
 սուս մեռաւ և յարեաւ : նոյնպէս և աստուած  
 զննչեցեալն 'ի ձեռն յիսուսի անցէ ընդ նմա ,  
 Բայց զայս ասեմք տեառն բանիւ : Եթէ մեք՝  
 որք կենդանիքս մնացեալ եմք՝ 'ի գալստեան  
 տեառն ոչ ժամանեմք ննչեցելոցն : Զի ինքնին  
 տէր հրամանաւ և 'ի ձայն հրեշտակապետի՝ և  
 'ի փող աստուծոյ՝ իջանէ յերկնից . և մեռեալք  
 'ի քրիստոս յարկեցն յառաջագոյն : Աստ և մեք  
 որք կենդանւոյն մնացեալ իցեմք՝ նոքօք հան-  
 դերձ յափշտակիցուք ամպովք թ առաջ տեառն  
 յօղօ . և այնպէս յամենայն ժամ ընդ տեառն  
 լինիցիմք : Այսու հետեւ մի ի թարեցէք զմիմեանս  
 բանիւքս այսոքիւք :

ԱԷԼ՝Ի՝ Մերձեցին խնդրուածք իմ առաջի  
 ք՝ տէր . ըսդ բանի քում իմաստուն արա զիս :

ԱԷԼԼԻՊ՝ Օրթի . Խաղաղութի ամենեցուն :

Աւետարանս որ ըստ Տորչւոյն է. Գ. 26:

Տէրն մեր յիսուս քրիստոս:



Եւ ասէր՝ այսպէս է արքայու թի աստուծոյ՝ որպէս զի այր մի արկանիցէ զսերմանիս յերկիր: Եւ ննջիցէ, և յառնիցէ զցայգ և ըզցերեկ, և սերմանիքն բուսանիցին և աճիցին: Եւ նա ոչ գիտէ, թէ երկիրն ինքնին բերէ զպտուղն, նախ զխոտն՝ և ապա զհասկն՝ ապա զցորեան ատոգ՝ ի հասկին: Եւ յորժամ տայցէ զպտուղն, վարվարակի առաքի մանգաղ՝ զի հասեալ են հունձք: Եւ ասէր. ո՛րև մ'նմանեցուցուք զարքայու թիւնն աստուծոյ, կամ որով առական առակեցուք զնա: Որպէս հատն մանխոյ՝ որ յորժամ սերմանիցի յերկրի, փոքրագոյն է քան զամենայն սերմանիս՝ որք են յերկրի, Եւ յորժամ սերմանիցի, բուսանի, և լինի մի՞ թան զամենայն բանջար, և արձակեստոս մեծամեծս, մինչև բաւական լինիլ ընդ հովանեալ նորա թռչնոց երկնից բնակիլ: Եւ այնպիսի առակօք խօսէր ընդ նոսա զբանն, որպէս կարօղ լինէին լսել: Եւ առանց առակի ոչինչ խօսէր ընդ նոսա: Բայց առանձին աշակերտացն իւրոց մեկնէր զամենայն:

Եւ ոչիւստի որպէս:

Ղասն ՚ի գիշերի և ՚ի տունընտան և յամ ժամու



խօսիլ մեզ դբան տեառն, զտէր աղաչեսցուք,  
 Վասն ջանկանելոյ մեզ 'ի փորձութիւն՝ որում  
 ոչ կարեմք հանդուրժել, զտէր աղաչեսցուք,  
 Վասն անբիծ և անդատապարտ կալ մեզ սուա-  
 շի ահեղ ատենին քրիստոսի, զտէր աղաչեսցուք,  
 Վասն առաջնորդելոյ մեզ 'ի նաւահանգիստն  
 կենաց անվարձանից, զտէր աղաչեսցուք,  
 Վասն արժանի լինելոյ մեզ վերին կոչմանն և  
 երկնից արքայութեանն, զտէր աղաչեսցուք:

Եւ Կոնստանտինոս Գ. շնորհակալ:

**Մ**եր արարիչք ես ամենայն արարածոց, և  
 ստեղծիչ ազգի մարդկան, որ կեանքդ  
 ես մահկանացուաց, և շտեմարան և սփոփիչ  
 հոգւոց մարդկան, որ սրբոց քոց տէրդ ես, և  
 յոյս և անկակալութիւն ամենայն արարածոց, որ  
 փրկելոց քոց առաջնորդեա արդարութիւն քով,  
 որ լուսաւորեցեր զազգս որդւոց մարդկան, և  
 փոխեցեր յիշխանութենէ խաւարի յարքայու-  
 թիւն քո, Դու տէր և այժմ ընկնլ զլնդըս-  
 ուածս մեր, և հանգն զհոգի սորա առ ամենայն  
 սրբոց և սիրելեաց անուան քոյ, Եւ զգերեզման  
 ծառայիս քոյ կնքեալ որահեցես, զի միշտ  
 պահեսցին նշխարք ոսկերաց սորա մինչև յօր  
 վերջնում կրկին գալտեան քոյ, Եւ հոգւոյ  
 սորա առաջնորդեա յերկիր ուղիւ բարեխօ-

սու թեամբ սրբոց քոց՝ զի քեզ վայելէ վառք  
 իշխանութի և պատիւ, այժմ և միշտ և յաւի-  
 տեանս յաւիտենից՝ ամէն՝

Խաղաղութիւն ասեցեալն: Այ երջերդ գեոյոսս:

Տէր աստուած՝ որ տէր ես հոգւոց և ստեղծիչ  
 մարմնոց, հանգս՝ զհոգի ծառայիս քոյ ընդ սքս  
 քո՝ զի դու ես հանգուցիչ քոյոց կամարարաց՝  
 և տխտիչ և մի թարիչ հոգւոց հանգուցելոց՝  
 Ընկուլ և այժմ զննդրուածս մեր, և կատարեան  
 ՚ի բարի զալով թս մեր, զի դու ես տէր դատաւոր  
 կենդանեաց և մեռելոց, և իշխան հոգւոց և  
 մարմնոց, եւ քեզ վայելէ վառք իշխանութի  
 և պատիւ, այժմ և միշտ և յաւիտեանս յաւի՛:

Ճանապարհ մուրե՛, երբ՝ Հոգւոց՝ ե- նստե  
 զբերեւն և ուն. Հայր մեր որ յերկինս ես:



## Տ Ա Ր Ե Լ Ի Ց

Այնն արեւելին: Ե:բան 'ի գեբելշանն, և ա:ին զմ.  
 Բեթան, և շար-իան հանգ-սեան 'ի քոյնն: Եւ այս  
 հանն հասարի:

Սողոմոն: ԻԹ:

Ընդ երեկոյս հանգիցեն լալիք, առաւօտուց  
 եղիցի ուրախութիւն:

Բարձր առնեմ զքեզ տէր զի ընկալար զիս, և  
 ոչ ուրախ արարեր զթ շնամիսն իմ յիս:

Ընկերոսած յեռնայ Տարգրէէ. ծր. 7:

**Բ**արև զի գեղեցիկք են 'ի վերայ լերանց ոտք  
 աւետարան չի համբաւոյն խաղաղութեան.  
 Իբրև աւետարան չի բարութեանց, զի լսելի  
 արարից զփրկութիւն քո, ասել ցոխովն թէ  
 թագաւորեսցէ քեզ աստուած, Ձի ձայն պա-  
 հասանաց քոց բարձրացաւ, և 'ի նոյն բարբառ  
 առհասարակ ցնծացեն, զի դէմ յանդիման

տեսցեն զժամանայն՝ յորում ողորմեսցի տէր  
 սիրովնի։ Լերինք գոչեսցեն աւերակօքն հանդերձ  
 եէ՛մի զփրկութիւն։ զի ողորմեցաւ նմա տէր։ և  
 փրկեաց զեէ՛մ։ Եւ յայտնի արասցէ տէր ըզ-  
 քազուկ իւր սուրբ առաջի ամենայն ազգաց։ և  
 տեսցեն ամենայն ծագք երկրի զփրկութիւն  
 աստուծոյ մերոյ։

Պօղոսի առաւելոյն յեբբայեցոց երկուսէր Եղևոյն և  
 ընկերացոս՝ զ. 9։

Բայց հաստատեալ եմ վասն ձեր սիրելիք՝ ի  
 լաւ անդր։ և որ լինէ փրկութիւն։ Ձէ թէ պէտ  
 և այսպէս խօսիմք։ ոչ եթէ անիրաւ ինչ է  
 աստուած՝ մուանալ զգործս ձեր և զսէր։ զոր  
 ցուցանէք յանուն նորա։ զի պաշտէիք զսուրբսն  
 և պաշտէք։ Եւ մեք ըղծամք՝ զի իւրաքանչիւրօք  
 ՚ի ձէնչ զնոյն փոյթ ցուցանիցէ՝ ի հաստատու-  
 թիւն յուսոյն՝ մինչև ցլախձան։ զի մի հիւան-  
 դամիտք լինիցիք։ Նմանօրք եղերուք այնոցիկ՝  
 որք հաւատովք և երկայնամտութեամբ ժառան-  
 գեցին զաւետիսն։

Ալէ՛ւ-ի։ Աստուած ողորմեան մեզ և օրհներան  
 զմեզ։ երևեցո՛ զերեսս քո՝ ի մեզ և ողորմեան  
 մեզ։

Ալէ՛լուիա։ Օրթի։ Խաղաղութի ամենեցուն։



Աւետարանս որ ըստ Տորթէոսի: Ժա. 25:

Տէրն մեր յիսուս քրիստոս:



այնմ ժամանակի պատարիանի ետ և  
ասէ. գոհանամ զքէն հոյր՝ տը երկնի  
և երկրի. զի ծածկեցեր զայս յիմաստ-  
նոց և ՚ի գիտնոց՝ և յայտնեցեր տղայոց. Այս  
հայր. զի այսդէս հաճոյ եղև առաջի քո. Ամե-  
նայն ինչ տուաւ ինձ ՚ի հօրէ իմմէ. և ոչ ոք  
ճանաչէ զորդի՝ եթէ ոչ հայր. և ոչ զհայր ոք  
ճանաչէ՝ եթէ ոչ որդի. և ում որդին կամիցի  
յայտնել. Եկոյք առ իս ամենայն վաստակեալք  
և բեռնաւորք՝ և ես հանգուցից զձեզ. Առէք  
զլուծ իմ ՚ի ձեզ. և ուսարուք յինէն՝ զի հեզ  
եմ. և խոնարհ սրտիւ. և գտչիք հանգիստ  
անձանց ձերոց. Զի լուծ իմ քաղցր է. և բեռն  
իմ փոքրոցի:

Ես սուրբաբանս ասեցի:

Այնն ՚ի վերուստ խաղաղութեան և փրկու-  
թեան անձանց մերոց, զտէր աղաչեցուք:  
Չայն լսելի լինելոյ տեսանն աստուծոյ՝ ձայնի  
աղաչանաց մերոց, զտէր աղաչեցուք:  
Չայն քաւիչ և ներող լինելոյ աստուծոյ ՚ի  
վերայ մեզաց մերոց, զտէր աղաչեցուք:

Վասն թողլոյ մեզ զամենայն յանցանս մեր : ըղ-  
կամայ և զակամայ : զտէր աղաչեսցուք :  
Վասն զի մի չէ խոտանան Կտանիցիմք յաւուրն  
սրատասխանատուութե : զտէր աղաչեսցուք :  
Վասն հոգւոցն՝ : Եւ ևս միաբան՝ : Ջանձինս՝ :  
Ողորմեանց՝ :

Եւ Գրեմիայն տե՛ղ զուրբն :



Մարիչ յաւիտենից և ստեղծիչ ազգի  
մարդկան . որ խոնարհեցար յանձառ  
փառաց՝ ի հողեղէն բնութիւնս մեր : ազատել  
զմեզ յանիծիցն ազամայ . և խոստացար անսուտ  
բանիւ քո՝ ի միւսանգամ գալտեանդ նորոգել  
զաղականեալս մեզօք : Եւ այժմ ողորմե՛ծ տէր՝  
զթա՛ն ի հոգի ննջեցելոյս : որ այժմ ՚ի ձեռն  
կոչման քոյ փոխեցաւ յանցաւոր կենցաղոյս : ՚ի  
քեզ հաւատացեալ ճշմարիտդ աստուած : Եւ  
ջնջեան՝ զձեռագիր անօրէնութեան սորա : զոր  
յանցեալ է առաջի քո . և գրեան՝ զանուն սորա  
՚ի դպրութեան կենաց : Ջի դու ես յարութիւն  
և կեանք ամենայն ննջեցելոց : և քեզ վայելէ  
փառք՝ ի շիսանութիւն և պատիւ : այժմ և միշտ  
և յաւիտեանս յաւիտենից : ամէն :

Խորհրդութիւն մեծեցուն : Այ երկերգո՛րդո՛ր :

Յիշեան տէր զհոգի ծառայիս քոյ ոյ՝ մե՛ն քա-

Հանայիս՝ զոր կարգեցեր սպասաւոր եկեղեցւոյ  
 քուժ սրբոյ և քարոզ ժողովրեան քուժ,  
 Համառօտել զբանն Ռշմարտութեան քոյ, և  
 այժմ ըստ հրամանի քոյոյ կոչմանդ մերձեցաւ  
 ՚ի հող ուստի ստեղծեր զսա, Ընկնլ և գա-  
 սաւորեան զհօգի տորա ընդ այլ Ռշմարիտ վե-  
 րակացուան՝ որք հաճոյ եղին քեզ, և ներեան  
 յանցանաց սորա՝ բարեխօսութեամբ ընտրելոց  
 քոց, Եւ զմեզ զամենեոին զհաւատացեալքս՝ ՚ի  
 քեզ օրհնեան, զի արժանի լիցուք փառաւորել  
 զհայր և զորդի և զսուրբ հօգիդ, այժմ և միշտ:

Ժողովեալքս՝ Երբ. Հոգւոց՝ Եւ Ինքն զԷրեւանն,  
 Եւ Երբ. Հայր մեր որ յերկինս ես:



## ՍՆԻՐԹԱԲԱՆՆՈՒԹԻՒՆ

Սուս էնչ վերջաբանութիւնն է որբագրողէ գրոյն Տ՛ն  
Սիգօն Սրբազան կաթողիկոսէ ռեհոյն Հոյոց առ Բո-  
րեհո վերծանողն :

Ըղձալի է բանասիրաց որոնել զուղիղն բանից,  
և զաւելին քան զհարկաւորն՝ մանուսանդ թէ  
զարտելեալն անդր քան զուղղուի՝ յապաւել  
'ի բաց, իսկ զպակասեալն չնուլ թ ուղիղ մտաց,  
որպէս զի՝ գտցէ ո՛ճ բանին զուղղութե կարգ,  
և 'ի լաւ անդր կայացի : Ըստ սոյն սարասի՝ և  
յամհնայն գործառնութիւնս ընտրելի է լաւն,  
թ որում և սուրբ առաքեալն Պողոս յորդորէ,  
նախանձաւորք լերուք շնորհացն՝ որք լաւքն են :  
Ա՛րդ՝ զսոյն փոյթ և մեր յանձին կալեալ՝ 'ի  
վաղուց հետէ ունէաք զդիտումն, սրբագրել  
զմեծ մաշտոցն մեր, յոր թէ ո՛րքան աղճատանք  
և մեծագոյն սխալանք էին ներմուծեալք յան-  
զգոյշ անձանց, թէ 'ի ձեռագիրսն՝ և թէ 'ի  
տպեալն, յայտնի է նրբանկատ քննողաց : Այն՝



գուժարեալ 'ի մի վայր զձեռագիր օրինակս յո՞  
գուհս : ջանիւ մի ծաւ հետազօտեցաք 'ի յուզիւ  
որ և ուզիցաք իսկ շնորհիւ տեառն : բառնալով  
զաւելորդսն՝ որք յետոյ էին ներմուծեցեալք :  
և լցուցանելով զթերին՝ զորս անխնամաբար  
հանեալ էին 'ի տեղեաց իւրեանց 'ի յոլով օրի-  
նակս : թէ գրողք և թէ տպիչք : Եւ ուրեք  
ուրեք՝ յորս իսանգարեալ էին բանին միտք : կամ  
անհամեստ երևիւր : զայնս փոխեցաք 'ի յուզիւ  
և 'ի համեղ ոճ՝ պահելով ամբողջ զմիտս հեղի-  
նակին : Իսկ թէ այժմ վառն է՛ր միայն զքահա-  
նայաթաղին կանոն ետուք տպել : քանզի այժ  
կանոն քան զայլն յոյժ աղճատեալ և խանգա-  
րեալ էր : որպէս յայտ է փորձիւ գիտողաց : իսկ  
միւս կանոնացն ևս թէպէտ գոյին աղճատանք :  
այլ ոչ այնքան՝ որքան քահանայաթաղին : մա-  
նաւանդ՝ զի այլքն ամենայն ուրեք գտանին :  
Իսկ այս կանոն հազուագիւտ էր եղեալ այժ-  
մոյս : Ասան որոյ՝ աճապարեցաք նախապէս զայն  
տպեցուցանել : և եթէ տէր կամիցի : զայլն  
ևս 'ի դիպող ժամու տպեցուցանելոց եմք : Արդ՝  
կարէ ամենայն ոք համեմատելով զայնս ընդ  
հնոցն՝ իմանալ թէ ո՞րքան գոն 'ի ամա ուղ-  
ղութիք և բարեձե կարողք : թէ 'ի յնթերց-  
ուածսն : թէ 'ի յաղօթսն : և թէ 'ի մակագը-  
րութիսն : Յարմէ 'ի բոց բարձաք զաւելորդ և  
զտարամոյժ անախորժ բանսն : և 'ի հնոց օրինա-

կաց զխորհրդաւոր և զզօրաւոր աղօթս առեալ  
 եղաք 'ի տեղիս նոցին ըստ հնոցն շաւղաց: Եւ  
 զընթերցուածսն ևս ուրեք ուրեք փոխեալ  
 զհնոցն եղաք: որք բարւոքագոյն երևեցան  
 մտօք: և զայլ ուղղութիւն բազումս ըստ սոցին  
 արարաք: Ջոր և ետուք ահա 'ի վայելս համայն  
 եկեղեցական սրբասէր պաշտօնէ իցդ լուսաւոր-  
 չակրօն և միաբնադաւան օրհնեալ ազգիս հայոց:  
 Ուրեմն անտարակոյս դիւրուք վայելելով ձեր  
 զսոյն՝ յիշեսլիք զմեզ 'ի մաքրափայլ աղօթս  
 ձեր, և դուք յիշեալ լիջիք 'ի քրիստոսէ տնէ  
 մերմէ: ամէն:

Վ Ե Ր Ջ

- 102
- 712
- 595
- 537
- 531
- 538
- 544
- 549
- 554
- 559

ԳԼԽԼԿԱՐԳՈՒԹԻՒՆ ՍՈՒՐԲ ՄԱՇՏՈՑ  
ԳՐՈՑՍ ՔԱՀԱՆԱՅԱԹԱՂԻ ԵՒ ԹԼՂ-  
ԹԱՀԱՄԱՐ:

Կանոն. Երթամ Հայրապետ՝ Եպիսկոպոս,  
կամ ուխտի Առաջնորդ կամ Քա-  
հանայ կատարի մահուամբ, այս-  
պէս յուղարկեցոցն՝ ի Քրիստոս: 1

Կանոն. Երկրորդ աւուր այգուց քահա- նայաթաղին:	204
Երրորդ աւուր այգուցն:	217
Չորրորդ աւուր այգուցն:	222
Հինգերորդ աւուր այգուցն:	227
Վեցերորդ աւուր այգուցն:	231
Եօթներորդ աւուր այգուցն:	236
Հնգետասներորդ աւուր այգուցն:	244
Քառասներորդ աւուր այգուցն:	249
Տարելից աւուր այգուցն:	254
Վերջաբանութիւն գրոցս:	259







